



# 古文觀止

下冊

吳楚材  
吳調侯  
選



# 古文觀止

下冊

中華書局



中華書局

古文滕王

下冊

吳 臨  
吳 封  
焚 林

選



# 古文觀止卷之七

## 陳情表

李密

臣密言、

李密、字令伯、犍爲武陽人。父早亡、母何氏更適人、密見養于祖母劉氏、以孝聞。侍疾、日夜未嘗解帶。蜀亡、晉武帝徵爲太子洗馬。詔書累下、郡縣逼迫、密上此疏。

臣以險釁、夙遭閔凶。

險釁、艱難禍罪也。夙、早也。閔、憂也。○二句總下。生孩六月、慈父見背。父行

年四歲、舅奪母志。

舅嫁其母、不得守節。祖母劉、愍臣孤弱、躬親撫養。臣少多疾

病、九歲不行。零丁孤苦、至於成立。

一段、所謂臣無祖母無以至今日。既無叔伯、終鮮上

兄弟。門衰祚薄、

門戶衰微、福祚淺薄。

晚有兒息。

兒息得之甚晚。

外無耆功強羌上近之親、內

無應門五尺之童。

耆、周年服也。功、大功小功也。強近、強爲親近也。童、僕也。

煢煢子立、形影相弔。

煢煢、孤獨貌。子、單

也。弔、問也。唯形與影、自相弔問也。

而劉夙嬰疾病、

嬰、加

常在牀蓐。

蓐、

臣侍湯藥、未嘗廢離。

一段、所謂祖母無臣無以終餘年。

逮奉聖朝、

晉

沐浴清化。

前太守臣逵、

察臣孝廉。

後刺史



臣榮、舉臣秀才。臣以供養去聲、無主、無人事供養之事。辭不赴命。一次陳情在前。詔書特下、

拜臣郎中。尋蒙國恩、除臣洗馬。尋、俄也。拜官曰除。洗馬、太子屬官。猥委、以微賤、當侍東

宮、非臣隕首所能上報。猥、頓也。東宮、太子宮也。隕、落也。大臣具以表聞、辭不就職。兩次陳情在前。

詔書切峻、責臣逋慢。郡縣逼迫、催臣上道。州司臨門、急於星火。切峻、急切而

嚴峻也。逋、通、緩也。慢、倨也。○連用察臣、舉臣、拜臣、除臣、責臣、催臣、文法錯落。臣欲奉詔奔馳、則以劉病日篤。欲苟

順私情、則告訴不許。州縣不從。臣之進退、實爲狼狽。狼、前二足長、後二足短。狽、前二足短、後二足長。

狼無狽不立、狽無狼不行。若相離、則進退不得。寫出進退兩難之狀、以示不得不再具表陳情之意。伏惟聖朝以孝治天下、凡在故老、

猶蒙矜育。矜、憐、養育。況臣孤苦、特爲尤甚。且臣少事僞朝、僞朝、謂蜀漢也。對晉而稱、不得不爾。

歷職郎署。官至尚書郎。本圖宦達、不矜名節。言我本謀爲官職、非隱逸以名節自矜也。○密以蜀臣而堅辭晉命、恐晉疑其以名節

自矜、故作此語。今臣亡國賤俘、俘、○軍所虜獲曰俘。至微至陋。過蒙拔擢、豈敢盤桓、有所

希冀。盤桓、不進貌。希冀、謂希望立名節也。○此段言己非不欲就職、振起下意。但以劉日薄西山、氣息奄奄、人



命危淺、朝不慮夕。

薄、迫也。日迫西山、喻劉老暮也。奄奄、將絕也。危易落、淺易拔。慮、謀也。言朝不謀至夕之生也。

臣無祖母、

無以至今日。祖母無臣、無以終餘年。母孫二人、更聲相為命、是以區

區不能廢遠。

更、迭也。言二人迭相依以為命。區區、猶勤勤也。廢遠、謂廢養而遠離祖母。○此段寫盡慈孝、使人讀之欲涕。

臣密今年四十有

四、祖母劉今年九十有六、是臣盡節於陛下之日長、報劉之日短也。烏

鳥私情、願乞終養。

烏鳥反哺其母、言我有此烏鳥之私情、乞畢祖母之養也。○數語尤婉曲動人。○又連用況臣、且臣、今臣、是臣、文法更圓轉。臣

之辛苦、非獨蜀之人士、及二州牧伯、所見明知。皇天后土、實所共鑒。

二州、謂梁州、益州。牧伯、謂榮、達。言非但人知我辛苦、天地亦知也。

願陛下矜愍愚誠、聽臣微志。庶劉僥倖、卒

保餘年。臣生當隕首、死當結草。

魏武子有嬖妾、無子、武子疾、命子穎曰、吾死、嫁之。及困、又曰、殺以殉。穎乃從初言嫁之。後

與秦將杜回戰、穎見老人結草、以亢杜回。回顛、為穎所獲。中夜夢結草老人曰、子妾父也、報君不殺之心。臣不勝升犬馬怖懼之情、謹拜

表以聞。

歷敘情事、俱從天真寫出、無一字虛言駕飾。晉武覽表、嘉其誠款、賜奴婢二人、使郡縣供祖母奉膳。至性之言、自爾悲惻動人。

蘭亭集序

王羲之

永和九年、

永和、晉穆帝年號。

歲在癸丑、暮春之初、會於會

臚

稽山陰之蘭亭、

時當暮春、王

羲之與謝安、孫綽、

郗曇、

魏滂及凝之、

渙之、

元之、

獻之等、

以

修禊

係

事也。

禊、被除不祥也。

三月上巳日、

臨水洗濯、除去宿垢

謂之禊。○此句點出所以會之故。

羣賢畢至、少長咸集。

人。

此地有崇山峻嶺、茂

林脩竹。

又有清流激湍、

脫平聲

映帶左右、

脩、長也。湍、波流貌。

○敘地。

引以為流觴曲水。

因曲水以

泛觴。

列坐其次、雖無絲竹管絃之盛、

折一句、入賦詩。

跌

一觴一詠、亦足以暢敘

幽情。

敘

是日也、

天朗氣清、惠風和暢。

敘

仰觀宇宙之大、俯察品類之盛。

所以遊目騁懷、足以極視聽之娛、

敘樂。

○敘會事至此已畢、

下乃發胸中之感。

夫人之

相與、俯仰一世、

承上俯仰二字、推開一步說。

或取諸懷抱、晤言一室之內。

一種人、是倦于涉獵者。

或

因寄所託、放浪形骸之外。

又一種人、是曠達不拘者。

雖取舍萬殊、靜躁不同、

此兩種人、或取或舍、

或靜或躁。

當其欣於所遇、暫得於己、快然自足、曾不知老之將至。

總是一樣得意。

及



其所之既倦、也。往情隨事遷、感慨係之矣。却又一樣興盡。○此向之所欣、

俛俯、仰之間、已爲陳迹、猶不能不以之興懷。者、已成往事、猶尚感慨係之。○

申足上文、即逼入死生正意、何等靈快。況脩短隨化、終期於盡。人命長短、總歸于盡。古人云、死生亦大矣、

豈不痛哉。莊子德充符、仲尼曰、死生亦大矣。○至此方入作序正旨。每覽昔人興感之由、若合一契、古人皆與感于

死生之未嘗不臨文嗟悼、不能喻之於懷。我未嘗不臨此與感之文、而爲之嗟悼、亦不能自解其所以然。固知一

死生爲虛誕、齊彭殤爲妄作。莊子齊物論、子惡乎知夫死者不悔其始之蘄生乎、此一死生之說也。莫壽乎殤子、而彭祖爲夭、此齊彭殤之說

也。言人莫不與感于死生壽夭、固知是兩說爲虛誕妄作。後之視今、亦猶今之視昔、悲夫。言瞥見吾已杳無踪影、猶如今日之古人杳無踪

影也、能不悲乎。○一故列敘時人、敘在會錄其所述、錄所賦之詩。○二句應前雖世齊收捲、眼疾手快。故列敘時人、錄其所述、羣賢少長、賦詩等事。雖世

殊事異、所以興懷、其致一也。古今同一興感。後之覽者、亦將有感於斯文。後人亦重

死生、覽我斯文、亦當同我之感。○覽字、應前每覽之覽字。文字、應前臨文之文字。

通篇著眼在死生二字。只爲當時士大夫、務清談、鮮實效、一死生而齊彭殤、無經濟大略、故觸景興懷、俯仰若有餘痛。但逸少曠達人、故雖蒼涼感歎之中、自有無



窮逸趣。

# 歸去來辭

陶淵明

歸去來兮、淵明爲彭澤令、是時郡遣督郵至、吏白當束帶見之。淵明數曰、我不能爲五斗米折腰向鄉里小兒、乃自解印綬。將歸田園、作此辭以明志。因而命篇曰歸去來、

言去彭澤而來至家也。田園將蕪、無胡不歸。蕪、謂草也。胡、猶何也。○自斷之詞。既自以心爲形役、奚惆悵

而獨悲。心在求祿、則不能自主、反爲形體所役。此我自爲之、何所惆悵而獨爲悲乎。○自責之詞。悟已往之不諫、知來者之可

追。實迷途其未遠、覺今是而昨非。前此求祿之事、固不可諫。今乃辭官而歸、猶可追改。如人行迷路、猶尚未遠、可以早回。

方知今日辭官之是、而昨日求祿之非也。○自悔之詞。○舟搖搖以輕颺、風飄飄而吹

衣。行舟而歸。問征夫以前路、恨晨光之熹微。熹微、光未明也。問前途之遠近、而恨晨光之未明、無由見路也。○一段離彼。

乃瞻衡宇、載欣載奔。衡宇、謂其所居衡門屋宇也。載、則也。欣、喜至家而速奔也。僮僕歡迎、稚子候門。

稚、小也。○一段到此。三徑就荒、松菊猶存。攜幼入室、有酒盈樽。將詔、幽居開三徑、潛亦慕之。言久不行、

已就荒蕪也。○一段有松、有菊、有引壺觴以自酌、眄庭柯以怡顏。倚南牕以寄



傲、審容膝之易安。柯、樹枝也。一段室中樂事。園日涉以成趣、門雖設而常關。策扶老

以流憩、契、時矯首而遐觀。田園之中、日日遊涉、自成佳趣。流憩、周流而憩息也。矯、舉也。一段園中之樂。雲無心以出

岫、就、鳥倦飛而知還。景影、翳翳以將入、撫孤松而盤桓。山有穴曰岫。翳翳、漸陰也。盤桓、不進

也。一段歸去來兮、請息交以絕游。世與我而相遺、復駕言兮焉求。

交游、指當路貴人。駕言、用詩駕言出遊句。一段與世永絕。再言歸去來者、既歸矣又不絕交遊、即不如不歸之愈也。悅親戚之情話、樂琴書以

消憂。農人告余以春及、將有事於西疇。親戚、指鄉里故人。有事、謂耕作也。疇、田也。一段插入田事。或命

巾車、或棹孤舟。既窈窕以尋壑、亦崎嶇而經邱。巾車、有幕之車。窈窕、長深貌。壑、澗水也。謂行船

以尋之也。崎嶇、險也。駕車以涉之也。一段遊行所歷。木欣欣以向榮、泉涓涓而始流。羨萬物之得時、

感吾生之行休。欣欣、春色貌。涓涓、泉流貌。行休、謂昔行而今休也。一段觸物興感。已矣乎、寓形宇內復幾時、

曷不委心任去留、胡爲遑遑欲何之。寓、寄也。委、棄也。言何不委棄常俗之心、任性去留也。遑遑、如有求而不得之意。一段收

盡歸去來一篇之旨。富貴非吾願、帝鄉不可期。帝鄉、仙都也。一段言不欲爲官、亦不能爲仙、唯能如下文所云、得日過日、快然自足也。



懷良辰以孤往、或植杖而耘耔。登東皋以舒嘯、臨清流而賦詩。聊乘化

以歸盡、樂夫天命復奚疑。

東皋、營田之所。春事起東、故云東也。皋、田也。聊、且也。乘陰陽之化、以同歸于盡。樂天知命、夫復何疑。〇樂

夫天命一句、乃歸去來辭之根據。

公罷彭澤令、歸賦此辭、高風逸調、晉宋罕有其比。蓋心無一累、萬象俱空、田園足樂、真有實地受用處、非深于道者不能。

## 桃花源記

陶淵明

晉太原中、

太原、孝武帝年號。

武陵人捕魚爲業。

武陵、屬湖廣常德府、旁有桃源縣。

緣溪行、忘路之遠

近。奇。便。忽逢桃花林。

妙在以無意得之。

夾岸數百步、中無雜樹、芳草鮮美、落英繽紛。

品平紛。

繽紛、雜亂貌。〇寫出異境。

漁人甚異之。復前行、欲窮其林。

漁人亦不凡。林盡水源、

便得一山。

亦是無意中得。

山有小口、髣髴若有光。

善于點景。

便捨船從口入。初極

狹、纔通人。

俗人至此便反矣。

復行數十步、豁然開朗。

別有一天。

土地平曠、屋舍儼然。

有良田、美池、桑竹之屬。

阡陌交通、雞犬相聞。

其中往來種作、男女



衣著、酌、悉如外人。敝山中人物。黃髮垂髻、調、並怡然自樂。黃髮、老人髮白轉黃也。髻、小兒垂髮。○純然古風。

見漁人、乃大驚。問所從來、具答之。便要聲平還家、設酒殺雞作食。村

中聞有此人、咸來問訊。妙在漁人全無驚怪。自云先世避秦時亂、率妻子邑人、來

此絕境、不復出焉、遂與外人間隔。由山來。問今是何世、乃不知有漢、無

論魏晉。真是目空今古。此人一一爲具言、所聞皆歎惋。歎惋者、悲外人屢遭世亂也。○敝兩邊問答簡括。餘人

各復延至其家、皆出酒食。停數日、辭去。避世人多如此。此中人語去、云、不足

爲外人道也。叮嚀一句、逸韻悠然。既出、得其船、便扶向路、處處誌之。漁人、亦大及有

郡下、詣太守說如此。詣、至也。太守即遣人隨其往、尋向所誌、遂迷不復得

路。太守欲問津而不得。南陽劉子驥、高尚士也、聞之、欣然親往、未果、尋病終。

尋、俄也。○高士欲問津而不果。後遂無問津者。悠然而住。

桃源人要自與塵俗相去萬里、不必問其爲仙爲隱。靖節當晉衰亂時、超然有高舉之思、故作記以寓志、亦歸去來辭之意也。

# 五柳先生傳

陶淵明

先生不知何許人也、

傳不以地

亦不詳其姓字。

傳不以名

宅邊有五柳樹、因以爲

號焉。

取號大奇。

閑靜少言、不慕榮利。

一似無所嗜好者、却又好書嗜酒。

好讀書、不求甚解。

是爲

善于讀書者。

每有會意、便欣然忘食。

蓋別有會心處。

性嗜酒。

家貧、不能常得。

親舊

知其如此、或置酒而招之。造飲輒盡、期在必醉。

是爲深得酒趣者。

既醉而退、曾

不吝

吝。

情去留。

適得本來面目。

環堵蕭然、不蔽風日。

短褐穿結、簞瓢屢空、

晏如也。

領得孔顏樂處。

常著文章自娛、頗示己志。忘懷得失、以此自終。

超然世外。

贊曰、黔婁

古高士。

有言、不戚戚於貧賤、不汲汲於富貴。其言茲若人之儔

乎。

爲若人之儔而言。

銜觴賦詩、以樂其志、無懷氏之民歟、葛天氏之民歟。

想見太古

風味。

淵明以彭澤令辭歸。後劉裕移晉祚、恥不復仕、號五柳先生。此傳乃自述其生平之行也。瀟灑澹逸、一片神行之文。



# 北山移文

孔稚珪

鍾山之英、草堂之靈。

馳煙驛路、勒移山庭。

鍾山、即北山也。其南有草堂寺。英靈、皆言其神也。驛、傳也。勒、

刻也。謂山之英靈、驅馳煙霧、刻移文于山庭也。云、孔稚珪、字德璋、會稽人也。鍾山、在北郡、

○起便點出北山移文四字大意。蕭子顯齊書後應詔出爲海鹽令。秩

滿入京、復經此山。孔生乃借山靈之意移之、使不許再至、故云北山移文。

夫以耿介拔俗之標、瀟灑出塵之想。

志超塵俗。

鐸度

白雪以方潔、千青雲而直上。

度、

比也。千、觸也。○行極清高。

吾方知之矣。

此等隱者、吾正知爲必

不可得若其亭亭物表、皎皎霞外、芥千金而不盼、屣萬乘其如脫。

亭亭、高聳貌。皎

皎、潔白貌。芥、草也。盼、顧也。屣、草履。言視千金萬乘、如草芥脫屣也。

聞鳳吹於洛浦、

周靈王太子晉、吹笙作鳳鳴、遊于伊洛之間。

值新歌

於延瀨、

賴、

○蘇門先生、游于延瀨、見一人採薪。謂之曰、吾聞聖人無懷、以道德爲心、何怪乎而爲哀也。

子以此終乎。採薪人遂爲歌二章而去。

固亦有

焉。

此等隱者、世亦有之。

豈期終始參差、蒼黃反覆。淚翟子之悲、慟朱公之哭。

翟、不定也。翟、墨翟。朱、楊朱。墨子見素絲而泣之、爲其可以黃可以黑。楊子見歧路而哭之、爲其可以南可以北。士無一定之志、不能免二人之悲哭。

乍迴跡以心

染、或先貞而後黷、

乍、暫也。迴、避也。暫避跡山

何其謬哉。謬、誑也。此等隱者、何其欺誑人世、一至此



哉。○已上泛論夫隱者、有嗚呼、尚生不存、仲氏既往。山阿寂寥、千載誰賞。

尚生、尚子平也。仲氏、仲長統也。范曄後漢書曰、尚子平隱居不仕、性尚中和、好通老易。仲長統性儼、默語無常。每州郡命召、輒稱疾不就。言無此二人、使山阿空虛、千載已來、

無人賞樂。○承上世有周子、周顒、字彥倫、汝儁俗之士。儁俗、俗中既文既博、

亦玄亦史。玄、謂莊老之道。史、謂文多質少。然而學遁東魯、習隱南郭。

先焉。顏闔對曰、恐聽謬而遺使者罪、不若審之。使者反、審之、復來求之、則不得矣。南郭、謂南郭子綦也。隱几而坐、仰天喀然、似喪其偶。言顯無本性、但學習此一人之隱遁也。竊

吹草堂、濫巾北岳。竊、盜也。吹、借用吹竽之吹。齊宣王好竽、必三百齊吹。南郭先生

欲一一吹之、南郭乃逃。濫、僭也。巾、隱者之誘我松桂、欺我雲壑。雖假容於江

皋、乃纓情於好爵。皋、澤也。纓、繫也。好爵、謂人爵也。○以上總寫、以下分作兩截寫。其始至也、

排巢父、甫、拉蠟許由、傲百氏、蔑王侯。排、推也。拉、折也。巢父許由、隱者之最也。百氏、百家諸子也。風情

張、去聲日、霜氣橫秋。或歎幽人長往、或怨王孫不游。張、大也。橫、蓋也。幽人王孫、隱者之稱。慕其

長往故歎之、疾其不游故怨之。談空空於釋部、覈劾玄玄於道流。顯汎涉百家、長于佛理、著三宗論、兼善老易。空空、以空明空







往圖、架卓魯於前錄。希蹤三輔豪、馳聲九州牧。

漢張敞趙廣漢俱為京兆尹、有名望。魯恭卓茂、咸善為

令。籠、架、謂包舉也。三輔、謂京兆尹、左馮翊右扶風。希蹤、希做賢豪蹤跡也。使其高霞牧、九州牧長。馳聲、謂皆得聞其聲名也。○以上寫顯繼志如此。是後一截人。

孤映、明月獨舉。青松落蔭、白雲誰侶。礪潤、戶摧絕無與歸、石逕荒

涼徒延伫。言霞月徒舉映、無人賞玩、松蔭零落、白雲無與為偶。礪、水礪也。摧、絕、破壞也。荒涼、蕪穢也。延佇、遠望也。言不復更歸、徒為延望也。至於還

飈標、入幕、寫霧出楹。蕙帳空今夜鶴怨、山人去今曉猿驚。也。標、風也。寫、吐也。幕、寫、吐也。楹、柱也。

蕙、香草、山人葺以為帳。因山言之、故託猿鶴以寄驚怨也。昔聞投簪逸海岸、今見解蘭縛塵纓。也。投簪、謂疏廣也。投、棄也。

漢疏廣、棄官而歸東海。幽人佩蘭、故於是南嶽獻嘲、聲、北隴騰笑。列壑爭譏、

攢峯竦誚。慨遊子之我欺、悲無人以赴弔。南嶽、謂南山也。嘲、調也。隴、亦山也。騰、起也。攢、簇聚也。竦、亦

上也。誚、譏也。言皆譏笑此山、初容此人也。遊子、謂顯也。弔、問也。言山為顯所欺、而無人來問也。故其林慚無盡、澗愧不歇。秋

桂遣風、春蘿擺月。騁西山之逸議、馳東皋之素謁。蘿、女蘿也。施于松柏。風月所以滋松桂之美、今

既無人、故遣擺之。西山、謂首陽山。逸議、隱逸之議也。皋、澤也。素謁、謂以情素相告也。馳騁、宣布也。謂宣布于人、使盡知之也。○以上言其遺羞山靈、所以醜之也。今又



促裝下邑、浪棧異、上京。雖情投於魏闕、或假步於山局。  
魏闕、朝廷也。上京、建康也。言海鹽秩滿、催促行裝、駕舟赴京、以遷官也。○下邑、謂海鹽也。浪、鼓也。

棧、楫也。上京、建康也。言海鹽秩滿、催促行裝、駕舟赴京、以遷官也。○下邑、謂海鹽也。浪、鼓也。

顏、薛備、荔劍、蒙恥。碧嶺再辱、丹崖重滓。子、塵游躅、於蕙路、汙淥六、

池以洗耳。芳、杜、薛、荔、皆香草。躅、蹤跡也。淥、水清也。言豈可使芳草懷愧、取以相見、崖嶺再被滓穢。更以俗塵點我蕙草之路、汙濁我洗耳之池乎。宜局

岫幌、恍、掩雲關、斂輕霧、藏鳴湍。脫平聲。截來轅於谷口、杜妄轡於郊端。

局、閉也。岫幌、山窗也。雲關、謂以雲爲關鍵也。斂藏霧湍、使無見聞也。於是叢條瞋、來轅妄轡、謂顯之車乘也。谷口郊端、山之外也。恐其親近、故截斷杜絕之。

膽、疊穎怒魄。或飛柯以折輪、乍低枝而掃迹。請迴俗士駕、爲君謝逋

客。條、木枝也。穎、草穗也。言條穗瞋怒、而擊折顯之車輪、掃去其迹也。俗士逋客、謂顯也。謝、絕。逋、逃也。○以上言其不許再至、所以絕之也。

假山靈作檄、設想已奇。而篇中無語不新、有字必雋。層層敲入、愈入愈精。真覺泉石蒙羞、林壑增穢。讀之令人賞心留盼、不能已也。

# 諫太宗十思疏

## 魏徵

臣聞求木之長掌、者、必固其根本。欲流之遠者、必浚其泉源。  
浚、深也。○三句起下一句。



思國之安者、必積其德義。伏一思字、此句源不深而望流之遠、根不固而求

木之長、德不厚而思國之安、又伏一思字。臣雖下愚、知其不可、而況於明哲乎。

便作跌宕、文極有致。人君當神器之重、居域中之大、神器、帝位也。不念居安思危、又伏一思字。戒

奢以儉、斯亦伐根以求木茂、塞源而欲流長也。反繳足上文。凡昔元首、承天景

命。元首、君也。景、明也。善始者實繁、克終者蓋寡。上疏本意專爲此。豈取之易、守之難乎。頓挫。

蓋在殷憂、始。必竭誠以待下。既得志、終則縱情以傲物。人情大抵如此。竭誠、則

吳越爲一體。傲物、則骨肉爲行路。雖董之以嚴刑、振之以威怒。董、督也。○

正與德義相反。終苟免而不懷仁、貌恭而不心服。苟免、謂苟免刑罰。○畏怨不在大、

可畏惟人。載舟覆舟、所宜深慎。民猶水也、水可載舟、亦可覆舟、可畏之甚也。○從上居安思危句、反覆開論逼出十思。誠能

見可欲、則思知足以自戒。將有作、則思知止以安人。念高危、則思謙

沖而自牧。牧、養也。易曰、謙謙君子、卑以自牧也。懼滿盈、則思江海下百川。老子曰、江海所以爲百谷王者、百以其善下



之、則滿樂盤遊、則思三驅以爲度。易曰、王用三驅、謂天子憂懈怠、不合圍、開一面之網也。則思慎始

而敬終。慮雍蔽、則思虚心以納下。懼讒邪、則思正身以黜惡。恩所加、

則思無因喜以謬賞。罰所及、則思無以怒而濫刑。以上十思、所謂積總此十其德義者以此。

思、宏茲九得。思則十有九得。簡能而任之、擇善而從之。思盡于己、力因乎人。則智者盡其謀、

勇者竭其力、仁者播其惠、信者效其忠。懷仁必服。文武並用、垂拱而治。何

必勞神苦思、代百司之職役哉。善于用思、然後可以無思、妙。

通篇只重一思字、却要從德義上看出。世主何嘗不勞神苦思、但所思不在德義、則反不如不用思者之爲得也。魏公十思之論、剴切深厚、可與三代謨誥並傳。

### 爲徐敬業討武曌檄

曌音照

駱賓王

僞臨朝武氏者、武則天、名曌。太宗時、召入爲才人。高宗爲太子、入侍、悅之。太宗崩、高宗卽位。武氏爲尼、引納後宮、拜爲昭儀。尋廢王皇后、立武氏爲皇后。

政事皆決焉。高宗崩、中宗卽位。廢中宗爲廬陵王。性非和順、本性不良。地實寒微。出身微賤。昔充太宗下陳、

下陳、下列也。謂爲才人。曾以更耕、衣入侍。嘗以更衣之洎、及也。便得幸。洎、平晚節、穢亂春宮。晚節、晚年



也。穢亂、言其淫也。潛隱先帝之私、陰圖後房之嬖。削髮爲尼、掩其爲太宗才人之跡、以圖高宗後宮之嬖幸。入門見

嫉、蛾眉不肯讓人。掩袖工讒、狐媚偏能惑主。入宮便懷嫉妒、而舒展蛾眉、不肯讓人。巧于用讒、王皇后爲其所害。是其狐媚之才、踐元后於翬

所宜。故后之車服、皆畫翬翟之形。王皇后廢、武

氏踐元后之位。陷吾君於聚麀。攸、○吾君、謂高宗也。聚、猶共也。獸之牝者曰麀。曲禮、夫惟禽獸無禮、故父子聚麀。加以虺蜥亦

爲心、豺狼成性。虺蜥、毒蟲也。近狎邪僻、殘害忠良。邪僻、指李義府、許敬宗等。忠良、指褚遂良、長孫無忌等。

殺姊屠兄、弑君鳩母。姊、韓國夫人。兄、惟良。君母未聞。人神之所同嫉、

天地之所不容。猶復包藏禍心、窺竊神器。神器、帝位也。君之愛子、幽之於別

宮。賊之宗盟、委之以重任。中宗、君之愛子、廢爲廬陵王、而幽之于別所。○以上數武氏之罪。嗚呼、

霍子孟之不作、朱虛侯之已亡。霍子孟、霍光也、輔幼主以存漢。朱虛侯、劉勰同章也、誅諸呂以安劉。○二句隱然譏責朝臣。鸞燕

啄皇孫、知漢祚之將盡。漢成帝后趙飛燕、于後宮有子者皆殺之。故有鸞燕啄皇孫之謠。龍鰲時、帝后、識夏庭

之遽衰。鰲、龍所吐涎沫、龍之精氣也。夏后藏龍鰲于庭、傳及殷周、莫之發。厲王之末、發而觀之。鰲流于庭、入于王府。府之童女遭之、而生女、怪棄于市、因入于褒。周幽



王伐褒、褒人獻之、即褒姒也。幽王嬖之、遂至亡國。是周之衰亂、于夏庭而已伏之矣。○四句言唐不久將滅。敬業皇唐舊臣、公侯冢子。

敬業、唐大臣徐世勳之孫也。勳、賜姓李。奉先君之成業、荷本朝之厚恩。宋微子之興悲、良有

以也。微子過殷故墟、悲之、作麥秀之歌。一云箕子所作。袁君山之流涕、豈徒然哉。漢袁安、以外戚專權、言及國事、每暗鳴流涕。

是用氣憤風雲、志安社稷。因天下之失望、順宇內之推心。爰舉義旗、

以清妖孽。以上述與師之故。南連百越、北盡山河。鐵騎成羣、玉軸相接。以言乎馬、則鐵騎萬千

以成羣。以言乎車、則玉軸遠近以相接。海陵紅粟、倉儲之積靡窮。粟多。江浦黃旗、匡復之功何遠。兵衆。

班聲動而北風起、劍氣沖而南斗平。班馬之聲動、而凜然若北風起。懸劍之氣沖、而煥然若南斗平。暗鳴、去聲。鳴聲、

則山岳崩頽、叱咤去聲。則風雲變色。暗鳴、懷怒氣。叱咤、發怒聲。以此制敵、何敵不摧。

以此圖功、何功不克。以上寫兵威之盛。公等或居漢地、異姓。或叶同。周親。同姓。或膺重

寄於話言、分封于外。或受顧命於宣室。受託于朝。○二句合同異姓。言猶在耳、忠豈忘心。

一杯哀、之士未乾、干、六尺之孤何託。一掬曰杯。士、指墳墓也。士未乾、謂高宗葬未久也。六尺孤、指中宗言。倘能



轉禍爲福、轉武氏之禍而爲福。送往事居。往、謂高宗。居、謂中宗。共立勤王之勳、事。無廢大君之

命。送。凡諸爵賞、同指山河。爵賞有功、共指山河以爲信。若其眷戀窮城、徘徊歧路。謂進退不果。

徘徊于兩途之間。坐昧先幾之兆、必貽後至之誅。禹致羣臣于會稽、防風氏後至、禹戮之。○以上勵共事之人。請看今

日之域中、竟是誰家之天下。試觀今日之域中、畢竟是誰家之天下、言將來必歸唐也。○結語隋勁。

起寫武氏之罪不容誅、次寫起兵之事不可緩、末則示之以大義、動之以刑賞。雄文勁采、足以壯軍聲、而作義勇、宜則天見檄而歎其才也。

## 滕王閣序

王勃

南昌故郡、洪都新府。江西、南昌府、號爲洪都。星分翼軫、翼軫、二星、在楚之分野。地接衡廬。衡山峙立于西

南、廬山近襟三江而帶五湖、三江、荆江在荊州、淞江在蘇州、浙江在杭州。此據其上、聯于北境。如衣之襟焉。五湖、太湖在蘇州、鄱陽湖在饒州、青草湖在

岳州、丹陽湖在潤州、洞庭湖在控蠻荆而引甌越。荆楚本南蠻之區、此則控扼之。閩越連東

物華天寶、物之光華、乃天之寶。龍光射牛斗之墟。豐城有二劍、曰干將、曰莫邪。其龍文光彩、直上射牛斗。人傑地靈、

人之英傑、由地之靈。徐孺下陳蕃之榻。徐孺、字孺子、洪州高士也。陳蕃爲豫章太守、特設一榻以待之。○次序人物之異。雄州霧列、



雄州、謂大郡。如霧之浮。俊彩星馳。俊彩、謂人物、如星之奔馳于前。○承物華四句。臺隍枕峯、夷夏之交、

臺、亭臺。隍、城下。以首据物曰枕。夷、謂正南荆楚之地。夏、謂東南揚州之域。○再承星分四句。賓主盡東南之美。時宴于此閣之賓主、盡東南人物

之美。○再承物華都督閣公之雅望、榮戟遙臨。時間伯璵爲洪州牧、卽都督也。榮戟、四句、隨起下文。有衣之戟。遙遠而臨于洪州。○主。

宇文新州之懿範、韶平帷暫駐。宇文鈞、新除澧州牧、道經于此。○賓。蓋十旬

休暇、勝友如雲。以賓主交歡日久言。千里逢迎、高朋滿座。以賓朋來自遠方言。騰蛟起鳳、

孟學士之詞宗。紫電清霜、王將軍之武庫。蛟氣之騰、光焰奪目。鳳毛之起、文彩耀空。喻才華也。詞宗、謂詞章之

宗。光輝之發閃、如紫電。浩氣之凝凜、若清霜。喻節操也。武庫、言無所不有。孟學士、王將軍、是會中顯客。家君作宰、路出名區。童子

何知、躬逢勝餞。勃父名福、時爲交趾令。勃往省焉、道經洪州。童子、勃自稱。○此段述賓主之美。時維九月、序屬三秋。

潦水盡而寒潭清、煙光凝而暮山紫。只二句、已寫盡九月之景。儼驂駢於上路、儼、望也。馬行

不止也。行馬于道路之途也。訪風景於崇阿。崇阿、高陵也。采訪風景也。臨帝子之長洲、謂滕王

也。建閣長洲之上。謂至其所也。得仙人之舊館。仙人舊館、稱滕王閣也。得、謂層巒聳翠、上出



重霄。

閣之當山、但見層疊峯巒、聳其翠色、上出于重重霄漢之上。

飛閣流丹、下臨無地。

閣之映水、飛舞莫定、影若流丹、下臨于江上

無地之處。

鶴汀、

鴈渚、

窮島嶼、

之縈迴。

汀、水際平地。渚、小洲也。海中山曰島。山在水曰嶼。鶴聚于汀、鴈宿于渚、已窮盡水中

島嶼縈曲迴環之處。

桂殿蘭宮、列岡巒之體勢。

江神祠宇、以桂爲殿庭、以蘭爲宮闕。前後分列、如岡巒之體勢。○此段言閣在山水之間、

乃近景也。

披繡闥、

俯雕甍。

萌、○披、開也。門屏曰闥、屋棟曰甍。

山原曠其盈視、

山原之深曠者、以極吾之所視。足川

澤盱、

其駭矚。

竹、○盱、張目也。矚、視之甚也。川澤如目之張、而有以駭吾之所矚。

閭閻撲地、

鐘鳴鼎食之家。

閭閻、里中門也。撲地、謂排列于地也。鳴鐘列鼎而食、盡大家也。

舟楫、

迷津、

青雀黃龍之軸。

舸、大船。艦、戰船。迷塞水津、

皆彩畫青雀黃龍于船軸之上。

虹銷雨霽、

彩徹雲衢。

虹氣已銷、雨開新霽、而光彩映徹于雲衢之間。

落霞與孤鶩、

齊

飛、秋水共長天一色。

落霞自天而下、孤鶩自下而上、故曰齊飛。秋水碧而連天、長天空而映水、故曰一色。○警句。自使伯鸞心服。

漁舟唱

晚、響窮彭蠡之濱。

雁陣驚寒、聲斷衡陽之浦。

彭蠡、鄱陽湖也。衡陽、衡山之南有回雁峯、雁不過此。漁唱不

到、彭蠡不窮、雁聲不到、衡陽不斷、總言其極多耳。○此段言閣極山水之外、乃遠景也。

遙吟俯暢、

逸興遄飛。

遄、速也。爽籟、發

而清風生、

凡孔竅機括皆曰籟、秋晚之爽氣、發于萬籟之鳴、故清風颯颯而生。

纖歌凝而白雲遏。

纖、細也。女樂之細歌。凝止于侍宴之側、



而白雲爲睢園綠竹、氣凌彭澤之樽。意其用淇澳綠竹事、以嘉有德。陶淵明爲彭澤令、嘗置酒召客。此美座中之有德而善飲者。鄴

水朱華、光照臨川之筆。鄴、曹魏所與之地。曹植詩、朱華冒綠池。臨川、今撫州。王羲之善書、嘗爲臨川內史。此美座中之有文而善書者。四

美具、良辰、美景、賞心、樂事。二難并。賢主、嘉賓。○此段敘宴會之人、歌飲文詞、無所不妙。窮睴第、眄勉、於中天、

睴、小視。眄、邪視。窮、極觀覽。于中天之際。○起天高地迥句。極娛遊於暇日。極盡娛樂嬉遊于閒暇之日。○起與盡悲來句。天高地迥、

覺宇宙之無窮。迥、寥遠也。○二句收拾上文勝景。興盡悲來、識盈虛之有數。二句引起下句收拾上文勝景。望長

安於日下、指吳會於雲間。望天子長安之處于日下、指蘇州吳會之在于雲間。地勢極而南溟深、天柱高

而北辰遠。地缺東南、勢極于南、而南溟最深。天傾西北、柱高于北、而北辰亦遠。○四句起關山四句。關山難越、誰悲失路之

人。萍水相逢、盡是他鄉之客。失路、喻不得志也。萍、浮生水上、隨風漂流。故人稱邂逅相遇、曰萍水相逢。○四句言在會者、多屬他

鄉失志之人、能不感慨係之。下乃承此意細寫之。懷帝閹而不見、奉宣室以何年。懷思君門、而不可得見。欲如賈誼奉宣室之問、不

知又在何年。嗚呼、時運不齊、命途多舛。馮唐易老、馮唐、漢人、白首爲郎。文帝輦過郎署、與論將帥、拜爲車騎都尉。

李廣難封、漢李廣、武帝時爲右北平太守、匈奴號爲飛虎將軍。以數奇、不得封侯。屈賈誼於長沙、非無聖主。絳灌屈賈誼、謫爲



長沙王太傅。非無漢文帝之聖主。

竄梁鴻於海曲、豈乏明時。

使臣毀梁鴻、逐之于北海。豈無魏武帝之明時。○此段言懷才而際時者、皆失

志如此。後之悲失志者、亦可因之以自慰。

所賴君子安貧、達人知命。老當益壯、寧知白首之心。

窮且益堅、不墜青雲之志。酌貪泉而覺爽、處涸轍以猶懽。

廣州一水、謂之貪泉。飲此水者、廉

士亦貪。吳隱之詩、試使夷齊飲、終當不易心。身嘗困窮、如魚處涸轍之內、而猶懽悅。

北海雖賒、奢、扶搖可接。

賒、遠也。扶搖、風勢也。莊子、北

海有魚、其名爲鯢。化而爲鵬、搏扶搖而上者九萬里。

東隅已逝、桑榆非晚。

東隅、日出處。桑榆、謂晚也。漢光武勞馮異詔、始雖垂翅回溪、終能奮

翼灑池。可謂失之東隅、收之桑榆。

孟嘗高潔、空懷報國之心。

孟嘗、字伯周、漢順帝時、爲合浦太守。性行高潔、不見陞擢、故云空懷。

籍猖狂、豈效窮途之哭。

晉、阮籍、率意獨駕、車迹所窮、輒痛哭而返。是猖狂也。吾輩豈可效之。○此段言士雖遭時命之窮、正當因之以自勵。

勃、三尺微命、一介書生。

方說到自己。

無路請纓、等終軍之弱冠。

去聲。○曲禮二十日弱冠。

南越與漢和親、王而致之闕下。

終軍年二十餘、自願受長纓、必羈南越。勃謂無路請纓于朝、比終軍弱冠之年。

有懷投筆、慕宗慤之長風。

漢班超、

嘗爲人書記、風破萬里浪。

意不屑、投筆有封侯萬里之志。後果爲將軍。勃謂有志于投筆、

宋宗慤、叔父問所志、慤曰、願乘長

景慕宗慤破浪之長風。○自負不凡。

舍簪笏於

百齡、奉晨昏於萬里。

舍去簪笏、于百年富貴之途。奉父晨昏定省之禮、于萬里之外、言往交趾省父。

非謝家之寶樹、



謝玄爲叔父安所器。曰、子弟亦何預人事、而欲接孟氏之芳鄰。孟母三遷、爲子擇鄰。言已幸與諸賢相接。他

日趨庭、叨陪鯉對。異日到交趾侍受父教、叨陪孔鯉趨庭之對。今晨捧袂、喜托龍門。漢李膺以聲名自高、士有被

其容接者、名爲登龍門。勃謂今日捧袂而進、喜托姓名于閭公之門、亦若龍門也。楊意不逢、撫凌雲而自惜。楊得意曾薦司馬相如、後相如遂

顯。勃言不逢楊得意之薦、但誦相如凌雲之賦、而自惜其不遇耳。鍾期既遇、奏流水以何慚。伯牙鼓琴、志在流水。鍾子期曰、洋洋若江河。勃

謂既遇閭公之知音、即呈所爲文、又何愧焉。○此段自敘以省父過此、得與宴會、不敢辭作序之意。嗚呼、勝地不常、盛筵難再。蘭

亭已矣、梓澤丘墟。蘭亭、王羲之宴集之地、今已往矣。梓澤、石崇金谷園。今已荒廢而爲丘墟。臨別贈言、幸承恩於

偉餞。序係勃作、故曰臨別贈言。既承閭公之恩于偉餞矣。登高作賦、是所望於羣公。登高閣而作賦、勃誠不能、是有望于在會之羣

公也。○勃居末座、而僭作序、故以遜詞作結。敢竭鄙誠、恭疏短引。結作序。一言均賦、四韻俱成。

勃先申一言、以均此意而賦之。而八句四韻俱成矣。○起作詩。滕王高閣臨江渚、閣聳而依江。佩玉鳴鸞罷歌舞。宴罷而佩玉鳴

鸞之歌舞亦罷。畫棟朝飛南浦雲、朝看畫棟、儼若飛南浦之雲。朱簾暮捲西山雨。暮收朱簾、宛若閑雲捲西山之雨。閑雲

潭影日悠悠、雲映深潭、悠悠而自在。物換星移幾度秋。物象之改換、星宿之推移。此閣至今、凡幾度秋。閣中帝子



今何在、傷今思古。檻外長江空自流。

傷其物是而人非也。○序詞藻麗、詩意淡遠、非是詩不能稱是序。

唐高祖子元嬰、爲洪州刺史、建此閣。後封滕王、故曰滕王閣。咸淳二年、閻伯嶼爲洪州牧、重修。九月九日、宴賓僚于閣。欲誇其婿吳子章才、令宿構序。時王勃

省父、次馬當、去南昌七百里。夢水神告曰、助風一帆。達旦、遂抵南昌與宴。閣請衆賓序、至勃、不辭。閣恚甚、密令吏、得句卽報。至落霞二句、歎曰、此天才也。

想其當日對客揮毫、珍詞繡句、層見疊出、洵是奇才。

## 與韓荊州書

李白

白聞天下談士相聚而言曰、生不用封萬戶侯、但願一識韓荊州。何令人

之景慕一至於此。

韓朝宗當玄宗時、爲荊州刺史、人皆景慕之。故太白上書以自薦。○欲贊韓荊州、却借天下談士之言、排宕而出之、便與諛美者異。豈

不以周公之風、躬吐握之事。

周公一沐三握髮、一飯三吐哺、起以待士。

使海內豪俊、奔走而歸

之。一登龍門、則聲價十倍。

漢李膺以聲名自高、士有被其容接者、謂之登龍門。所以龍蟠鳳逸之士、

皆欲收名定價於君侯。

龍蟠鳳逸、謂士之俊秀者。皆欲奉謁荊州、收君侯不以富貴美名、定價也。○此段敘荊州平日能得士、

而驕之、寒賤而忽之。則三千之中有毛遂、使白得穎脫而出、卽其人焉。



平原君食客三千。毛遂、平原君客也。穎、錐柄。平原君謂毛遂曰、夫士之處世、譬若錐處囊中、其末立見。毛遂曰、臣乃今日請處囊中耳。使遂早得處囊中、乃穎脫而出、非特其末見而

已。○借毛遂落到自己。言己在羣士中、爲尤異者。起下自敘。白、隴西布衣、流落楚漢。十五好劍術、徧于諸侯。

三十成文章、歷抵卿相。干、犯也。抵、觸也。雖長不滿七尺、而心雄萬夫。身雖小而皆志實大。皆

王公大人許與氣義。氣義見許于王公大人。此疇曩心跡、安敢不盡於君侯哉。此平昔所懷、安敢

不盡告于荊州。○此段敘自己平日能見重于諸侯卿相。起下願識荊州。君侯制作侔神明、德行動天地。筆參造化、

學究天人。頌荊州四句。幸願開張心顏、不以長揖見拒。凡士人見公卿、長揖不拜。必若接之以

高宴、縱之以清談。請日試萬言、倚馬可待。桓溫北征鮮卑、命袁宏倚馬作露布文、手不輟筆、俄成七紙。絕妙。

今天下以君侯爲文章之司命、人物之權衡。司文章之命脈、察人物之重輕。一經品題、便作

佳士。應上一登龍門二句。而今君侯何惜階前盈尺之地、不使白揚眉吐氣、激昂青

雲耶。言使己得見所長于荊州之前、猶致身于青雲之上。故曰激昂青雲。○此段正寫己願識荊州、却絕不作一分寒乞態、殊覺豪氣逼人。昔王子師東漢爲

豫州、未下車、卽辟闕荀慈明、卽荀爽。旣下車、又辟孔文舉。卽孔融。山濤晉作



冀州、甄真、拔三十餘人、或爲侍中尚書、先代所美。子師、山濤、皆能接引後進。爲先代人之所稱美。

○前人已而君侯亦一薦嚴協律、入爲祕書郎。中間崔宗之房習祖黎昕欣許有其事。

瑩之徒、或以才名見知、或以清白見賞。白每觀其銜恩撫躬、忠義奮發。

荊州能接引後進、爲當時人之所鼓舞。○荊州亦有其事。白以此感激、知君侯推赤心於諸賢之腹中、所以

不歸他人、而願委身國士。委、託也。國士、謂荊州。言其才德爲當今第一人、所謂國士無雙也。倘急難有用、敢

効微軀。亦當奮發其忠義、以報國士知遇之恩。○此段譽荊州有薦人之美、所以動其薦己之心。且人非堯舜、誰能盡善。白謨

猷籌畫、安能自矜。不敢強己所短。至於制作、積成卷軸。則欲塵穢視聽。正欲獻己所長。

恐雕蟲小技、不合大人。雕蟲技、謂作詩賦之類。若賜觀芻蕘、請給紙筆、兼之書人、

然後退掃閒軒、繕寫呈上。既以文自薦、却又不卽自獻其文。先請給紙筆書人、何等身分。庶青萍結綠、長價

於薛卞之門。青萍、劍名。結綠、玉名。薛燭善相劍、卞和善識玉。○仍拈價字作結、關應甚緊。幸推下流、大開獎飾、唯

君侯圖之。

本是欲以文章求知于荊州、却先將荊州人品、極力擡高、以見國士之出不偶、知己之遇當急。至于自述處、文氣騷逸、詞調豪雄、到底不作寒酸求乞態。自是青蓮本色。

## 春夜宴桃李園序

李白

夫天地者、萬物之逆旅。

逆旅、客舍也。

光陰者、百代之過客。而浮生若夢、爲

懽幾何。古人秉燭夜遊、良有以也。

古詩云、晝短苦夜長、不秉燭遊。○點夜字。

況陽春召我以煙

景、大塊假我以文章。

煙景、春景也。大塊、天地也。觸目春景、皆天地之文章。○點春字。

會桃李之芳園、序天

倫之樂事。

時園中桃李盛開、太白與諸兄弟共宴于其中。○是設宴本意。

羣季俊秀、皆爲惠連、

羣季、謂諸弟也。謝靈運之弟曰惠連。○謝

美諸弟之才。吾人詠歌、獨慚康樂。

謝靈運封康樂侯。○謙自己之拙。

幽賞未已、高談轉清。開瓊筵

以坐花、飛羽觴而醉月。

四句、確是春夜宴桃李園。

不有佳作、何伸雅懷、如詩不成、

罰依金谷酒數。

石崇宴客于金谷園、賦詩不成者、罰三觴。○末數語、寫一觴一咏之樂、與世俗浪遊者迥別。

發端數語、已見瀟灑風塵之外。而轉落層次、語無泛設、幽懷逸趣、辭短韻長。讀之增人許多情思。

## 弔古戰場文

李華



浩浩乎平沙無垠、銀、篋、不見人。垠、崖際也。篋、遠也。言邊塞之間、浩浩乎皆平沙無崖、又遠不見人。河水縈帶、

羣山糾紛。縈帶、縈繞如帶也。糾紛、雜亂也。言舉目惟有山水也。黯兮慘悴、風悲日曠。黯、深慘色。曠、無光也。蓬斷

草枯、凜若霜晨。蓬草盡枯斷、終日如霜落之晨。鳥飛不下、獸鋌鋌、亡羣。鋌、疾走貌。○先將空場寫出愁慘氣象。

亭長告余曰、此古戰場也、常覆福、三軍。往往鬼哭、天陰則聞。述亭長言、倍加愁慘。

常覆三軍四字、是一篇之綱。傷心哉、秦歟漢歟、將近代歟。總弔一筆、只用傷心哉三字、便愁慘無極。吾聞夫齊

魏徭戍、荆韓召募。徭、役也。戍、守邊卒也。召募、以財招兵也。萬里奔走、連年暴露。奔走既遙、暴露又久。

沙草晨牧、河冰夜渡。晨則牧馬、夜則渡河。地闊天長、不知歸路。寄身鋒刃、腦關、

臆誰訴。腦臆、意不泄也。○此是寫三軍初合未覆時、就秦漢之先說起。秦漢而還、多事四夷。中州耗斁、妒、無

世無之。耗、損也。斁、敗也。○總言秦漢以來、事戰場之苦。古稱戎夏、不抗王師。自古天子以文教安天下、外戎中夏、不敢抗拒王者

之師、以王師用正也。文教失宣、武臣用奇。不用正而用奇。奇兵有異於仁義、王道迂闊而莫

爲。因此多殺傷之慘。嗚呼噫嘻、吾想夫北風振漠、胡兵伺便。漠、沙漠之地。伺、偵候也。北風振漠之時、邊防



易于疎虞、敵兵常伏、而伺察其便。期門、軍衛之門。主將輕主將驕敵、期門受戰。敵、遂臨期門以受戰。野豎旄旗、川迴

組練。組、組甲。漆甲成組文。練、練袍。皆戰備也。法重心駭、威尊命賤。八字、尤極酸楚。利鏃穿骨、驚沙

入面。主客相搏、山川震眩。主客合圍而相擊、則金鼓互喧、山川亦爲之震眩。聲析江河、勢崩雷電。

析、分也。聲之震也、足以分江河。勢之崩也、不異于雷電。○此是寫初戰未覆時。至若窮陰凝閉、凜冽海隅。凜冽、寒積雪氣嚴也。積雪

沒脛、形去聲。堅冰在鬚。鷙鳥休巢、征馬踟躕。休巢、休于巢中不出也。踟躕、行不進貌。言皆畏寒也。繒情、

續曠、無溫、墮指裂膚。續、綿也。當此苦寒、天假強胡。憑陵殺氣、以相

剪屠。加寫苦寒、更自淒慘。徑截輜重、橫攻士卒。輜重、載衣物車。都尉新降、將軍覆沒。屍

填巨港、講。之岸、血滿長城之窟。坤入聲。窟、孔穴也。無貴無賤、同爲枯骨、可勝升、

言哉。此是寫三軍正覆時。鼓衰兮力盡、矢竭兮絃絕。白刃交兮寶刀折、兩軍蹙兮

生死決。蹙、迫也。降矣哉、終身夷狄。戰矣哉、骨暴沙磧。力、○磧、小石。○此重寫三軍欲覆未覆時。

鳥無聲兮山寂寂、夜正長兮風淅淅。昔、○淅淅、聲蕭也。魂魄結兮天沉沉、沉沉、昏暗也。



鬼神聚兮雲冪冪。

密、○冪冪、陰慘也。

日光寒兮草短、月色苦兮霜白。傷心慘目、

有如是耶。

此則寫三軍已覆之後也。

吾聞之、牧用趙卒、大破林胡。開地千里、遁逃

匈奴。

李牧、趙良將。○歎趙。

漢傾天下、

財殫力痛、

數、

任人而已、其在多乎。

痛、病也。漢雖傾動天

下、而財盡力病、因思守邊之將、在得人、不在多也。○怨漢。

周逐獫

險、

狁、

允、

北至太原。

既城朔方、

全師而

還。旋、飲至策勳、和樂且閑。穆穆棣棣、君臣之間。

獫狁、北狄也。朔方、北荒之地。飲至、歸而告至

于廟而飲也。穆穆、幽深和敬之貌。棣棣、威儀閑習之貌。○歎周。

秦起長城、竟海爲關。荼毒生靈、萬里朱殷。

煙、○殷、赤黑色。朱、血色久則殷。○怨秦。

漢擊匈奴、雖得陰山。枕骸遍野、功不補患。

○怨漢。○看他

疊疊只怨秦漢、近代不言可知。

即蒼蒼蒸民、

蒼蒼、天也。蒸、衆也。言天生衆民。

誰無父母、提攜捧負、畏其不

壽。誰無兄弟、如足如手。誰無夫婦、如賓如友。生也何恩、殺之何咎。

死于戰者有何罪。

其存其沒、家莫聞知。

父母兄弟妻子、不得而知。

人或有言、將信將疑。惛惛淵、

心目、寢寐見之。

惛惛、憂忿也。

布奠傾觴、哭望天涯。

夷、○布奠而哭望、不知其死所也。

天地爲愁、

草木淒悲。弔祭不至、精魂何依。又從家中寫出酸楚。必有凶年、人其流離。老子云、大

有凶年。不但死者可傷、生者亦可慮也。嗚呼噫嘻、時耶命耶、從古如斯。總結秦漢近代。爲之奈何、守狩、

在四夷。雖有宣文教、施仁義以行王道、使戎夏爲一、而四夷各爲天子守土、則無事于戰矣。○結出一篇主意。

通篇只是極寫亭長口中、常覆三軍一語。所以常覆三軍、因多事四夷故也。遂將秦漢至近代、上下數千百年、反反覆覆、寫得愁慘悲哀、不堪再誦。

## 陋室銘

劉禹錫

山不在高、有仙則名。水不在深、有龍則靈。以山水引起陋室。斯是陋室、惟吾德

馨。有吾德之馨香、可以志室之陋。苔痕上階綠、草色入簾青。室中景。談笑有鴻儒、往來無白

丁。室中人。可以調素琴、閱金經。無絲竹之亂耳、無案牘之勞形。室中事。南陽

諸葛廬、西蜀子雲亭。孔明居南陽草廬。子雲居西蜀、有玄亭。○引證陋室。孔子云、何陋之有。應德馨結。

陋室之可銘、在德之馨、不在室之陋也。惟有德者居之、則陋室之中、觸目皆成佳趣。末以何陋結之、饒有逸韻。

## 阿房宮賦

杜牧



六王畢、四海一。蜀山兀、阿房出。

燕、趙、韓、魏、齊、楚滅而海內一統。蜀山木盡、而阿房始成。○起匹語、只十二字。便

將始皇混一已後、縱心溢志寫盡。真突兀可喜。

覆壓三百餘里、廣。隔離天日。

僅與天日相隔。○高。驪山北構而

西折、直走咸陽。

驪山在北、咸陽在西。自驪山北結屋、曲折而至西、直赴咸陽殿爲大宮。

二川溶溶、流入宮牆。

二川、渭川、

樊川也。溶溶、安流也。○此段總寫其大、下乃細寫之。

五步一樓、十步一閣。廊腰縵迴、簷牙高啄。

廊腰曲折、如

繒縵之迴環。簷牙尖聳、如禽獸之高啄。

各抱地勢、鉤心鬪角。

或樓或閣、各因地勢而環抱其間。屋心聚處如鉤、屋角相湊若鬪。

盤盤焉、

囷囷焉、

屈平聲

蜂房水渦、

窩、蠹觸、不知其幾千萬落。盤盤、周迴也。囷囷、屈曲也。遠望天井、如蜂之房。水溜天井

中爲窩、卽瓦溝也。蠹、高起貌。落、簷滴也。○此段寫宮中樓閣之多。

長橋臥波、未雲何龍。

自阿房渡渭、屬之咸陽、以象天極。有長橋臥水波上、

疑是爲龍。然龍必有雲、今無雲、知非龍。

複道行空、不霽何虹。

自殿下直抵南山之巔、架木爲複道、若空中行。朱碧相照、疑是爲虹、然虹必待霽、今

不霽、知非虹。高低冥迷、不知西東。

言長橋複道、無從辨高低西東也。○此段寫橋梁道路之遠。歌臺暖響、春光融融。

臨臺而歌、則響爲之暖、如春光之融和。

舞殿冷袖、風雨淒淒。

舞罷閑散、則袖爲之冷、如風雨之淒涼。一日之內、一宮

之間、而氣候不齊。

言非一日暖、一日冷、或一宮暖、一宮冷也。只一日

妃嬪貧、媵孕、



嬙、其狀、○自皇后而下、爲妃爲嬪。又六國公辭樓下殿、辭六王之樓、輦其次、則爲媵爲嬙。○六國宮妃。

連上來於秦。駕人以待曰輦。朝歌夜絃、爲秦宮人。早以聲歌、夜以絲絃、轉而爲秦皇之宮人。○六句承上寫歌舞、接下寫美人。

明星熒熒、開妝鏡也。疑其星、言鏡之多。綠雲擾擾、梳曉鬟還也。疑其雲、言鬟之多。渭流

漲膩、棄脂水也。言脂之多。烟斜霧橫、焚椒蘭也。言香之多。雷霆乍驚、宮車過

也。輶輶遠聽、杳不知其所之也。輶輶、車聲。言車之多、比上增一句、參差。一肌一容、盡態極

妍。縵立遠視、而望幸焉。縵、寬心也。天子有不得見者、三十六年。始皇在位三十

六年。言終其身、而不得一見。此段寫宮中美人之多。燕趙之收藏、韓魏之經營、齊楚之精英、收藏、經營、指下金

玉等言。○橫寫六國珍奇。幾世幾年、取掠其人、倚疊如山。六國歷久取掠于人、故多積如山。○豎寫六國珍奇。一旦

不能有、輸來其閒。六國一日不能自保其所有、盡輸于秦。鼎鑪、玉石、金塊珠礫。力、○鑪、釜屬。礫、小石。

謂視鼎如鑪、玉如石、金如塊、珠如礫也。棄擲邈迤、○棄擲、言其多、不能盡度閣于几席。邈迤、連接也、言棄擲不止一處也。秦人視之、

亦不甚惜。言不惟秦皇、即秦民亦侈甚也。○此段寫宮中珍奇之多。嗟乎、一人之心、千萬人之心也。秦愛



紛奢、人亦念其家。人情不甚相遠。奈何取之盡鎔銖、用之如泥沙。使負棟之柱、

多於南畝之農夫。架梁之椽、多於機上之工女。釘頭磷磷、鄰多於在庾

之粟粒。瓦縫鳳參差、多於周身之帛縷。直欄橫檻、多於九土之城郭。

管絃嘔謳啞、鴉、多於市人之言語。總上極寫。使天下之人、不敢言而敢怒。獨

夫之心、日益驕固。獨夫、指秦皇。○寫秦止此。戍卒叫、陳涉乃戍卒、呼而人響應。一函谷舉、漢高入函谷關。楚

人一炬、項羽燒秦宮室。可憐焦土。一篇無數壯麗、只以四字了之。嗚呼、滅六國者、六國也、非秦

也。斷六國。族秦者、秦也、非天下也。斷秦。嗟夫、使六國各愛其人、則足以拒

秦。痛惜六國。秦復愛六國之人、則遞三世、可至萬世而爲君、誰得而族滅也。

秦止二世而亡。○痛惜秦。秦人不暇自哀、而後人哀之。後人哀之而不鑑之、亦使後人

而復哀後人也。言盡而意無窮。

前幅極寫阿房之瑰麗、不是羨慕其奢華、正以見驕橫斂怨之至、而民不堪命也、便伏有不愛六國之人意在。所以一炬之後、迴視向來瑰麗、亦復何有。以下因盡情痛

悼之、爲隋廣叔寶等人炯戒、尤有關治體。不若上林子虛、徒逢君之過也。

## 原道

韓愈

博愛之謂仁、行而宜之之謂義、由是而之焉之謂道、足乎己無待於外之

謂德。

下二句、俱指仁義說。○起四語、具四法。

仁與義爲定名、道與德爲虛位。

所謂道德云者、仁義而已。故以仁義爲定

名、道德爲虛位。道德之實。故道有君子小人、如易言、君子道長、而德有凶有吉。如易

恆其德、貞。婦人吉、夫子凶。此所以謂之虛位也。老子之小仁義、老子、大道廢、有仁義。非毀之也、其見者小也。

見小、是老坐井而觀天、曰天小者、非天小也。忙中著此數語、如落彼以煦煦許、

爲仁、子子爲義、其小之也則宜。煦煦、小惠貌。子子、孤立貌。老子錯認仁義、故以爲小。其所謂道、道其

所道、非吾所謂道也。其所謂德、德其所德、非吾所謂德也。老子、道可道、非常道。又、上

德不德、是以有德。老子不凡吾所謂道德云者、合仁與義言之也、天下之公言

也。老子之所謂道德云者、去仁與義言之也、一人之私言也。老子平日談道德、乃欲離却



仁義、一味是虛無上去。曾不知道德自仁義中出、故據此闢之、已括盡全篇之意。周道衰、孔子沒、火于秦、秦李斯、請吏官非秦記、皆燒之。非

博士官所職、天下敢有收藏詩書百家語者、悉詣守尉雜燒之。黃老于漢、黃老、黃帝、老子也。漢曹參始薦蓋公能言黃老、文帝宗之。自是相傳學道衆矣。佛于

晉魏梁隋之間。後漢明帝夜夢金人飛行殿庭。以問于朝、而傳毅以佛對。帝遣使往天竺、得佛經及釋迦像。自後佛法徧中夏焉。此特南舉晉梁、北舉魏隋也。其

言道德仁義者、不入於楊、則入于墨。不入于老、則入于佛。楊、墨、佛、老雖並黜、只

重佛老一邊。入于彼、必出于此。入者主之、出者奴之。入者附之、出者汙之。

入于楊、墨、佛、老者、必出于聖人之學。主異端者、必以聖人爲奴。此處說人從異端。衍此六句、方頓挫。噫、後之人其欲聞

仁義道德之說、孰從而聽之。冷語收上。下又翻出佛老兩段作波瀾。老者曰、孔子、吾師之弟

子也。佛者曰、孔子、吾師之弟子也。老者、佛者、謂治老佛之道者。如孟子所謂墨者是也。爲孔子者、

習聞其說、樂其誕而自小也、亦曰吾師亦嘗師之云爾。爲、治也。言治孔子之道者、喜佛老之怪誕、

而自以儒道爲小、而願附之。不惟舉之於其口、而又筆之於其書。筆之于書、如莊子天運篇、孔子見老子而語仁義。老子曰、仁義

僭然乃憤吾心、亂莫大焉。噫、後之人雖欲聞仁義道德之說、其孰從而求之。



重上一段作小甚矣、人之好怪也、不求其端、不訊其末、惟怪之欲聞。端、始也。末、終也。

佛老之說甚怪、而人好之。故反足。以勝吾道。○數語是文章之要領。古之爲民者四、今之爲民者六。古之教者處其

一、今之教者處其三。添了佛老二種。農之家一、而食粟之家六。工之家一、而

用器之家六。賈之家一、而資焉之家六。農、工、賈三句、緊頂上。今四句、總言佛老之害。奈之何民

不窮且盜也。有此句、下面許多功用、便少不得。古之時、人之害多矣。害、指下文蟲、蛇、禽、獸、飢、寒、顛、病等語。有

聖人者立、然後教之以相生相養之道。見得天地間不可無聖人之道、有功于人、非佛老可及。爲之君、爲

之師。書、天降下民、作之師。驅其蟲蛇禽獸而處之中土。寒然後爲之衣、飢然後

爲之食。木處而顛、土處而病也、然後爲之宮室。爲之工以贍其器用、

爲之賈以通其有無、爲之醫藥以濟其天死、爲之葬埋祭祀以長其恩愛、

爲之禮以次其先後、爲之樂以宣其湮因、鬱、爲之政以率其怠倦、爲之刑

以鋤其強梗。相欺也、爲之符璽斗斛權衡以信之。相奪也、爲之城郭甲



兵以守之。害至而爲之備、患生而爲之防。

連用十七箇爲之字、起伏頓挫、如層峯疊嶂、如驚波巨浪。自不覺其重複。

蓋句法善轉換也。○說出聖人許多實功、正見佛老之謬、全在下清淨寂滅四字。

今其言曰、聖人不死、大盜不止。剖斗折

衡、而民不爭。

其言指老氏之書。

嗚呼、其亦不思而已矣。如古之無聖人、人之類

滅久矣。

用反語束上文聖人治天下。許多條理、一句可以喚醒。

何也、無羽毛鱗介以居寒熱也、無爪牙以

爭食也。

言人不若禽獸之有羽毛鱗介爪牙、必待聖人衣食之。若無聖人、豈能至今有人類乎。

是故君者、出令者也。臣者、

行君之令而致之民者也。民者、出粟米麻絲、作器皿、通貨財、以事其

上者也。君不出令、則失其所以爲君。臣不行君之令而致之民、則失其

所以爲臣。民不出粟米麻絲、作器皿、通貨財、以事其上、則誅。

提出君臣民三

項、一正一反、以形佛老之無父無君。

今其法曰、必棄而君臣、去而父子、禁而相生相養之道、

其法、指佛老之教。而、汝也。

以求其所謂清淨寂滅者。

老言清淨、佛言寂滅、此佛老之反于聖人處。

嗚呼、其亦幸而

出於三代之後、不見黜於禹、湯、文、武、周公、孔子也。其亦不幸而

不出於三代之前、不見正於禹、湯、文、武、周公、孔子也。

著此感慨一段、味便深長、文便鼓宕。

帝之與王、其號雖殊、其所以爲聖一也。夏葛而冬裘、渴飲而饑食、其

事雖殊、其所以爲智一也。今其言曰、曷不爲太古之無事。

此老莊之語。

是亦責

冬之裘者曰、曷不爲葛之之易也。責饑之食者曰、曷不爲飲之之易也。

突入譬喻、破其清淨、無爲之說。

傳曰、古之欲明明德於天下者、先治其國。欲治其國者、

先齊其家。欲齊其家者、先修其身。欲修其身者、先正其心。欲正其心

者、先誠其意。然則古之所謂正心而誠意者、將以有爲也。

佛老托于無爲、大學功在有爲、

二字蓋折其謬。

今也欲治其心、

佛老亦治心之學。

而外天下國家、滅其天常。子焉而不父其

父、臣焉而不君其君、民焉而不事其事。

此佛老之無爲。

孔子之作春秋也、諸侯

用夷禮、則夷之、進於中國、則中國之。經曰、夷狄之有君、不如諸夏之

亡。詩曰、戎狄是膺、荊舒是懲。今也、舉夷狄之法、而加之先王之教



之上、幾何其不胥而爲夷也。極言佛老之禍天下、所以深惡而痛絕之。夫所謂先王之教者、何也。緊接。

博愛之謂仁、行而宜之之謂義、由是而之焉之謂道、足乎己無待於外之

謂德。其文詩書易春秋。其法禮樂刑政。其民士農工賈。其位君臣父子、

師友賓主、昆弟夫婦。其服麻絲。其居宮室。其食粟米果蔬魚肉。其爲

道易明、而其爲教易行也。夫所謂至此一段、收拾前文、生發後文、絕妙章法。是故以之爲己、則順而祥。

以之爲人、則愛而公。以之爲心、則和而平。以之爲天下國家、無所處

而不當。是故生則得其情、死則盡其常。郊焉而天神假、格。廟焉而人鬼

饗。曰、斯道也、何道也。問語作態。曰、斯吾所謂道也、非向所謂老與佛之

道也。應非吾所謂道一段、是原道結穴。堯以是傳之舜、舜以是傳之禹、禹以是傳之湯、湯以

是傳之文武周公、文武周公傳之孔子、孔子傳之孟軻、軻之死、不得其

傳焉。軻之死一句、承上極有篇精神在此。荀與楊也、擇焉而不精、語焉而不詳。荀卿、名況。趙人。嘗推儒

墨道德之行事興壞、序列著數萬言而卒。漢、楊雄、字子雲、所撰有法言十三卷。○故云孟子之後不得其傳。由周公而上、上而為君、故其

事行。由周公而下、下而為臣、故其說長。事行、謂得位以行道。○重下二句、是說長、謂立言以明道也。○重下二句、是原道本意。

然則如之何而可也。完矣、一轉。又曰、不塞不流、不止不行。佛老之道、不塞不止。聖人之道、不流不行。

人其人、僧道俱令還俗。火其書、絕其惑人之說。廬其居、寺觀改作民房。明先王之道以道導之。

鰥寡孤獨廢疾者有養也。以無佛老之害、故其亦庶乎其可也。兩可字呼應作結、言有盡而意無窮。

孔子沒、大道廢、異端熾。千有餘年、而後得原道之書辭而闢之、理則布帛菽粟、氣則山走海飛、發先儒所未發、為後學之階梯、是大有功名教之文。

## 原 毀

韓 愈

古之君子、其責己也重以周、其待人也輕以約。此孔子所謂、躬自厚而薄責于人之意。○二語是一篇之柱。重

以周、故不怠。輕以約、故人樂為善。申上文作兩對、是雙關起法。聞古之人有舜者、其

為人也、仁義人也。求其所以為舜者、責於己曰、彼人也、予人也、彼

能是、而我乃不能是。早夜以思、去其不如舜者、就其如舜者。聞古之



人有周公者、其爲人也、多才與藝人也。求其所以爲周公者、責於己曰、

彼人也、予人也、彼能是、而我乃不能是。早夜以思、去其不如周公者、

就其如周公者。此三段語意、俱本孟子舜何人、子何人一段來。舜、大聖人也、後世無及焉。周公、

大聖人也、後世無及焉。是人也、乃曰、不如舜、不如周公、吾之病也。

只轉說。一說便見波瀾。是不亦責於身者、重以周乎。應一其於人也、曰、彼人也、能

有是、是足爲良人矣。能善是、是足爲藝人矣。從上段能字、生出善字。取其一、不責

其二。卽其新、不究其舊。恐恐然惟懼其人之不得爲善之利。順勢衍足一上意。

善、易修也。一藝、易能也。其於人也、乃曰、能有是、是亦足矣。曰、

能善是、是亦足矣。亦轉說。一說又作波瀾。不亦待於人者、輕以約乎。應一句。○已上寫古之君子作兩

扇。是今之君子則不然。一句折入。其責人也詳、其待己也廉。詳、故人難於爲

善。廉、故自取也少。亦作雙關起法。己未有善、曰、我善是、是亦足矣。己未

有能、曰、我能是、是亦足矣。外以欺於人、內以欺於心、未少有得而止矣。不亦待其身者已廉乎。應一其於人也、曰、彼雖能是、其人不足稱也。彼雖善是、其用不足稱也。舉其一、不計其十。究其舊、不圖其新。

恐恐然惟懼其人之有聞也。是不亦責于王者已詳乎。應一子、作兩扇、是主。亦只就

能善二字、翻弄成文、妙。夫是之謂不以衆人待其身、而以聖人望於人、吾未見其尊己

也。文極滔滔莽莽、有一瀉千里之勢。不意從此閒忽作雖然、轉。爲是者、有本有原、

怠與忌之謂也。怠者不能修、而忌者畏人修。怠忌二字、切中今人病痛。下文只說忌者、而怠者自可知、惟怠故忌

也。○方說到本題、此爲毀之根也。吾嘗試之矣。又作一颺、生下一比。嘗試語於衆曰、某良士、某良士。

其應者必其人之與也。不然、則其所疏遠、不與同其利者也。不然、則

其畏也。不若是、總撇上三句。強者必怒於言、懦者必怒於色矣。良士一段、是主中之賓。又

嘗語於衆曰、某非良士、某非良士。其不應者、必其人之與也。不然、



則其所疏遠、不與同其利者也。不然、則其畏也。不若是、總概上三句。強者必

說悅於言、懦者必說於色矣。

非良士一段、是主中之主。○兩意形出忌字、以原毀者之情、委婉曲折、詞采若畫。

是故事修

而謗興、德高而毀來。嗚呼、士之處此世、而望名譽之光、道德之行、

難已。

原毀篇、到末纔露出毀字。大都詳與廉、毀之枝葉。愈與忌、毀之本根。不必說毀、而毀意自見。

將有作於上者、得吾說而存

之、其國家可幾而理歟。

慨然有餘思。

全用重周、輕約、詳廉、愈忌八字立說。然其中只以一忌字、原出毀者之情。局法亦奇。若他人作此、則不免露爪張牙、多作讎憤語矣。

### 獲麟解

韓愈

麟之爲靈昭昭也。

麟、麋身、牛尾、馬蹄、一角、毛蟲之長、王者之瑞也。○先立一句、靈字伏德字。

詠於詩、書於春秋、

雜出於傳記百家之書、雖婦人小子、皆知其爲祥也。

詩、麟之趾。春秋、魯哀公十三年、西狩獲麟。傳

記百家、謂史傳所記、及諸子百家也。雖婦人小子皆知其爲祥瑞、正見其昭昭處。○一轉。

然麟之爲物、不畜於家、不恆有於天

下、其爲形也不類、非若馬牛犬豕豺狼麋鹿然。然則雖有麟、不可知其

為麟也。

知其為祥、不可知其為麟、所以為靈。○二轉。

角者吾知其為牛、鬣鬣者吾知其為馬、犬豕

豺狼麋鹿、吾知其為犬豕豺狼麋鹿、惟麟也不可。不可知、則其謂之

不祥也亦宜。

既不可知其為麟、則謂麟為不祥之物、亦無足怪。○三轉、起下聖人必知麟。

雖然、麟之出、必有聖人在乎

位、麟為聖人出也。

帝王之世、麟在郊數。

聖人者、必知麟。

麟之果不為不祥也。

麟必待有知麟

之聖人而後出、麟固無有謂其不祥者。○四轉。

又曰、麟之所以為麟者、以德不以形。

以德句、正與為靈昭昭句相應。德字、即

靈字之意。德故靈也。

惟若麟之出、不待聖人、則謂之不祥也亦宜。

若出非其時、則失其所以為為麟矣、何祥之有。

○五轉。○上不祥、是天下不知麟也、非麟之咎也。此不祥、真麟之罪也、非天下之咎也。

此解與論龍論馬、皆退之自喻。有為之言、非有所指實也。文僅一百八十餘字、凡五轉、如游龍、如轉轆、變化不窮、真奇文也。

## 雜說一

韓愈

龍嘘氣成雲、雲固弗靈於龍也。

嘘氣、虛口出氣也。能靈于龍。○一節、言龍之靈輕。下急轉。

然龍乘

是氣、茫洋窮乎玄閼、

薄

日月、伏光景、

影

感震電、

神變化、

水下土、



汨骨陵谷、雲亦靈怪矣哉。

茫洋、雲水之氣、極乎穹蒼、日月爲之掩蔽、光影爲之伏藏、雷電爲之震動、其變化風雨、則水徧乎下土、陵谷爲

之汨沒、雲亦靈怪極矣。○二節、言雲之靈重。

雲、龍之所能使爲靈也。若龍之靈、則非雲之所能使

爲靈也。

三節、申言龍之靈輕、下急轉。

然龍弗得雲、無以神其靈矣。失其所憑依、信不可

與。

四節、申言雲之靈重。

異哉、其所憑依、乃其所自爲也。

雲爲龍之嘘氣、故曰自爲。○五節、言龍能爲雲、若無龍、則亦無雲矣。輕。

易曰、雲從龍。

易、雲從龍、風從虎、聖人作而萬物覩。

旣曰龍、雲從之矣。

六節、言龍必有雲。若無雲、則亦非龍矣。重。

此篇以龍喻聖君、雲喻賢臣。言賢臣固不可無聖君、而聖君尤不可無賢臣。寫得婉委曲折、作六節轉換。一句一轉、一轉一意。若無而又有、若絕而又生、變變奇奇、

可謂筆端有神。

### 雜說四

韓愈

世有伯樂、然後有千里馬。

伯樂、秦穆公時人、姓孫、名陽、善相馬。以伯樂喻知己、以千里馬喻賢士。○一歎。

此千里馬

常有、而伯樂不常有。

二歎。

故雖有名馬、祇辱於奴隸人之手、駢辨平死於槽

枥之間、不以千里稱也。

駢、並也。○三歎。

馬之千里者、一食或盡粟一石、食

馬者、不知其能千里而食也。是馬也、雖有千里之能、食不飽、力不足、

才美不外見、且欲與常馬等不可得、

筆。一

安求其能千里也。

四數。○千里二字、凡七唱、感

慨悲婉。

策之不以其道、食之不能盡其材、鳴之而不能通其意、執策而臨之

曰、天下無馬。嗚呼、其真無馬邪、其真不知馬也。

五數、總結。

此篇以馬取喻、謂英雄豪傑、必遇知己者、尊之以高爵、養之以厚祿、任之以重權、斯可展布其材。否則英雄豪傑、亦已埋沒多矣。而但謂之天下無才、然耶否耶、甚

矣、知遇之難其人也。





# 古文觀止卷之八

## 師說

韓愈

古之學者必有師。師者、所以傳道受業解惑也。

說得師道如此鄭重。一篇大綱領、具見于此。一人非生

而知之者、孰能無惑。惑而不從師、其爲惑也、終不解矣。

緊承解惑說、下承傳道說。生

乎吾前、其聞道也、固先乎吾、吾從而師之。生乎吾後、其聞道也、亦

先乎吾、吾從而師之。吾師道也、夫庸知其年之先後生於吾乎。是故無

貴無賤、無長無少、道之所存、師之所存也。

道在即師在、是絕世議論。

嗟乎、師道之不

傳也久矣、欲人之無惑也難矣。

忽作慨歎、若承若起、佳甚。

古之聖人、其出人也遠矣。

猶且從師而問焉。今之衆人、其下聖人也亦遠矣、而恥學於師。是故聖

益聖、古愚益愚。今聖人之所以爲聖、愚人之所以爲愚、其皆出於此乎。



此是高一等說話、翻前面人非生知之說。

愛其子、擇師而教之。於其身也、則恥師焉、惑矣。彼

童子之師、授之書、而習其句讀<sub>豆</sub>者也。非吾所謂傳其道、解其惑者也。

句讀之不知、惑之不解、或師焉、或不<sub>否</sub>焉。小學而大遺、吾未見其明

也。

童子句讀之不知、則爲之擇師。其身惑之不解、則不擇師。是學其小、而遺志其大者、可謂不明也。○此就尋常話頭、從容體出至情、其理明、其辭切。

巫醫樂師

百工之人、不恥相師。士大夫之族、曰師曰弟子云者、則羣聚而笑之。

問之、則曰彼與彼年相若也、道相似也。有長有少矣。位卑則足羞、官盛則近諛。

有貴有賤矣。

嗚呼、師道之不復可知矣。

可爲長太息。

巫醫樂師百工之人、君子不齒。

齒、列也。

今其智乃反不能及、其可怪也歟。

此與前論聖人且從師同意。前以至貴者形今人之不從師、此以至賤者形今人之不從

師。反覆劇論、意其切至。

聖人無常師、孔子師郯<sub>談</sub>、子、萇<sub>長</sub>、宏、師襄、老聃<sub>耽</sub>、郯子

之徒、省句。其賢不及孔子。

孔子詢官名于郯子、訪樂于萇、宏、學琴于師襄、問禮于老聃。

孔子曰、三人行、則必有

我師。

借孔子作證、取前聖人從師意。

是故弟子不必不如師、師不必賢於弟子。聞道有先後、

術業有專攻、如是而已。收前吾師道意、完足。李氏子蟠、年十七、蟠、貞元十年進士。好古文、

六藝經傳、皆通習之。不拘於時、學於余。異于今人。余嘉其能行古道、不異于古人。

作師說以貽之。

通篇只是吾師道也一句。言觸處皆師、無論長幼貴賤、惟人自擇。因借時人不肯從師、歷引童子、巫醫、孔子喻之。總是欲李氏子能自得師、不必謂公慨然以師道自

任、而作此以倡後學也。

## 進學解

韓愈

國子先生、元和七年、公復為國子博士。晨入太學。招諸生立館下、誨之曰、業精於勤、

荒於嬉。行去、成於思、毀於隨。隨、因循也。起下不明不公意。方今聖賢相逢、聖君賢臣。

治具畢張。需才分任。拔去兇邪、登崇俊良。占去聲、小善者率以錄、名一藝者無

不庸。庸、用也。爬杷、羅剔抉、淵入聲。謂刮取人才。刮垢磨光。謂造就人才。蓋有幸而獲選、孰

云多而不揚。幸字、最含蓄。諸生業患不能精、無患有司之不明。行患不能成、



無患有司之不公。此四句、是一篇議論張本。言未既、有笑於列者曰、先生欺余哉。弟子

事先生、于茲有年矣。頭。先生口不絕吟於六藝之文、手不停披於百家之

編。紀事者必提其要、舉綱挈領。纂言者必鉤其玄。極深研幾。貪多務得、細大不

捐。悉備。焚膏油以繼晷、晷、日景也。兀兀、勞苦也。〇恆久。恆兀兀以窮年。先生之業、可謂

勤矣。一段、言勤。舐底、排異端、攘斥佛老。舐、觸也。〇關邪說。補苴、罅、罅、漏、張皇

幽眇。苴所以藉履。呂覽、衣弊不補、履決不苴。罅、孔隙也。〇翼聖學。尋墜緒之茫茫、

獨旁搜而遠紹。承補苴張皇說。障百川而東之、迴狂瀾於既倒。承舐排攘斥說。先生之於

儒、可謂勞矣。二段、言勞。沉浸醲郁、含英咀華。讀書而涵泳其味。作為文章、其

書滿家。作文而悉本于古。上規姚姒、渾渾無涯。姚、虞姓。姒、虞夏之書渾渾爾。周誥殷盤、

佶屈聱牙。周誥、大誥、康誥、酒誥、召誥、洛誥是也。殷盤、盤。佶屈聱牙、皆艱澁難讀貌。春秋謹嚴、

一字褒貶、左氏浮誇。左傳釋經、浮虛誇大。易奇而法、易之變易甚奇、而詩正而葩。〇詩之義謹而嚴毅。詩正而葩。



理其正、而藻麗之詞實華。下逮莊騷、莊子、離騷。太史所錄。史記、漢書。子雲相如、揚雄、字子雲。司同

工異曲。猶樂之同工、而異其曲調。○文章不本六經、雖生剽子雲之篇、行剽相如先生之

於文、可謂閱其中而肆其外矣。三段、言文章之著見。少始知學、勇於敢爲。長通於

方、左右具宜。先生之於爲人、可謂成矣。四段、言爲人之成立。○上三段論然

而公不見信於人、私不見助於友、跋撥前寔至後、動輒得咎。詩、豳風、

載寔其尾。跋、躡也。胡、老狼領下縣肉也。寔、踏也。狼進而躡其胡、則退而踏其尾、言進退不得自由也。暫爲御史、遂竄南夷。貞元十九

監察御史。謫陽山令。三年博士、冗冗不見治。公元和元年、六月、爲博士。四年、六月、遷都官

命與仇謀、取敗幾時。命與仇敵爲謀、數遭敗壞。冬煖而兒號平寒、年豐而妻啼飢。頭

童齒豁、竟死何裨。悲、○山無草木曰童。豁、落也。裨、益也。不知慮此、反教人爲。尾、○勤業四

成一語發來、然而一轉、正破不公不明也。先生曰、吁、子來前、夫大木爲杗、萌、細木爲桷、角、○杗、

椽也。榑、薄、櫨、盧、侏儒、榑、櫨、盧、侏儒、榑、櫨、短柱。侏儒、短椽。椳威闌居簞楔、屑、○椳、門樞也。闌、門中樞



各得其宜、施以成室者、匠氏之工也。匠用木無論小大。○一喻。玉札丹砂、赤箭青芝、

玉屑、一名玉札、生藍田山谷。丹砂、硃砂也。赤箭、生陳倉、及太山少室。青芝、出太山。四者、皆貴藥。牛溲馬勃、敗鼓之皮、牛溲、牛溺也。馬

勃、馬屁菌也。敗鼓皮、主蟲毒。三者、皆賤藥。俱收並蓄、待用無遺者、醫師之良也。醫用藥、無論貴賤。○二喻。登

明選公、雜進巧拙、紆餘爲妍、作緩態者。卓犖落爲傑、行直道者。校短量長、惟

器是適者、宰相之方也。宰相用人、無論智之巧拙、才之長短。○三結。昔者孟軻好辯、孔道以明。

轍環天下、卒老於行。引。荀卿守正、大論是宏。逃讒於楚、廢死蘭陵。

荀卿、趙人。齊襄王時、爲稷下祭酒。避讒適楚、春申君以爲蘭陵。○二引。是二儒者、吐辭爲經、

舉足爲法。絕類離倫、優入聖域。其遇於世何如也。冷語不盡。○三今先生

學雖勤而不由其統、言雖多而不要平聲、其中、文雖奇而不濟於用、行雖修

而不顯於衆。四句、解前四段意。○再轉。猶且月費俸錢、歲糜廩粟。子不知耕、婦不知

織。有以養家。乘馬從聲、徒、安坐而食。有以自養。踵常途之役役、窺陳編以盜竊。

役役、隨俗而無異能。盜竊舊章、而無創解。○再轉。

然而聖主不加誅、誅、責也。宰臣不見斥、非其幸歟。

幸其遇世、愈于二儒。○再轉。

動而得謗、名亦隨之。投閒置散、乃分之宜。

此段解前公不見信一段意。言有司未

有不公不

明處。若夫商賄之有亡、計班資之崇庳。

卑。

忘己量之所稱、去聲。指前人

之瑕疵。

財賄、謂祿也。班資、品秩也。庳、下也。前入、暗指執政。瑕疵、謂不公不明也。

是所謂詰匠氏之不以杙、亦爲

楹也。

杙、楹也。楹、柱也。杙小楹大。

而訾紫、醫師以昌陽引年、欲進其稀苓也。

昌陽、即昌蒲、久服可以延年。

稀苓、即猪苓、主滲泄。○掉尾抱前、最耐尋味。

公自貞元十八年至元和七年、屢爲國子博士、官久不遷、乃作進學解以自喻。主意全在宰相、蓋大才小用、不能無憾。而以怨對無聊之詞托之人、自咎自責之詞托之

己。最得體。

## 圻者王承福傳

韓愈

圻、之爲技、賤且勞者也。

抑。

有業之、其色若自得者。聽其言、約而盡。

一揚。○陡然立論、領起一篇精神。

問之、王其姓、承福其名。世爲京兆長安農夫。天寶之亂、



發人爲兵。

天寶十四年、冬十一月、安祿山反、帝以郭子儀爲朔方節度使討之。出內府錢帛、于京師募兵十一萬、旬日而集、皆市井子弟也。持弓矢十三

年、有官勳、棄之來歸、喪其土田、手鐺滿平聲衣食。

鐺、巧具也。○棄官勳而就傭工、使人不可測。

餘三十年、舍於市之主人、而歸其屋食之當去聲焉。

屋食、謂屋租也。當、謂所當之值。視時屋

食之貴賤、而上下其巧之傭以償之。

視屋租之貴賤、而增減其傭、還也。有餘、則以與道

路之廢疾餓者焉。

此段寫承福去官歸鄉手鐺衣食來由、畫出高士風味。

又曰、粟、稼而生者也。若布與

帛、必蠶績而後成者也。其他所以養生之具、皆待人力而後完也、吾皆

賴之。然人不可徧爲、宜乎各致其能以相生也。

此言彼此各致其能。故君者、理我

所以生者也。而百官者、承君之化者也。任有大小、惟其所能、若器皿

焉。食焉而怠其事、必有天殃、

一篇主意、特爲提出。

故吾不敢一日捨鐺以嬉。

此言小大不怠其事。

夫鐺易能、可力焉。又誠有功、取其直、同雖勞無愧、吾心安焉。夫力

易強、羌上聲而有功也、

心難強而有智也。

用力者使於人、用心者使人、亦其

宜也。吾特擇其易爲而無愧者取焉。

此言難易自擇其宜。

嘻、吾操鋤以入富貴之家

有年矣、

忽生感慨、無限烟波。

有一至者焉、又往過之、則爲墟矣。有再至三至者焉、

而往過之、則爲墟矣。問之其鄰、或曰、噫、刑戮也。或曰、身既死而

其子孫不能有也。或曰、死而歸之官也。

此是王承福所自省驗得力處、故言極痛快。

吾以是觀之、

非所謂食焉怠其事而得天殃者邪、非強心以智而不足、不擇其才之稱、

否而冒之者邪、非多行可愧、知其不可而強爲之者邪、三層、就前所自見處翻案。將富貴

難守、薄功而厚饗之者邪、抑豐悴有時、一去一來而不可常者邪。二層、又開一

步感吾之心憫焉、是故擇其力之可能者行焉。言已樂富貴而悲貧賤、我豈

異於人哉。

反一句、東得有力。○此段寫所以棄官業坊之故、是絕大議論。

又曰、功大者、其所以自奉也博、

妻與子、皆養于我者也、吾能薄而功小、不有之可也。又吾所謂勞力者、

若立吾家而力不足、則心又勞也。一身而二任焉、雖聖者不可爲也。此能寫



業自食有餘之意、是絕大見識。○此又愈始聞而惑之、又從而思之、蓋賢者也。  
日以下、又轉一步、爲自己折衷張本。

蓋所謂獨善其身者也。揚。然吾有譏焉、謂其自爲去聲也過多、其爲人也過

少、其學楊朱之道者邪。抑。楊之道、不肯拔我一毛而利天下。而夫人以

有家爲勞心、不肯一動其心以畜其妻子、其肯勞其心以爲人乎哉。似抑而實揚之。

雖然、其賢於世之患不得之而患失之者、以濟其生之欲、貪邪而亡道、

以喪其身者、其亦遠矣。昌黎作傳、全在此數語上。○愈始聞一轉。忽贊忽譏。波瀾曲折。又其言有可以警余

者、故余爲之傳、而自鑒焉。以自鑒結、意極含蓄。

前略敘一段、後略斷數語、中間都是借他自家說話。點成無限烟波、機局絕高、而規世之意、已極切至。

諱 辯

韓 愈

愈與李賀書、勸賀舉進士。賀舉進士有名、與賀爭名者毀之。曰、賀父

名晉肅、賀不舉進士爲是、勸之舉者爲非。欲奪賀名、故聽者不察也、和去聲。

而倡之、同然一辭。

一時俗人為其所惑。

皇甫湜

定

曰、若不明白、子與賀且得罪。

言公若不辨明、必見咎于賀也。○此段敍公作辨之由。

愈曰、然。

先用一然字接律曰、二名不偏諱。

釋之者曰、

謂若言徵不稱在、言在不稱徵是也。

孔子母名徵在、言在不稱徵、言徵不稱在。

不律曰、不諱嫌名。

釋之者曰、謂若禹與兩、邱與薑丘之類是也。

謂其聲音相近。

今賀父名晉肅、賀

舉進士、

此上引律文、此入敍事。

為犯二名律乎、為犯嫌名律乎。

賀父名晉肅、律尚不偏諱。今賀父名晉肅、律豈諱嫌者乎。

○此三句設疑問之、直說破不犯諱。妙。不父名晉肅、子不得舉進士。若父名仁、子不得為人乎。

嫌名獨生一脚作波瀾。奇極。

夫諱始於何時、作法制以教天下者、非周公孔子歟。周公作

詩不諱、

謂文王名昌、武王名發。若曰克昌厥後、又曰駿發爾私。

孔子不偏諱二名、

若曰宋不足徵、又曰某在斯。

春秋不譏

不諱嫌名。

若衛桓公名完。

康王釗

昭

之孫、實為昭王。

康王名釗。

曾參之父名皙、曾子

不諱昔。

若曰昔者吾友。孔子却是四句。

○此言周公孔子皆作諱禮之人、亦有所不諱者。然周公只是一句、蓋春秋為孔子之書、曾子為孔子之徒也。康王釗句、又只在春秋句

中、所謂文章虛實繁省之法也。

周之時有騏期、漢之時有杜度、此其子宜如何諱、將諱其



嫌、遂諱其姓乎、將不諱其嫌者乎。此又設疑問之、不說破。妙。漢諱武帝名徹為通、謂徹侯為

通侯、崩徹為崩通之類。不聞又諱車轍之轍為某字也。諱呂后名雉為野雞、呂后、漢高帝后。不

聞又諱治天下之治為某字也。今上章及詔、不聞諱潁虎、勢秉機也。潁勢秉機、為

近太祖太宗世祖玄宗廟諱也。蓋太祖名虎、太宗名世民、世祖名昞、玄宗名隆基。惟宦官宮妾、乃不敢言諭及機、以為觸

犯。以諭為近代宗廟諱、以機為近玄宗廟諱、代宗諱豫、玄宗諱見上。士君子立言行事、

宜何所法守也。將要收歸周孔曾參事、且問起何所法守句、已含周孔曾參意。今考之於經、指上文詩與春秋。質之於律、

指上文文漢諱武帝三段。稽之以國家之典、指上文文漢諱賀舉進士為可邪、為不可邪。倒底是一疑案、不直說破。

凡事父母、得如曾參、可以無譏矣。作人得如周公孔子、亦可以止矣。

一轉、忽作餘文。以文為樂。今世之士、指倡和不務行曾參周公孔子之行、而諱親之名、

則務勝於曾參周公孔子、亦見其惑也。二轉。夫周公孔子曾參、卒不可勝。

勝周公孔子曾參、乃比於宦官宮妾。三轉。則是宦官宮妾之孝於其親、賢於



周公孔子曾參者邪。

四轉。○一齊收捲上文。不用  
辨折、愈轉愈緊、愈不窮。

前分律經典三段、後尾抱前、婉斃顯快。反反覆覆、如大海回風、一波未平、一波復起。盡是設疑兩可之辭、待智者自擇、此別是一種文法。

## 爭臣論

韓愈

或問諫議大夫陽城於愈、可以爲有道之士乎哉。

乎哉二字、連下作疑詞。○立此句爲一篇綱領、下段段關應。

學廣而聞多、不求聞於人也。行古人之道、居於晉之鄙。

鄙、邊境也。晉之鄙人、

薰其德而善良者幾千人。

城好學、貧不能得書。乃求爲集賢寫書吏、竊官書讀之。晝夜不出。六年已無所不通。及進士第、乃去隱中條山。遠近慕其

德行、多從之學。

大臣聞而薦之、天子以爲諫議大夫。

城徙居陝州夏縣。李泌爲陝虢觀察使、聞城名、泌入相、薦爲著作郎。後德宗

令長安尉楊甯、齋東帛、召爲諫議大夫。

人皆以爲華、陽子不色喜。

公力去陳言、如榮字變爲華字。無喜色變爲不色喜、可見。

居於位

五年矣、視其德如在野。彼豈以富貴移易其心哉。

不以富貴易其貧賤之心、所以爲有道之士也。愈

應之曰、是易所謂恆其德貞、而夫子凶者也。

易、恆卦、六五、恆其德貞、婦人吉、夫子凶。言以柔順從人、而常

久不易其德、可謂正矣。然乃婦人之道、非丈夫之宜也。

惡得爲有道之士乎哉。

接口一句

在易蠱古之上九



云、不事王侯、高尚其事。易、蠱卦、上九、剛陽居上、在事之外、不臣事乎王侯、惟高尚吾之事而已。蹇之六二則曰、

王臣蹇蹇、匪躬之故。蹇、難也。蹇卦六二、柔順中正、正應在上、而在險中。是君在難中也。故不避艱險以求濟之、是蹇而又蹇、非以其身之故也。

夫亦以所居之時不一、而所蹈之德不同也。正解二若蠱之上九、居無用之

地、而致匪躬之節、以蹇之六二、在王臣之位、而高不事之心、則冒進

之患生、無用而匪躬者。曠官之刺興。王臣而不事者。志不可則、而尤不終無也。蠱上九象曰、不事

王侯、志可則也。蹇六二象曰、王臣蹇蹇、終無尤也。○上接口一句、用經斷住、此又再引經反覆。今陽子在位、不為不久矣。

聞天下之得失、不為不熟矣。天子待之、不為不加矣。在王臣之位。而未嘗一言

及於政。視政之得失、若越人視秦人之肥瘠、忽焉不加喜戚於其心。高不事之

心。○百忙中、忽著一譬喻、與原道坐井而觀天、同法。問其官、則曰諫議也。問其祿、則曰下大夫之秩

也。問其政、則曰我不知也。又作三疊、申前意。有道之士、固如是乎哉。第一且吾聞

之、更端再起。有官守者、不得其職則去。有言責者、不得其言則去。今陽子

以爲得其言乎哉。得其言而不言、與不得其言而不去、無一可者也。有言責則

當言、言不行則當去。不言與不去、無一可者也。陽子將爲祿仕乎。

不消多語、只看陽子將爲祿仕乎一轉、當令陽子俛頸吐舌、不敢伸氣。古之人

有云、仕不爲貧、而有時乎爲貧、謂祿仕者也。宜乎辭尊而居卑、辭富

而居貧、若抱關擊柝者可也。蓋孔子嘗爲委吏矣、嘗爲乘田矣、亦不敢

曠其職。必曰會計當而已矣、必曰牛羊遂而已矣。看他添減字孟子文字、成自己文字。若陽子之

秩祿、不爲卑且貧、章章明矣、而如此其可乎哉。第二或曰否、非若此也。

夫陽子惡訕上者、惡爲人臣招橋、其君之過、而以爲名者。也。招、舉故雖諫且

議、使人不得而知焉。書曰、周書、君爾有嘉謨嘉猷、則入告爾后于內、

爾乃順之於外。曰、斯謨斯猷、惟我后之德。夫陽子之用心、亦若此者。

前面意思已說盡了、主意只在再設問處轉旋、一節深于一節。愈應之曰、若陽子之用心如此、滋所謂惑者矣。

接口一句入則諫其君、出不使人知者、大臣宰相者之事、非陽子之所宜行



也。夫陽子、段段提起陽子說、不犯重、亦不冷淡。如千斛泉隨地而出、有許多情趣在。本以布衣、隱於蓬蒿之下。主

上嘉其行誼、擢在此位。官以諫爲名、誠宜有以奉其職。使四方後代、

知朝廷有直言骨鯁之臣、天子有不僭賞從諫如流之美。不僭賞、指擢庶巖穴

之士、聞而慕之。束帶結髮、願進于闕下而伸其辭說。致吾君於堯舜、

熙鴻號於無窮也。熙、明也。鴻、大名也。若書所謂則大臣宰相之事、非陽子之所宜行

也。復句、愈見醒透。且陽子之心、將使君人者、惡聞其過乎、是啓之也。是開君文過之端也。

又翻一筆作波瀾、就繳上意。○第三斷。或曰、陽子之不求聞而人聞之、不求用而君用之、不得

已而起、守其道而不變、何子過之深也。議端全在守其道而不變處。愈曰、自古聖人賢

士、皆非有求於聞用也。接口一句閔其時之不平、人之不义、以治得其道、

不敢獨善其身、而必以兼濟天下也。孜孜矻矻、坤入死而後已。孜孜、勤也。矻矻、勞也。

故禹過家門不入、孔席不暇暖、而墨突不得黔。孔子坐席不及溫、又遊他國。墨翟竈突不及黑、卽又他適。突、竈額。



也。黑彼二聖一賢者、豈不知自安佚之爲樂哉、誠畏天命而悲人窮也。

畏時之不平、悲人之不義。○以聖賢皆無心求聞用、折不求聞用句。○以其道不敢獨善、折守道不變句。○仍引禹孔墨作證、行文步驟秩然。夫天授人以賢聖才

能、豈使自有餘而已、誠欲以補其不足者也。再作頓跌、逼出妙理。耳目之於身也、耳

司聞而目司見。聽其是非、視其險易、然後身得安焉。聖賢者、時人之

耳目也。時人者、聖賢之身也。更端生一議論、尤見入情。○當看聖賢時人一語、真名世之見、各世之言。且陽子之不

賢、則將役於賢以奉其上矣。若果賢、則固畏天命而閔人窮也。惡得以

自暇逸乎哉。兩路夾攻、愈擊愈緊。○第四斷。○每段皆用一且字、故爲進步作波瀾。或曰、吾聞君子不欲加諸人、

而惡訐以爲直者。若吾子之論、直則直矣、無乃傷於德而費於辭乎。好

盡言以招人過、國武子之所以見殺於齊也、吾子其亦聞乎。國語、柯陵之會、單襄公見國武子、

其言盡。襄公曰、立于淫亂之間、而好盡言以招人過、怨之本也。○魯成公十八年、齊人殺武子。○前段攻擊陽子、直是說得他無逃避處。此段假或人之辭以攻己、其言亦甚峻、文法最高。愈

曰、君子居其位、則思死其官。未得位、則思修其辭以明其道。我將以



明道也、非以爲直而加人也。接口斷且國武子不能得善人、而好盡言於亂

國、是以見殺。傳曰、惟善人能受盡言。謂其聞而能改之也。有此一句分疏、纔有收拾。

子告我曰、陽子可以爲有道之士也。照有道之士一篇關鍵。今雖不能及已、陽子將不

得爲善人乎哉。以善人能受盡言獎陽子、回互得好。令陽子聞之、亦心平氣和、引過自責矣。○第五斷。

陽城拜諫議大夫、聞得失熟、猶未肯言、故公作此論譏切之。是箴規攻擊體、文亦擅世之奇、截然四問四答、而首尾關應如一線。時城居位五年矣。後三年、而能排

擊裴延齡、或謂城蓋有待、抑公有以激之歟。

## 後十九日復上宰相書

韓愈

二月十六日、前鄉貢進士韓愈、謹再拜言相公閣下。向上書及所著文、

後待命凡十有九日、不得命。恐懼不敢逃遁、不知所爲。乃復敢自納於

不測之誅、以求畢其說、而請命於左右。從前書敘起。愈聞之、蹈水火者之求免

於人也、不惟其父兄子弟之慈愛、然後呼而望之也。將有介於其側者、

雖其所憎怨、苟不至乎欲其死者、則將大其聲、疾呼而望其仁之也。設喻一段、却

作兩層彼介於其側者、聞其聲而見其事、不惟其父兄子弟之慈愛、然後往

而全之也、雖有所憎怨、苟不至乎欲其死者、則將狂奔盡氣、濡手足、

焦毛髮、救之而不辭也。看他複寫上文、不換一字。若是者何哉、其勢誠急而其情誠可

悲也。總上兩段、勢急是總前一段、情悲是總次一段。愈之彊學力行有年矣、愚不惟道之險夷、行且

不息、以蹈於窮餓之水火、其既危且亟矣、大其聲而疾呼矣、閣下其亦

聞而見之矣。四句四矣字生姿。其將往而全之歟、抑將安而不救歟。有來言於閣下

者曰、有觀溺於水而熱說於火者、有可救之道而終莫之救也、閣下且以

爲仁人乎哉。不然、若愈者、亦君子之所宜動心者也。兩將歟字、一乎哉字、跌出此句、最見精神。

或謂愈、子言則然矣、宰相則知子矣、如時不可何。時字正與上勢字對看。言勢雖急、而時不可也。下

文三轉、深闢其時不可之說。愈竊謂之不知言者、誠其材能不足當吾賢相之舉耳。若所謂



時者、固在上位者之爲耳、非天之所爲也。前五六年時、宰相薦聞、尙

有自布衣蒙抽擢者、與今豈異時哉。布衣蒙抽擢、自是公自開後門。且今節度觀察使、及防

禦營田諸小使等、尙得自舉判官、無間於已仕未仕者、況在宰相、吾君

所尊敬者、而曰不可乎。一段即今比擬。古之進人者、或取於盜、或舉於管庫、

禮記、管仲遇盜、取二人焉、上以爲公臣。趙文子所舉於晉國管庫之士、七十有餘家。今布衣雖賤、猶足以方於此。一段援古情自況。

盜辭蹙、不知所裁、亦惟少垂憐焉。愈再拜。

前幅設喻、中幅入正文。後幅再起一議。總以勢字時字作主。到底曲折、無一直筆。所見似悲感、而文則宕逸可誦。

### 後廿九日復上宰相書

韓愈

三月十六日、前鄉貢進士韓愈、謹再拜言相公閣下。愈聞周公之爲輔

相、其急於見賢也、方一食、三吐其哺。步。方一沐、三握其髮。周公戒伯禽曰、我文王

之子、武王之弟、今王之叔、我于天下亦不賤矣。然我一沐三握髮、一飯三吐哺、起以待士、猶恐失天下之賢人。○迷周公急于見賢、是一篇主意。當是時、將當時

勢、起、爲下設使其時一段作爲後豈盡一段伏案。天下之賢才、皆已舉用。姦邪讒佞欺負之徒、皆已除

去。四海皆已無虞。九夷八蠻之在荒服之外者、皆已賓貢。荒服去王畿益遠、以其荒野、故謂之

荒服。要服外四面又各五百里也。禹貢、五百里荒服。天災時變、昆蟲草木之妖、皆已銷息。天下之所謂

禮樂刑政教化之具、皆已修理。風俗皆已敦厚。動植之物、風雨霜露之

所霑被者、皆已得宜。休徵嘉瑞、麟鳳龜龍之屬、皆已備至。禮運、麟鳳龜龍、謂之四靈。

○此段連用九箇皆已字、化作七樣句法。字有多少、句有長短、文有反順、起伏頓挫、如驚濤怒波。讀者但見其精神、不覺其重疊、此章法句法也。而周公以聖人之

才、憑叔父之親、其所輔理承化之功、又盡章章如是。一段就周公振勢。其所求進

見之士、豈復有賢於周公者哉。不惟不賢於周公而已、豈復有賢於時百

執事者哉。豈復有所計議、能補於周公之化者哉。一段就賢士振勢。○前下九皆已字、此下三豈復字、專

爲下文然而周公求之如此其急、惟恐耳目有所不聞見、思慮有所未及、以

負成王託周公之意、不得於天下之心。此一轉最有力、以上論周公之待士、反覆委曲。如周公之心、



設使其時輔理承化之功、未盡章章如是、而非聖人之才、而無叔父之親、

則將不暇食與沐矣、豈特吐哺握髮爲勤而止哉。

又推周公之心、反寫一筆。妙在虛字轉旋、將無作有、生烟波。

維其如是、故於今頌成王之德、而稱周公之功不衰。

句已可住、而添不衰二字、奇峭。○正寫一筆、收完前

一幅文字。凡作無數轉折、寫周公方畢。今閣下爲輔相亦近耳。

方入正文、竟作兩對、運局甚奇。

天下之賢才、豈盡

舉用。姦邪讒佞欺負之徒、豈盡除去。四海豈盡無虞。九夷八蠻之在荒

服之外者、豈盡賓貢。天災時變、昆蟲草木之妖、豈盡銷息。天下之所

謂禮樂刑政教化之具、豈盡修理。風俗豈盡敦厚。動植之物、風雨霜露

之所霑被者、豈盡得宜。休徵嘉瑞、麟鳳龜龍之屬、豈盡備至。

此段連用九豈盡字、對

上九皆已字、亦就當時振勢一段。

其所求進見之士、雖不足以希望盛德、至比於百執事、豈

盡出其下哉。其所稱說、豈盡無所補哉。

又添兩豈盡字、卽上三豈復有哉變文耳、亦就賢士振勢一段。

今雖

不能如周公吐哺握髮、亦宜引而進之、察其所以而去就之、不宜默默而

已也。

至此方盡言攻擊。○說閣下畢、下始入自復上書意。

愈之待命、四十餘日矣。書再上、而志不得

通。足三及門、而闔

昏、人辭焉。門闔人、

守惟其昏愚、不知逃遁、故復有周公

之說焉。

挽周公一句。以前是論相之道、以後是論士之情。

古之士、三月不仕則相弔。

故出疆必載質、然所以重於自進者、以其於周不可、則去之魯。於魯不

可、則去之齊。於齊不可、則去之宋、之鄭、之秦、之楚也。

猶言故不必今復上書也。

天下一君、四海一國、舍乎此則夷狄矣。去父母之邦矣。

書安得不復上。

故士之

行道者、不得於朝、則山林而已矣。山林者、士之所獨善自養、而不憂天

下者之所能安也。如有憂天下之心、則不能矣。

書安得不復上。○此段以古道自處、節節占地步、文章絕妙。

故愈每自進而不知愧焉、書亟

器、上、足數朔、及門、而不知止焉。上、用四矣字、其勢

急。此用二焉字、其勢緩。如擺布陣勢、操縱如法。文章家所謂虛字上轉旋也。其兩不知字、歸結自身上、與上不知逃遁相應。最妙。

甯獨如此而已、惴

惴焉惟不得出大賢之門下是懼、

又一轉生姿、以大賢之門、打照周公。

亦惟少垂察焉。瀆冒威



尊、惶恐無已。愈再拜。

通篇將周公與時相、兩兩作對照。只用一二虛字、幹旋成文。直言無諱、而不犯嫌忌。未述再三上書之故、曲曲回護自己。氣傑神旺、骨勁格高、足稱絕唱。

### 與于襄陽書

韓愈

七月三日、將仕郎守國子四門博士韓愈、謹奉書尚書閣鈴下。貞元十四年九月、以工

部尚書于頔為山南東道節度使。公書稱守國子四門博士、則當在十六年秋也。

士之能享大名、顯當世者、莫不有先達之

士、負天下之望者、為之前焉。此言下之人必如士之能垂休光、照後世者、亦

莫不有後進之士、負天下之望者、為之後焉。此言上之人必如莫為之前、雖美

而不彰。翻前扇。莫為之後、雖盛而不傳。翻後扇。是二人者、未始不相須也。待後先有

然而千百載乃一相遇焉。上下難逢。豈上之人無可援、下之人無可推退平聲歟。

援、猶干也。推、求而進之也。何其相須之殷、而相遇之疎也。上下之間、是必有故。其故在下之人、負

其能不肯諂其上。下不肯援。上之人、負其位不肯顧其下。上不肯推。故高材多戚戚

之窮、不能享大名、顯當世。盛位無赫赫之光。不能垂休光、照後世。是二人者之所爲皆過也。

負能負位、各有其咎。○一句斷定。未嘗干之、不可謂上無其人。援。非無可未嘗求之、不可謂下無

其人。非無可推。○自起至此、只是相須殷而相遇疎、一句話、却作許多曲折。愈之誦此言久矣、未嘗敢以聞於人。

言己平日誦此言已熟、終未嘗輕以告人。○承上起下。側聞閣下方入襄陽。抱不世之才、特立而獨行、道方而事

實。卷舒不隨乎時、文武唯其所用。豈愈所謂其人哉。上有其人抑未聞後進之士、

有遇知於左右、獲禮於門下者。莫爲之。後。豈求之而未得邪。將志存乎

立功、而事專乎報主、雖遇其人、未暇禮邪。何其宜聞而久不聞也。問得委婉、疑

得風刺。愈雖不材、方入自其自處不敢後於恆人。以其人自處。閣下將求之而未得歟。

古人有言、請自隗韋、始。國策、燕昭王收破燕後即位、卑身厚幣以招賢者、將欲報讎、往見郭隗先生。對曰、今王欲致士、先從隗始。隗且見事、況

賢于隗者乎。豈遠千里哉。○橫插一句、有情更有力。愈今者惟朝夕芻米僕賃任。之資是急、不過費閣下一

朝之享而足也。應求之未得。如曰吾志存乎立功、而事專乎報主。雖遇其人、未



暇禮焉。則非愈之所敢知也。

應吾志未暇。○後半截議論、皆是設爲疑詞以自道達、首尾回顧、聯絡精神。世之齷齪錯

者、既不足以語去之。

齷齪、急促局狹貌。

磊落奇偉之人、又不能聽焉。則信乎命

之窮也。

一結悲涼慷慨、淋漓盡致。

謹獻舊所爲文一十八首、如賜覽觀、亦足知其志之

所存。

可即文以見志。

愈恐懼再拜。

前半幅只是泛論、下半幅方入正文。前半凡作六轉、筆如弄丸、無一字一意板實。後半又作九轉、極其悽愴、堪爲動色。通篇措詞立意、不亢不卑、文情維妙。

### 與陳給事書

韓愈

愈再拜。愈之獲見於閣下、

始下有年矣。

始者亦嘗辱一言之譽。

見。

貧賤也、

衣食於奔走、

倒句法。

不得朝夕繼見。

敘不相見。

其後閣下位益尊、伺候於門牆者日

益進。夫位益尊、則賤者日隔。伺候於門牆者日益進、則愛博而情不專。

忽開二扇、一扇陳給事。○陳給事、各京、字慶復。大歷元年中進士第、貞元十九年、將禘、京奏禘祭必尊太祖、正昭穆、帝嘉之。自考功員外、遷給事中。

愈也道不加

修、而文日益有名。夫道不加修、則賢者不與。文日益有名、則同進者

修、而文日益有名。夫道不加修、則賢者不與。文日益有名、則同進者

忌。己。一扇自始之以日隔之疏、加以不專之望、以不與者之心、而聽忌者

之說。由是閣下之庭、無愈之跡矣。總上兩扇、敘所不相見之故。去年春、亦嘗一進謁於

左右矣。溫乎其容、若加其新也。屬視乎其言、若閔其窮也。屬、連續也。退而

喜也、以告於人。重起二扇、一扇再敘相見。其後如東京取妻子、東京、洛陽也。又不得朝夕繼

見。及其還也、亦嘗一進謁於左右矣。邈乎其容、若不察其愚也。悄乎

其言、若不接其情也。悄、靜也。退而懼也、不敢復進。一扇、再敘不相見。今則釋然悟、

翻然悔曰、其邈也、乃所以怒其來之不繼也。其悄也、乃所以示其意也。

單就不相見中、翻出陳給事意思來、奇絕妙絕。不敏之誅、誅、責也。無所逃避。不敢遂進、輒自疏其所

以、并獻近所爲復志賦以下十首爲一卷、卷有標軸。送孟郊序一首、生

紙寫、不加裝飾、皆有楷邱皆字注字處、急於自解而謝、不能俟俟、更寫。

唐人有生紙熟紙、生紙非有喪故不用。公用閣下取其意、而略其禮可也。愈恐懼再



拜。

通篇以見字作主、上半篇從見說到不見。下半篇從不見說到要見。一路頓挫跌宕、波瀾層疊、姿態橫生、筆筆入妙也。

# 應科目時與人書

韓愈

月日、愈再拜。

一云應博學宏詞前進士韓愈謹再拜上書舍人閣下。

天池之濱、大江之濱、

焚、海也。○天池、謂南

者、天池也。濱、水際。濱、水涯。

曰有怪物焉。

怪物、龍之別名。

蓋非常鱗凡介之品彙匹儔也。

彙、類也。○總領一句。

下一連六轉。

其得水、

變化風雨、

上下於天不難也。

得水、一轉。

其不及水、

蓋尋常尺寸

之間耳。無高山大陵曠途絕險爲之闕隔也。

頓。

然其窮涸、不能自致乎水。

爲獫

賓、

獺之笑者、蓋十八九矣。

獫、小獺也。○不及水、二轉。

如有力者、哀其窮而運轉

之、蓋一舉手一投足之勞也。

頓。

然是物也、負其異於衆也。

且曰爛死於

沙泥、吾甯樂之。若俛俯、首帖耳、搖尾而乞憐者、非我之志也。

氣骨矯矯、明明托物自

喻。○不肯乞憐、三轉。

是以有力者遇之、熟視之若無覩也。其死其生、固不可知也。

有力者不知、四轉。今又有有力者當其前矣、聊試仰首一鳴號焉。庸詎知有力者不哀

其窮而忘一舉手一投足之勞、而轉之清波乎。仰首鳴號、五轉。句句抱前、句句刺心。其哀之、命

也。其不哀之、命也。知其在命、而且鳴號之者、亦命也。作三疊、總結。六轉。愈

今者、實有類於是。一篇皆是譬喻、只一句歸結自己、甚妙。是以忘其疏愚之罪、而有是說焉。

閣下其亦憐察之。

此貞元九年、宏詞試也。無端突起譬喻、不必有其理、却作無數曲折、無數峯巒、奇極妙極。

## 送孟東野序

韓愈

大凡物不得其平則鳴。起句、是一篇大旨。草木之無聲、風撓之鳴。草木、一。水之無聲、

風蕩之鳴。二。其躍也或激之、其趨也或梗之、梗、塞也。其沸也或炙之。水獨加三句。

錯綜入妙。金石之無聲、或擊之鳴。金石、三。人之於言也亦然。說到人。有不得已者而後

言。其譌也、也有思、其哭也、也有懷。凡出乎口而為聲者、其皆有弗平者乎。



一鎖、應起句、筆宕樂也者、鬱於中而泄於外者也。突然說樂。○人言、四。擇其善鳴者而假之

鳴。生出善字與假字、爲下面議論張本。金、石、絲、竹、匏、土、革、木、笙、土、塤、革、木、祝、敔也。五。樂。維天之於時也亦然、突然說天時。擇其善

鳴者而假之鳴。是故以鳥鳴春、以雷鳴夏、以蟲鳴秋、以風鳴冬、四時

之相推敎、同、奪。其必有不得其平者乎。天時、六。○樂與天時兩段、俱是陪客。其於人也亦然。收轉人、

上下暢發之。人聲之精者爲言。文辭之於言、又其精也、尤擇其善鳴者而假之

鳴。上文已再言擇其善鳴者而假之鳴矣。則此又言人聲之精者爲言、而文辭又其精者、故尤擇其善鳴者而假之鳴。又字尤字、正是關鍵血脉、首尾相應處。其在唐虞、

咎皋陶、禹其善鳴者也、而假以鳴。咎陶、一。夔弗能以文辭鳴、又自假於韶

以鳴。后夔作韶樂、以鳴唐虞之治。○夔二。夏之時、五子以其歌鳴。太康盤遊無度、厥第五人咸怨、遂大禹之戒以作歌。○五子、三。

伊尹鳴殷。伊尹、四。周公鳴周。周公、五。凡載於詩書六藝、皆鳴之善者也。略。周結。

之衰、孔子之徒鳴之、其聲大而遠。傳曰、天將以夫子爲木鐸。其弗信



矣乎。孔子之徒。六。其末也、莊周以其荒唐之辭鳴。莊周、楚人、著書名莊子。荒、大。唐、空也。○莊周、七。楚

大國也、其亡也、以屈原鳴。屈原、楚之同姓、憂愁幽思而作離騷。○屈原、八。臧孫辰、即魯大夫、臧文仲。孟

軻、荀卿、以道鳴者也。臧孫辰、孟軻、荀卿、九。楊朱、墨翟、管夷吾、晏嬰、老聃、

姓李、名耳、字伯陽。著書名老子。申不害、以黃老刑名之學、相韓昭侯。著書二篇、名申子。韓諸公子、與李斯俱師荀卿。善刑名法律之學、著書五十六

篇、名韓非子。晷慎、到、韓大夫、申韓稱之。有書四十六篇。田駢、齊人、好談論、時稱談天口。鄒衍、臨淄人、著書十萬餘言、名重列國。燕昭

師事之。尸佼、攬、○魯人、衛商鞅師之。著書二十篇、號尸子。孫武、齊人、著兵法十三篇。張儀、蘇秦之屬、皆以其術

鳴。楊朱十四人、十。○此十人、或邪說、或功利、或清淨寂滅、或刑名慘刻、或尚殺伐之計、或專縱橫之謀、皆非吾道。故公稱一術字、大有分曉。秦之興、李斯

鳴之。李斯秦相、專言威令。○李斯、十一。漢之時、司馬遷、即太史公、作史記。相如、姓司馬、蜀人。有揚賦、檄、封禪等文。揚

雄、字子雲、有諸賦與太元、法言等書。最其善鳴者也。二司馬、揚雄、十二。其下魏晉氏、鳴者不及於古、

然亦未嘗絕也。就其善者、其聲清以浮、其節數同、以急、其辭淫以哀、

其志弛以肆、其爲言也、亂雜而無章。即其所謂善鳴者、亦且如此、所以爲不及于古。將天醜其德莫



之顧邪、何爲乎不鳴其善鳴者也。

魏晉、十三。○將入題、又頓此一段、先寫出感慨之致。

唐之有天下、

以下始說唐人。

陳子昂、

字伯玉、號海內文宗。○一。

蘇源明、

京兆武功人、辭。有名。○二。

元結、

字次山、所著有元子十篇。○三。

李白、

四。

杜甫、

五。

李觀、

字元賓、公之友。○六。

皆以其所能鳴。

此六子、皆當時先達之人。

其存而在下

者、孟郊東野始以其詩鳴。

七。○從許多物、許多人、奇奇怪怪、繁繁雜雜說來、無非要顯出孟郊以詩鳴。文之變幻至此。

其高出

魏晉、不懈而及於古、

若無解筆、可追唐虞三代文辭。

其他浸淫乎漢氏矣。

其他美處純乎其爲漢氏。○三句、總收前文。

從吾遊者、李翱、張籍其尤也。

李翱有集、張籍善樂府。○八。張籍九。又添二人于後、妙。

三子者之鳴信

善矣。

結出善鳴二字。

抑不知天將和其聲而使鳴國家之盛邪、抑將窮餓其身、思

愁其心腸、而使自鳴其不幸邪。

兩句數咏有味。括盡前面聖賢君子之鳴。

三子者之命、則懸乎天

矣。其在上也、

鳴國家之盛。

奚以喜。

其在下也、

自鳴其不幸。

奚以悲。

二語甚占地步。

東野之役

於江南也、

時東野爲溧陽尉。○單結東野。

有若不釋然者、

結出不平。

故吾道其命於天者以解之。

應前四天字收。

此文得之悲歌慷慨者為多。謂凡形之聲者、皆不得已。于不得已中、又有善不善。所謂善者、又有幸不幸之分。只是從一鳴中、發出許多議論。句法變換、凡二十九

樣。如龍之變化、屈伸於天、更不能逐鱗逐爪觀之。

# 送李愿歸盤谷序

韓愈

太行<sub>杭</sub>之陽有盤谷。○太行、山名。起得奇崛。盤谷之間、泉甘而土肥。草木藂叢、茂

居民鮮少。或曰、謂其環兩山之間、故曰盤。或曰、是谷也、宅幽而勢

阻、隱者之所盤旋。兩或曰、跌宕起盤字義。雖似閑情、只呼出隱者一句為主。友人李愿居之。李愿、西平忠武王晟之子。歸隱

盤谷、號盤谷子。○只六字、題已盡了。下全憑愿之言行文。愿之言曰、人之稱大丈夫者、我知之矣。此句是提綱、

直縮到我則行之。利澤施於人、名聲昭於時。敘功名。坐於廟朝、進退百官、而佐天子

出令。其在外、則樹旗旄、羅弓矢、樹、立也。羅、列也。武夫前呵、從者塞途、供給

之人、各執其物、夾道而疾馳。喜有賞、怒有刑。敘威令。才峻傑、滿前、道古

今而譽盛德、入耳而不煩。敘門客。曲眉豐頰、清聲而便聲、體、秀外而惠中。



外貌秀美、中心聰敏。

飄輕裾、翳長袖。

裾、衣後。翳、曳也。○敝近侍。

粉白黛

代、綠者、

黛、眉墨。

列屋而閑居、

妒寵而負恃、爭妍而取憐。

姦姪。

大丈夫之遇知於天子、用力於當世者之所

爲也。

極寫世上有此一輩大丈夫。

吾非惡此而逃之、是有命焉、不可幸而致也。

著此句、逗起下段。

窮居而野處、升高而望遠、坐茂樹以終日、濯清泉以自潔。

敝居處之幽。

採於山、

美可茹。

汝、茹、食也。

釣於水、鮮可食。

敝飲食之便。

起居無時、惟適之安。

敝晨昏之逸。

與其

有譽於前、孰若無毀於其後。與其有樂於身、孰若無憂於其心。

橫插隱士自得語。妙。

車服不維、刀鋸不加。

刑賞不相及。

理亂不知、黜陟不聞。

朝政不相關。

大丈夫不遇於時

者之所爲也、

極寫世上又有此一輩大丈夫。

我則行之。

結出本意。可幸致句、

與上不緊照。

伺候於公卿之門、奔

走於形勢之途。

足將進而趨

者、

起、

疽、○趨起、

口將言而囁聲、

如、○囁、

欲言不言之貌。

處汙穢而不羞、觸刑辟

闕、

而誅戮。

傲倖於萬一、老死而後止者、

此是不安于隱、求進不得者之所爲。

其於爲人賢不肖何如也。

此其人、視前兩樣人物、孰賢孰不肖、其等第當何如。○只以一句收盡一篇意、最有含蓄。



昌黎韓愈、聞其言而壯之。

斷其為高隱一輩大丈夫。

與之酒、而為之歌曰、盤之中、維

子之宮。盤之士、可以稼。故、盤之泉、可濯可沿。

沿、循也。盤之阻、誰爭子

所。

阻、曲折也。

窈而深、廓其有容。營、繚而曲、如往而復。

四句承盤之阻來、窈深繚曲、極力形容、其妙可想。

嗟盤之樂兮、樂且無央。

央、盡也。字、承上起下。

虎豹遠跡兮、蛟龍遁藏。鬼神守護

兮、呵禁不祥。飲且食兮壽而康、無不足兮奚所望。

平聲、膏聲、吾車兮秣

吾馬、

以脂塗轄曰膏。以粟飲馬曰秣。

從子於盤兮、終吾生以徜徉。

羊、○徜徉、自得之貌。送李却說到自亦欲往、何

等與會。

一節是形容得意人、一節是形容閑居人、一節是形容奔走伺候人。都結在人賢不肖何如也一句上。全舉李愿自己說話、自說只前數語寫盤谷、後一歌咏盤谷、別是一格。

## 送董邵南序

韓愈

燕趙古稱多感慨悲歌之士。

燕、今北京。趙、今真定、俱當時河北地。感慨悲歌、乃豪傑之士也。○兀然而起、以士風立論、奇。

董生

舉進士、連不得志於有司。懷抱利器、鬱鬱適茲土。

邵南舉進士、屢次不得志、去遊河北。時河北諸鎮、不



稟命朝廷、每自辟士、故郡南欲往。茲士、指河北。

吾知其必有合也。

董生亦豪傑、自與燕趙之士、意氣相投合。

○吾知其、妙。

董生勉乎

哉。

此段勉董生行、是正寫。賓。

夫以子之不遇時、苟慕義彊

皆愛惜董生、

而願引薦焉。○慕字、

矧燕趙之士、出乎其性者哉。

況燕趙之士、仁義性成、故吾知其必有合。○將上文再作一曲折掉轉、

應篇首燕趙多感慨意。

然吾嘗聞風俗與化移易、吾惡知其今不異於古所云邪。

憐才出乎天性、風

俗固然。然當時河北藩鎮、多習亂不臣。其風俗或與治化相移易、而今日之燕趙、未必不異于昔日之所稱也。○吾惡知其、妙。

聊以吾子之行卜之也。

風俗之異與不異、我不敢懸斷、聊以董生之合與不合卜之也。

董生勉乎哉。

此段勉董生行、是反寫。主。

吾因之有所感矣。上一正一反、

俱送董生、此為去聲、

我弔望諸君之墓、

樂毅去燕之趙、趙封于觀津、號望諸君。此燕趙之古人也。

而觀於其市、復

有昔時屠狗者乎。

荆軻至燕、愛燕之屠狗者高漸離、日飲燕市。酒酣、歌于市中。乃感慨不得志之士也。

爲我謝曰、明天子在

上、可以出而仕矣。

送董生、却勸燕趙之士來仕。則董生之不當往、已在言外。

董生憤己不得志、將往河北、求用于諸藩鎮、故公作此送之。始言董生之往必有合、中言恐未必合、終諷諸鎮之歸順、及董生不必往。文僅百十餘字、而有無限開闔、

無限變化、無限含蓄、短章聖手。



# 送楊少尹序

韓愈

昔疏廣、受二子、以年老、一朝辭位而去。

漢疏廣、東海蘭陵人。仕至太子太傅。廣兄子受、仕至太子少傅。在位五年、廣

謂受曰、知足不辱、知止不殆、宜成名立、如於時公卿設供張、祖道都門外、車數此不去、懼有後悔。乃上疏乞骸骨、上許之。

百兩。

去聲。○供張、謂供具張設也。祭道神曰祖。祖道、謂錢行也。兩、一車也。一車兩輪、故謂之兩。

道路觀者、多歎息泣下、

共言其賢。漢史既傳其事、而後世工畫者、又圖其迹。至今照人耳目、赫

赫若前日事。

敘二疏事引起。

國子司業楊君巨源、

入題。

方以能詩訓後進、

此句補楊君在官時事。

一旦以年滿七十、亦白丞相去歸其鄉。敘楊君事畢、以下發議論。世常說古今人不相及、

今楊與二疏、其意豈異也。

隨手先作一總。

予忝在公卿後、

時公爲吏部侍郎。

遇病不能出。

一篇情景、全在托病上寫出。

不知楊侯去時、城門外送者幾人、車幾兩、馬幾匹、道邊觀

者、亦有歎息知其爲賢與否。而太史氏又能張大其事、爲傳繼二疏蹤跡

否、不落莫否。

司業去位、張大其事、

國史亦書。但不見今世無工畫者、而畫與不畫、固不



論也。

上文圖迹、原屬後世事、所以付之不論。○此段從二疏合到楊侯。

然吾聞楊侯之去、丞相有愛而惜之者、

白以爲其都少尹、不絕其祿。

白之于朝命、爲其邑少尹、不絕其俸祿。

又爲歌詩以勸之、京師之

長於詩者、亦屬祝、而和之。又不知當時二疏之去、有是事否。

此段從楊侯合到二疏。

古今人同不同未可知也。

隨手再作一總、應前古今人不相及。

中世士大夫、以官爲家、罷則無

所於歸。

反襯楊侯。

楊侯始冠、去聲舉於其鄉、歌鹿鳴而來也。賓句。今之歸、主句。指其

樹曰、某樹吾先人之所種也。某水某丘、吾童子時所釣遊也。

點出歸鄉風趣。

人莫不加敬、誠子孫以楊侯不去其鄉爲法。

法其不以官爲家、罷後有所歸。

古之所謂鄉先

生、沒而可祭於社者、

古人臨文不諱。

其在斯人歟、其在斯人歟。

感歎不盡。

巨源之去、未必可方二疏。公欲張大之、將來形容、又不可確言。或少尹所無。後說少尹所有、或二疏所無。則巨源之美不可掩、而已亦不至失言。

特前說二疏所有、

未托慨世之詞、寫出楊侯歸鄉、可敬可愛、情景宛然。

# 送石處士序

韓愈

河陽軍節度御史大夫烏公、爲節度之三月、

元和五年、四月、詔用烏公重裔、爲河陽軍節度使御史大夫。治孟州。其

日節度之三月、則求士於從事之賢者。有薦石先生者。

石先生、名洪、字濬川、洛陽人。罷黃州錄事參軍。退

居於洛、十公曰、先生何如。

因此一問、下便借從事之薦詞、以代己之頌美。所謂避實行虛、文之生路也。

曰、先生居嵩

邙、嵩邙、山名。灋穀、水名。皆在洛陽之境。灋穀之間。

冬一裘、夏一葛。食朝夕、飯一盂、

蔬一盤。人與之錢、則辭。請與出遊、未嘗以事免。勸之仕、不應。坐

一室、左右圖書。

一路短句錯落。

與之語道理、辨古今事當否、論人高下、事後

當成敗、若河決下流而東注、若駟馬駕輕車就熟路、而王良造父爲之先

後也、王良、造父、皆古善御者。若燭照、數計而龜卜也。

與之語道理、管到龜卜也。止中間用三個若字、有三意、文法變化不同。

大夫曰、先生有以自老、無求於人、其肯爲某來邪。

因此再問、下又借從事從之言、安頓石處士。

事曰、大夫文武忠孝、求士爲國、不私於家。方今寇聚於恆、師環其疆。

元和四年、二月、成德軍節度王士真卒、其子承宗叛。十二月、詔吐突承瓘、率諸道兵討之。地理志、鎮州恆山郡、本恆州。天寶元年、更名鎮、成德軍所治也。農不耕收、



財粟殫亡。吾所處地、歸輸之塗。

糧運輻輳之區。

治法征謀、宜有所出。

急需賢才以濟。

先生仁且勇、

仁則易于感動、勇則敢於有爲。

若以義請而彊委重焉、其何說之辭。

此段句句爲石生占地步。

於是譔書詞、具馬幣、卜日以受使者、求先生之廬而請焉。

寫大夫求士鄭重。

先生

不告於妻子、不謀於朋友、冠帶出見客、拜受書禮於門內。

此與勸之仕不應相反、然其出處

之意、已見于從事之言、以不告不謀、較有意味。

所宵則沐浴、戒行李、載書冊、問道所由。告行於常

所來往、晨則畢至張上東門外、

張、供張也。如今筵會鋪張設席之類。○只此一句、又生出下半篇文字。

酒三行且起、

酒三行後、且將起別。

得此一句、落下便有勢。

有執爵而言者曰、大夫真能以義取人、先生真能以道

自任、決去就、爲先生別。

第一祝、並贊二人。

又酌而祝曰、

上只執爵而言。此乃酌而祝也。

凡去就出

處何常、惟義之歸、

照上勸之仕不應。

遂以爲先生壽。

第二祝、壽處士。

又酌而祝曰、使大

夫恆無變其初、無務富其家而飢其師、無甘受佞人而外敬正士、無昧於

諂言、惟先生是聽、以能有成功、保天子之寵命。

第三祝、規大夫。

又祝曰、

不再酌也。

使先生無圖利於大夫、而私便其身圖。

第四祝、規先生。○四祝詞。一段緊一段。

先生起拜祝辭

曰、敢不敬蚤夜以求從祝規。

須有此一答、四祝便有收拾。

上於是東都之人士、咸知大夫與

先生果能相與以有成也。

一篇之意、歸結此一句上。何等筆力。

遂各爲歌詩六韻、遣愈爲之序

云。

純以議論行序事、序之變也。看前面大夫從事、四轉反覆。又看後面四轉祝詞、有無限曲折變態、愈轉愈佳。

## 送溫處士赴河陽軍序

韓愈

伯樂一過冀北之野、而馬羣遂空。

伯樂、姓孫、名楊、古之善相馬者。○憑先王作奇語起、下一難一解。

夫冀北馬多

天下、伯樂雖善知馬、安能空其羣邪。解之者曰、吾所謂空、非無馬也、

無良馬也。伯樂知馬、遇其良、輒取之、羣無留良焉。苟無良、雖謂無

馬、不爲虛語矣。

已上以譬喻起。不獨爲送溫、并送石亦連及、伯樂譬爲公、冀北譬東都、馬譬處士、良馬譬溫石、凡四段。

東都、固士

大夫之冀北也。

一語、卽從喻處渡下。

恃才能深藏而不市者、洛之北涯、曰石生。連其



南涯、曰溫生。出。溫。大夫烏公、以鈇鉞鎮河陽之三月、以石生爲才、以禮

爲羅、羅而致之幕。幕、帷幕也。在旁曰帷、在上曰幕。○連石。未數月也、以溫生爲

才、於是以石生爲媒、以禮爲羅、又羅而致之幕下。出溫生、自見所以連石之故。○爲羅、爲媒、字法新奇。

東都雖信多才士、朝取一人焉、拔其尤。暮取一人焉、拔其尤。所謂遇其良輒取之。

自居守河南尹、以及百司之執事、與吾輩二縣之大夫。居守、謂東都留守。二縣、謂東都、郭下。

邑、洛陽、河南也。政有所不通、事有所可疑、奚所諮而處焉。寫空羣、一。士大夫之去位

而巷處者、誰與嬉遊。寫空羣、二。小子後生、於何考德而問業焉。寫空羣、三。縉

紳之東西行過是都者、無所禮於其廬。寫空羣、四。○美處士在去後感慨中見之。妙。若是而稱曰、

大夫烏公、一鎮河陽、而東都處士之廬無人焉、豈不可也。以烏公爲士之伯樂、應首句意。

夫南面而聽聲平天下、其所託重而恃力者、惟相與將耳。陪一相。相爲天子得

人於朝廷、陪。將爲天子得文武士於幕下、正。求內外無治、不可得也。此段推開

一步、以歸美焉。公、文氣始足。愈縻於茲、縻、繫也。時公爲河南令。不能自引去、資二生以待老。今皆爲

有力者奪之、其何能無介然於懷邪。本以致頌、反更生怨、絕妙文情。生既至、拜公於軍門、

其爲吾以前所稱、爲天下賀、應求內外無治句。以後所稱、爲吾致私怨於盡取也。

應何能無介然句。留守相公、首爲四韻詩歌其事、愈因推其意而序之。

全篇無一語實說溫生之賢、而溫生已處處躍露。若是而稱曰數語、是結前半篇。其爲吾以前所稱、是結後半篇。然致私怨于盡取句、直挽到篇首空字、收盡通章。

## 祭十二郎文

韓愈

年月日、或作貞元十九年、五月、二十六日。季父愈、聞汝喪之七日、乃能銜哀致誠、使建中

遠具時羞之奠、告汝十二郎之靈。七日乃能者、以所報月日不同、欲審其實、故遲遲若此。建中、人名。十二郎、名老成、公兄韓介之

子、韓會之繼子也。嗚呼、吾少孤。大歷五年、公父仲卿卒、公父仲卿卒、公時三歲。○從自說起。及長、不省所怙、小雅、無惟父何怙。惟

兄嫂是依。兄韓會、嫂鄭夫人、即十二郎父母。公于郎、雖叔姪、猶兄弟。其情誼盡在此。中年、兄歿南方、吾與汝俱

幼。大歷十二年、五月、起居舍人韓會、坐宰相元載黨與、貶爲韶州刺史、尋卒于官。公時年十一、從至貶所。○始入十二郎、只俱幼二字、已不勝酸楚。從嫂歸葬



河陽。既又與汝就食江南。

建中二年、中原多故、避地江左、家于宣州。

零丁孤苦、未嘗一日相離

也。

一段敘幼時相依。

吾上有三兄、皆不幸早世。承先人後者、在孫惟汝、在子惟

吾。兩世一身、形單影隻。

寫盡零丁孤苦。

嫂嘗撫汝指吾而言曰、韓氏兩世、惟

此而已。

引嫂言、悲慘不堪。

汝時尤小、當不復記憶。

上說俱幼、此又略分。

吾時雖能記憶、亦未

知其言之悲也。

難略分、又不甚分、妙妙。○一段、敘叔姪二人、關係韓氏甚重。

吾年十九、始來京城。

貞元二年、公自宣州遊

京師。與郎別。

其後四年、而歸視汝。

與郎會。

又四年、吾往河陽省墳墓、

與郎別。

遇汝從嫂

喪來葬。

與郎會。

又二年、吾佐董丞相於汴州、

貞元十三年、董晉帥汴州。○與郎別。

汝來省吾。

與郎會。

止一歲、請歸取其孥。

孥、妻子也。○與郎別。

明年、丞相薨、吾去汴州、汝不果來。

與郎不復會。是年、吾佐戎徐州。

是歲張建封辟公爲徐州節度推官。○與郎別。

使取汝者始行、吾又罷去、

汝又不果來。

十六年五月、西歸洛陽。

○張建封卒、公與郎不復會。

吾念汝從於東、東亦客也、不可以久。

圖久遠者、莫如西歸。將成家而致汝。

圖與郎長會。

嗚呼、孰謂汝遽去吾而歿乎。

與郎永別不會。○自吾年十九以下、追憶其離合之不常、卒不可合而遽死。意只是平平、讀之自不覺酸楚。吾與汝俱少年、以爲雖暫相別、

終當久相與處。故捨汝而旅食京師、以求斗斛之祿。承寫相離之故。誠知其如此、

雖萬乘之公相、吾不以一日輟汝而就也。真言腸斷。去年、孟東野往、吾書與

汝曰、吾年未四十、而視茫茫、而髮蒼蒼、而齒牙動搖。念諸父與諸兄、

皆康彊而早世、如吾之衰者、其能久存乎。吾不可去、汝不肯來、恐旦

暮死、而汝抱無涯之戚也。倒跌起下。孰謂少者歿而長者存、彊者夭而病者全

乎。嗚呼、其信然邪、其夢邪、其傳之非其真邪。承上發出一段疑信。景、下分承一段疑、一段信。

信也、吾兄之盛德而天其嗣乎。汝之純明而不克蒙其澤乎。少者彊者而

天歿、長者衰者而存全乎。未可以爲信也。一段從信轉到疑。夢也、傳之非其真也、

東野之書、耿蘭家人名之報、何爲而在吾側也。嗚呼、其信然矣、吾兄之盛

德而天其嗣矣。汝之純明宜業其家者、不克蒙其澤矣。一段從疑轉到信。所謂天者



誠難測、而神者誠難明矣。所謂理者不可推、而壽者不可知矣。言其不應死而死、

卒歸咎于天、與神、與埤、哀傷之至也。雖然、吾自今年來、蒼蒼者、或化而爲白矣。動搖者、或

脫而落矣。毛血日益衰、志氣日益微、幾何不從汝而死也。此言已亦不可必、回顧前寄

孟東野書上意。死而有知、其幾何離。其無知、悲不幾時、而不悲者無窮期矣。

言有知、不久與郎復會。若無知、悲日無多。而不悲者、終古無盡時。蓋以生知悲、死不知悲也。○達生之言。可括蒙莊一部。汝之子始十歲。謂湘也。吾之

子始五歲。謂和也。少而彊者不可保、如此孩提者、又可冀其成立邪。嗚呼哀

哉、嗚呼哀哉。忽然于郎前寫自家不保、忽然又于郎後寫二子不保、文情絕妙。汝去年書云、比得軟脚病、往往

而劇。極也。○劇、甚也。吾曰是疾也、江南之人、常常有之、未始以爲憂也。嗚呼、

其竟以此而殞其生乎、抑別有疾而致斯乎。此段伏下汝病吾不知時句。汝之書、六月十七

日也。上言病。下言歿。一句接、無痕。東野云、汝歿以六月二日、耿蘭之報無月日、蓋東

野之使者、不知問家人以月日。如耿蘭之報、不知當言月日。言耿蘭之報、所以無月日者、由

其不知報告之體、當具月日以報也。東野與吾書、乃問使者、使者妄稱以應之耳、其

不然乎。此段伏下汝歿、吾不知日旬。今吾使建中祭汝、弔汝之孤、與汝之乳母。彼有食可

守、以待終喪、則待終喪而取以來。如不能守以終喪、則遂取以來。其

餘奴婢、並令守汝喪。吾力能改葬、終葬汝於先人之兆、然後惟其所願。

此告之欲處置其身後、以慰死者之心。意到筆隨、不覺其詞之刺刺也。嗚呼、自此以下、一往慟哭而盡。汝病吾不知時、汝歿吾不知

日、生不能相養以共居、歿不能撫汝以盡哀、斂不憑其棺、窆窆法不臨其

穴。窆、下棺也。吾行負神明、而使汝夭。不孝不慈、而不得與汝相養以生、相

守以死。一在天之涯、一在地之角。生而影不與吾形相依、死而魂不與

吾夢相接。吾實爲之、其又何尤。彼蒼者天、曷其有極。更不能分句、何况分段、分字。直是

盡。慟而自今以往、吾其無意於人世矣。宕一句、起下。當求數頃之田於伊潁之上、

伊、潁、二水名。以待餘年。教吾子與汝子、幸其成長、吾女與汝女、待其嫁、如



此而已。

教子嫁女、又慰死者之心、自是天理人情中體貼出來。

嗚呼、言有窮而情不可終、汝其知也邪、

其不知也邪。

總結、更復愴慨。

嗚呼哀哉。尚饗。

情之至者、自然流為至文。讀此等文、須想其一面哭一面寫、字字是血、字字是淚。未嘗有意為文、而文無不工、祭文中千年絕調。

## 祭鱷魚文

韓愈

維年月日、潮州刺史韓愈、使軍事衙推秦濟、以羊一、豬一、投惡谿之潭

水、以與鱷

譌魚食、而告之

初、公至潮、問民疾苦、皆曰惡谿有鱷魚、食民產且盡。數日、公令其屬秦濟、以一羊一豚、投谿水而祝之。

曰、昔先王既有天下、列山澤、罔

同

繩

錯

刃、以除蠱蛇惡物為民害

者、驅而出之四海之外。

列、遮道也。○正義發端、

擗、刺也。便不可犯。

及後王德薄、不能遠有、則

江漢之間、尚皆棄之、以與蠻夷楚越、汎潮、嶺海之間、去京師萬里哉。

鱷魚之涵淹卵育於此、亦固其所。

潮在嶺外海內、較江漢更遠、淹、潛伏也。卵育、生息也。

○毋怪為鱷魚所據。○先歸咎後王、故意

放寬一步。妙。

今天子嗣唐位、神聖慈武、四海之外、六合之內、皆撫而有之。

能遠有况禹跡所揜、揚州之近地、刺史縣令之所治、出貢賦以供天地宗廟

百神之祀之壤者哉。揜、止也。潮于古爲揚州之境、以四海六合言。則潮地又甚近也。○二十四字作一句讀。鯀魚其不可與刺

史雜處此土也。此句是一篇綱領。前將天子立大議論、此下專在與刺史爭土上發議。刺史受天子命、守此土、治此

民、而鯀魚睥音緩然不安谿潭、據處食民畜休去聲、熊豕鹿麋、以肥其身、以

種其子孫、與刺史亢拒、爭爲長掌雄。睥、目出貌。據處、謂據其地而處之也。民畜、謂食人與六畜也。刺史欲安民、而鯀

魚爲害若此、是與亢拒爭雄矣。刺史雖駑弱、亦安肯爲鯀魚低首下心、忸忸心上聲、覼覼賢上聲、爲

民吏羞、以偷活於此邪。忸忸、恐懼貌。覼覼、小目貌。且承天子命以來爲吏、固其勢不得

不與鯀魚辨。稟以天子、稟以天子命吏、詞鯀魚有知、其聽刺史言。總喝一句、潮

之州、大海在其南。鯨鵬之大、蝦蟹之細、無不容歸。以生以食、鯀魚

朝發而夕至也。爲鯀魚尋去路。今與鯀魚約、盡三日、其率醜類南徙於海、以避

天子之命吏。三日不能、至五日。五日不能、至七日。爲鯀魚限日期。七日不能、



是終不肯徙也、是不有刺史聽從其言也。不然、則是鱷魚冥頑不靈、刺

史雖有言、不聞不知也。

層疊而下、犀利無前。

夫傲天子之命吏、不聽其言、不徙以避

之、與冥頑不靈而爲民物害者、皆可殺。

閃電轟雷、一齊俱發。

刺史則選材技吏民、操

強弓毒矢、以與鱷魚從事、必盡殺乃止。其無悔。

是夕有暴風震雷、起湫水中、數日、水盡涸。西徙六十里、

自是潮州無鱷魚患。

全篇只是不許鱷魚雜處此土、處處提出天子二字、刺史二字壓服他。如問罪之師、正堂堂之陣、能令反側子心寒膽慄。

### 柳子厚墓誌銘

韓愈

子厚諱宗元。七世祖慶、爲拓跋魏北魏姓侍中、封濟陰公。曾伯祖奭、爲

唐宰相、與褚遂良、韓瑗、願俱得罪武后、死高宗朝。皇考父諱鎮、以

事母棄太常博士、求爲縣令江南、其後以不能媚權貴、失御史、權貴人

死、乃復拜侍御史。號爲剛直、所與游、皆當世名人。

敘其前人節慨、所以形子厚之附叔文、是公微意。

子厚少精敏、無不通達、逮其父時、雖少年、已自成人。能取進士第、

斬讒、然見頭角、衆謂柳氏有子矣。斬、尖銳貌。其後以博學宏詞、授集賢殿正

字。儁傑廉悍、四字、爲柳文寫照。議論證據今古、出入經史百子、踔卓、厲風發、

率常屈其座人、名聲大振、一時皆慕與之交。諸公要人、爭欲令出我門

下、交口薦譽之。子厚爲諸公要人所爭致、初非求附之也。全爲附王叔文一節出脫。貞元十九年、由藍田尉、拜

監察御史。順宗卽位、拜禮部員外郎。遇用事者得罪、例出爲刺史。未

至、又例貶州司馬。王叔文、韋執誼用事、拜宗元禮部員外郎、且將大用。憲宗卽位、貶叔文渝州司戶參軍、宗元坐王叔文黨、貶邵州刺史、未至、道貶永州

司馬。○誌其被貶、不露叔文輩姓名、甚婉曲。居閒益自刻苦、務記覽爲詞章、汎濫停蓄、爲深博無

涯涘、詞上聲。而自肆於山水間。宗元既竄斥、地又荒蕪、因自放山澤間。其湮厄感鬱、一寓諸文、放離騷數十篇、讀者咸悲惻。元和

中、嘗例召至京師、又偕出爲刺史、而子厚得柳州。伏爲劉禹錫請播州一節。旣至、歎

曰、是豈不足爲政邪。因其土俗、爲設教禁、州人順賴。其俗以男女質至、



錢、約不時贖、子本相侔、則沒爲奴婢。子厚與設方計、悉令贖歸。其

尤貧力不能者、令書其傭、足相當、則使歸其質。觀察使下其法於他州、

比一歲、免而歸者且千人。

柳州之政、詳見羅池廟碑。獨書贖子一節、撮其有德于民之大者。

衡湘以南、爲進士

者、皆以子厚爲師。其經承子厚口講指畫爲文詞者、悉有法度可觀。

前敘其自

爲詞章、此敘其教人爲文詞。公推重子厚、特在文章。

其召至京師而復爲刺史也、

遙接。

中山劉夢得禹錫、亦

在遣中、當詣播州。子厚泣曰、播州、非人所居、而夢得親在堂、吾不

忍夢得之窮、無辭以白其大人、且萬無母子俱往理、請於朝、將拜疏、

願以柳易播、雖重得罪、死不恨。遇有以夢得事白上者、夢得於是改刺

連州。

子厚所至、皆有樹立。其處中山、尤其行之卓異者。

嗚呼、士窮乃見節義。今夫平居里巷相慕悅、

酒食遊戲相徵逐、詡詡

許。

強笑語以相取下、握手出肺肝相示、指天日涕

泣、誓生死不相背負、真若可信。一旦臨小利害、僅如毛髮比、反眼若

不相識、落陷穽、不一引手救、反擠之又下石焉者、皆是也。此宜禽獸

夷狄所不忍爲、而其人自視以爲得計、聞子厚之風、亦可以少媿矣。此段因事

發議、全學伯夷屈原傳。

子厚前時少年、勇於爲人、不自貴重。說出子厚病根。顧藉、謂功業可

立就、故坐廢退。既退、又無相知有氣力得位者推挽、故卒死於窮裔。異、

材不爲世用、道不行於時也。只數語總敘子厚生平、且悲且惜。使子厚在臺省時、自持其身、

已能如司馬刺史時、亦自不斥。斥時有人力能舉之、且必復用不窮。反振起下意。

然子厚斥不久、窮不極、雖有出於人、其文學辭章、必不能自力以致必

傳於後如今無疑也。

就斥窮二字、一轉。極爲子厚喜幸。

雖使子厚得所願、爲將相於一時。以

彼易此、孰得孰失、必有能辨之者。又一轉、語帶規諷、意亟含蓄。子厚以元和十四年十一

月八日卒、年四十七。以十五年七月十日、歸葬萬年先人墓側。子厚有

子男二人。長曰周六、始四歲。季曰周七、子厚卒、乃生。女子二人、



皆幼。其得歸葬也、費皆出觀察使河東裴君行立。行立有節概、重然諾、與子厚結交、子厚亦爲之盡、竟賴其力。葬子厚於萬年之墓者、舅弟盧遵。遵、涿人、性謹慎、學問不厭、自子厚之斥、遵從而家焉、逮其死不去、既往葬子厚、又將經紀其家、庶幾有始終者。附書裴、盧二人、與前銘士窮見節義一段對照。銘曰、是惟子厚之室、旣固旣安、以利其嗣人。

子厚不克持身處、公亦不能爲之諱、故措詞隱躍、使人自領。只就文章一節、斷其必傳、下筆自有輕重。

# 古文觀止卷之九

## 駁復讎議

柳宗元

臣伏見天后唐武后時、有同州下邳圭人徐元慶者、父爽、爲縣尉趙師韞所

殺。卒能手刃父讎、束身歸罪。後師韞爲御史、元慶變姓名、於驛家傭力。久之、師韞以御史舍亭下。元慶手刃之、自囚詣官。當時

諫臣陳子昂建議、誅之而旌其閭。且請編之於令、永爲國典。時議者以元慶孝烈、欲捨其

罪。子昂建議、以爲國法專殺者死、元慶宜正國法、然旌其閭、以褒其孝義可也。議者以子昂爲是。○敘述其事作案。臣竊獨過之。總駁一句。臣聞禮

之大本、以防亂也。若曰無爲賊虐、凡爲子者殺無赦。子不當讎而讎者、死。刑之大

本、亦以防亂也。若曰無爲賊虐、凡爲治者殺無赦。吏不當殺而殺者、死。○以禮刑大本上說起、是議

論大根原處。其本則合、其用則異。旌與誅莫得而並焉。一句點醒、破其首鼠兩端之說。誅其可旌

茲謂濫、黷刑甚矣。旌其可誅茲謂僭、壞禮甚矣。左傳、善爲國者、賞不僭、刑亦不濫。○互發以足上句意。



果以是示於天下、傳於後代、趨義者不知所向、違害者不知所立。以是

爲典、可乎。

以上泛言旌誅並用之非。

蓋聖人之制、窮理以定賞罰、本情以正褒貶、統

於一而已矣。

此言聖人旌誅不並用、窮理本情四字、甚細。

嚮使刺讞年上其誠僞、考正其曲直、原始

而求其端、則刑禮之用、判然離矣。

刺、誅也。以理言。

○議罪曰讞。誠僞、以情言。曲直、承上正轉一筆、起下二段議論。

何者、若元慶之父、不陷於公罪。師韞之誅、獨以其私怨。奮其吏氣、

虐於非辜。州牧不知罪、刑官不知問。上下蒙冒、顙豫、號豪、不聞也。顙、呼

而元慶能以戴天爲大恥、枕戈爲得禮。

禮記、父之讎、不與共戴天。又曰居父母之讎、寢苦枕戈、不仕、弗與共天下也。處

心積慮、以衝讎人之胸。介然自克、卽死無憾、是守禮而行義也。執事

者宜有慚色。將謝之不暇、而又何誅焉。

一段寫旌之不宜誅。

其或元慶之父、不免

於罪。師韞之誅、不愆於法。是非死於吏也、是死於法也、法其可讎乎。

讎天子之法、而戕奉法之吏、是悖驚傲而凌上也。執而誅之、所以正邦

典、而又何旌焉。

一段寫誅之不宜旌。○二段透發旌與誅、莫得而並之意。

且其議曰、人必有子、子必有親。

親親相讎、其亂誰救。

述子昂原議。

是惑於禮也甚矣。禮之所謂讎者、蓋其冤抑

沉痛、而號無告也。非謂抵罪觸法、陷於大戮。而曰彼殺之、我乃殺之。

不議曲直、暴寡脅弱而已。其非經背聖、不亦甚哉。

此段申明明讎字之義、正駁子昂言讎之失。

周禮

調人、

調人、官名。

掌司萬人之讎、凡殺人而義者、令勿讎、讎之則死。有反殺

者、邦國交讎之。

周禮、地官。

見又安得親親相讎也。春秋公羊傳曰、父不受誅、

子復讎可也。父受誅、子復讎、此推刃之道、復讎不除害。

公羊傳、見定公四年。不受誅、

謂罪不當誅也。一來一往曰推刃。不除害、謂取讎身而已。不得兼其子也。

今若取此以斷兩下相殺、則合於禮矣。

兩

相殺、謂師韞殺元慶之父、元慶又殺師韞。○引周禮公羊、以明殺人、與不受誅者、皆可復讎。論有根據、一篇主意、具見于此。

且夫不忘讎、孝也。

不愛死、義也。元慶能不越于禮、服孝死義、是必達理而聞道者也。夫

達理聞道之人、豈其以王法爲敵讎者哉。議者反以爲戮、黷刑壞禮、其



不可以爲典明矣。

收段就元慶立論、所以重與之。而請下臣議附於令、有斷斯獄

深抑當時之議誅者、是通篇結案。

者、不宜以前議從事、謹議。

看敘起手刃父讎、束身歸罪八字、便見得宜旌不宜誅。中段是論理、故作兩平之言。後段是論事、故作側重之之語。引經據典、無一字游移、乃成鐵案。

### 桐葉封弟辨

柳宗元

古之傳者有言、成王以桐葉與小弱弟戲、曰、以封汝。周公入賀。王曰、

戲也。周公曰、天子不可戲。乃封小弱弟於唐。

史記、晉世家、成王與叔虞戲、削桐葉爲珪、以與叔虞曰、以此

封若。史佚因請擇日立之。成王曰、吾與之戲耳。史佚曰、天子無戲言。于是遂封叔虞于唐。若曰、周公入賀、史不之見。特于劉向說苑云云。

吾意不然。

一句抹

倒。

王之弟當封邪、周公宜以時言於王、不待其戲而賀以成之也。層一不當封

邪、周公乃成其不中

去聲

之戲、以地以人、與小弱弟者爲之主、其得爲聖

乎。

層二

且周公以王之言、不可苟焉而已、必從而成之邪。設有不幸、王

以桐葉戲婦寺、亦將舉而從之乎。層三

凡王者之德、在行之何若。設未得

以桐葉戲婦寺、亦將舉而從之乎。凡王者之德、在行之何若。設未得

其當、去聲、雖十易之不爲病、要聲、於其當、不可使易也、而況以其戲乎。若

戲而必行之、是周公教王遂過也。此段方是正斷。嚴切不留餘漏、下乃就周公身上另起、再作斷。吾意周公輔成

王、宜以道從容優樂、要歸之大中而已、應要于其當句。必不逢其失而爲之辭。層一

又不當束縛之、馳驟之、使若牛馬然、急則敗矣。言不能從容優樂、若制牛馬然。束縛之使不得行、馳驟

之使之必行、迫之太甚、則敗壞矣。○二層。且家人父子、尚不能以此自克、况號爲君臣者邪。言父

間、尚不能以束縛馳驟之事相勝、何況君臣。○三層。是直小丈夫缺缺、者之事、非周公所宜用、故不可

信。老子、其政察察、其民缺缺。○正結一段。或曰、封唐叔、史佚成之。史佚、周武王時太史尹佚也。○結束有不盡意、不

指定史佚、妙。

前輻連設數層翻駁、後輻連下數層斷案、俱以理勝、非尚口舌便便也。讀之反覆重疊愈不厭、如眺層巒、但見蒼翠。

## 箕子碑

柳宗元

凡大人之道有三、一曰正蒙難、去聲、二曰法授聖、三曰化及民。蒙、犯也。正蒙難者、以正



犯難也。○總提三柱立論。

殷有仁人曰箕子、實具茲道以立于世。故孔子述六經之旨、

尤殷勤焉。

謂下易書詩所載是也。○出箕子。

當紂之時、大道悖亂、天威之動不能戒、聖人

之言無所用。

書、今天動威。○總起。

進死以併命、誠仁矣。無益吾祀、故不爲。闕過比干。

委身以存祀、誠仁矣。

與預亡吾國、故不忍。

闕過微子。

具是二道、有行之者

矣。

將正寫箕子、先入此段、幹旋多少。

是用保其明哲、與之俯仰。晦是謨範、辱於囚奴。昏

而無邪、

頽

而不息。

故在易曰、箕子之明夷、正蒙難也。

詩、既明且哲、以保其身。書、

囚奴正士。

正士、謂箕子也。易、明夷卦、六五、箕子之明夷。

夷、傷也。言六五以宗臣居暗地、近暗君、而能正其志、箕子之象也。○應前一曰。

及天命既改、生

人以正。乃出大法、用爲聖師。

周人得以序彝倫、而立大典。故在書曰、

以箕子歸作洪範。法授聖也。

大法、謂洪範。洪、大也。範、法也。書、天乃錫禹洪範九疇、彝倫攸敘。漢志曰、禹治洪水、錫洛書、法而

陳之、洪範是也。史記、武王克殷、訪問箕子以天道、箕子以洪範。

蓋洪範發之于禹、箕子推衍增益、以成篇敷。○應前二曰。

及封朝鮮、推道訓俗、

惟德無陋、惟人無遠、用廣殷祀、俾夷爲華、化及民也。

朝鮮、東夷地。漢書地理志、箕子去之朝

鮮、教其民以禮義田蠶、民犯禁八條、其民終不相盜、無門戶之閉。婦人率是大道、藜同貞信不淫僻、其教民飲食、以簋豆爲可貴。此仁賢之化也。○應前三曰。

於厥躬、天地變化、我得其正、其大人與。

應前大人第一句。○首提作柱、以次分應、似正意、卻是客也。下一段寫

出箕子意中事、是作者大旨。

於虞、

同鳴呼、

當其周時未至、殷祀未殄。比干已死、微子已去、

向使紂惡未稔、

鮒、

而自斃、武庚念亂以圖存、國無其人、誰與興理、是固

人事之或然者也。然則先生隱忍而爲此、其有志於斯乎。

忽然別起波浪、語極淋漓感慨、使人

失聲長嘆。

唐某年、作廟汲郡、歲時致祀。

汲郡、紂故都、爲河南衛輝府。

今嘉先生獨列於易象、

作是頌云。

頌不載。

前立三柱、真如天外三峯、卓然峭峙。於虞以下、忽然換筆、一往更有深情。

## 捕蛇者說

柳宗元

永州之野產異蛇、

黑質而白章、

黑體白文。

觸草木盡死。以齧人、無禦之者。

異蛇最毒。

然得而腊、

昔、

之以爲餌、可以已大風、攣、踠、瘻、癘、去死



肌、殺三蟲。

腊、乾肉也。餌、藥餌也。已、止也。蟻、曲脚不能伸也。瘰、頸腫。癰、惡創。死肌、如癰疽之腐爛者。三蟲、三尸之蟲也。○毒蛇、偏爲要藥。其始

太醫以王命聚之、歲賦其二、兩募有能捕之者、當其租入、永之人爭奔

走焉。

敘捕蛇事。

有蔣氏者、專其利三世矣。入題。問之、則曰、吾祖死於是、吾父

死於是、今吾嗣爲之十二年、幾死者數朔矣。言之貌若甚戚者。墓泰山婦、伏結處。

余悲之。且曰、若毒之乎。余將告於蒞事者、更若役、復若賦、則何如。

若、汝也。言改汝捕蛇之役、復汝輸租之賦、以免其死。

蔣氏大戚、汪然出涕曰、君將哀而生之乎、則吾斯

役之不幸、未若復吾賦不幸之甚也。

犯死捕蛇、乃以爲幸。更役復賦、反以爲不幸。此豈人之情哉、必有其不得已者耳。

吾不爲斯役、則久已病矣。

提一句、起下文。直貫至捕蛇獨存句。

自吾氏三世居是鄉、積於今

六十歲矣。而鄉鄰之生日蹙、殫其地之出、竭其廬之入、賦斂之苦。號呼而轉

徙、飢渴而頓踣。

同仆、迫于賦斂而徙。

觸風雨、犯寒暑、呼噓毒癘、利。往往而死者、

相藉謝也。

癘、疫氣。藉、枕藉也。○勞于遷徙而死。○寫得慘毒。是一幅流民圖。

曩與吾祖居者、今其室、十無一

焉。與吾父居者、今其室、十無二三焉。與吾居十二年者、今其室、十

無四五焉。應前三世。非死則徙爾、而吾以捕蛇獨存。二句收上轉悍吏之來吾鄉、

叫囂乎東西、隳突乎南北、灰、譁然而駭者、雖雞狗不得寧焉。追呼之擾、所不忍言。

吾恂恂而起、視其缶、而吾蛇尚存、則弛<sub>始</sub>然而臥、蛇存放謹食<sub>嗣</sub>之、時

而獻焉。小心養食、俟其時之退而甘食其土之有、以盡吾齒。退而甘食其土地之所產、以盡其天年。○

摹擬自得光景、真情真語、大有筆趣。蓋一歲之犯死者二焉。其餘則熙熙而樂、豈若吾鄉鄰之

旦旦有是哉。言吾犯蛇毒而死者、一歲只有兩次。非若吾鄉鄰遭悍吏之毒、無日不犯死也。今雖死乎此、比吾鄉鄰之死、

則已後矣、又安敢毒邪。今吾雖終死于斯役、比吾鄉鄰被重賦而死者、已在後矣。安敢怨其爲毒、而不爲此。○此段正明斯役之不幸、未若復賦不幸之

甚二句。情態曲盡、而一段無聊之意、溢于言表。余聞而愈悲。孔子曰、苛政猛於虎也、吾嘗疑乎是。今

以蔣氏觀之、猶信。檀弓、孔子過泰山側、有婦人哭于墓而哀。夫子式而聽之、使子貢問

焉、今吾子又死焉。夫子曰、何爲不去也。曰、無苛政。夫子曰、小子識之、苛政猛于虎也。嗚呼、孰知賦斂之毒、有甚是蛇者乎。



一句結出。故爲之說、以俟夫觀人風者得焉。

此小文耳、卻有許大議論。必先得孔子苛政猛于虎一句、然後有一篇之意。前後起伏抑揚、含無限悲傷悽婉之態。若轉以上聞、所謂言之者無罪、聞之者足以爲戒、

真有用之文。

### 種樹郭橐駝傳

柳宗元

郭橐駝不知始何名、病僂、樓、隆然伏行、有類橐駝者、故鄉人號之駝。

駝聞之曰、甚善、名我固當。因捨其名、亦自謂橐駝云。僂、偻疾也。隆然、高起貌。橐駝、卽駝

駝。○以上先將橐駝命名、寫作一笑。

其鄉曰豐樂鄉、在長安西。何爲書其鄉、只爲欲寫其在長安、長安人爭迎也。駝業種

樹、凡長安豪家富人爲觀遊、種樹行樂。及賣果者、種樹謀生。皆爭迎取養。去聲、爭相

迎取駝于家而養之。視駝所種樹、或遷徙、無不活。無不活、雙承種與遷。且碩茂、蚤實以蕃。

其樹大而盛、其實蚤而多。○活外又添寫此一句。他植者、雖窺伺倣慕、莫能如也。又反觀一句、伏後文。有問之、

對曰、橐駝自謂橐駝、非能使木壽且孳也。折一筆。能順木之天、以致其性焉爾。

一篇之意、已盡于此。

凡植木之性、

承其性字。

其本欲舒、其培欲平、其土欲故、其築欲密。

此四欲字、本性欲也。

既然已、勿動勿慮、去不復顧。其時侍也若子、其置也若棄。

則其天者全、而其性得矣。

時、種也。○此段是暢講無不活三字理。

故吾不害其長而已、非有能

碩茂之也。不抑耗其實而已、非有能蚤而蕃之也。

耗、損也。○此段又反覆碩茂蚤蕃四字理。○以上只淺

淺就植木上說道理、從孟子養氣工夫體貼出來。

他植者則不然。

一句提轉、上言無心、下言有心之失。根拳而土易、拳、曲也。易、更也。

其培之也、若不過焉則不及。苟有能反是者、則又愛之太殷、憂之太勤、

旦視而暮撫、已去而復顧。甚者爪其膚以驗其生枯、搖其本以觀其疎密、

而木之性日以離矣。雖曰愛之、其實害之。雖曰憂之、其實讎之。故不

我若也、吾又何能爲哉。

此段明他植者莫能如一句理。○以上問者曰、以子之道、論種樹畢。以下入正意、發出議論。問者曰、以子之道、

移之官理可乎。駝曰、我知種樹而已、官理非吾業也。然吾居鄉、見長

人者、好煩其令、若甚憐焉、而卒以禍。

總提一句、下就他植者則不然一段摹出。旦暮吏來而呼



曰、官命促爾耕、勗爾植、督爾穫、鑿、蚤繰繰、繅而緒、蚤織而縷、繅、繅

也。縷、布縷也。字而幼孩、遂而雞豚、字、養也。遂、長也。鳴鼓而聚之、擊木而召之。吾

小人輟飧饗以勞去吏者、且不得暇、又何以蕃吾生而安吾性邪。故

病且怠若是。則與吾業者、其亦有類乎。寫出俗吏情弊、民間疾苦、讀之令人悽然。問者嘻曰、

不亦善夫。吾問養樹得養人術、傳其事以爲官戒也。一篇精神命脈、直注末句結出。語極

冷峭。

前寫橐駝種樹之法、瑣瑣述來、涉筆成趣。純是上聖至理、不得看爲山家種樹方。未入官理一段、發出絕大議論、以規諷世道。守官者當深體此文。

### 梓人傳

柳宗元

裴封叔之第、在光德里。裴封叔、名璋。子厚之妹夫。有梓人款其門、願傭隙同宇而處焉。

梓人、卽木匠。款、叩也。傭、賃也。隙、空屋也。傭、役于主人以代租也。所職尋引規矩繩墨、家不居斲斷之器。尋、八尺。引、十丈。

尋引、所以度長短。斲、斲石。斲、斲木。斲、斲斤之屬。○出語便作意疑注。問其能、曰、吾善度鐸、材。視棟宇之制、高

深圓方短長之宜、吾指使而羣工役焉。捨我、衆莫能就一字。故食<sub>嗣</sub>於

官府、吾受祿三倍。作於私家、吾收其直大半焉。<sub>此以言語代敘事。</sub>他日、入其室、

其牀闕足而不能理、曰、將求他工。余甚笑之、謂其無能而貪祿嗜貨者。

<sub>故作一折。</sub>其後京兆尹將飾官署、余往過焉。委<sub>穢</sub>羣材、會衆工。<sub>委、蓄也。寫梓人一。</sub>

或執斧斤、或執刀鋸、皆環立嚮之。梓人左持引、右執杖、而中處焉。

<sub>寫梓人二。</sub>量棟宇之任、視木之能舉。揮其杖曰斧、彼執斧者奔而右。顧而指

曰鋸、彼執鋸者趨而左。<sub>寫梓人三。</sub>俄而斤者斲、刀者削、皆視其色、俟其言、

莫敢自斷者。<sub>寫梓人四。</sub>其不勝<sub>升</sub>任者、怒而退之、亦莫敢愠焉。<sub>寫梓人五。</sub>畫宮於

堵、盈尺而曲盡其制。計其毫釐而構大廈、無進退焉。<sub>寫梓人六。</sub>既成、書於

上棟<sub>易、上棟下宇。</sub>曰、某年某月某日某建、則其姓字也。凡執用之工不在列。

<sub>寫梓人七。</sub>余圜<sub>圓、驚視也。○句句包含下意、墓寫其工緻、既成數句、尤極含蓄、爲下</sub>視大駭、然後知其術之工大矣。



文張繼而歎曰、轉筆。彼將捨其手藝、照不居器。專其心智、照所職尋引。而能知體要

者歟。體要二字、一篇之綱。吾聞勞心者役人、勞力者役於人、彼其勞心者歟。能者

用而智者謀、彼其智者歟。又就專其心智句、寫作二層。是足爲佐天子相天下法矣、物莫近

乎此也。物、事也。○連下二者歟字贊美、方轉入正意、如黃河之流、九折而入海、何等委曲。以下將梓人一一翻案。彼爲天下者本於人。

其執役者、爲徒隸、爲鄉師里胥、其上爲下士、又其上爲中士、爲上士、

又其上爲大夫、爲卿、爲公。離而爲六職、判而爲百役。此以王都外薄博、內言。

四海、薄、迫也。有方伯連率。同帥。○禮、王制、千里之外、設方伯。又十國以爲連、連有帥。郡有守、邑有宰、

皆有佐政。其下有胥吏、又其下皆有嗇夫版尹、以就役焉。漢制、鄉小者、制嗇夫一人。版

尹、掌戶版者。此以王都外言。猶衆工之各有執技以食力也。猶衆工一。彼佐天子相天下者、舉

而加焉、指而使焉、條其綱紀而盈縮焉、齊其法制而整頓焉、猶梓人之

有規矩繩墨以定制也。猶梓人二。擇天下之士、使稱其職。居天下之人、使安

其業。視都知野、視野知國、視國知天下、其遠邇細大、可手據其圖而究焉。猶梓人畫宮於堵而績於成也。猶梓人能者進而由之、使無所德。不能者退而休之、亦莫敢愠。不銜能、能不矜名、不親小勞、不侵衆官。

日與天下之英才、討論其大經。猶梓人之善運衆工而不伐藝也。猶梓人夫

然後相道得而萬國理矣。單承一句、側出第五段、句法變化。相道既得、萬國既理、天下舉首

而望曰、吾相之功也。後之人循跡而慕曰、彼相之才也。士或談殷周之

理者、曰伊傅周召、其百執事之勤勞、而不得紀焉。猶梓人自名其功、

而執用者不列也。猶梓人五。以上闡相道之合梓人處、凡五段。文勢層疊、措詞有法。大哉相乎、通是道者、所

謂相而已矣。一贊作總結、即宕起不知體要一段。其不知體要者反此。以恪勤爲公、以簿書爲

尊。銜能矜名、親小勞、侵衆官、竊取六職百役之事、听听銀於府庭、

而遺其大者遠者焉。所謂不通是道者也。听听、猶斷斷、辨爭貌。猶梓人而不知繩墨之



曲直、規矩之方圓、尋引之短長、姑奪衆工之斧斤刀鋸、以佐其藝。又

不能備其工、以至敗績、用而無所成也。不亦謬歟。此就上五猶梓人意、反寫一段。文字已畢、下另發議。

或曰、彼主爲室者、儻或發其私智。牽制梓人之慮、奪其世守、而道謀

是用。雖不能成功、豈其罪邪、亦在任之而已。詩、如彼築室于道謀、是用不潰于成。言築室而與行道之人謀之、

人人得爲異論、不能有成也。○此以主爲室者、喻人君之任相當專一意。余曰不然。夫繩墨誠陳、規矩誠設、高者不

可抑而下也、狹者不可張而廣也。由我則固、不由我則圯。瘠、彼將樂去

固而就圯也、則卷其術、默其智、悠爾而去、不屈吾道、是誠良梓人耳。

其或嗜其貨利、忍而不能捨也。喪其制量、屈而不能守也。棟橈橈、屋壞、

則曰、非我罪也。可乎哉、可乎哉。此又從梓人上喻爲相者、以合則留、不合則去、不可貶道、亦不可嗜利益。余謂

梓人之道類於相、故書而藏之。喻意正意、總結一句。梓人蓋古之審曲面勢者、今謂之

都料匠云。審曲面勢、出考工記。言審察五材曲直方面形勢之實也。余所遇者楊氏潛其名。住法亦奇。

前細寫梓人、句句暗伏相道。後細寫相道、句句回抱梓人。末又補出人主任相、爲相自處兩意。次序摹寫、意思滿暢。

## 愚溪詩序

柳宗元

灌水之陽有溪焉、東流入於瀟水。

灌、瀟二水、在永州府城外。

或曰、冉氏嘗居也、故姓

是溪爲冉溪。或曰、可以染也、名之以其能、故謂之染溪。

題前先借影二層。余以

愚觸罪、謫瀟水上。愛是溪、入二三里、得其尤絕者、家焉。

憲宗朝、宗元坐王叔文黨、

貶永州司馬。提愚字作主。

古有愚公谷、

齊桓公出獵、入山谷中、見一老。

問曰、是爲何谷。對曰、爲愚公之谷。桓公曰、何故。對曰、以臣名之。

○引古作陪。

今余家是溪、而名莫能定、土之居者、猶斷斷然、斷斷、辨爭貌。不可以

不更平聲也、故更之爲愚溪。

敍出名溪之故。

愚溪之上、買小丘、爲愚丘。

又就愚字生發。○一愚。

自愚丘東北行六十步、得泉焉、又買居之、爲愚泉。愚三愚泉凡六穴、皆

出山下平地、蓋上出也。合流屈曲而南、爲愚溝。愚四遂負土累石、塞其

隘、爲愚池。

愚五

愚池之東、爲愚堂。

愚六

其南、爲愚亭。

愚七

池之中、爲愚



島。八。愚。嘉木異石錯置、皆山水之奇者、以余故、咸以愚辱焉。○總結愚字一筆。○敍出八愚、亦

極錯落、指夫水、智者樂效也、今是溪獨見辱於愚、何哉、蓋其流甚下、

不可以灌漑、一。概。又峻急多坻、石、大舟不可入也。○小。汜。日。坻。幽邃、淺

狹、蛟龍不屑、不能興雲雨、三。無以利世、而適類於余、然則雖辱而愚

之可也。此段明溪之所以爲愚。甯武子邦無道則愚、智而爲愚者也。顏子終日不違如

愚、睿。胃。而爲愚者也。皆不得爲真愚。今余遭有道而違於理、悖於事、

故凡爲愚者、莫我若也。是爲真愚。夫然、則天下莫能爭是溪、余得專而名焉。

此段明己之所以名溪。溪雖莫利於世、而善鑒萬類。清瑩秀澈、鏘鳴金石。能使愚者

喜笑眷慕、樂而不能去也。與上其流甚下一段、抑揚對照。余雖不合於俗、亦頗以文墨自慰。

漱、瘦。滌萬物、牢籠百態、而無所避之。與上達理悖事一段、抑揚對照。以愚辭歌愚溪、則茫

然而不違、昏然而同歸。超鴻聲、蒙、混希夷、寂寥而莫我知也。鴻濛、一元氣也。



云海。上氣。老子、聽之不聞、名曰希、視之不見、名曰夷。○將己之愚、溪之愚、寫作一團、無從分別、奇絕妙絕。於是作八愚詩、記於溪石上。  
仍收轉八愚、作結。

通篇就一愚字、點次成文。借愚溪自寫照、愚溪之風景宛然、自  
己之行事亦宛然。前後關合照應、異趣沓來、描寫最爲出色。

## 永州韋使君新堂記

柳宗元

將爲穹谷巖

謙

巖淵池於郊邑之中、則必輦聲連上山石、溝澗壑、陵絕險阻、

疲極人力、乃可以有爲也。

劈空翻起。

然而求天作地生之狀、咸無得焉。

又翻。

逸

其人、因其地、全其天、昔之所難、今於是乎在。

落入。○發端忽作數折、全用虛字襯成、筆法奇幻。

永州實惟九疑之麓。

六、○九疑、山名、有九谿、皆相似、故名。麓、山足也。

其始度

鐸

土者、環山爲城。

書、惟荒度土功。○此句、追原城中、所以有自然泉石之故。

有石焉、

翳於奧草。

有泉焉、

伏於土塗。

蛇虺

毀

之所蟠、狸鼠之所游。

茂樹惡木、

嘉葩

帕平聲

毒卉。

毀

亂雜而爭植、號爲穢

墟。

翳、蔽也。○奧、深也。虺、蛇屬。葩、花貌。卉、草之總名。

○寫得荒蕪不堪、以起下開闢之功。

韋公

永州刺史

之來、旣逾月。

理



甚無事。

欲寫章公之開闢新堂、著理甚無事四字、妙。

先望其地、且異之。

六字、寫出理甚無事人、閒心妙眼。

始命芟

其蕪、

無、

行其塗、

積之丘如、

蠲

涓、

之瀏

流、

如、

既焚既醺、

詩、

奇勢迭出。

除草曰芟。焚、燒其所積之草也。丘如、草高貌。蠲、除其穢也。瀏如、水清貌。焚、燒其所積之草也。醺、疏其已清之流也。○此記始事。

清濁辨質、

美惡異

位。

非穢墟矣。

視其植、

則清秀敷舒。

茂樹嘉葩。

視其蓄、

則溶漾紆餘。

蓄、水聚處。溶、安流也。

漾、水搖動貌。紆、曲也。○有泉。怪石森然、周於四隅。或列或跪、或立或仆。竅穴逶

也。餘、繞也。○有泉。怪石森然、周於四隅。或列或跪、或立或仆。竅穴逶

邃、歲堆阜突怒。

逶、曲也。邃、深也。○有石。○此記畢工。

乃作棟宇、以爲觀游。

凡其物類、無

不合形輔勢、效伎於堂廡

武、

之下。

此記新

外之連山高原、林麓之崖、閑廁

隱顯。

邇延野綠、

遠混天碧、

咸會於譙

樵、

門之內。

譙門、城門上樓、以望敵者。新堂在郊邑中、故云譙門之

內。○此記堂外。○敘荒蕪處、便是個荒蕪境界。敘修潔處、便似個修潔場所。可謂文中有畫。

已乃延客入觀、

繼以宴娛。

魚、

或贊

且賀曰、

見公之作、

知公之志。

推進一步。

公之因土而得勝、

豈不欲因俗以成

化。

公之擇惡而取美、

豈不欲除殘而佑仁。

公之蠲濁而流清、

豈不欲廢

化。

公之擇惡而取美、

豈不欲除殘而佑仁。

公之蠲濁而流清、

豈不欲廢

化。

公之擇惡而取美、

貪而立廉。公之居高以望遠、豈不欲家撫而戶曉。贊賀語、說出新堂關係政教、所見者大。夫

然、則是堂也、以作一筆。豈獨草木土石水泉之適歟、山原林麓之觀歟、將

使繼公之理者、視其細、知其大也。結出斯堂之不朽。宗元請志諸石、措諸壁、編

以爲二千石楷法。刺史稱二千石。楷、式也。儒行、今世行之、後世以爲楷。

只要表章章使君開闢新堂之功、先說一段名勝之難得。又說一段舊址之荒穢。以起章公于政理之暇新之、所以爲有功。末特開一議、見新堂煞甚關係、是記中所不可少。

## 鈞鉚潭西小丘記

柳宗元

得西山後八日、尋山口西北道二百步、又得鈞古、鉚母、潭。西二十五步、

當湍而浚者爲魚梁。西山、在永州城西瀟江之岸。鈞鉚潭、在西山之西。湍、波流湍回之貌。浚、深也。魚梁、堰石障水而空其中、以通魚之往來者。梁

之上有丘焉。點丘字。生竹樹。含下嘉木美竹。其石之突怒偃蹇、負土而出、爭爲奇狀

者、殆不可數。上聲、○含下奇石。其欽欽、然相累而下者、若牛馬之飲於溪。其衝

然角列而上者、若熊羆之登於山。欽、高聳也。衝、向也、突也。○單承石之奇狀、描寫一筆。丘之小不能一



畝、可以籠而有之。籠、包舉也。○又點小字。問其主。曰、唐氏之棄地、貨而不售。○以

物售與人曰貨。問其價。曰、止四百。余憐而售之。李深源、元克己、時同遊、

皆大喜、出自意外。○敍買即更取器用、剷剷、產。刈穢草、伐去惡木、烈火而焚

之。嘉木立、美竹露、奇石顯。○敍開由其中以望、則山之高、雲之浮、溪

之流、鳥獸之遨遊、舉熙熙然迴巧獻技、以效茲丘之下。○敍玩枕席而臥、

則清泠之狀與目謀、潏潏潏潏、水貌。之聲與耳謀、淵

然而靜者與心謀。○敍玩賞中、生出靜機。不匝匝、入聲。旬而得異地者二、○此句、應起八日又得字。

雖古好事之士、或未能至焉。○收住、下忽從小丘。發噫、以茲丘之勝、致之

澧鎬鄠澧、鎬、鄠、杜、俱屬右扶風、漢上林苑地。則貴游之士爭買者、日增千金而愈不可

得。今棄是州也、農夫漁父、過而陋之。價四百、連歲不能售。而我與

深源克己、獨喜得之、是其果有遭乎。書於石、所以賀茲丘之遭也。○感慨不盡。

前幅平平寫來、意只尋常、而立名造語、自有別趣。至末從小丘上發出一段感慨、爲茲丘致賀、賀茲丘、所以自弔也。

## 小石城山記

柳宗元

自西山道口徑北、踰黃茅嶺而下、有二道。故寫二道。其一西出、尋之無所得。

闌起一其一少北而東、不過四十丈。土斷而川分、有積石橫當其垠。銀、其

上爲睥睨、睥睨、城上女垣也。梁梁欂櫨、欂櫨、屋棟也。山以小石城名者以此。之形。其旁出堡塢、

鳥上有有若門焉。窺之正黑。塢、水障也。投以小石、洞然有水聲。其響之激

越、良久乃已。此不是寫水。只極寫窺之正黑四字。環之可上、望甚遠。其旁可以窺深、其上可以望遠。無土壤而

生嘉樹美箭、益奇而堅。其疏數、偃仰、類智者所施設也。無土壤三字、妙。類智者所

施設一句、生噫、下有無一段。噫、吾疑造物者之有無久矣。若及是愈以爲誠有。疑其又怪其

不爲之於中州、而列是夷狄。更千百年不得一售其伎、是固勞而無用。

神者儻不宜如是、則其果無乎。疑其無。或曰、以慰夫賢而辱於此者。或曰其



氣之靈、不爲偉人、而獨爲是物。故楚之南、少人而多石。借兩或曰、錯落自說胸中憤懣、

隨筆蓬勃。是二者、余未信之。不說煞、妙。

借石之瑰瑋、以吐胸中之氣。柳州諸記、奇趣逸情、引人以深。而此篇議論、尤爲崛出。

### 賀進士王參元失火書

柳宗元

得楊八書、知足下遇火災、家無餘儲。儲、積蓄也。僕始聞而駭、中而疑、終乃

大喜。蓋將弔而更耕、以賀也。因駭疑而將弔、大喜而更以賀。道遠言略、猶未能究知其狀。

若果蕩焉泯焉而悉無有、乃吾所以尤賀者也。再足一句。○以上總提作柱、下文分疏。足下勤奉

養、樂朝夕、惟恬安無事是望也。今乃有焚煬樣、赫烈之虞、以震駭左右、

而脂膏滫脩脩上之具、或以不給。滫、米滋也。禮、內則、滫醢以滑之、脂膏以膏之、謂調和飲食也。吾是以

始而駭也。承寫一段駭。凡人之言皆曰、盈虛倚伏、去來之不可常。老子、禍兮福所倚、福兮禍所伏。

或將大有爲也、乃始厄困震悸、於是有水火之孽、有羣小之愠。詩、憂心悄悄、愠

于羣勞苦變動、而後能光明、古之人皆然。斯道遼闊誕漫、雖聖人不能以

是必信、是故中而疑也。

承寫一段疑。

以足下讀古人書、爲文章、善小學、其爲

多能若是。

而進不能出羣士之上、以取顯貴者、蓋無他焉。

無有他故。

京城人

多言足下家有積貨、士之好廉名者、皆畏忌不敢道足下之善。獨自得之

心、蓄之銜忍、而不出諸口。以公道之難明、而世之多嫌也。

好廉名者、所以不敢道。

一出口、則嗤嗤

嗤嗤、笑貌。

者以爲得重賂。

嗤嗤、笑貌。○雖道亦必見笑于人。

僕自貞元十五年、見足

下之文章、蓄之者蓋六七年未嘗言。是僕私一身而負公道久矣、非特負

足下也。

已亦避忌世嫌、有負公道。

及爲御史尚書郎、自以幸爲天子近臣、得奮其舌、

思以發明足下之鬱塞、然時稱道於行

杭

列、猶有顧視而竊笑者。

即欲一明公道、究

不免于嗤嗤者之竊笑。

僕良恨修己之不亮、素譽之不立、而爲世嫌之所加、常與孟幾

道言而痛之。

孟簡、字幾道。○公道難明、古今重歎、借以抒發、不勝世變之感。

乃今幸爲天火之所滌盪、凡衆之



疑慮、舉爲灰埃。哀、黔其廬、赭者、其垣、赭黔、黑也。赭、赤也。以示其無有。而足下

之才能、乃可以顯白而不污。其實出矣、是祝融回祿之相吾子也。祝融、回祿、

皆火神。相、助也。○奇語快語。則僕與幾道十年之相知、不若茲火一夕之爲足下譽也。奇極快極。

宥而彰之、人皆寬宥、而可彰明其笑。使夫蓄於心者、咸得開其喙。誨、發策決科者、授

子而不慄。喙、口也。發策決科、謂明經取士、必爲問難疑義、書之于策、以試諸士、定爲甲乙之科。慄、懼也。雖欲如嚮之蓄縮受侮、

其可得乎。蓄縮、謂畏忌世嫌。受侮、謂被人竊笑。於茲吾有望於子、庶幾能出羣士之上。以取顯貴。是以終乃大喜

也。承寫一段喜、大喜是主、故此段獨詳。古者列國有災、同位者皆相弔。許不弔災、君子惡

之。左傳、昭公十八年、宋、衛、陳、鄭災、陳不救火、許不弔災、君子是以知陳許之亡也。今吾之所陳若是、指第三段。有以異乎

古、原不是災。故將弔而更以賀也。承寫一段弔且賀。顏曾之養、其爲樂也大矣、又何闕

焉。想參元親在、故前云勤奉養、樂朝夕、末慰之言、正照上養字樂字。

聞失火而賀、大是奇事。然所以賀之之故、自創一段議論、自闢一番寶理、絕非泛泛也。取徑幽奇險仄、快語驚人、可以破涕爲笑。

# 待漏院記

王禹偁

天道不言、而品物亨、歲功成者、何謂也。四時之吏、五行之佐、宣其

氣矣。聖人不言、而百姓親、萬邦寧者、何謂也。三公論道、六卿分職、

張其教矣。

天道聖人對起、立論闊大。

是知君逸於上、臣勞於下、法乎天也。三句收上古二段。

之善相天下者、自咎

皐

夔至房魏、可數

上聲也。

咎陶、

后夔、

舜臣。

房

是不獨

有其德、亦皆務於勤耳。

先提一勤字、引起待漏意。

况夙興夜寐、以事一人。卿大夫猶然、

况宰相乎。

側重宰相當勤。

朝廷自國初、因舊制、設宰相待漏院於丹鳳門之右、

丹鳳門、

即朱雀門。凡宰相來朝、至此待玉漏。及晨而後趨朝。○點待漏院。

示勤政也。

緊接上勤字。

乃若北闕向曙、

樹

東方未

明、相君啓行、煌煌火城。相君至止、噦噦

譁

鸞聲。

金門未闢、玉漏猶

滴。撤

徽

蓋下車、於焉以息。

忽作韻語、入院之景、

描寫宰相妙甚。

待漏之際、相君其有思乎。

輕輕帶出一思字、生出下文二大段文字。

其或兆民未安、思所泰之。四夷未附、思所來之。兵革



未息、何以弭<sup>米</sup>之。田疇多蕪、何以闢之。賢人在野、我將進之。佞人

立朝、我將斥之。六氣不和、<sup>六氣、陰、陽、風、雨、晦、明。</sup>災眚<sup>生上聲</sup>薦至、願避位以禳之。

五刑未措、欺詐日生、請脩德以釐<sup>釐、理也。</sup>之。憂心忡忡、待旦而入。九

門既啓、四聰甚邇。<sup>四聰、四方之聽也。虞書、達四聰。言廣四方之聽、以決天下之壅蔽也。</sup>相君言焉、時君納焉。

皇風於是乎清夷、蒼生以之而富庶。若然、則總百官、食萬錢、非幸也、

宜也。<sup>此段寫賢相勤政之思。先用兩個思字、又轉用兩個何以字、我將字、何等可師可法。</sup>其或私讎未復、思所逐之。舊恩

未報、思所榮之。子女玉帛、何以致之。車馬玩器、何以取之。姦人附

勢、我將陟之。直士抗言、我將黜之。三時告災、上有憂色、構巧詞以

悅之。羣吏弄法、君聞怨言、進詔容以媚之。私心怛怛、<sup>怛、慢也。</sup>假寐而

坐。<sup>不脫衣冠而寐、曰假寐。</sup>九門既開、重瞳屢回。相君言焉、時君惑焉。政柄於是乎

隳<sup>灰</sup>哉、帝位以之而危矣。若然、則死下獄、投遠方、非不幸也、亦宜

也。

此段寫奸相亂政之思、與上賢相一樣大費經營、可鄙可恨。

是知一國之政、萬人之命、懸於宰相、可不

慎歟。

總收上二段。

復有無毀無譽、旅進旅退、

旅、衆也。與衆進退。

言

竊位而苟祿、備員而

全身者、亦無所取焉。

賢相不世出、奸相亦不恆有、此等庸相却多、點出尤足示戒。

棘寺小吏王禹偁

稱

爲文、

棘寺、

周官所謂外朝之左棘、卿大夫之位也。

請誌院壁、

用規於執政者。

是作記本意。

將千古賢相奸相心事、曲曲描出。辭氣嚴正、可法可鑒。尤妙在先借勤字立說、後將慎字作收。蓋爲相者、一出於勤慎、則所思自有善而無惡。末又說出一種苟祿全

身之庸相、其害正與奸相等。尤足以爲後世戒。雖名爲記、極似箴體。

## 黃岡竹樓記

王禹偁

黃岡之地多竹、

黃岡、縣名、今屬湖廣黃州府。

大者如椽、

竹工破之、剡

枯

去其節、

用代陶

瓦、比屋皆然、以其價廉而工省也。

從竹說起。

予城西北隅、

雉堞圯

瘡

毀、秦

莽荒穢。

雉堞、城上女垣也。

因作小樓二間、與月波樓通。

月波樓、在府城上、亦王禹偁建。

○次說因竹作樓。

遠

吞山光、平挹江瀨。

賴、

幽闐

傾入聲、

遼窶、

同、

不可具狀。

瀨、水流沙上也。窶、遠也。

○寫山川之景。



夏宜急雨、有瀑僕布聲。

飛泉懸水曰瀑布。

冬宜密雪、有碎玉聲。宜鼓琴、琴調和

暢。宜詠詩、詩韻清絕。

宜圍碁、子聲丁丁爭然。宜投壺、矢聲錚錚撐、

然。皆竹樓之所助也。

上二句、寫天時之景。下四句、寫人事之景。連下六宜字、文致雋絕。公退

之暇、被批鶴氅、衣羽戴華陽巾、道冠手執周易一卷、焚香默坐、消遣

世慮。江山之外、第見風帆沙鳥、煙雲竹樹而已。待其酒力醒、茶煙歇、

送夕陽、迎素月、亦謫居之勝概也。

時禹偁謫貶黃州郡。○上寫竹樓之景、令讀者心開目朗。此寫登樓之勝、則遙情獨往、翩翩

欲仙。彼齊雲落星、高則高矣。

齊雲、樓名、五代韓浦建。落星、亦樓名。

井幹寒、麗譙、華則華矣。

漢武帝立井幹樓、高二丈。麗譙樓、曹韓建。

止於貯妓女、藏歌舞、非騷人之事、吾所不取。騷、憂也。屈

原作離騷、言遭憂也。反照竹樓、以我幽冷、

今謂詩人爲騷人。○又借四樓傲彼繁華。襟懷何等洒落。

吾聞竹工云、竹之爲瓦、僅十

稔。飪、若重覆之、得二十稔。

穀熟曰稔。古人謂一年爲一稔、取穀一熟噫、吾以至也。○應前竹工一段、起下明年何處之意。

道宋太宗年號乙未歲、自翰林出滁

除上

州丙申、移廣陵

遷揚州丁酉、又入西

掖、中書省曰西掖。戊戌歲除日、有齊安之命、黃州郡名齊安。己亥閏三月到郡。四年之

間、奔走不暇、未知明年又在何處、豈懼竹樓之易朽乎。細敘數年履歷、如閒雲野鶴、去留無

定。讀之可爲愴然。後之人與我同志、嗣而葺之、庶斯樓之不朽也。以修葺望之後人、極繫戀、又極曠達。

冷淡蕭疎、無意于安排措置、而自得之于景象之外。可以上追柳州得意諸記。起結搖曳生情、更覺蘊藉。

## 書洛陽名園記後

李格非

洛陽處天下之中、挾殺萌之阻、當秦隴之襟喉、而趙魏之走集、蓋四

方必爭之地也。點洛陽。天下當無事則已、有事則洛陽必先受兵。予故嘗曰、

洛陽之盛衰、天下治亂之候也。盛衰不過洛陽、而治亂關于天下。唐貞觀太宗年號。開元明皇年號。之

間、公卿貴戚、開館列第於東都者、號千有餘邸。底。點。名園。及其亂離、繼

以五季五代。之酷。其池塘竹樹、兵車蹂躪、廢而爲丘墟。高亭大榭、謝、煙

火焚燎、化而爲灰燼。與唐共滅而俱亡、無餘處矣。予故嘗曰、園囿之



興廢、洛陽盛衰之候也。

興廢不過園囿、盛衰關於洛陽。

而且天下之治亂、候於洛陽之盛衰

而知。洛陽之盛衰、候於園囿之興廢而得。

將候字倒用、其甚生活。

則名園記之作、予

豈徒然哉。

將上二段一總、寫出作記意。

嗚呼、公卿大夫方進於朝、放乎一己之私、自爲

之而忘天下之治忽、欲退享此得乎。唐之末路是已。

感歎歎歎、以收之。

名園特遊觀之末耳。今張大其事、恢廣其意、其興廢可以占盛衰、可以占治亂。至小之物、關係至大。有學有識、方有此文。

### 嚴先生祠堂記

范仲淹

先生、光武之故人也。

先生光武並點出。

相尚以道。

總贊一句、就平日言。

及帝握赤符、

光武至鄴、儒生疆華奉

赤伏符奏上、遂即帝位。

乘六龍、

易曰、時乘六龍以御天。

得聖人之時。

臣妾億兆、天下孰加焉。

惟

先生以節高之。

從光武側到先生。

既而動星象、

帝與光共臥、光以足加帝腹、明日太史奏客星犯帝座甚急。帝笑曰、朕與故人嚴子陵共臥耳。

歸江湖、

帝除光爲諫議大夫、不屈。去耕釣于富春山中。

得聖人之清。

泥塗軒冕、天下孰加焉。惟光

武以禮下之。

從先生打轉光武。○以節高之、以禮下之、正見先生與光武、始終相尚以道處。

在蠱之上九、衆方有爲、而

獨不事王侯、高尚其事、易、蠱卦、上九爻曰、不事王侯、高尚其事。蠱、壞極而有事也。處蠱之世、衆皆有爲、而上九獨在事外、惟高尚其事而已。先

生以之。引經證先生。在屯之初九、陽德方亨、而能以貴下賤、大得民也、易、初

九象曰、以貴下賤、大得民也。屯、難也。屯難之光武以之。引經證光武。蓋先生之心、出

乎日月之上。高。光武之量、包乎天地之外。大。微先生不能成光武之大、

微光武豈能遂先生之高哉。互言之以終相尚之意。而使貪夫廉、懦夫立、是大有功於名

教也。只用而使二字、過文獨歸到先生、見當立祠意妙。仲淹來守是邦、始構堂而奠焉。祠堂在嚴州、桐廬縣。乃復

爲其後者四家、以奉祠事。復者、免其賦役也。又從而歌曰、雲山蒼蒼、江水泱泱。

先生之風、山高水長。風、猶孟子故聞伯夷之風者之風。正與上貪夫廉、懦夫立六字相關應。山高水長、言與山水並垂千古。○以歌結、有餘韻。

題嚴先生、卻將光武兩兩相形、竟作一篇對偶文字。至末乃歸到先生、最有體格。且以歌作結、能使通篇生動、不失之板。妙甚。

## 岳陽樓記

范仲淹

慶歷仁宗年四年春、滕子京、名宗諱。謫守巴陵郡。巴陵、卽岳州。宋曰岳陽。越明年、政通人



和、百廢具興。提句、最不可少。乃重修岳陽樓、增其舊制、刻唐賢今人詩賦於其

上、屬祝予作文以記之。述作記之由。予觀夫巴陵勝狀、在洞庭一湖。洞庭湖、在府城西南。

○先總點銜遠山、吞長江、浩浩湯湯、橫無際涯。朝暉夕陰、氣象萬千。

四字、包許多景致。此則岳陽樓之大觀也、前人之述備矣。述、指上詩賦言。○用虛筆、輕輕提過。然則北

通巫峽、南極瀟湘。巫峽、山名、在四川夔州。瀟湘、二水名、在九江之間。遷客騷人、多會於此。遷客、遷謫之

客也。騷人、即詩人。覽物之情、得無異乎。覽物之情一句、起下二段文字。若夫霪雨霏霏、連月不開。

陰風怒號、濁浪排空。日星隱曜、山岳潛形。商旅不行、檣傾楫摧。

薄博暮冥冥、虎嘯猿啼。登斯樓也、則有去國懷鄉、憂讒畏譏、滿目蕭

然、感極而悲者矣。一段寫遷客騷人之悲、是覽物之情而憂者。至若春和景明、波瀾不驚。上下天

光、一碧萬頃。沙鷗翔集、錦鱗游泳。岸芷紙汀蘭、郁郁青青。精而或

長煙一空、皓月千里。浮光耀金、靜影沉璧、漁歌互答、此樂何極。登

斯樓也、則有心曠神怡、寵辱皆忘、把酒臨風、其喜洋洋者矣。

一段寫遷客騷人之

喜、是覽物之情而樂者。

嗟夫、予嘗求古仁人之心、或異二者之爲、何哉。

上寫悲喜二段、只是欲起古仁人

一段正意。

不以物喜、不以己悲。居廟堂之高、進。則憂其民。處江湖之遠、退。

則憂其君。是進亦憂、退亦憂。然則何時而樂耶。

從悲喜引出憂樂、明古之仁人憂多樂少。與人情之隨感

而憂樂頓殊者不同。

其必曰、先天下之憂而憂、後天下之樂而樂歟。

先生少有大志、嘗自誦曰、士當先天

下之憂而憂、後天下之樂而樂、此其志也、今于此發意。

噫、微斯人、吾誰與歸。斯人、指古仁人。

結句一往情深。

岳陽樓大觀、已被前人寫盡。先生更不贅述、止將登樓者覽物之情、寫出悲喜二意。只是翻出後文、憂樂一段正論。以聖賢憂國憂民心地、發而爲文章、非先生其孰能之。

## 諫院題名記

司馬光

古者諫無官。自公卿大夫至於工商、無不得諫者。

突然而起、高題一層。

漢興以來、始

置官。夫以天下之政、四海之衆、得失利病、萃於一官使言之、其爲任



亦重矣。

非古之無不得諫者、此諫官何等關係。

居是官者、常志其大、舍其細。先其急、後其緩。

專利國家而不爲身謀。彼汲汲於名者、猶汲汲於利也。其閒相去何遠哉。

諫官本無利、然最易犯名。必須名利並戒、方是不爲身謀、一二語極精細。

天禧

真宗年號。

初、真宗詔置諫官六員、責其職

事。

先記諫院。

慶歷

仁宗年號。

中、錢君始書其名於版。

次記題名。

光恐久而漫滅、嘉祐

仁宗年號。

八年、刻著於石。

次記易版爲石。

後之人將歷指其名而議之曰、某也忠、某

也詐、某也直、某也曲。嗚呼、可不悲懼哉。

結出題名之意、言下凜然。

文僅百餘字、以題名爲榮、

而曲折萬狀、包括無遺。尤妙在末後一結。後世此獨以題名爲懼。立論不磨、文之有關世道者。

## 義田記

錢公輔

范文正公、

名仲淹、字希文。

蘇人也。平生好施與、擇其親而貧、疎而賢者、咸施

之。

三句、是一篇之總。

方貴顯時、置負郭常稔

銑。

之田千畝、號曰義田、以養濟羣

族之人。

點義田。

日有食、歲有衣、嫁娶凶葬皆有贍。擇族之長而賢者主其計、

而時共出納焉。

此中大有經濟。

日食、人一升。歲衣、人一縑。嫁女者五十千、

再嫁者三十千。娶婦者三十千、再娶者十五千。葬者如再嫁之數、葬幼

者十千。族之聚者九十口、歲入給稻八百斛、以其所入、給其所聚、沛

然有餘而無窮。

此敘分給之法。

屏

丙、而家居俟代者與焉、仕而居官者罷莫給。

又加一語、分給之法始備。

此其大較也。

住。一句頓。

初、公之未貴顯也、嘗有志於是矣、而力

未逮者二十年。

言公早有此志。

既而爲西帥、及參大政、於是始有祿賜之入、而

終其志。

慶歷二年、公出爲陝西路安撫經略招討使。三年、入爲參知政事。○言公得遂其志。

公既歿、後世子孫修其業、承

其志、如公之存也。

其子純祐、純仁、純禮、純粹、皆賢。祐、仁、尤行仁義。○言子孫能繼公之志。

公雖位充祿厚、而貧終

其身。歿之日、身無以爲斂、子無以爲喪。惟以施貧活族之義、遺其子

而已。

收完前文。下一段引古、一段數今、總是借客形主之法。

昔晏平仲敝車羸馬。桓子曰、是隱君之賜

也。晏子曰、自臣之貴、父之族、無不乘車者。母之族、無不足於衣食



者。妻之族、無凍餒者。齊國之士、待臣而舉火者三百餘人。如此、而

爲隱君之賜乎、彰君之賜乎。於是齊侯以晏子之觴、而觴桓子。○罰以酒。○引古。

予嘗愛晏子好仁、齊侯知賢、而桓子服義也。受觴不辭、是服義。○並美三人。又愛晏子之仁

有等級、而言有次第也。先父族、次母族、次妻族、而後及其疎遠之賢。

孟子曰、親親而仁民、仁民而愛物。晏子爲近之。專美晏子。今觀文正公之義

田、賢於平仲。其規模遠舉、又疑過之。結到文正公。嗚呼、世之都三公位、享

萬鍾祿、其邸第之雄、車輿之飾、聲色之多、妻孥之富、止乎一己而已。

而族之人不得其門者、豈少也哉、況於施賢乎。其下爲卿、爲大夫、爲

士、廩稍去聲。饋稟曰稍。之充、奉養之厚、止乎一己而已。而族之人、操壺同

瓢爲溝中瘠者、又豈少哉、況於宅同人乎。歎。是皆公之罪人也。罵世人之不義、正

以贊公之義。公之中義滿朝廷、事業滿邊隅、功名滿天下、後世必有史官書之

者、予可無錄也。

他人作記、必以此于起手處張大之、今只于結尾略帶、高絕。

獨高其義、因以遺其世云。

常見世之貴顯者、徒自肥而已、視親族不異路人。如公之義、不獨難以望之晚近、即求之千古以上、亦不可多得。作是記者、非特以之高公之義、亦以望後世之相感

而效公也。

## 袁州學記

李觀

皇帝<sub>仁</sub>二十有三年、制詔州縣立學。惟時守令、有哲有愚、有屈<sub>偏</sub>、力殫

慮、祇順德意。

屈、盡也。祇、敬也。○此等或亦閒有。

有假官借師、苟具文書。

官、以治民言。師、以教士言。假借云者、

謂徒有官師之名、而無其實、惟苟且具奉詔文書、以上聞而已。○此等比比皆是。

或連數城、亡誦弦聲。倡而不和、教尼<sub>曜</sub>、

不行。

尼、沮也。○一段先敘祖君未來以前。

三十有二年、范陽祖君無澤、知袁州。始至、進

諸生、知學宮闕狀。

闕、廢壞也。

大懼人材放失、儒效闊疎、亡以稱<sub>去</sub>聲、上意旨。

寫得闊大。

通判潁川陳君侁、

華

聞而是之、議以克合。

先書祖君、次書陳君。

相舊夫子廟、

陋隘不足改爲、

提

乃營治之東、厥土燥剛、厥位面陽、厥材孔良。

記地之吉、與



材之武、黜憂上聖惡、殿堂門廡、黜聲、聖惡、丹漆、舉以法。黜、微青黑色。聖、白。土也。○記制作之佳。故生師有

舍、庖廩有次。百爾器備、並手偕作。記學中次第與理。工善吏勤、晨夜展力、越

明年成。記用力勤而成工速。○詳記立學畢。舍同、菜且有日。釋、陳設也。菜、蘋蘩之屬。立、吁、江學之初、釋菜以告先聖先師也。吁、江

李觀諡深去聲、於衆曰、也、告惟四代之學、考諸經可見已。作學記、自當從虞夏商周說起。今只以一句道

破、高秦以山西鑿與平聲、六國、盡死殺人日鑿。欲帝萬世、劉氏高、一呼、而關門不守。

武夫健將、賣降恐後、何耶。詩書之道廢、人惟見利而不聞義焉耳。引古廢學之禍。

孝武漢武、乘豐富、世祖光武、出戎行、杭、皆孳孳學術。俗化之厚、延於靈獻。

靈帝、獻帝。草茅危言者、折首而不悔。謂竇武、陳蕃、李膺、杜密、郭泰、范滂、張儉、王章等。功烈震主者、聞

命而釋兵。羣雄相視、不敢去臣位、尚數十年。謂曹操等。教道之結人心如此。

引古興學之效。今代遭聖神、爾袁得聖君、俾爾由庠序、踐古人之迹。謂建學。天下

治、則譚禮樂以陶吾民。教之于無事之先。一有不幸、尤當仗大節、爲臣死忠、爲

子死孝。使人有所賴、且有所法。

報之時有是惟朝家教學之意。應前篇上意旨句作收。

若其弄筆墨以徼驕、利達而已、豈徒二三子之差、抑亦爲國者之憂。又反收一筆、

爲之慨然。

作學記、如填入先王教化話頭、便落俗套。是作開口將四代之學、輕輕點過。只舉秦漢衰亡故事、學校之有關於國家、立論最爲警切。至末不幸一轉、不顧時忌、尤

見膽識。讀竟、令人忠孝之心、油然而生。真關係世教之文。

## 朋黨論

歐陽修

臣聞朋黨之說、自古有之、惟幸人君辨其君子小人而已。歸重人君、一篇主意。大凡君

子與君子、以同道爲朋。小人與小人、以同利爲朋。此自然之理也。君子小人、先

平寫一筆。然臣謂小人無朋、惟君子則有之。其故何哉。側注君子立論。小人所好者、

利祿也。所貪者、貨財也。當其同利之時、暫相黨引以爲朋者、僞也。

及其見利而爭先、或利盡而交疏、則反相賊害。雖其兄弟親戚、不能相



保。故臣謂小人無朋、其暫爲朋者、僞也。承寫小人無朋。君子則不然。所守者

道義、所行者忠信、所惜者名節。以之修身、則同道而相益。以之事國、

則同心而共濟。終始如一、此君子之朋也。承寫君子有朋。故爲人君者、但當退小

人之僞朋、用君子之真朋、則天下治矣。應轉人君辨其君子小人句、作一束。以起下六段意。堯之時、小

人共工驩兜等四人爲一朋、君子八元、伯翳、仲堪、叔獻、季仲、伯虎、仲熊、叔豹、季經。八愷、蒼舒、

構戴、大臨、彪降、庭堅、仲容、叔達。十六人爲一朋。舜佐堯、退四凶小人之朋、而進元愷君

子之朋、堯之天下大治。證。君子一。及舜自爲天子、而皋夔稷契等二十二人、

四岳、九官、十二牧。並立於朝、更相稱美、更相推讓、凡二十二人爲一朋。而舜皆

用之、天下亦大治。一證。君子又。書曰、紂有臣億萬、惟億萬心。周有臣三千、

惟一心。紂之時、億萬人各異心、可謂不爲朋矣、然紂以亡國。證。小人一。周

武王之臣三千人爲一大朋、而周用以興。一證。君子又。後漢獻帝時、盡取天下名

士囚禁之、目爲黨人。

時以竇武、陳蕃、李膺、郭泰、范滂、張儉等爲黨人。

及黃巾賊起、漢室大亂、後

方悔悟、盡解黨人而釋之、然已無救矣。

鉅鹿張角、聚衆數萬、皆著黃巾、以爲標幟、時人謂之黃巾賊。帝召羣臣會議、皇

甫嵩以爲宜解黨禁、帝懼而從之。○小人又一證。唐之晚年、漸起朋黨之論。

李德裕之黨多君子、牛僧孺之黨多小人、號牛李黨。及昭

宗時、盡殺朝之名士、或投之黃河、曰、此輩清流、可投濁流。而唐遂

亡矣。

天祐二年、朱全忠聚朝士、貶官者三十餘人、於白馬驛盡殺之。時李振屢舉進士不中第、深疾縉紳之士、言於全忠曰、此輩嘗自謂清流、宜投之黃河、使爲濁流。全忠笑而從之。

○小人又一證。夫前世之主、能使人人異心不爲朋、莫如紂。能禁絕善人爲朋、

莫如漢獻帝。能誅戮清流之朋、莫如唐昭宗之世。然皆亂亡其國。

繳上紂漢唐三

段、是不能辨君子小人者。

更相稱美推讓而不自疑、莫如舜之二十二臣。舜亦不疑而皆

用之。然而後世不誚舜爲二十二人朋黨所欺、而稱舜爲聰明之聖者、以

能辨君子與小人也。周武之世、舉其國之臣三千人共爲一朋、自古爲朋

之多且大莫如周、然周用此以興者、善人雖多而不厭也。

繳前舜武三段、是能辨君子小人者。



○看他一一用倒捲之法、嗟呼、治亂興亡之迹、爲人君者、可以鑒矣。總繳治亂興亡四字。歸

到入君身上、直與篇首惟幸人君句相應。

公此論爲杜、范、韓、富諸人發也。時王拱辰、章得象輩欲傾之。公既疏救、復上此論。蓋破藍元震朋黨之說、意在釋君之疑。援古事以證辨、反覆曲暢、婉切近人。

宜乎仁宗爲之感悟也。

## 縱囚論

歐陽修

信義行於君子、而刑戮施於小人。兩句立刑入於死者、乃罪大惡極、此又

小人之尤甚者也。懸指所縱之囚。寧以義死、不苟幸生、而視死如歸、此又君子之

尤難者也。懸指囚之自歸。尤字、最見精神。○兩方唐太宗之六年、錄大辟開囚三百餘人。縱

使還家、約其自歸以就死。是以君子之難能、期小人之尤者以必能也。一

其囚及期、而卒自歸無後者、是君子之所難、而小人之所易也。一此豈

近於人情哉。一句收緊、伏後必本人情句。或曰、罪大惡極、誠小人矣。及施恩德以臨之、

可使變而爲君子。蓋恩德入人之深、而移人之速、有如是者矣。設一難、起下本旨。

曰、太宗之爲此、所以求此名也。言太宗爲此、正求恩德入人之名。○劈手然安知一接、喝破太宗一生病根、刺心刻髓。

夫縱之去也、不意其必來以冀免、所以縱之乎。又安知夫被縱而去也、

不意其自歸而必獲免、所以復來乎。將太宗與囚之心事、一寫出、深文曲筆。夫意其必來而縱

之、是上賊下之情也。意其必免而復來、是下賊上之心也。賊、猶盜也。吾見上

下交相賊以成此名也。烏有所謂施恩德與夫知信義者哉。上以賊下、非真施恩德也。下以賊上、非

真知信義也。反應上文收住。不然、太宗施德於天下、於茲六年矣。不能使小人不爲極惡

大罪。而一日之恩、能使視死如歸、而存信義、此又不通之論也。反覆辨駁、愈

快。然則何爲而可、曰、縱而來歸、殺之無赦。而又縱之、而又來、則可

知爲恩德之致爾。波。又起一然此必無之事也。轉。若夫縱而來歸而赦之、可偶

一爲之爾。若屢爲之、則殺人者皆不死。是可爲天下之常法乎。不可爲



常者、其聖人之法乎。提出常法二字、縱囚之失、顯然可見。是以堯舜三王之治、必本於人情。

不立異以爲高、不逆情以干譽。前不說堯舜三王、留在後結、辭盡而意無窮。

太宗縱囚、囚自來歸、俱爲反常之事。先以不近人情斷定、末以不可爲常法結之、自是千古正論。通篇雄辨深刻、一步緊一步、令無可躲閃處。此等筆力、如刀斫斧

截、快利無雙。

### 釋祕演詩集序

歐陽修

予少以進士遊京師、因得盡交當世之賢豪。當世賢豪、指在位及求仕者。然猶以謂國家臣

一四海、休兵革、養息天下以無事者四十年、而智謀雄偉非常之士、無

所用其能者、往往伏而不出、山林屠販、必有老死而世莫見者。伏祕演、曼卿二人。

欲從而求之不可得。此段言非常之士不易見、先作一折。其後得吾亡友石曼卿。先出曼卿作陪引。曼卿爲

人、廓然有大志。時人不能用其材、曼卿亦不屈以求合。無所放其意、

則往往從布衣野老、酣嬉淋漓、顛倒而不厭。伏後隱于酒、與極飲醉歌一段案。予疑所謂伏

而不見者、庶幾狎而得之。故嘗喜從曼卿遊、欲因以陰求天下奇士。從曼卿

起秘浮屠祕演者、浮屠、僧也。○入題。與曼卿交最久、亦能遺外世俗、以氣節自高。

二人懽然無所閒。曼卿隱於酒、祕演隱於浮屠、皆奇男子也。二人合然喜

爲歌詩以自娛。魚。○點。出詩。當其極飲大醉、歌吟笑呼、以適天下之樂、何其

壯也。敘其盛。一時賢士、皆願從其遊、予亦時至其室。插入自家。十年之閒、祕演

北渡河、東之濟鄆、運。無所合、困而歸。曼卿已死、祕演亦老病。敘其衰。嗟

夫、二人者、予乃見其盛衰、則予亦將老矣。插入自家。○寫祕演將曼卿引來陪說。寫二人、將自家插入陪說。文

情絕妙。夫曼卿詩辭清絕、尤稱祕演之作、以爲雅健有詩人之意。不脫曼卿。祕演

狀貌雄傑、其胸中浩然、應奇男子。既習於佛、無所用。深惜祕演。獨其詩可行於

世。而懶不自惜。已老、肱、區、發。尙得三四百篇、皆可喜者。此段方敘

其集詩、是正文。曼卿死、祕演漠然無所向。到底不脫曼卿。聞東南多山水、其巔崖崛偏。嶂、



論入聲、江濤洶涌、甚可壯也。應前壯字。遂欲往遊焉。足以知其老而志在也。年雖老而

志猶壯。結老字。○於其將行、爲敘其詩。因道其盛時以悲其衰。仍以盛衰二字結、妙。

寫秘演絕不似釋氏行藏、序秘演詩、亦絕不作詩序套格。只就生平始終盛衰敘次、而以曼卿夾入寫照、并插入自己。結處說曼卿死、秘演無所向。秘演行、歐公悲其

衰、寫出三人真知己。

# 古文觀止卷之十

## 梅聖俞詩集序

歐陽修

予聞世謂詩人少達而多窮、

劈頭引一語、拈窮字起。

夫豈然哉。蓋世所傳詩者、多出於

古窮人之辭也。

一句駁倒詩人多窮、下詳寫詩非能窮人。

凡士之蘊其所有、而不得施於世者、多喜

自放於山巔水涯之外。

見蟲魚草木、風雲鳥獸之狀類、往往探其奇怪。內

有憂思感憤之鬱積、其興於怨刺、以道羈

難

臣寡婦之所歎、而寫人情之

難言、蓋愈窮則愈工。

述古今詩人、作意摹寫。

然則非詩之能窮人、殆窮者而後工也。

惟窮而後工、故世所傳詩者、多出于古窮人之辭。○一語點正、引出聖俞。

予友梅聖俞、

點出人。

少以蔭補爲吏。累舉進

士、輒抑於有司。

困於州縣、

凡十餘年。

年今五十、猶從辟

闕

書、爲人

之佐。鬱其所蓄、不得奮見於事業。

辟書、聘書也。爲人佐、如作幕賓之類。○點出遭遇、正寫其窮。

其家宛陵、



幼習於詩。自爲童子、出語已驚其長老。旣長、學乎六經仁義之說。其

爲文章、簡古純粹、不求苟說於世、世之人徒知其詩而已。點出文章、爲然詩作陪引。

時無賢愚、語詩者必求之聖俞。聖俞亦自以其不得志者、樂於詩而發之。

故其平生所作、於詩尤多。方正點出詩。世旣知之矣、而未有薦於上者。昔王文

康公嘗見而歎曰、二百年無此作矣。雖知之深、亦不果薦也。若使其幸

得用於朝廷、作爲雅頌以歌詠大宋之功德、薦之清廟、而追商周魯頌之

作者、豈不偉歟。奈何使其老不得志而爲窮者之詩、乃徒發於蟲魚物類、

羈愁感歎之言。世徒喜其工、不知其窮之久而將老也、可不惜哉。此段正寫聖俞

之詩、窮而後工。如敘事、如發論、開合照應、盡態極妍、亦復感慨無限。聖俞詩旣多、不自收拾。其妻之兄子謝景

初、懼其多而易失也、取其自洛陽至於吳興以來所作、次爲十卷。予嘗

嗜聖俞詩、而患不能盡得之。遽喜謝氏之能類次也、輒序而藏之。結出作序意。

其後十五年、聖俞以疾卒於京師。余既哭而銘之、因索於其家、得其遺

稿千餘篇、并舊所藏、掇端入其尤者、六百七十七篇、爲一十五卷。

記所集篇

數。

嗚呼、吾於聖俞詩、論之詳矣。故不復云。

言于聖俞詩中、已論之詳。故于序中、不復言其所以工也。○惘

然不盡。

窮而後工四字、是歐公獨創之言、實爲千古不易之論。通篇寫來、低昂頓折、一往情深。若使其幸得用于朝廷一段、尤突兀爭奇。

## 送楊真序

歐陽修

予嘗有幽憂之疾。退而閒居、不能治也。既而學琴於友人孫道滋、受宮

聲數引、久而樂之、不知其疾之在體也。

先自記往事、提出學琴、送楊子意在此。

夫琴之爲技小

矣。頓折。及其至也、大者爲宮、細者爲羽。

該商角徵。

操絃驟作、忽然變之。

聲以情遷。

急者悽然以促、緩者舒然以和。如崩崖裂石、高山出泉、而風雨夜至也。

如怨夫寡婦之歎息、雌雄雍雍之相鳴也。其憂深思遠、則舜與文王孔子



之遺音也。悲愁感憤、則伯奇孤子屈原忠臣之所歎也。伯奇、尹吉甫子。吉甫聽後妻之言、疑而逐之。

伯奇事後母孝、自傷無罪、投河死。屈原、楚懷王臣、被放作離騷。○借景形容、連作三四疊、乃韓歐得意之筆。喜怒哀樂、動人必深。二句爲下轉筆。

而純古淡泊、與夫堯舜三代之言語、孔子之文章、易之憂患、詩之怨刺

無以異。必如此寫、方不其能聽之以耳、應之以手。取其和者、道其湮鬱、

寫其幽思。則感人之際、亦有至者焉。寫琴至此予友楊君、入楊好學有文。

累以進士舉、不得志。及從廕調、爲尉於劍浦。區區在東南數千里外、

是其心固有不平者。且少又多疾、而南方少醫藥、風俗飲食異宜。以多

疾之體、有不平之心、居異宜之俗、其能鬱鬱以久乎。三句、總攝幽憂意、情至而語深。然欲

平其心以養其疾、於琴亦將有得焉。讀至此、則知通篇之說琴、意在琴也。止借琴以釋其幽憂耳。故予作琴說

以贈其行。且邀道滋酌酒、進琴以爲別。一結於然。

送友序、竟作一篇琴說、若與送友絕不相關者。及讀至末段、始知前幅極力寫琴處、正欲爲楊子解其鬱鬱耳。文能移情、此爲得之。

# 五代史伶官傳序

歐陽修

嗚呼、盛衰之理、雖曰天命、豈非人事哉。原莊宗之所以得天下、與其

所以失之者、可以知之矣。

莊宗、姓朱耶、名存最。先世事唐、賜姓李。父克用、以平黃巢功、封晉王。至存最、滅梁自立、號後唐。○先作總挈。

盛衰得失四字、世言晉王之將終也、以三矢賜莊宗、而告之曰、梁、吾仇也、

朱溫從黃巢爲盜、既而降唐、拜爲宣武軍節度使、賜名全忠、未幾、進封梁王。燕王、吾所立、燕王姓劉、名守光、晉王嘗使、

北天子、誰能禁我。遂拜帝。契乞、丹、與吾約爲兄弟、而背晉以歸梁。契丹、耶律阿保機。帥衆入寇、晉王與之連和、約

爲兄弟。既歸而背盟、更附于梁。此三者、吾遺恨也。與爾三矢、爾其無忘乃父之志。莊宗

受而藏之於廟。其後用兵、則遺從事以一少牢告廟、羊曰少牢。請其矢、盛平

以錦囊、負而前驅、及凱旋而納之。○以上敘事。方其係燕父子以組、守光

恭、周德威伐燕、守光曰、俟晉王至聽命、晉王至而擒之。函梁君臣之首、晉兵入梁、梁主友貞、謂皇甫麟曰、李氏吾世仇、理難降之、卿可斷吾首。麟遂泣弑梁

主、因自殺。函、以木匣盛其首也。入於太廟、還矢先王、而告以成功。其意氣之盛、可謂壯



哉。揚一段及仇讎已滅、天下已定、一夫夜呼、亂者四應、倉皇東出、未見

賊而士卒離散、君臣相顧、不知所歸。至於誓天斷髮、泣下沾襟、何其

衰也。抑一段豈得之難而失之易歟。抑本其成敗之迹、而皆自於人歟。復作虛神、宕

出正意、應繳人事。書曰、滿招損、謙得益。憂勞可以興國、逸豫可以忘身、自然之

理也。引書作斷、應篇首理字。故方其盛也、舉天下之豪傑、莫能與之爭。又一段揚、仍用方其字、妙。

及其衰也、數十伶人困之、而身死國滅、爲天下笑。伶人、樂工也。莊宗善音律、或時自傳粉墨、與優

人共戲于庭。後爲伶人郭從謙所弑。○又一段抑、仍用及其字、妙。夫禍患常積於忽微、而智勇多困於所溺、豈獨

伶人也哉。結出正意、慨想獨遠。

起手一提、已括全篇之意。次一段敘事、中後只是兩揚兩抑。低昂反覆、感慨淋漓、直可與史遷相爲頡頏。

## 五代史宦者傳論

歐陽修

自古宦者亂人之國、其源深於女禍。女色而已、宦者之害、非一端也。自來婦與

寺只是並提、此特與極力分出。

蓋其用事也近而習、其爲心也專而忍。

先總挈二句、是宦者爲害之根、下文俱從此轉出。

能以小善中人之意、小信固人之心、使人主必信而親之。宦者之害、一轉。待其已

信、然後懼以禍福而把持之。雖有忠臣碩士列于朝廷、而人主以爲去己

疎遠、不若起居飲食、前後左右之親爲可恃也。宦者之害、二轉。故前後左右者日

益親、則忠臣碩士日益疎、而人主之勢日益孤。勢孤、則懼禍之心日益

切、而把持者日益牢。安危出其喜怒、禍患伏於帷闥。則嚮之所謂可恃

者、乃所以爲患也。宦者之害、三轉。患已深而覺之、欲與疎遠之臣、圖左右之親

近。緩之則養禍而益深、急之則挾人主以爲質。至、雖有聖智、不能與謀。

宦者之害、四轉。謀之而不可爲、爲之而不可成、至其甚、則俱傷而兩敗。故其

大者亡國、其次亡身、而使姦豪得借以爲資而起。至挾淵入其種類、盡

殺以快天下之心而後已。董卓因而亡漢、朱溫因而篡唐、○宦者之害、五轉。此前史所載宦者之禍常



如此者、非一世也。應前自古二字、總兜一句。夫爲人主者、非欲養禍於內、而疎忠臣

碩士於外、蓋其漸積而勢使之然也。放寬一步、正是打緊一步、履霜之戒、可不慎歟。夫女色之惑、

不幸而不悟、則禍斯及矣。使其一悟、猝卒而去之可也。持頭髮曰猝。宦者之爲

禍、雖欲悔悟、而勢有不得而去也。唐昭宗之事是已。昭宗與崔胤謀誅宦官、宦官懼。劉季述等乃以

銀揭畫地、數上罪數十、幽上于少陽院、而立太子裕。故曰深於女禍者、謂此也、可不戒哉。結段申前深于女禍一句、最深切

著明、可爲瘡戒。

宦官之禍、至漢唐而極。篇中詳悉寫盡。凡作無數層次、轉折不窮、只是深于女禍一句意。名論卓然、可爲千古龜鑑。

### 相州畫錦堂記

歐陽修

仕宦而至將相、富貴而歸故鄉、此人情之所榮、而今昔之所同也。富貴歸故鄉、

猶當畫而錦、何榮如之。史記、富貴不歸故鄉、如衣繡夜行、誰知之者。畫錦之說本此。○四句、乃一篇大意。蓋士方窮時、困阨閭里、庸

人孺子、皆得易而侮之。若季子不禮於其嫂。蘇秦、字季子、說秦、大困而歸、嫂不爲炊。買臣見棄

於其妻、

朱買臣、家貧、採薪自給。妻羞之、富貴當報汝。妻怒曰、從君終餓死。

求去。買臣笑曰、待吾一日高車駟馬、

旗

旄導前、而騎卒擁後、夾道之人、相與駢肩累迹、瞻望咨嗟、而所謂庸

夫愚婦者、奔走駭汗、羞愧俯伏、以自悔罪於車塵馬足之間。

歷數世態炎涼、何等痛切。

此一介之士、得志於當時、而意氣之盛、昔人比之衣錦之榮者也。

數句收拾前文、振

起下惟大丞相魏國公則不然。

韓琦、字稚圭、封魏國公。一句撇過上文。公、相

去聲、人也。相州、今河南彰德府、安陽

縣。伏句。世有令德、爲時名卿。自公少時、已擢高科、登顯士。海內之士、

聞下風而望餘光者、蓋亦有年矣。所謂將相而富貴、皆公所宜素有。

應起二句。

非如窮阨之人、僥倖得志於一時、出於庸夫愚婦之不意、以驚駭而誇耀

之也。

翻季子、買臣一段。

然則高牙大纛、不足爲公榮。桓圭衮裳、不足爲公貴。

高牙、車輪之牙。桓圭、三公所執。

大纛、車上羽葆幢。衮裳、三公所服。

惟德被生民、而功施社稷。勒之金石、播之

聲詩。以耀後世而垂無窮、此公之志、而士亦以此望於公也。豈止誇一



時而榮一鄉哉。

此又道公平平生之志、以見異于季子、買臣處。

公在至和中、

至和、仁宗年號。

嘗以武康之節、來

治於相、

以武康節度來知相州、是富貴而歸故鄉也。

乃作畫錦之堂於後圃。

點題。

既又刻詩於石、以遺

相人。其言以快恩讎、矜名譽爲可薄、蓋不以昔人所誇者爲榮、而以爲戒。

於此見公之視富貴爲何如、而其志豈易量哉。

就詩中之言、以畫錦爲榮、

見其輕富貴、而不爲韓公解釋最透。

故

能出入將相、

公先經略西夏、後同平章事。

勤勞王家、而夷險一節。

夷、平時。險、處難。一節、謂一致也。

至於

臨大事、決大議、垂紳正笏、不動聲色、而措天下於泰山之安、可謂社

稷之臣矣。

公在諫垣、前後凡七十餘疏。天下、故曰臨大事云云。

○此段所稱皆是實事。初無溢美。及爲相、勸上早定皇嗣、以安。

其豐功盛烈、

所以銘彝鼎而被絃歌者、

應前勸金石、播聲詩二句。

乃邦家之光、非閭里之榮也。

一篇結穴、只二語。

筆力千鈞。

余雖不獲登公之堂、幸嘗竊誦公之詩、樂公之志有成、而喜爲天下

道也。於是乎書。

拈出作記意。

魏公承叔、

豈皆以畫錦爲榮者。起手便一筆撇開、以後俱從第一層立議、此古人高占地步處。按魏公爲相、承叔在翰林、人曰、天下文章、莫大于是、即畫錦堂記。

以永叔之藻采、著魏公之光烈、正所謂天下莫大之文章。

# 豐樂亭記

歐陽修

修既治滁

滁、

之明年、

滁、滁州、在淮東。時公守是州。

夏始飲滁水而甘。

始飲而甘、明初至滁、未暇知水甘也。只此句、意

極含問諸滁人、得於州南百步之近。

出其處。

其上則豐山、聳然而特立。

陪一下

則幽谷、窈然而深藏。

陪一

中有清泉、

滂翁上聲

然而仰出。

出泉。

俯仰左右、顧而

樂之。

再陪左

於是疏泉鑿石、闢地以爲亭、

而與滁人往遊其間。

出亭。○以上敘亭之景、當

滁之勝。末帶與滁人句、爲下文發論張本。

滁於五代干戈之際、用武之地也。

五代、梁、唐、晉、漢、周也。○議論忽開、一篇結構。

昔太祖皇帝、

趙匡胤

嘗以周師破李景

唐南

兵十五萬於清流山下、

生擒其將皇

甫暉、姚鳳於滁東門之外、遂以平滁。

周主柴世宗征淮南、唐人恐、皇甫暉、姚鳳、退保清流關、闕在滁州西南、世宗命匡胤突陣

而入、暉等走入滁、生擒之。○此滁所爲用武之地、不能豐樂、以起下文。

修嘗考其山川、按其圖記、

升高以望清流

之闕、欲求暉鳳就擒之所、

而故老皆無在者、蓋天下之平久矣。

就平滁想出天下之



平、一往深情、是龍門得意之筆。

自唐失其政、海內分裂、豪傑並起而爭。所在爲敵國者、

何可勝

升、

數。

上聲。○宕開一筆、不獨說滁也。

及宋受天命、聖人出而四海一。嚮之憑恃險

阻、

剗產、

削消磨。

百年之間、漠然徒見山高而水清。欲問其事、而遺老

盡矣。

再疊一筆、虛神不盡。

今滁

單接今

介江淮之間、舟車商賈、四方賓客之所不至。

民生不見外事、而安於畎畝衣食、以樂生送死。而孰知上之功德、休養

生息、涵煦

詩、

於百年之深也。

歸重上之功德、是爲豐樂之所由來。凡作數層跌宕、方落到此句。文致生動不迫。

修之來此、

樂其地僻而事簡、又愛其俗之安閑。

應舟車商賈數句。

旣得斯泉於山谷之間、乃日

與滁人仰而望山、俯而聽泉。掇幽芳

春。

而蔭喬木、

夏。

風霜冰雪、刻露清

秀。

峭刻呈露、清爽秀出。○秋冬。

四時之景、無不可愛。又幸其民樂其歲物之豐成、而喜

與予遊也。

點出題面、應轉與滁人往遊句。

因爲本其山川、道其風俗之美。使民知所以安此

豐年之樂者、幸生無事之時也。

結出作記意、應轉休養生息句。

夫宣上恩德、以與民共樂、

刺史之事也。遂書以名其亭焉。收極端莊鄭重。妙絕。

作記遊文、卻歸到大宋功德休養生息所致、立言何等闊大。其俯仰今昔、感慨係之、又增無數烟波。較之柳州諸記、是爲過之。

## 醉翁亭記

歐陽修

環滁除皆山也。滁、州名、在淮東。○一也。其西南諸峯、林壑尤美。從山單出西望

之蔚畏、然而深秀者、琅琊也。從諸峯單出琅琊。山行六七里、漸聞水聲潺潺、殘、而瀉

出於兩峯之間者、醺聲、泉也。從山出。泉。峯回路轉、有亭翼然、臨於泉上者、

醉翁亭也。從泉出。亭。作亭者誰、山之僧智仙也。出作亭名之者誰、太守自謂也。

出名亭之人、法只應云太守也。又加自謂二字、因有下注故耳。太守與客來飲於此、飲少輒醉、而年又最高、故

自號曰醉翁也。接手自注名亭之意、注醉翁之意不在酒、在乎山水之間也。山

水之樂、得之心而寓之酒也。接手又自破名亭之意。一句若夫日出而林霏開、明。

雲歸而巖穴暝、晦明變化者、山間之朝暮也。記亭之朝暮。野芳發而幽香、春。



佳木秀而繁陰、夏。風霜高潔、秋。水落而石出者、冬。山間之四時也。記亭之四時。

朝而往、暮而歸。四時之景不同、而樂亦無窮也。又總收朝暮四時、申出樂字、起下文數樂字。至於

二字、貫下段。負者歌於塗、行者休於樹、前者呼、後者應、偃聲、上。僂、樓、提携、

偃僂、伸也。不往來而不絕者、滁人遊也。臨溪而漁、溪深而魚肥。釀泉爲酒、

泉香而酒冽。冽、清也。山肴野蔌、速、謂之蔌。雜然而前陳者、太守宴也。先記滁人遊、次記

太守宴、妙。宴酣之樂、非絲非竹。二句、貫下段。射者中、投壺。奕者勝。圍棋。觥、觥、籌交錯、

觥、謂爵。籌、所以記爵。坐起而誼誨者、衆賓懽也。蒼顏白髮、頽乎其中者、太守醉

也。記衆賓自懽、守自醉、妙。太已而二字、貫下段。夕陽在山、人影散亂、太守歸而賓客從也。

歸時、樹林陰翳、鳴聲上下、遊人去而禽鳥樂也。歸後景。○記太守去、賓客亦去、

下便借勢一路捲轉去、設想甚奇。然而禽鳥知山林之樂、而不知人之樂。人知從太守遊而樂、

而不知太守之樂其樂也。刻劃四語、從前許多鋪張、俱有歸束。醉能同其樂、醒能述以文者、

太守也。

結出作記。

太守謂誰、廬陵歐陽修也。

結出作記姓名。

通篇共用二十個也字、逐層脫卸、逐步頓跌、句句是記山水、卻句句是記亭、句句是記太守。似散非散、似排非排、文家之創調也。

## 秋聲賦

歐陽修

歐陽子方夜讀書、聞有聲自西南來者、

先出聲字。

悚然而聽之。

聽字、領起下文。

曰、異

哉、初淅瀝以瀟颯、

滲入聲、含風雨句。

忽奔騰而砰湃。

派、波濤句。

○含如波濤夜驚、

喻。風

雨驟至。

二喻。

其觸於物也、

鏦鏦

聰、

錚錚、

撐、

金鐵皆鳴。

含赴敵數句。

又如赴敵之

兵、銜枚疾走、不聞號令、但聞人馬之行聲。

銜枚、所以止誼譁也。枚、形似箸、兩端有小繩、銜于口而繫于頸後、則

不能言。○三喻、連下三喻、長短參差、虛狀秋聲、極意描寫。

予謂童子、此何聲也、

汝出視之。

借視陪聞、作波。

童子曰、

星月皎潔、明河在天。

是方夜。

四無人聲、聲在樹間。

是視不是聞、妙。

予曰、噫嘻、悲

哉、此秋聲也、胡爲乎來哉。

借童子語、翻出秋聲二字。客嗟、文怪歎、領起全篇。

先

蓋夫秋之爲狀也、

其色慘淡、烟霏雲歛。

其色、賓。

其容清明、天高日晶。

精、○晶、光也。○其容、賓。

其氣慄冽、



砭邊人肌骨。

其氣。賓。

其意蕭條、山川寂寥。

其意。賓。

故其爲聲也、淒淒切切、呼

號奮發。

從其色、其容、其氣、其意、喚出其聲。

豐草綠縟

肉。

而爭茂、佳木葱蘢而可悅。

二句未草

秋。

拂之而色變、木遭之而葉脫。其所以摧敗零落者、乃一氣之餘烈。

實寫秋聲已畢。

夫秋、刑官也。

司寇爲秋官、掌刑。

於時爲陰。

以一氣

又兵象也。

主肅殺。

於行爲金。

以五行是

言。

謂天地之義氣、常以肅殺而爲心。

鄉飲酒禮云、天地肅殺、此天地之義氣也。

天之於物、春生秋實。

實字、含既老遠盛意。

故其在樂也、商聲主西方之音。

商聲、屬金、主西方之音。

夷則爲七月之律。

夷則、七月律名。月令、孟秋之月、律中夷則。

商、傷也。

物既老而悲傷。

夷、戮也。

物過盛而當殺。

注四句。○此段又細寫秋之爲義、洗刷無餘、下乃從秋暢發悲哉意。

嗟夫、草木無情、

有時飄零。

人爲動物、惟物

之靈。

草木無情、而人有情。無情者、尚有時而飄零、况有情者乎。○四句起下數層、是作賦本意。

百憂感其心、萬事勞其形。有

動乎中、必搖其精。

人之秋、一時也。

非

而況思其力之所不及、憂其智之所不能。

人或有時非秋、而欲故自尋秋也。

宜其渥然丹者爲槁木、黧衣、然黑者爲星星。

朱顏忽而變枯、黑髮忽而變白、猶草



木之綠縹而色變、蔥蘢而葉脫也。

奈何非金石之質、欲與草木而爭榮。

若欲任其憂思、必此身爲金石而後可也。奈何非金石、

而欲與草木爭一日之榮乎。念誰爲之戕賊、亦何恨乎秋聲。

念此槁木星星、乃憂思所致、是自爲戕賊耳。亦何恨乎天地自有之秋聲哉。○

結出悲秋正旨。童子莫對、垂頭而睡。但聞四壁蟲聲唧唧、如助予之歎息。

又于秋聲中添

出一聲、作餘波。

秋聲、無形者也。卻寫得形色宛然、變態百出。未歸于人之憂勞、自少至老、猶物之受變、自春而秋、凜乎悲秋之意、溢于言表。結尾蟲聲唧唧、亦是從聲上發揮、

絕妙點綴。

## 祭石曼卿文

歐陽修

維治平

英宗年號。

四年、七月日、具官歐陽修、謹遣尚書都省令史李敷、異、至

於太清。以清酌庶羞之奠、致祭於亡友曼卿之墓下、而弔之以文曰、嗚

呼曼卿、呼。生而爲英、死而爲靈。

生死並點。

其同乎萬物生死、而復歸於無物

者、暫聚之形。不與萬物共盡、而卓然其不朽者、後世之名。

許其名傳後世、單就死一邊說。



此自古聖賢、莫不皆然。而著在簡冊者、昭如日星。引古聖賢一證、言其名之必傳。十九字、一句讀。

嗚呼曼卿、呼二吾不見子久矣、猶能髣髴子之平生。喚起下文。其軒昂磊落、突

兀崢嶸、宏、而埋藏於地下者、十六字、一句讀。意其不化為朽壤、而為金玉之精。

不然、生長松之千尺、產靈芝而九莖。恒。○此從生前、想其死後、必當化為金玉、為長松、為靈芝、必不與萬物同為朽壤也。○

中間用不然一折、更快。奈何荒煙野蔓、荊棘縱宗、橫。風淒露下、走燐、鄰、火。飛螢。鬼。

但見牧童樵叟、歌吟而上下、與夫驚禽駭獸、悲鳴躑躅、躑、逐。而伊、嚶。

悲其今日之墓。今固如此、更千秋而萬歲兮、安知其不穴藏狐貉與鼯鼯。悲其後日之墓。

此自古聖賢、亦皆然兮、獨不見夫纍纍乎曠野與荒城。又牽自古聖賢皆然、呼應有情。嗚呼

曼卿、呼三盛衰之理、吾固知其如此。臨了又。而感念疇昔、悲涼悽愴、不覺

臨風而隕涕者、有愧夫太上之忘情。自述傷感、歎歎欲絕。尚饗。

篇中三提曼卿、一歎其聲名、卓然不朽。一悲其墳墓、滿目淒涼。一敘已交情、傷感不置。文亦軒昂磊落、突兀崢嶸之甚。

# 瀧岡阡表

歐陽修

嗚呼、惟我皇考崇公、卜吉於瀧岡之六十年、其子修、始克表於其阡。

瀧岡、在江西吉安府永豐縣阡、壟也。非敢緩也、蓋有待也。提出緩表之故、包下種種恩榮。修不幸、生四歲而孤。

太夫人守節自誓、居窮自力於衣食、以長以教、俾至於成人。爲下告之發端。太

夫人告之曰、汝父爲吏廉、而好施與、喜賓客、其俸祿雖薄、常不使有

餘、曰、毋以是爲我累。故其亡也、無一瓦之覆、一壠之植、以庇而爲生、

十四字、一句讀。吾何恃而能自守耶。飯跌一吾於汝父、知其一二、以有待於汝也。

起下能養有後。自吾爲汝家婦、不及事吾姑、然知汝父之能養去聲也。汝孤而幼、

吾不能知汝之必有立、然知汝父之必將有後也。一段、敘父之孝親裕後。吾之始歸也、

汝父免於母喪方逾年。歲時祭祀、則必涕泣曰、祭而豐、不如養之薄也。

閒御酒食、則又涕泣曰、昔常不足、而今有餘、其何及也。淺語、更覺入情。吾始



一二見之、以爲新免於喪適然耳。容。頓。既而其後常然、至其終身未嘗不然。

吾雖不及事姑、而以此知汝父之能養也。一段、承寫孝親。汝父爲吏、嘗夜燭治官

書、屢廢而歎。吾問之、則曰、此死獄也、我求其生不得爾。吾曰、生

可求乎。曰、求其生而不得、則死者與我皆無恨也、矧求而有得耶、以

其有得、則知不求而死者有恨也。夫常求其生、猶失之死、而世常求其

死也。仁人之言、纏綿悱惻。回顧乳者、抱汝而立於旁。生。因指而歎曰、術者謂我歲行

在戌將死、使其言然、吾不及見兒之立也、後當以我語告之。謂死獄求生之語。○述至此。

不勝酸楚。其平居教他子弟、常用此語。吾耳熟焉、故能詳也。描情真切。其施於外

事、吾不能知。補筆。其居於家、無所矜飾、而所爲如此、是真發於中者耶。

嗚呼、其心厚於仁者耶、此吾知汝父之必將有後也。一段、承寫裕後。汝其勉之。

夫養不必豐、要平聲。於孝。利雖不得博於物、要其心之厚於仁。吾不能教

汝、此汝父之志也。總束數語、有收拾。以上並太夫人之言。○修泣而志之不敢忘。結受母教。先公少孤

力學、咸平<sup>真宗年號</sup>三年、進士及第、爲道州判官、泗綿二州推官、又爲泰

州判官、享年五十有九、葬沙溪之瀧岡。一段、詳崇公仕宦年葬。太夫人姓鄭氏、考諱

德儀、世爲江南名族。太夫人恭儉仁愛而有禮、初封福昌縣太君、進封樂

安、安康、彭城三郡太君。一段、詳太夫人氏族德爵。自其家少微時、治其家以儉約、其

後常不使過之、曰、吾兒不能苟合於世、儉薄所以居患難也。逆知後來遷謫之事、有先見。

其後修貶夷陵、太夫人言笑自若、曰、汝家故貧賤也、吾處之有素矣、

汝能安之、吾亦安矣。一段、又表太夫人安于儉薄。自先公之亡二十年、修始得祿而養。

又十有二年、列官於朝、始得贈封其親。又十年、修爲龍圖閣直學士、

尚書吏部郎中、留守南京、太夫人以疾終於官舍、享年七十有二。帶點太夫人年壽。

又八年、修以非才、入副樞密、遂參政事、又七年而罷。詳記年數、應起自手六十年句。自



登二府、天子推恩、褒其三世。蓋自嘉祐<sub>仁宗年</sub>以來、逢國大慶、必加寵

錫。皇曾祖府君、累贈金紫光祿大夫、太師中書令。曾祖妣、累封楚國

太夫人。皇祖府君、累贈金紫光祿大夫、太師中書令、兼尚書令。祖妣、

累封吳國太夫人。皇考崇公、累贈金紫光祿大夫、太師中書令、兼尚書

令。皇妣、累封越國太夫人。今上初郊、皇考賜爵爲崇國公、太夫人進

號魏國。

一段、敘出自己出處及歷朝寵錫。

於是小子修泣而言曰、

此段歸美祖先、方入己意。

嗚呼、爲善無

不報、而遲速有時、此理之常也。

名言至理、足以訓世。

惟我祖考、積善成德、宜享其

隆、雖不克有於其躬、而賜爵受封、顯榮褒大、實有三朝之錫命。是足

以表見於後世、而庇賴其子孫矣。

總贊前人。

乃列其世譜、具刻於碑。旣又載

我皇考崇公之遺訓、太夫人之所以教而有待於修者、並揭於阡。

總收父母教訓、言

約而盡。

俾知夫小子修之德薄能鮮、遭時竊位、而幸全大節、不辱其先者、

其來有自。

結出己之立身、本于先澤、最得體要。

熙甯神宗年

三年、歲次庚戌、四月辛酉朔、十

有五、日、乙亥、男推誠保德崇仁翊戴功臣觀文殿學士、特進行兵部尚書、

知青州軍州事、兼管內勸農使、充京東路安撫使、上柱國、樂安郡開國

公、食邑四千三百戶、食實封一千二百戶、修表。

善必歸親、褒崇先祖。仁人孝子之心、率意寫出、不事藻飾、而語語入情。祇覺動人悲感、增人涕淚。此歐公用意合作也。

## 管仲論

蘇洵

管仲相威公、

威公、即桓公。因避宋欽宗諱、故改桓爲威。

霸諸侯、攘夷狄、終其身齊國富強、諸侯

不敢叛。

案功

管仲死、

豎刁易牙開方用、

威公薨於亂、

五公子爭立、

孟子公

子元、公子潘、公子商人、公子雍、公子昭。昭立、是爲孝公、故曰五公子。

其禍蔓萬、延、訖簡公、

齊無甯歲。

案禍

夫功

之成、非成於成之日、蓋必有所由起。禍之作、不作於作之日、亦必有

所由兆。

接上生

故齊之治也、

吾不曰管仲、而曰鮑叔。

鮑叔薦管仲、桓公用之。承功所由起、是客。



及其亂也、吾不曰豎刁易牙開方、而曰管仲。承禍所由、是主。何則、豎刁易牙開

方三子、彼固亂人國者、顧其用之者、威公也。責威公、是客。夫有舜而後知放

四凶、有仲尼而後知去少正卯。彼威公何人也、句含蓄。顧其使威公得用三子

者、管仲也。責管仲、是主。事見下文。仲之疾也、公問之相。當是時也、吾意以仲且舉

天下之賢者以對。而其言乃不過曰、豎刁易牙開方三子非人情不可近而

已。管仲病、桓公問曰、羣臣誰可相者。管仲曰、知臣莫如君。公曰、易牙如何。對曰、殺子以適君、非人情、不可。開方如何、對曰、倍親以適君、非人情、難近。豎刁如何、對曰、

自宮以適君、非人情、難親。管仲死、而桓公不用其言。近用三子、三子專權。○入管仲罪處、全在此段、以下反覆暢發此意。嗚呼、仲以爲威公果能

不用三子矣乎。仲與威公處幾年矣、亦知威公之爲人矣乎。威公聲不絕

於耳、色不絕於目、而非三子者、則無以遂其欲。彼其初之所以不用者、

徒以有仲焉耳。一日無仲、則三子者、可以彈冠而相慶矣。須看有無二字意。仲以

爲將死之言、可以繫威公之手足耶。夫齊國不患有三子、而患無仲。有

仲、則三子者、三匹夫耳。轉換警策。不然、天下豈少三子之徒哉。雖威公幸

而聽仲、誅此三人。而其餘者、仲能悉數而去之耶。此轉更透。嗚呼、仲可謂

不知本者矣。斷句有開鎖。因威公之問、舉天下之賢者以自代、則仲雖死、而齊

國未爲無仲也。夫何患三子者、不言可也。此段設身置地、代仲爲謀、論有把握。五伯莫盛於

威文。文公之才、不過威公、其臣狐偃、趙衰、先軫、陽處父。又皆不及仲、靈公文公之子。之

虐、不如孝公桓公之子。之寬厚、文公死、諸侯不敢叛晉、晉襲文公之餘威、

猶得爲諸侯之盟主百餘年。何者、其君雖不肖、而尙有老成人焉。晉以有賢而強。

威公之薨也、一敗塗地、無惑也、彼獨特一管仲、而仲則死矣。齊以無賢而敗。

此把晉文來照齊桓、方知管仲無所逃責。夫天下未嘗無賢者、蓋有有臣而無君者矣。未有有君而無臣者也。威公

在焉、而曰天下不復有管仲者、吾不信也。見非天下無賢、正罪仲不能薦。仲之書、管子。有記

其將死、論鮑叔、賓胥無之爲人、且各疏其短。管子寢疾、對桓公曰、鮑叔之爲人也、好直而不能以國強、賓胥



無之爲人也、好善而不能以國誦。是其心以爲數子者、皆不足以託國。而又逆知其將死、則其

書誕謾不足信也。據仲之書、竟以爲無賢、故不足信。吾觀史鮪、秋、○即史魚。以不能進蘧伯玉、而

退彌子瑕、故有身後之諫。家語、史魚病、將卒。命其子曰、吾仕衛不能進蘧伯玉、退

于我畢矣。其子從之。靈公弔焉、怪而問之。其子以告。公愕然失容。于是命殯之客位。進蘧伯玉、而退彌子瑕。蕭何且死、舉曹參以自代。

大臣之用心、固宜如此也。引二人、俱臨歿時進賢切證。夫國以一人興、以一人亡。賢者

不悲其身之死、而憂其國之衰。故必復有賢者、而後可以死。彼管仲者、

何以死哉。結語冷絕。

通篇總是責管仲不能臨沒薦賢。起伏照應、開闔抑揚。立論一層深一層、引證一段緊一段。似此卓識雄文、方能令古人心服。

### 辨姦論

蘇洵

事有必至、理有固然。引成語起。惟天下之靜者、乃能見微而知著。惟靜故能知幾、此先生

自負之言也。○開端三句、言安石必亂天下、但靜以觀之自見、虛虛冒起全篇。月暈運、而風、礎礎、潤而雨、礎、柱下石也。月旁昏氣曰暈、柱礎



生汗曰人人知之。天地陰陽之事、人事之推移、理勢之相因、其疎闊而難知、

變化而不可測者、孰與天地陰陽之事、人事理勢、較天地而賢者有不知。公亦

勸先生與其故何也、好惡亂其中、而利害奪其外也。常人尚能知天地陰陽之事、而

勢之相因、蓋其心泊於好惡利害、而昔者、引山巨源見王衍曰、誤天下蒼生者、

必此人也。晉惠帝時、王衍爲尚書令、樂廣爲河南令、皆善清談。衍少時、山濤郭汾

陽見盧杞曰、此人得志、吾子孫無遺類矣。唐德宗以楊炎、盧杞同平章事。杞貌

客、姬妾不離側。惟杞至、子儀悉屏侍妾。或問其故、對曰、自今而言之、其理固有可

見者。然。理有固以吾觀之、王衍之爲人、容貌言語、固有以欺世而盜名者。

然不忤至不求、與物浮沉。無盧杞之使晉無惠帝、僅得中主。雖衍百千、

何從而亂天下乎。反照神宗、伏盧杞之姦、固足以敗國。然而不學無文、容

貌不足以動人、言語不足以眩世。無王衍之非德宗之鄙暗、亦何從而用之。



反照神宗、伏下願治之主。由是言之、二公之料二子、亦容有未必然也。雖理有固然、非事所必至。○此段言衍杞

之姦、未甚。特其遇惠帝德宗而爲亂耳、正形安石爲極姦。今有人、暗指安石。口誦孔老之言、身履夷齊之行、收

召好名之士、不得志之人、相與造作言語、私立名字、以爲顏淵孟軻復

出、有王衍之虛名。而陰賊險狠、與人異趣。有盧杞之陰險。是王衍、盧杞合而爲一人也、

其禍豈可勝升、言哉。厥後卒生靖康之禍、直是目見、非爲懸斷。夫面垢不忘洗、衣垢不忘澣、緩、此

人之至情也。今也不然、衣臣虜之衣、食犬彘之食、囚首喪面、而談詩

書、囚、不櫛首。居喪者、不洗面。○明指安石。此豈其情也哉。從恆情勘出至姦、所謂見微知著者以此。凡事之不近人情

者、鮮不爲大姦慝、豎刁、易牙、開方是也。注見管仲論中。○拓開一步。以蓋世之名、

而濟其未形之患。緊入本。雖有願治之主、好賢之相、猶將舉而用之。規諷仁宗。

則其爲天下患、必然而無疑者、非特二子之比也。應上二子容。孫子曰、善

用兵者、無赫赫之功。不欲有功、恐致傷人也。使斯人而不用也、則吾言爲過、而斯人



有不遇之歎、孰知禍之至於此哉。不然、天下將被其禍、而吾獲知言之

名、悲夫。

甯願安石不見用、使天下以吾言爲過。母願安石用、使天下被其禍、而吾獲知言之名也。○結得淋漓感慨。

介甫名始盛時、老蘇作辨姦論、譏其不近人情。厥後新法煩苛、流毒寰宇。見微知著、可爲千古觀人之法。

## 心術

蘇洵

爲將之道、當先治心。泰山崩於前而色不變、麋鹿興於左而目不瞬、舜、

然後可以制利害、可以待敵。

第一段、言爲將當先治心。○此篇每段自爲節奏、而以治心爲主。凡兵上義不義、

雖利勿動。非一動之爲利害、而他日將有所不可措手足也。夫惟義可以

怒士、士以義怒、可與百戰。

第二段、言舉兵當知尚義。

凡戰之道、未戰養其財、將戰養

其力、旣戰養其氣、旣勝養其心。

謹烽燧、嚴斥堠、

後、○烽燧所以警寇。晝則燔燧、夜則舉燧。斥、度也。

堠、望也。望、望火也。

以使耕者無所顧忌、所以養其財。豐犒而優游之、所以養其力。

小勝益急、小挫益厲、所以養其氣。用人不盡其所欲爲、所以養其心。



雖平絃、自歸重養心。故士常蓄其怒、懷其欲而不盡。怒不盡則有餘勇、欲不盡則有

餘貪。故雖并天下、而士不厭兵。此黃帝之所以七十戰而兵不殆也。不

養其心、一戰而勝、不可用矣。第三段、言議戰當知所養。凡將欲智而嚴、凡士欲愚。智

則不可測、嚴則不可犯、故士皆委己而聽命、夫安得不愚。夫惟士愚、

而後可與之皆死。第四段、言將與士當得智愚。凡兵之動、知敵之主、知敵之將、而後可

以動於險。鄧艾縋壁、兵於蜀中、非劉禪之庸、則百萬之師可以坐縛、彼

固有所侮而動也。後漢、熹興元年、魏將鄧艾入蜀、自陰平行無人之地七百餘里、鑿山通

攀木緣崖、魚貫而進。先登至江油、遂至成都。後主禪出降、漢亡。故古之賢將、能以兵嘗敵、而又以敵自嘗、故

去就可以決。此段、就上段分出、申說智字。凡主將之道、知理而後可以舉兵、知勢而後可

以加兵、知節而後可以用兵。知理則不屈、知勢則不沮、知節則不窮。

見小利不動、見小患不避。小利小患、不足以辱吾技也。夫然後有以支

大利大患。夫惟養技而自愛者、無敵於天下。故一忍可以支百勇、一靜

可以制百動。

第五段、言主將當知理、勢、節三者。

兵有長短、敵我一也。敢問吾之所長、吾

出而用之、彼將不與吾校。吾之所短、吾蔽而置之、彼將強與吾角、奈

何。曰、吾之所短、吾抗而暴僕之、使之疑而卻。吾之所長、吾陰而養

之、使之狎而墮其中。此用長短之術也。

第六段、言主將當善用長短之術。

善用兵者、使之

無所顧、有所恃。無所顧、則知死之不足惜。有所恃、則知不至於必敗。

尺箠當猛虎、奮呼而操擊。

喻有所恃。

徒手遇蜥

黃、

蜴、亦變色而卻步、

喻無所人恃。

之情也。知此者、可以將矣。袒裼而案劍、則烏獲不敢逼。冠胄衣甲、據

兵而寢、則童子彎弓殺之矣。

此喻不可徒恃、前喻更深一層。

比故善用兵者以形固。夫能以

形固、則力有餘矣。

第七段、論有備無患之道。而以善用兵者、以形固終焉。

此篇逐節自爲段落、非一片起伏首尾議論也。然先後不紊。由治心而養士、由養士而審勢、由審勢而出奇、由出奇而守備、段落鮮明、井井有序。文之善變化也。



# 張益州畫像記

蘇洵

至和

仁宗年號

元年、秋、蜀人傳言、有寇至邊。邊軍夜呼、野無居人。

四語寫出

將亂光景

妖言流聞、京師震驚。方命擇帥、天子曰、毋養亂、毋助變、衆言

朋興、朕志自定、外亂不足、變且中起、既不可以文令、又不可以武競、

惟朕一二大吏、孰爲能處茲文武之間、其命往撫朕師。

代天子言、便是天子氣象。且語語爲下伏根。

乃推曰、衆推也張公方平其人。天子曰、然。公以親辭、不可、遂行。冬、

十一月、至蜀。至之日、歸屯軍、撤守備。

伏根。

使謂郡縣、寇來在吾、無

爾勞苦。明年、正月、朔旦、蜀人相慶如他日、遂以無事。又明年、正

月、相告留公像於淨衆寺、公不能禁。

敘事簡嚴、質而不俚。

眉陽蘇洵言於衆曰、未亂

易治也、既亂易治也。有亂之萌、無亂之形、是謂將亂。將亂難治、不

可以有亂急、亦不可以無亂弛。

有亂急、以武競、

無亂弛、卽上不可

惟是元年之秋、如器

之鼓、溪未墜於地。鼓、不惟爾張公、安坐於其旁、顏色不變、徐起而正

之。既正、油然而退、無矜容。得坐鎮之體、即爲天子牧小民不倦、惟爾張

公。爾絜以生、惟爾父母。以下至不忍爲也、皆述且公嘗爲我言、民無常性、

惟上所待、人皆曰、蜀人多變、於是待之以待盜賊之意、而繩之以繩盜

賊之法。重足屏丙息之民、而以碁斟斧令、於是民始忍以其父母妻子之

所仰賴之身、而棄之於盜賊、故每每大亂。夫約之以禮、驅之以法、惟

蜀人爲易。至於急之而生變、雖齊魯亦然。吾以齊魯待蜀人、而蜀人亦

自以齊魯之人待其身。若夫肆意於法律之外、以威劫齊民、齊等之名吾不忍

爲也。此段議論、皆從上敘事中發出、雖稱道張公、實回復護蜀人、蓋先生本蜀人、不得不回復也。嗚呼、愛蜀人之深、待蜀人之

厚、自公而前、吾未始見也。皆再拜稽首曰然。收拾前文、下乃蘇洵又曰、

公之恩在爾心、爾死、在爾子孫、其功業在史官、疊下三在字。錯落有致。無以像爲也。



且公意不欲、如何。先作一折。皆曰、公則何事於斯、雖然、於我心有不釋焉。

今夫平居聞一善、必問其人之姓名、與其鄰里之所在、以至於其長短小

大美惡之狀。甚者、或詰其平生所嗜好、以想見其爲人。而史官亦書之

於其傳。意使天下之人、思之於心、則存之於目。存之於目、故其思之

於心也固。由此觀之、像亦不爲無助。此段就人之至情上、曲曲寫出留像意、文勢激昂、筆墨精采。蘇洵無以

詰、遂爲之記。公南京人、爲人慷慨有大節、以度量雄天下。天下有大

事、公可屬。祝、○數語應篇首、以起揚頌意。系係之以詩曰、天子在祚、歲在甲午。西人

傳言、有寇在垣。庭有武臣、謀夫如雲。天子曰嘻、命我張公。捨武臣謀夫不用、而特

用張公。公來自東、旗纛舒舒。西人聚觀、于巷于塗。謂公暨暨、公來于于。

暨暨、果毅貌。于于、自足貌。公謂西人、安爾室家、無敢或訛。訛言不祥、往卽爾常。春

爾條挑桑、秋爾滌場。條、枝落也。○此乃是常。是歸屯撤守實際。西人稽首、公我父兄。公在西

園、草木駢駢。公宴其僚、伐鼓淵淵。駢駢、並茂也。淵淵、鼓聲平和。不暴怒也。○就歸屯撤守描寫。西人來

觀、祝公萬年。有女娟娟、閨闈閑閑。有童哇哇、蛙亦既能言。娟娟、美好貌。閑閑、

自得貌。哇哇、小兒啼也。昔公未來、期汝棄捐。倒轉二句、妙。禾麻芄芃、蓬倉庾崇崇。芃芃、盛貌。笑嗟

我婦子、樂此歲豐。是歸屯撤守後效。公在朝廷、天子股肱。天子曰歸、公敢不承。

轉到公歸留像。作堂嚴嚴、有廡有庭。公象在中、朝服冠纓。西人相告、無敢逸

荒。公歸京師、公像在堂。結有餘韻。

前敘事、後議論。敘事古勁、而議論許多幹旋回護、尤高。末一段、寫像處說不必有像、而亦不可無像。三四轉折、殊為深妙。系詩一結、更見風雅遺音。

### 刑賞忠厚之至論

蘇軾

堯舜禹湯文武成康之際、何其愛民之深、憂民之切、而待天下以君子長

者之道也。正是忠厚處、一篇主意、在此一句。○總冒以咏歎起、另是一種起法。有一善、從而賞之、又從而咏歌

嗟歎之、所以樂其始而勉其終。有一不善、從而罰之、又從而哀矜懲創



之、所以棄其舊而開其新。一意翻作兩層。故其吁俞之聲、歡休慘戚、見於虞夏

商周之書。吁、歎其不然之辭。俞、應許之辭也。○應成康既沒、穆王立而周道始上堯舜禹湯文武成康、此言盛時之忠厚。

衰。然猶命其臣呂侯、而告之以祥刑。呂刑、告爾祥刑。刑、凶器。而謂之祥者、刑期無刑、民協于中、其祥莫大焉。其

言憂而不傷、威而不怒、慈愛而能斷、惻然有哀憐無辜之心、故孔子猶

有取焉。此言至衰世而忠厚猶存。傳曰、賞疑從與、所以廣恩也。罰疑從去、所以慎刑

也。當賞而疑、則甯與之。當罰而疑、則甯不致。○就疑處見出忠厚來、篇中不出此意。當堯之時、皐陶爲士。將殺人、皐

陶曰殺之三、堯曰宥之三。故天下畏皐陶執法之堅、而樂堯用刑之寬。

皐陶曰二句、諸生文不知其出處、及入謝、歐陽公問其出處、東坡笑曰、想當然耳。數公大笑。四岳曰、鯀可用、堯曰、不可、鯀

方命圯族、族、旣而曰試之。四岳、官名。一人而總四岳諸侯之事也。方、命、逆命而不行也。圯族、猶言敗類也。何堯之不聽

皐陶之殺人、而從四岳之用鯀也。然則聖人之意、蓋亦可見矣。獨舉堯以爲舜禹湯

文武之例、刑賞忠厚、意便躍然。書曰、罪疑惟輕、功疑惟重。與其殺不辜、甯失不經。罪可疑者、則



從輕以罰之。功可疑者、則從重以賞之。

法可以殺可以無殺、而自受失刑之責。

嗚呼盡之矣。

引經頓住。下乃暢發題旨、得意

疾書、如長江大瀉、一瀉千里。

可以賞、可以無賞、賞之過乎仁。可以罰、可以無罰、罰之

過乎義。過乎仁、不失爲君子。過乎義、則流而入於忍人。故仁可過也、

義不可過也。

至理快論。

古者賞不以爵祿、刑不以刀鋸。

又振起。

賞之以爵祿、是賞

之道行於爵祿之所加、而不行於爵祿之所不加也。刑以刀鋸、是刑之威

施於刀鋸之所及、而不施於刀鋸之所不及也。

又將刑賞振宕一番、下便一轉而入、快利無前。

先王知

天下之善不勝

升。

賞、而爵祿不足以勸也、知天下之惡不勝刑、而刀鋸不

足以裁也。是故疑則舉而歸之於仁、

到底不脫疑字。

以君子長者之道待天下、使

天下相率而歸於君子長者之道、

前應。

故曰、忠厚之至也。

一句點出。文氣已完。下作餘波。

曰、君子如祉、

取。

亂庶遄已。君子如怒、亂庶遄沮。

祉、喜也。遄、速也。

夫君子之已

亂、豈有異術哉。時其喜怒、而無失乎仁而已矣。春秋之義、立法貴嚴、



而責人貴寬、因其褒貶之義以制賞罰、亦忠厚之至也。引詩、引春秋、亦見同歸于忠厚、深著夫子作

春秋之意、有得于堯舜禹湯文武成康之心。

此長公應試文也。只就本旨、從疑上全寫其忠厚之至。每段述事、而斷以婉言警語。天才燦然、自不可及。

### 范增論

蘇軾

漢用陳平計、間疏楚君臣。項羽疑范增與漢有私、稍奪其權。增大怒曰、天下事大定矣、君王自爲之、願賜骸骨歸卒伍。歸未至彭城、疽發背死。

蘇子曰、增之去善矣。不去、羽必殺增。揚一獨恨其不早耳。勢下一斷、然

則當以何事去。故作問。增勸羽殺沛公、羽不聽、終以此失天下、當於是去耶。

故作問。曰否、增之欲殺沛公、人臣之分也。羽之不殺、猶有君人之度也。

增曷爲以此去哉。故作答。○故作問。易曰、知幾其神乎。詩曰、相彼雨雪、

先集維霰。線、○霰、雪之始凝者也。將大雨雪、必先微溫。雪自上下、遇溫氣而搏、謂之霰。久而寒勝、則大雪矣。○先引詩易語、文勢不迫。增之去、

當於羽殺卿子冠軍時也。

義帝命宋義爲上將、號曰卿子冠軍、後爲項羽所殺。○通篇只一句斷盡。陳涉之得民也、以

項燕扶蘇。

陳涉初起兵、假楚將項燕、秦太子扶蘇爲名。二人已項氏之與也、以立楚死、陳涉詐稱、以感動人心。○借陳涉引起項氏。

懷王孫心。而諸侯叛之也、以弑義帝。

楚懷王入秦、無罪而亡、楚人憐之。南公曰、楚雖三戶、亡秦必楚。范增勸項梁求楚懷王孫

名心者、立以爲楚懷王。項羽陽尊懷王爲義帝、陰使人弑之。○此言楚之盛衰、係于義帝之存亡。

且義帝之立、增爲謀主矣。義帝

之存亡、豈獨爲楚之盛衰、亦增之所與同禍福也。未有義帝亡、而增獨

能久存者也。

此言義帝之存亡、關乎范增之禍福。羽之殺卿子冠軍也、是弑義帝之兆也。其弑

義帝、則疑增之本也。豈必待陳平哉。

三人生死去就、最相關涉。推原出來、正見增之去、當于殺卿子冠軍時也。物必

先腐也、而後蟲生之。人必先疑也、而後讒入之。陳平雖智、安能閒無

疑之主哉。

反振二句、結過疑增不待陳平意。吾嘗論義帝、天下之賢主也。獨遣沛公入關、

不遣項羽。

借遣沛公引起識卿子冠軍。識卿子冠軍於稠人之中、而擢以爲上將、不賢而能

如是乎。

歎義帝之賢、以起羽勢不兩立。羽既矯殺卿子冠軍、義帝必不能堪。非羽弑帝、



則帝殺羽。不待智者而後知也。

申上羽殺卿子冠軍、是弑義帝之北句。

增始勸項梁立義帝、諸侯

以此服從。中道而弑之、非增之意也。夫豈獨非其意、將必力爭而不聽

也。

空中著想、妙。

不用其言而殺其所立、羽之疑增、必自是始矣。

申上弑義帝、則方疑增之本句。

羽殺卿子冠軍、增與羽比肩而事義帝、

救趙時、爲末將。

項羽爲次將、范增故曰比肩事義帝。

君臣之分未

定也。爲增計者、力能誅羽則誅之、不能則去之、豈不毅然大丈夫也哉。

代增處置一番。

增年已七十、合則留、不合則去。不以此時明去就之分、而欲依

羽以成功名、陋矣。

責增之不能知幾、由于不雖然、增、高帝之所畏也。增不去、明去就之分、最有關鎖。

雖然、增、高帝之所畏也。增不去、

項羽不亡。嗚呼、增亦人傑也哉。

結尾作贊歎語、盡抑揚之致。

前半多從實處發議、後半多從虛處設想。只就增去不能早處、層層駁入、段段迴環。變幻無端、不可測識。

## 留侯論

蘇軾

古之所謂豪傑之士、必有過人之節。

伏能忍。

人情有所不能忍者、匹夫見辱、



拔劍而起、挺身而鬪、此不足爲勇也。不能忍天下有大勇者、卒然臨之

而不驚、無故加之而不怒。此其所挾持者甚大、而其志甚遠也。能忍不

能忍、是一夫子房受書於圯上之老人也、其事甚怪。楚人謂橋爲圯。史記、張良嘗遊下邳、圯上有一老

父、衣褐至良所、直墮其履圯下、顧謂良曰、孺子下取履。良愕然、欲斃之。爲其老、彊忍下取履。父曰、履我、良業爲取履、因長跪履之。父以足受、笑而去。去里所、復還曰、孺子可

教矣。約後五日、平明、會圯上。怒良後至者再。最後出一篇書曰、讀此則爲王者師矣。後十年與、十三年、孺子見我濟北穀城山下、黃石卽我矣。遂去、不復見。○入事。然亦安

知其非秦之世、有隱君子者、出而試之。觀其所以微見其意者、皆聖賢

相與警戒之義。而世不察、以爲鬼物、亦已過矣。看老人事、非渺茫鬼怪、特作翻案、妙。且其意

不在書。深入一層發議、此當韓之亡、秦之方盛也、以刀鋸鼎鑊待天下之士、句乃一篇之頭也。

其平居無事夷滅者、不可勝數。上聲、雖有責責。育、夏。無所獲施。夫持法

太急者、其鋒不可犯、而其勢未可乘。有大勇者、當此時自能忍之。子房不忍忿忿之心、

以匹夫之力、而逞於一擊之間。當此之時、子房之不死者、其閒不能容



髮、蓋亦危矣。

良、韓人、其先五世相韓。秦滅韓、良欲爲韓報仇。求得力士、爲鐵椎重百二十斤、狙擊秦皇帝博浪沙中、誤中副車、秦皇帝大怒、大索天下十日、弗

獲。○此正不能忍之故。先抑一筆。

千金之子、不死於盜賊。何哉、其身可愛、而盜賊之不足

以死也。子房以蓋世之才、不爲伊尹太公之謀、而特出於荊軻聶政兩刺客之

計、以僥倖於不死、

再抑一筆。

此圯上老人所爲深惜者也。

惜其不能忍。

是故倨傲鮮上

腆、而深折之、

鮮腆、言不爲禮也。

彼其能有所忍也、然後可以就大事、故曰孺子

可教也。

此段見老人以一忍字、造就子房。是解上文、意不在書一句。

楚莊王伐鄭、鄭伯肉袒牽羊以迎、莊王

曰、其主能下人、必能信用其民矣、遂舍之。

鄭伯能忍。

句踐之困於會稽、而

歸臣妾於吳者、三年而不倦。

句踐能忍。

且夫有報人之志、而不能下人者、是

匹夫之剛也。

此下又提前語申論之、前只虛括、此乃實發。

夫老人者、以爲子房才有餘而憂其度量之

不足、故深折其少年剛銳之氣、使之忍小忿而就大謀。何則、非有平生

之素、卒然相遇於草野之間、而命以僕妾之役、油然而不怪者、此固秦



皇之所不能驚、而項籍之所不能怒也。子房之於老人、可謂卒然臨之而不驚、無故加之而不怒矣。雖有秦皇項籍、亦不能驚而

怒之也。○此段極寫子房之能忍、以見其爲天下之大勇。觀夫高祖之所以勝、項籍之所以敗者、在能忍與

不能忍之間而已矣。忽推論到高祖項籍、正欲說歸子房。項籍唯不能忍、是以百戰百勝、而輕

用其鋒。高祖忍之、養其全鋒而待其敝、此子房教之也。高祖能忍、由于子房教之、所謂忍小忿

而就大謀者以此。當淮陰破齊、而欲自王、高祖發怒、見於詞色。由是觀之、猶有剛

強不能忍之氣、非子房其誰全之。淮陰侯韓信、請爲假王、漢王大怒、張良譎漢王足、因附耳語、漢王悟、立信爲齊王。○舉一事、以明

子房教高祖能忍。太史公疑子房以爲魁梧奇偉、而其狀貌乃如婦人女子、不稱聲、其

志氣。史記、留侯世家贊、余以爲其人、計魁梧奇偉、至見其圖、狀貌如婦人好女。嗚呼、此其所以爲子房歟。淡語作收、含蓄多少。

人皆以受書爲奇事、此文得意在且其意不在書、一句撇開、拏定忍字發議。滔滔如長江大河、而渾浩流轉、變化曲折之妙、則純以神行乎其間。

## 賈誼論

蘇軾

非才之難、所以自用者實難。惜乎賈生王者之佐、而不能自用其才也。



賈誼、雒陽人。年二十餘、文帝召以爲博士、一歲中至大中大夫。天子議以爲賈生任公卿之位、終灌之屬盡害之、乃短賈生、帝于是疏之。出爲長沙王太傅。後召對宣室、拜爲梁王太傅。因上

疏曰、臣竊惟今之事勢、可爲痛哭者一、可爲流涕者二、可爲長太息者六。帝雖納其言、而終不見用。卒以自傷哭泣而死、年三十三。○一起斷盡、立一篇主意。夫君子之

所取者遠、則必有所待。所就者大、則必有所忍。古之賢人、皆負可致

之才、而卒不能行其萬一者、未必皆其時君之罪、或者其自取也。以其不能待且

忍、故云自取。○申愚觀賈生之論、如其所言、雖三代何以遠過。得君如漢

文、猶且以不用死。然則是天下無堯舜、終不可有所爲耶。冷語破仲尼聖

人、歷試於天下。苟非大無道之國、皆欲勉強扶持、庶幾一日得行其道。

將之荆、先之以冉有、申之以子夏。荆、楚本號。將適楚、而先使二子繼往者、蓋欲觀楚之可仕與否、而謀其可處之位歟。

君子之欲得其君、如此其勤也。得君勤、一引。孟子去齊、三宿而後出晝、猶曰

王其庶幾召我。君子之不忍棄其君、如此其厚也。愛君厚、一引。公孫丑問曰、

夫子何爲不豫。孟子曰、方今天下、舍我其誰哉、而吾何爲不豫。君子



之愛其身、如此其至也。一引。愛身至。夫如此而不用、然後知天下果不足與有

爲、而可以無憾矣。得此一鎖、方若賈生者、非漢文之不能用生、生之不能

用漢文也。此段說出得君勤、愛君厚、愛身至、必如是始可以無憾。墓寫古聖賢用世之不苟、以責賈生。見得賈生欲得君甚勤、但愛君不厚、愛身不至耳。故曰生之不能用漢

文也、甚有意味。夫絳侯親握天子璽而授之文帝、帝初封代王、孝惠無嗣、大臣迎立之。始至渭橋、大尉勃跪上天子璽符。灌嬰

連兵數十萬、以決劉呂之雌雄、高后時、諸呂欲危劉氏。大將軍灌嬰、與齊王襄連和、以待呂氏之變、共誅之。又皆高帝

之舊將。此其君臣相得之分、豈特父子骨肉手足哉。賈生洛陽之少年、

欲使其一朝之間、盡棄其舊而謀其新、亦已難矣。此言其上疏中之意。○此段發明賈生不善用才之故。

爲賈生者、上得其君、下得其大臣、如絳灌之屬、優游浸漬、恣而深交

之、使天子不疑、大臣不忌、然後舉天下而唯吾之所欲爲、不過十年、

可以得志。代爲賈生畫策。安有立談之閒、而遽爲人痛哭哉。責倒賈生、覺治安等篇、俱屬無謂。觀其

過湘、爲賦以弔屈原、有造託湘流兮、敬弔先生句。縈紆鬱悶、趯躍、有子獨抑鬱其然有遠舉之志。



誰語、鳳縹緲其高逝兮、夫固自引而遠去句。

其後以自傷哭泣、至於天絕。

梁王騎墮馬而死、賈生自傷爲是、傳無狀、哭泣歲餘、亦死。

亦不善處窮者也。

不善處窮、即不能自用意。

夫謀之一不見用、則安知終不復用也。不知

默默以待其變、而自殘至此。

文情開宕。

嗚呼、賈生志大而量小、才有餘而識

不足也。

總斷二句、是不能用漢文之本、一字一惜。

古之人、有高世之才、必有遺俗之累。是故

非聰明睿

胃、

智不惑之主、

則不能全其用。

古今稱苻

扶、

堅得王猛於草茅

之中、一朝盡斥去其舊臣、而與之謀。彼其匹夫略有天下之半、其以此

哉。

秦王苻堅、因呂婆樓以招王猛。一見大悅、自謂如劉玄德之遇諸葛孔明也、此一轉尤妙。

愚深悲生之

志、故備論之。亦使人君得如賈生之臣、則知其有狷介之操、一不見用、

則憂傷病沮、不能復振。

二十一字爲一句。○補出人主當憐才意。

而爲賈生者、亦謹其所發哉。

仍歸結到本身上去。雙關作收、深情遠想、無限低徊。

賈生有用世之才、卒廢死于好賢之主。其病原欲疎閒絳灌舊臣、而爲之痛哭。故自取疏廢如此。所謂不能謹其所發也。末以苻堅用王猛、責人君以全賈生之才、更有

不盡之意。

# 鼂錯論

蘇軾

天下之患、最不可爲者、名爲治平無事、而其實有不測之憂。暗說景帝時、諸侯強大。

坐觀其變、而不爲之所、則恐至於不可救。開。起而強爲之、則天下狃鈕、

於治平之安、而不吾信。狃、習也。○闇。暗說鼂錯建言削諸侯。惟仁人君子豪傑之士、爲能出

身爲天下犯大難、以求成大功。三句爲一篇關鍵。此固非勉強晷月之間、而苟以求

名之所能也。暗說鼂錯非其倫。○一段是冒。天下治平、暗說景帝時。無故而發大難之端。暗說削七國。吾

發之、吾能收之、然後有辭於天下。所謂出身犯難。事至而循循焉欲去之、暗說錯居守。

使他人任其責。暗說使天子將。則天下之禍、必集於我。暗說誅錯。○一段是承。○攝盡通篇大意。昔

者鼂潮錯盡忠爲漢、謀弱山東之諸侯。山東諸侯並起、以誅錯爲名。而

天子不之察、以錯爲之說。景帝三年、鼂錯患七國強大、請削諸侯郡縣。吳王濞、膠西王卬、膠東王雄、渠菑川王賢、濟南王辟光、楚王戊、趙王



遂、合兵反。罪狀鼂錯、欲共誅之。帝與錯議出軍事、錯欲令上自將、而身居守。袁盎素與錯有隙。因言唯斬錯可以謝諸侯、帝遂斬錯東市。○入事。天下悲錯之以

忠而受禍、不知錯有以取之也。一句斷定、全篇俱發此句。古之立大事者、不惟有超世之

才、亦必有堅忍不拔之志。惟堅忍不拔、故能從容收功。伏下徐字、反照下驍字。昔禹之治水、鑿龍門、

決大河、而放之海。方其功之未成也、蓋亦有潰會、冒衝突可畏之患。惟

能前知其當然、事至不懼、而徐爲之圖、是以得至於成功。借禹作證、爲夫立論之根。夫

以七國之強、而驟削之、不能徐爲之圖。其爲變豈足怪哉。不能前知其當然。錯不於此時捐

其身、爲天下當大難之衝、而制吳楚之命。乃爲自全之計、欲使天子自

將而已居守。一句指出鼂錯被疑、通篇從此發議。且夫發七國之難者誰乎。緊喝一句。己欲求其名、

應前求名。安所逃其患。應前禍字。以自將之至危、與居守之至安、己爲難首、擇其

至安、而遺天子以其至危、此忠臣義士所以憤怨而不平者也。斷盡鼂錯、與袁盎何與耶。

當此之時、雖無袁盎、亦未免於禍。承上遞下。何者、己欲居守、而使人主自

將。以情而言、天子固已難之矣。而重違其議、是以袁盎之說、得行於

其閒。

正見受禍皆錯自取。

使吳楚反、錯以身任其危、日夜淬礪、翠、礪、火入水為淬。礪、磨也。東向

而待之。使不至於累其君、則天子將恃之以為無恐。雖有百盎、可得而

閒哉。

此段是代為錯計、作正意收住。

嗟夫、世之君子、欲求非常之功、則無務為自全之

計。

又喚醒。

使錯自將而討吳楚、未必無功。

到底只責其不自將、收足出身犯難意。

惟其欲自固其身、

而天子不悅、奸臣得以乘其隙。錯之所以自全者、乃其所以自禍歟。

收上錯有

以取之句。

此篇先立冒頭、然後入事、又是一格。鼂錯之死、人多歎息、然未有說出被殺之由者、東坡之論、發前人所未發、有寫錯罪狀處、有代錯畫策處、有為錯致惜處、英

雄失足、千古興嗟。任大事者、尚其思堅忍不拔之義哉。





# 古文觀止卷之十一

## 上梅直講書

蘇軾

軾每讀詩至鴟鴞、讀書至君奭、常竊悲周公之不遇。

鴟鴞、國風篇名。周公相成王、管蔡流言于國曰、

公將不利于孺子。故周公東征二年、而成王猶未知周公之意、公乃作鴟鴞之詩以貽王。君奭、周書篇名。君者、尊之之稱。奭、召公名也。成王幼、周公攝政、當國踐祚。召公疑之、乃作君奭。

○劈頭數周公起、奇絕。

及觀史、史記見孔子厄於陳蔡之間、而弦歌之聲不絕、顏淵仲

由之徒、相與問答。夫子曰、匪兕匪虎、率彼曠野、吾道非耶、吾何爲

於此。顏淵曰、夫子之道至大、故天下莫能容、雖然、不容何病、不容

然後見君子。夫子油然而笑曰、回、使爾多財、吾爲爾宰。夫天下雖不

能容、而其徒自足以相樂如此。○接手又羨孔子、更奇。通篇以樂字爲主。乃今知周公之富貴、有

不如夫子之貧賤。夫以召公之賢、以管蔡之親、而不知其心、則周公誰



與樂其富貴。而夫子之所與共貧賤者、皆天下之賢才、則亦足以樂乎此

矣。

富貴而不樂、貧賤而足樂、此周公所以不如夫子也。○雙收周公孔子、暗以孔子比歐梅、以其徒自此、意最高、而自處亦高。

軾七八歲時、始知

讀書、聞今天下有歐陽公者、其爲人如古孟軻韓愈之徒。

先出歐陽公。

而又有梅

公者、從之遊、而與之上下其議論。

次出梅公。

其後益壯、始能讀其文詞、想

見其爲人。意其飄然脫去世俗之樂、而自樂其樂也。

歐梅之樂只虛寫、妙。

方學爲對

偶聲律之文、

卽作詩及詞賦之類。

求升斗之祿、自度無以進見於諸公之間。來京師

逾年、未嘗窺其門。

欲寫其得見、先寫其不得見。文勢開拓。

今年春、天下之士羣至於禮部、執

事與歐陽公實親試之、軾不自意獲在第二。旣而聞之、執事愛其文、以

爲有孟軻之風、而歐陽公亦以其能不爲世俗之文也而取、是以在此。

嘉祐二年、歐

陽文忠公考試禮部進士、疾時文之詭異、思有以救之。

梅聖俞時與其事、得公論刑賞以示文忠、文忠驚喜、以爲異人。欲以冠多士、疑曾子固所爲、子固、文忠門下士也、乃實公第二。○不爲

世俗之文、應上脫去世俗之樂、正見知己處。

非左右爲之先容、非親舊爲之請屬、祝、而嚮之十餘年

間、聞其名而不得見者、一朝爲知己。以上敘歐梅之識拔、自己退而思之、人之遭遇、極爲淋漓酣暢。

不可以苟富貴、亦不可以徒貧賤。應在富貴貧賤。有大賢焉而爲其徒、則亦足恃

矣。占地步多少。苟其僥一時之幸、從車騎數十人、使閭巷小民、聚觀而贊歎之、

亦何以易此樂也。自東坡說出自己之真樂、乃一篇之關鍵。傳曰、不怨天、不尤人、蓋優哉游哉、

可以卒歲。引成語四句收住。執事名滿天下、而位不過五品、其容色溫然而不怒、

其文章寬厚敦朴而無怨言。此必有所樂乎斯道也、軾願與聞焉。未復以樂乎斯道、

專頌梅公、是樂字結穴。

此書敘士遇知己之樂。遂首援周公管蔡之流言、召公之不悅以形起、而自比于聖門之徒。長公之推尊梅公、與陰自負意、亦極高矣。細看此文、是何等氣象、何等

采色。其議論真足破千古來俗腸、絕妙。

## 喜雨亭記

蘇軾

亭以兩名、志喜也。起筆便將喜雨亭三字、拆開倒點出。已盡一篇之意。古者有喜、則以名物、示不忘



也。

釋所以志喜之意。

周公得禾、以名其書。

唐叔得禾、異母同穎、獻之成王。成王命唐叔以餽周公於東土。周公嘉天子之命、作嘉禾。漢

武得鼎、以名其年。

漢武帝元狩六年夏、得寶鼎。汾水上。改元爲元鼎元年。

叔孫勝敵、以名其子。

魯文公十一年、叔孫得

臣獲長狄僑如。名其子曰僑如。

乃其喜之大小不齊、其示不忘一也。

引古爲證。

予至扶風之明年、

始治官舍。爲亭於堂之北、而鑿池其南。引流種樹、以爲休息之所。

先記作亭。

是歲之春、雨麥於岐山之陽、其占爲有年。

縱一筆、下便可用既而字轉、文始曲折。

既而彌月不

雨、民方以爲憂。

跌一句、借憂字形出喜字。

越三月、乙卯、乃雨。

甲子又雨、民以爲未

足。又跌一句。丁卯大雨、三日乃止。

次記雨。

官吏相與慶於庭、商賈相與歌於市、

農夫相與忭於野。

慶歌忭三字、易法。

憂者以喜、病者以愈。

次記喜。

而吾亭適成。

緊接此句、妙。雨更不

可不喜、喜更不可不志、志喜更不可不以名亭在此。

於是舉酒於亭上、以屬祝、客而告之。

開出波瀾。

曰、五日

不雨可乎。

更五日也。

曰、五日不雨則無麥。

十日不雨可乎。

更十日也。

曰、十日不

雨則無禾。

無麥無禾、歲且薦饑、獄訟繁興、而盜賊滋熾、則吾與二三

子、雖欲優游以樂於此亭、其可得耶。以無雨之可憂、形出得雨之可樂。今天不遺斯民、始

旱而賜之以雨。使吾與二三子得相與優游而樂於此亭者、皆雨之賜也。

其又可忘耶。應前示不志、結住。既以名亭、又從而歌之曰、使天而雨珠、寒者不得

以爲襦。如、使天而雨玉、饑者不得以爲粟。一雨三日、伊誰之力。一眼注著亭、

卻不肯一筆便說亭。民曰太守、太守不有、歸之天子。天子曰不然、歸之造物。造物

不自以爲功、歸之太空。太空冥冥、不可得而名、吾以名吾亭。歌非餘文。蓋喜雨固必

志、而志喜雨何故却于亭、此理還未說出、因借歌以發之。

只就喜雨亭三字、分寫、合寫、倒寫、順寫、虛寫、實寫、即小見大、以無化有。意思愈出而不窮、筆態輕舉而蕩漾、可謂極才人之雅致矣。

## 凌虛臺記

蘇軾

國於南山之下、宜若起居飲食與山接也。筆亦凌虛而起。四方之山、莫高於終南、

終南山、在陝西西安府。而都邑之麗山者、莫近於扶風。麗、附也。以至近求最高、其勢必



得、而太守之居、未嘗知有山焉。雖非事之所以損益、而物理有不當然

者。應宜若此凌虛之所爲築也。點出方其未築也、太守陳公、杖履逍遙於其

下。見山之出於林木之上者、纍纍如人之旅行於牆外而見其髻計也、曰

是必有異。敘未築臺之先使工鑿其前爲方池、以其土築臺、高出於屋之簷而止。

然後人之至於其上者、恍然不知臺之高、而以爲山之踴躍奮迅而出也。

敘既築臺之後。恍然不知二句、正寫凌虛意。公曰、是宜名凌虛。點出名以告其從事蘇軾、而求文以

爲記。點出作記。軾復於公曰、物之廢興成毀、不可得而知也。提句寄想甚遠。昔者荒

草野田、霜露之所蒙翳、狐虺之所竄伏、方是時、豈知有凌虛臺耶。臺從無而

有、是說廢興成毀、相尋於無窮、則臺之復爲荒草野田、皆不可知也。臺自

無、是說嘗試與公登臺而望、其東則秦穆之祈年橐泉也、祈年、橐泉、皆宮名。其南則漢

武之長楊五柞、昨、○長楊、較獵之祀神宮。而其北則隋之仁壽、唐之九成也。仁壽、隋文宮名。

九成、唐太宗所建宮以避暑。計其一時之盛、宏傑詭麗、堅固而不可動者、豈特百倍於臺

而已哉。例與成。然而數世之後、欲求其髣髴、而破瓦頽垣、無復存者。既已

化爲禾黍荆棘丘墟隴畝矣、而況於此臺歟。例廢毀。○憑弔今古、唏噓感慨、欲歌欲泣。夫臺猶不足

恃以長久、而況於人事之得喪、忽往而忽來者歟。而或者欲以夸世而自

足、則過矣。推進一層說。蓋世有足恃者、而不在乎臺之存亡也。託意有在、妙。而既以

言於公、退而爲之記。

通篇只是與成廢毀二段。一寫再寫、悲歌慷慨、使人不樂。然在我有足恃者、何不樂之有。蓋其胸中實有曠觀達識、故以至理出爲高文。若認作一篇譏太守文字、恐

非當日作記本旨。

## 超然臺記

蘇軾

凡物皆有可觀、苟有可觀、皆有可樂。樂字、是一篇主意。非必怪奇偉麗者也、鋪

糟啜醢、醢、酒。薄。皆可以醉。果蔬草木、皆可以飽。推此類也、吾安往而不



樂。

此即蔬食飲水、樂在其中、簞食瓢飲、不改其樂意。○一起便見超然。

夫所爲求福而辭禍者、以福可喜而禍可悲

也。人之所欲無窮、而物之可以足吾欲者有盡、指富貴利達。美惡之辨戰於中、

而去取之擇交乎前、則可樂者常少、而可悲者常多。不超然則不樂。是謂求禍而

辭福。

福可喜、禍可悲、故、而多悲少樂、

今以求福辭禍之是求禍辭福也。

夫求禍而辭福、豈人之情也哉、物有以

蓋之矣。

蓋、蔽也。承上起下。

○彼遊於物之內、而不遊於物之外。

反超然說。

物非有大小

也、自其內而觀之、未有不高且大者也。彼挾其高大以臨我、則我常眩

亂反覆、

即孟子勿視其巍巍之意。

如隙中之觀鬪、又烏知勝負之所在。

喻眼界之小。

是以美惡

橫生、而憂樂出焉、可不大哀乎。

此段言遊於物之內、則因其美惡而生憂樂。遊於物之外、則無所往而不樂。

予自錢塘

移守膠西、

錢塘、屬浙江杭州。膠州、屬山東萊州。

膠西、即入題。

釋舟楫之安、而服車馬之勞、去雕牆

之美、而庇采椽之居、

采椽不斲。

背湖山之觀、而行桑麻之野。

安得超然。

始至之

日、歲比不登、盜賊滿野、獄訟充斥、而齋廚索然、日食杞菊、

春食苗、夏食葉。



秋食花、冬食根。○安得超然。

人固疑予之不樂也。

反跌一句、起下文。

處之期年、而貌加豐、髮之白

者、日以反黑。予既樂其風俗之淳、而其吏民亦安予之拙也。正寫己之安於往而不樂。

是治其園囿、潔其庭宇、伐安邱高密之木、安邱、高密、二縣名。以修補破敗、爲苟完

之計。而園之北、因城以爲臺者舊矣、稍葺而新之。時相與登覽、放意

肆志焉。敘完作臺事。○上寫因樂而有臺、下寫因臺而得樂。放意肆志四字、正爲樂字寫照。上下關鎖。南望馬耳常山、二山名。秦漢閒、高人多隱於此。

出沒隱見、若近若遠、庶幾有隱君子乎。南。而其東則廬山、即秦始皇遺廬生入海、求羨門子高者。

秦人盧敖秦博士。之所從遁也。東。西望穆陵、關名。左傳、齊桓公曰、賜我先君履、南至穆陵、即此。隱然如城

郭、師尚父太公。齊威公即桓公。之遺烈、猶有存者。西。北俯濰水、韓信與龍且戰、夾濰水而陣、即此。

慨然大息、思淮陰韓信封淮陰侯。之功、而弔其不終。北。○憑今弔古、感慨淋漓、超然山水之外。臺高而

安、深而明、夏涼而冬溫、寫。雨雪之朝、風月之夕、予未嘗不在、客未

嘗不從。寫人。擷賢入聲。園疏、取池魚、釀娘去聲。秫術。酒、淪脫粟而食之、曰、樂



哉遊乎。

擷、捋取也。醞酒爲釀。秋、稷之黏者、卽糯也。淪、粗熟而出之也。脫、予弟子栗、纔脫殼而已、言不精鑿也。○寫人與臺之日用平常。○樂字一振。

予弟子

由、適在濟南、聞而賦之、

且名其臺曰超然。

點臺名字。

以見予之無所往而不

樂者、蓋遊於物之外也。

應前安往而不樂、及遊于物之外句。超然之意、得此一結、更暢。

是記先發超然之意、然後入事。其敘事處、忽及四方之形勝、忽入四時之佳景、俯仰情深、而總歸之一樂。真能超然物外者矣。

## 放鶴亭記

蘇軾

熙甯

神宗年號。

十年秋、

彭城

彭城、今徐州是。

大水。

雲龍山人張君之草堂、水及其半

扉。

雲龍山、在州城南、張天驥隱此。

明年春、

水落、

遷於故居之東、東山之麓。

六、○麓、山足。

升高

而望、得異境焉、作亭於其上。

先點作亭。

彭城之山、岡嶺四合、隱然如大環、

獨缺其西一面、而山人之亭、適當其缺。

承寫因異境作亭。

春夏之交、草木際天、

秋冬雪月、千里一色、風雨晦明之間、俯仰百變。

又從異境上墓寫一番。

山人有二鶴、

甚馴

旬、馴、順習也。

而善飛、

馴、順習也。

旦則望西山之缺而放焉、

縱其所如、或立於陂

卑、



田、澤障曰陂。或翔於雲表、暮則傚素東山而歸、傚、向也。故名之曰放鶴亭。次點名亭。○

二段敘事、錯落多致。郡守蘇軾、時從賓佐僚吏、往見山人、飲酒於斯亭而樂之。藏飲酒二

字、作挹山人而告之也。酌曰、子知隱居之樂乎、雖南面之君、未可與易

也。三句、是一篇綱領。易曰、鳴鶴在陰、其子和之。易、中孚、九二爻辭。言九二中孚之實、而九五亦以中孚之實應之、如鶴鳴于幽隱

之處、而其子自和之也。詩曰、鶴鳴于九皋、聲聞于天。詩、小雅、鶴鳴之篇。皋、澤中水溢出所為坎、從外數至九、喻深遠也。言鶴

之鳴在于九皋、至深遠矣、而聲則聞于天。猶德至幽、而有至著者焉。蓋其為物清遠閒放、超然於塵埃之外、故易

詩人以比賢人君子。隱德之士、狎而玩之、宜若有益而無損者、然衛懿公

好鶴則亡其國。衛懿公好鶴、出則鶴乘軒而行。一日敵患欲禦之、皆曰、公有鶴、何不以禦敵、乃煩吾為。遂亡國。周公作酒誥、酒誥、周書篇

名。商受酗酒、天下化之、妹士、商之都邑、其染惡尤甚、武王以其地封康叔、故周公作酒誥以教之。衛武公作抑戒、抑戒、即詩大雅抑之篇。衛武公行年九十

有五、作抑戒以自儆。其二章云、顛覆厥德、荒湛于酒。以為荒惑敗亂、無若酒者、而劉伶阮籍之徒、以

此全其真而名後世。晉劉伶、阮籍、崇尚虛無、輕蔑禮法、縱酒昏酣、遺落世事。與阮咸、山濤、向秀、王戎、嵇康、為竹林七賢。○引鶴、從上名亭來。引酒、



從上飲酒來。嗟夫、南面之君、雖清遠閒放如鶴者、猶不得好、好之則亡其國。

而山林遯世之士、雖荒惑敗亂如酒者、猶不能爲害、而況於鶴乎。由此

觀之、其爲樂未可以同日而語也。應上隱居之樂三句。遠想遠韻、筆勢瀾翻。山人欣然而笑曰、有

是哉。仍就山人作收。乃作放鶴招鶴之歌曰、鶴飛去兮西山之缺、高翔而下覽兮

擇所適。翻然斂翼、宛將集兮、忽何所見、矯然而復擊。獨終日於澗谷

之間兮、啄蒼苔而履白石。歌放鶴歸來兮。東山之陰。其下有人兮、黃冠

草履、葛衣而鼓琴。躬耕而食兮、其餘以汝飽、歸來歸來兮、西山不可

以久留。歌招鶴。

記放鶴亭、卻不實寫隱士之好鶴。乃於題外尋出酒字、與鶴字作對。兩兩相較、真見得南面之樂、無以易隱居之樂。其得心應手處、讀之最能發人文機。

## 石鐘山記

蘇軾

水經云、彭蠡之口、有石鐘山焉。彭蠡、卽鄱陽湖。○鄱力、元注水經。以爲

下臨深潭、微風鼓浪、水石相搏、聲如洪鐘。說一是說也、人常疑之。疑人

今以鐘磬置水中、雖大風浪不能鳴也、而沉石乎。一駁、伏下至唐李渤、

少室山人、唐順宗徵爲左拾遺、稱疾不至。始訪其遺蹤、得雙石於潭上。扣而聆之、南聲函胡、音宮

北音清越、音商枹浮、止響騰、餘韻徐歇。枹、鼓槌也。自以爲得之矣。說一然是說也、

余尤疑之。疑余石之鏗然有聲者、所在皆是也、而此獨以鐘名、何哉。一駁、伏下

元豐神宗年七年、六月丁丑、余自齊安舟行、適臨汝。齊安、臨汝、皆邑名。而長子邁、

將赴饒之德興尉、時公之長君蘇邁、饒州府德興縣尉。爲送之至湖口、因得觀所謂石鐘者。寺

僧使小童持斧於亂石間、擇其一二、扣之硃硃然、此卽李渤之故智。余固笑而不

信也。仍然是疑、轉下有勢。至其夜月明、獨與邁乘小舟、至絕壁下。大石側立千尺、

如猛獸奇鬼、森然欲搏人。而山上栖鶻、兀聞人聲亦驚起、磔磔窄、雲霄

閒。又有若老人欬、且笑於山谷中者、或曰、此鸛鶴也。一段點綴奇景、慘淡淒其、侵人毛髮。



伏下士大夫不肯以小舟夜泊絕壁句。

余方心動欲還、折筆而大聲發於水上、噌增、呺宏、如鐘鼓不

絕。

噌呺、鐘聲。

舟人大恐、徐而察之、則山下皆石穴罅、鍛去聲不知其淺深、微波

入焉、涵澹、澎湃、而爲此也。

一處見聞得其實。

舟迴至兩山間、將入港、講口、

有大石當中流、可坐百人、空中而多竅、與風水相吞吐、有窾、坎鏜、湯、

鞞、榻之聲、

窾坎鏜鞞、鐘鼓聲。

與向之噌呺者相應、如樂作焉。

兩處見聞得其實。

因笑謂邁曰、

汝識之乎、噌呺者、周景王之無射、也、

無射、周景王所鑄鐘名。

窾坎鏜鞞者、魏獻

子之歌鐘也。

魏獻子、晉大夫。○兩處石聲、與古鐘聲無異。

古之人不余欺也。

始知古人以鐘名石爲不謬。

事不目見耳

聞、而臆斷其有無、可乎。

人謂石置水中不能鳴、蓋臆斷耳。

酈元之所見聞、殆與余同、而言

之不詳。

簡。

士大夫終不肯以小舟夜泊絕壁之下、故莫能知。而漁工水師、

雖知而不能言。此世所以不傳也。

破人常疑之句。

而陋者乃以斧斤考擊而求之、

自以爲得其實。

破余尤疑之句。

余是以記之、蓋歎酈元之簡、而笑李渤之陋也。

結出。



世人不曉石鐘命名之故、始失于舊註之不詳、繼失于淺人之俗見。千古奇勝、埋沒多少。坡公身歷其境、聞之真、察之詳、從前無數疑案、一一破盡。爽心快目。

## 潮州韓文公廟碑

蘇軾

匹夫而爲百世師、一言而爲天下法。

東坡作此碑、不能得一起頭、起行數十遭、忽得此兩句。是從古來聖賢、遠遠想入。是

皆有以參天地之化、關盛衰之運。

用是皆二字接、包括古今聖賢多少。

其生也有自來、生不苟其

逝也有所爲。

死不苟逝。

故申呂自獄降、

大雅、維獄降神、生甫及申。甫、卽呂也。書呂刑、禮記作甫刑、而孔氏以爲呂侯、後爲甫侯是也。

申、申伯也。○生有自來。

傳說爲列星、

莊子、傳說乘東維、騎箕尾、而比于列星。○逝有所爲。

古今所傳、不可誣也。略證頓住。

孟子曰、我善養吾浩然之氣。

忽然提出氣字來。

是氣也、寓於尋常之中、而塞乎天

地之間。

卒、猝。

然遇之、則王公失其貴、晉楚失其富、良平張良、陳平。失其智、

賁育孟賁、夏育。

失其勇、儀秦張儀、蘇秦。

失其辨。

一遇是氣、則貴富智勇辨、皆無所用、纔見浩然。

是孰使之然哉。

頓上起下、有力。

其必有不依形而立、不恃力而行、不待生而存、不隨死而亡者

矣。疊四語、刻畫氣字。

故在天爲星辰、在地爲河嶽、幽則爲鬼神、而明則復爲人、此



理之常、無足怪者。

以上言古今聖賢歿後必為神。是一篇之旨。

自東漢以來、道喪文弊、異端並

起、歷唐貞觀、

太宗年號。

開元

明皇年號。

之盛、

輔以房、

玄齡。

杜、

晦。

姚、

崇。

宋璟。而不

能救。

折入。

獨韓文公起布衣、談笑而麾之、天下靡然從公、復歸於正。

文公排異端。

明天道、正人心、布衣而挽回世教、其功尤烈。

蓋三百年於此矣。

若句得神。

文起八代之衰。

八代、東漢、魏、晉、宋、齊、梁、陳、隋。

而道濟天下之溺、

公原道等篇、與衍宏深、障百川、迴狂瀾、所以救濟人心之溺。

忠犯人主之怒、

憲宗迎佛骨入禁中、公上表極諫、帝怒、

貶潮州。

而勇奪三軍之帥、

鎮州亂、殺帥洪正、而立王廷奏、詔公宣撫、衆皆危之。公至、對廷奏力折其黨。○四句、說盡韓公一生。

此豈非參

天地、闢盛衰、浩然而獨存者乎。

應前結住。提筆再起。

下蓋嘗論天人之辨、以謂人無

所不至、

可以智勝。

惟天不容僞。

○必以精誠感。○總二句。

智可以欺王公、人不可以欺豚魚。

易、中孚象曰、信及豚魚。○天。

信力可以得天下、人不可以得匹夫匹婦之心。

天。○四句、承上生下。

故公

之精誠、能開衡山之雲、

公有謁衡山南嶽廟詩云、我來正逢秋雨節、陰氣晦昧無清風。潛心默禱若有應、豈非正直能感通。須臾盡掃衆峯出、仰天突

兀撐晴空。是誠能開衡山之雲也。○天。

而不能回憲宗之惑。

謂貶潮州。○人。

能馴旬、鱷魚之暴、

潮州鱷魚爲患、公爲文

投水中、是夕暴風震電起溪中、數日水盡涸、西徙六百里。○天。而不能弭米、皇甫鏞、博、李逢吉之謗。憲宗得公潮州謝表、頗

感悔、欲復用之、鏞忌公、奏改袁州。李逢吉因臺參之事、使不能止謗也。○人。公與李紳交關、遂罷公爲兵部侍郎。是能信於南海之民、廟食百

世、謂潮州立廟祀公。○天。而不能使其身一日安於朝廷之上。公自觀察推官入仕、貶山陽、貶潮州、移袁州、行

軍蔡州、宣撫鎮州、是不蓋公之所能者天也、其所不能者人也。一點便醒。應上人無能一日在朝也。○人。所不至二句、收住。

始潮人未知學、公命進士趙德爲之師、自是潮之士、皆篤於文行、延及

齊民、齊等之至於今、號稱易治。信乎孔子之言、君子學道則愛人、小人

學道則易使也。記公于潮潮人之事公也、飲食必祭、水旱疾疫、凡有求必禱

焉。記潮于公。而廟在刺史公堂之後、民以出入爲艱、前太守欲請諸朝作新廟、

不果。元祐號。哲宗年五年、朝散郎王君滌來守是邦、凡所以養士治民者、一

以公爲師。民旣悅服、凡作記、最要補出此一筆。則出令曰、願新公廟者聽。聽其所民懽趨

之。卜地於州城之南七里、期年而廟成。記新廟。下忽作辨難、文情湧起。或曰、公去國萬



里、而謫於潮、不能一歲而歸、不及一年沒而有知、其不眷戀於潮也審矣。

軾曰、不然、公之神在天下者、如水之在地中、無所往而不在也。何嘗不在潮。

而潮人獨信之深、思之至、焄、熏、蒿悽愴、鬼神精氣蒸上處、是焄蒿。使人精神悚然、是悽愴。若或見之、

譬如鑿井得泉、而曰水專在是、豈理也哉。何嘗專在潮。○現前點撥、妙解妙喻。元豐神宗年號。元

年、詔封公昌黎伯、昌黎、郡名。故榜曰昌黎伯韓文公之廟。點出廟門上額。潮人請書其

事於石、點出碑。因作詩以遺之、使歌以祀公。其辭曰、公昔騎龍白雲鄉、

莊子、乘彼白雲、遊于帝鄉。謂公昔日騎龍作馬、乘白雲于帝鄉。手扶淵入雲漢分天章、詩曰、倬彼雲漢。為章于天。謂公以手扶開雲漢、分為之天章。

天孫為織雲錦裳。天孫、織女也。言若織女為公織就雲錦之裳。○此言公之文章。自天而成。飄然乘風來帝旁、飄飄然乘高風而降。

自上帝之側。下與濁世掃粃糠。濁世粃糠、喻世俗文章之陋。○此言公從天而降、為一代詞章之宗。西遊咸池略扶桑、淮南子、

日出陽谷、浴于咸池、拂于扶桑。謂公西遊咸池日浴之地、而略過于扶桑日拂之方。草木衣被昭回光、公光輝發越、被及草木、猶日月之昭回于天而光明。

也。○此言公光被四表、而為民物之所瞻仰。追逐李杜參翺翔、李白、杜甫、唐之詩士。公與之追逐、參列翺翔于其間。汗流籍湜、走



且僵

張籍、皇甫湜、同名于時、而不及公遠甚。汗流者、言其愧汗如流也。走且僵、謂其退避奔走而僵仆也。滅沒倒影不能望。日光沖激、

反從下照、謂之倒影。喻公之道德光輝、炫耀奪目、人作書詆佛譏君王、謂佛骨要觀南不能擬而望之也。○此言公之文章道德、大莫能及。

海窺衡湘

公被謫潮州、跋涉嶺海、是謂要觀南海、窺衡山湘水。

歷舜九疑

疑、山名。在蒼梧零陵之閒、舜所葬處。英皇、

弔英皇

英皇、堯女娥皇、女英也。從舜南狩、道死衡湘之閒。公歷行舜所

巡之地、弔娥皇、女英之靈。○此言公謫潮、及所經歷之處。祝融先驅海若藏、南海之神

海若、亦海神。公涉嶺外海道、祝融爲之先驅于前、而海若亦率怪物以斂藏。

約束蛟鱷如驅羊

謂驅鱷魚之暴。○此言公之德足以感神、威足以服物。

天無人帝悲傷

九天、中天曰鈞天。言大鈞之

謳吟下招遣巫陽

特遣巫陽謳吟、以下招文公。○此言公沒

仍歸帝

爆薄

牲雞卜羞我觴

爆、即擊牛。雞卜、嶺表凡小事必卜、名雞卜鼠卜。羞、進也。言祭以爆牲雞卜之薄、而進我之觴、所以表誠也。

於餐荔丹與蕉黃

公羅池廟碑、荔枝黑兮蕉葉黃、爲迎送柳子厚之歌。東坡引用其語、以見潮人祭公、亦如公之祭子厚也。○此言廟中陳祭之品。

公不

少留我涕滂

傷公之歿。

翩然被髮下大荒

韓公詩云、翩然下大荒、被髮騎麒麟。東坡用此語、蓋祝其來享也。○歌詞踴厲發越、直追雅頌。

韓公貶于潮、而潮祀公爲神。蓋公之生也、參天地、闢盛衰、故公之沒也、是氣猶浩然獨存。東坡極力推尊文公、豐詞瓌調、氣溢光采。非東坡不能爲此、非韓公不

足當此。千古奇觀也。



# 乞校正陸贄奏議進御劄子

蘇軾

臣等猥委以空疎、備員講讀。

時任翰林、與呂希哲、范祖禹同進。

聖明天縱、學問日新。臣等

才有限而道無窮、心欲言而口不逮、以此自愧、莫知所爲。

自謙引竊謂人起。

臣之納忠、譬如醫者之用藥。藥雖進於醫手、方多傳於古人。若已經效

於世間、不必皆從於己出。

設一確喻、便可轉入宣公奏議。

伏見唐宰相陸贄、才本王佐、學

爲帝師。論深切於事情、言不離於道德。智如子房而文則過、辨如賈誼

而術不疏。上以格君心之非、下以通天下之志。

極贊宣公。

但其不幸、仕不遇

時。

便發感慨。

德宗以苛刻爲能、而贄諫之以忠厚。德宗以猜忌爲術、而贄勸

之以推誠。德宗好用兵、而贄以消兵爲先。德宗好聚財、而贄以散財爲

急。至於用人聽言之法、治邊御將之方、罪己以收人心、改過以應天道、

去小人以除民患、惜名器以待有功、如此之流、未易悉數。

舉奏議中大要言。

可謂進

苦口之藥石、鍼害身之膏肓。

荒、○育、膈也。心下爲膏。左傳、晉景公疾病、秦伯使醫緩治之。未至、公夢疾爲二豎子曰、彼良醫也、懼

傷我、焉逃之。其一日、居育之上膏之下、若我何。醫至、曰、疾不可爲也、在育之上膏之下。攻之不可、達之不及、藥不至焉。使德宗盡用其言、則貞

觀太宗年

可得而復。

反振作頓、起下仁宗當用宣公之言。

臣等每退自西閣、蛤、卽私相告、以陛

下聖明、必喜贊議論。但使聖賢之相契、卽如臣主之同時。取善不必以時代拘。昔

馮唐論頗牧之賢、則漢文爲之太息。

漢文帝謂馮唐曰、昔有爲我言趙將李齊之賢、戰于鉅鹿下、吾每飯未嘗不在鉅鹿。唐對曰、

尚不如廉頗、李牧之爲將也。帝拊髀曰、我獨不得頗牧爲將、何憂匈奴哉。魏相條鼂潮、董之對、則孝宣以致中興。魏相好觀漢故

事、數條漢興以來、國家便宜行事、及鼂錯仲舒等所言、請施行之。上任用焉。若陛下能自得師、則莫若近取諸贊。此段勸勉

仁宗聽信之意、最爲婉切。夫六經三史、史記、及兩漢書爲三史。諸子百家、非無可觀、皆足爲治。但

聖言六經。幽遠、末學好支離、譬如山海之崇深、難以一二而推擇。如贊之

論、開卷了然。聚古今之精英、實治亂之龜鑑。以經史諸子形出奏議、深明宣公之論、便于觀覽推行。臣

等欲取其奏議、稍加校正、繕寫進呈。願陛下置之坐隅、如見贊面、反



覆熟讀、如與贅言。必能發聖性之高明、成治功於歲月。直寫乞校正進御之意。臣等不勝區區之意、取進止。

東坡說宣公、便學宣公文章。諷勸鼓舞、激揚動人。宣公當時不見知于德宗、庶幾今日受知于陛下、與其觀六經諸子之崇深、不如讀宣公奏議之切當、尤使人主有欣然嚮往、恨不同時之想。

### 前赤壁賦

蘇軾

壬戌元豐四年之秋、七月既望、蘇子與客泛舟、遊於赤壁之下。建安十三年、曹操自江陵追

劉備、備求救于孫權、權將周瑜請兵二萬拒之。瑜部將黃蓋、建議以關艦載荻柴、先以書詐降。時東南風急、蓋以十艦著前、餘船繼進、去二里許、同時火發。火烈風猛、燒盡北船、操軍大

敗、石壁皆赤。赤壁有二、惟蒲圻縣西北烏林、與赤壁相誤也。清風徐來、水波不興。先賦舉對、乃周瑜破曹操處。東坡所遊、則黃州之赤壁、誤也。

酒屬祝客、誦明月之詩、歌窈窕之章。謂明月詩中窈窕一章。少焉、月出於東山之上、

徘徊於斗牛之間。斗牛、二星。○次賦月。○風月是一篇張本。白露橫江、水光接天。寫秋景。二句。縱一葦之

所如、凌萬頃之茫然。一葦、謂小舟也。葦、兼葭之屬。一葦杭之。浩浩乎如馮平、虛御風、而



不知其所止、

列子御風而行、冷然善也。

飄飄乎如遺世獨立、羽化而登仙。

道家飛昇遐舉、謂之羽化。○賦

領受此風此月者、一路都寫樂景。

於是飲酒樂甚、

點出樂字。

扣舷賢、而歌之。

舷、船邊。

歌曰、

桂棹兮蘭

槳、

舟中前推曰槳、後推曰棹。

擊空明兮泝素、流光。

搖槳曰擊、而上曰泝。

月在水中、謂之空明。逆水月光與波俱動、謂之流光。

渺渺

兮予懷、望美人兮天一方。

美人、謂同朝君子。此先生眷眷不忘朝廷之意也。

客有吹洞簫者、

無底者謂洞簫。

依

歌而和之、其聲嗚嗚然、如怨如慕、如泣如訴、餘音嫋嫋、鳥、不絕如縷。

舞幽壑之潛蛟、泣孤舟之嫠婦。

嫠婦、寡婦也。

○忽因吹洞簫發出一段悲歌感慨、

起下愀然意。

蘇子愀然、

然、

正襟危坐、而問客曰、何為其然也。

生出後半篇文字。

客曰、月明星稀、烏鵲南飛、

此非曹孟德之詩乎。

文選、魏武帝短歌曰、月明星稀、烏鵲南飛、遶樹三匝、無枝可依。孟德、曹操字也、是為魏武帝。○先引昔所誦詩。

西望夏

口、東望武昌、

武昌、即鄂州。夏口、在鄂州江夏縣西。

山川相繆、繆、同、鬱乎蒼蒼、此非孟德之困於

周郎者乎。

繆、繞也。周瑜、字公瑾、曹操呼為周郎。○現指今所遭境。

此方其破荊州、

劉琮降。

下江陵、

自江陵至赤壁。

順流而東也、舳

逐、

櫓

千里、

旌旗蔽空、

酺詩、

酒臨江、

橫槊

朔、賦



詩、醴、酌酒也。樂、予屬。曹氏父。一段借曹公發端、其子、鞍馬閒爲文、往往橫槩賦詩。固一世之雄也、而今安在哉。傷心卻在下一段。

況吾與子漁樵於江渚之上、侶魚鰕而友麋鹿、駕一葉之扁篇、舟、小舟曰扁。舟、日舉

匏樽以相屬。祝、○匏樽、酒器之質者。寄蜉蝣於天地、渺滄海之一粟。蜉蝣、小蟲、一名渠略、朝生暮死。○無

有曹公舳艫千里、旌旗蔽空也。哀吾生之須臾、羨長江之無窮。承上而今安在。挾飛仙以遨遊、抱

明月而長終。遐想此事。知不可乎驟得、託遺響於悲風。終無可奈何也、故借此意于悲聲之中。○以上擬客發議、以

抒下蘇子曰、客亦知夫水與月乎。現前指點。逝者如斯、客所而未嘗往也。客所未知。○

此句說水。盈虛者如彼、客所而卒莫消長也。客所未知。○此句說月。蓋將自其變者而觀之、

則天地曾不能以一瞬。○瞬、目搖也。○客所知。自其不變者而觀之、則物與我皆無盡

也、而又何羨乎。客所未知。○羨字應上。○即水月天地以自解、見得天地盈虛消息之理、本無終窮。況眼前境界、自有風月可樂、何事悲感。且夫天

地之間、物各有主。苟非吾之所有、雖一毫而莫取。推開一步。惟江上之清風、

與山間之明月、應前風月。耳得之而爲聲、風。目遇之而成色、月。取之無禁、用

之不竭、是造物者之無盡藏也、而吾與子之所共適。客曰況吾與子、此日而吾與子。一酬一對之間、差

卻境界多少。客喜而笑、客轉悲而喜。洗盞更酌。肴核既盡、杯盤狼藉。籍、籍、籍。相與枕藉、乎

舟中、不知東方之既白。結出人自在。

欲寫受用現前無邊風月、卻借吹洞簫者發出一段悲感、然後痛陳其胸中一片空闊。了悟風月不死、先生不亡也。然

## 後赤壁賦

蘇軾

是歲承上篇。十月之望、步自雪堂、將歸於臨臯。公年四十七、在黃州寓居臨臯亭。就東坡築雪堂、自號東坡居士。堂

以大雪中爲之、故名。○寫不必定遊赤壁。二客從予、過黃泥之坂。黃泥坂、雪堂至臨臯之道也。○寫不必定約某客。霜露既降、

木葉盡脫。賦十人影在地、仰見明月。望。賦自本欲歸、客亦偶從。顧而樂之、行歌相答。

已而歎曰、有客無酒、有酒無肴、月白風清、如此良夜何。仍用風月二字、乃長公一生襟懷。

客曰、今者薄暮、薄、迫也。迫晚日薄暮。舉網得魚、巨口細鱗、狀如松江之鱸、

顧安所得酒乎。客創逸興。歸而謀諸婦、婦曰、我有斗酒、藏之久矣。以待子



不時之需。婦更奏趣。於是攜酒與魚、復遊於赤壁之下。泛舟復遊。○敘出復遊之端、最有頭緒。江流

有聲、斷岸千尺、山高月小、水落石出。狀景寫情、字字若畫。曾日月之幾何、而江山

不可復識矣。感慨多。予乃攝衣而上、舍舟登岸。履巉巖、巉巖、高也。披蒙茸、戎、○披、開也。蒙茸、

草卉叢生也。踞虎豹、石類虎豹之狀者、踞而坐之。登虬龍、草木有類虬龍者、登而援之。攀栖鵲之危巢、鵲、鷹屬、夜則宿于危巢、

吾仰而欲攀之。俯馮夷之幽宮、馮夷、水神。息于深淵之幽宮、吾俯而欲窺之。蓋二客不能從焉。上六句、又添此一句、

寫盡崎嶇險仄。劃然長嘯、嘯、蹙口出聲、以舒憤懣之氣。草木震動、山鳴谷應、風起水湧。寫出蕭瑟景況。

予亦悄然而悲、肅然而恐、凜乎其不可留也。先生至此、亦不能不知難而退也。反而登舟、

舍岸登舟。放乎中流、聽其所止而休焉。賦出人在。時夜將半、四顧寂寥。適有孤

鶴、橫江東來。翅如車輪、玄裳縞衣、戛然長鳴、掠予舟而西也。空中著想。

須臾客去、予亦就睡。舍舟登岸。夢一道士、羽衣蹁躚、過臨臯之下。揖予而

言曰、赤壁之遊樂乎。應樂字。問其姓名、俛而不答。嗚呼噫嘻、我知之



矣。疇昔之夜、飛鳴而過我者、非子也耶。道士顧笑、予亦驚寤。借鶴與道士、

寄寫曠達胸次。開戶視之、不見其處。豈惟無鶴無道士、并無魚、并無酒、并無客、并無赤壁、只有一片光明空闊。

前篇寫實情實景、從樂字領出歌來。此篇作幻境幻想、從樂字領出數來。一路奇情逸致、相逼而出。與前賦同一機軸、而無一筆相似。讀此兩賦、勝讀南華一部。

### 三槐堂銘

蘇軾

天可必乎、賢者不必貴、仁者不必壽。天不可必乎、仁者必有後。二者

將安取衷哉。入手便作疑詞、文勢曲折。

吾聞之申包胥楚人曰、人定者勝天、天定亦能勝

人。引證。世之論天者、皆不待其定而求之、故以天爲茫茫。善者以怠、惡

者以肆。盜跖之壽、孔顏之厄、此皆天之未定者也。判斷極得。松柏生於山林、

其始也、困於蓬蒿、厄於牛羊、而其終也、貫四時、閱千歲而不改者、

其天定也。即物以驗之。善惡之報、至於子孫、則其定也久矣。不必待其已報而後定。吾以所見

所聞考之、而其可必也審矣。此句便是入題筆勢。國之將興、暗指宋。必有世德之臣、厚施



而不食其報、

暗指晉國。

然後其子孫能與守文太平之主共天下之福。

暗指魏國。先虛虛說起。

故兵部侍郎晉國王公、

王祐。

顯於漢周之際、歷事太祖太宗、文武忠孝、厚施。

天下望以爲相、而公卒以直道不容於時。

不食其報。

蓋嘗手植三槐於庭、曰、

吾子孫必有爲三公者。

未定之天。

已而其子魏國文正公、旺。相真宗皇帝於景德

祥符

俱年號。

之間、

既定之天。

朝廷清明、天下無事之時、享其福祿榮名者十有八

年。

與守文太平之主共天下之福。

今夫寓物於人、明日而取之、有得有否。跌宕。而晉公修德

於身、責報於天、取必於數十年之後、如持左契、交手相付、吾是以知

天之果可必也。

前言其可必也審矣、此言天之果可必也、是決詞、以應天可必乎之說。轉盼有情。

正吾不及見魏公、而見其

子懿敏公、

王素。○寫世德子孫、故又添出一世。

以直諫事仁宗皇帝、出入侍從將帥三十餘年、

位不滿其德。天將復興王氏也歟、何其子孫之多賢也。

此言王氏之得天未已。意思唱歎不盡。

有以晉公比李栖筠

唐云。○者、

請李栖筠作陪。

其雄才直氣、真不相上下。且說而栖筠

之子吉甫、其孫德裕、功名富貴、略與王氏等。且說而忠恕仁厚、不及魏

公父子。

請李栖筠、乃只爲此句也。

由此觀之、王氏之福、蓋未艾也。

此又借一相近人出色一番。

懿敏公

之子鞏

拱

與吾遊、

又添出一世。

好德而文、

以世其家、

吾是以錄之。

收結勁健。

銘曰、

嗚呼休哉。

魏公之業、

與槐俱萌、

封植之勤、

必世乃成。

既相真宗、

四

方砥平、

歸視其家、

槐陰滿庭。

吾儕小人、

朝不及夕、

相時射利、

皇卹

厥德。

庶幾僥倖、

不種而穫、

不有君子、

其何能國。

王城之東、

晉公所

廬、

鬱鬱三槐、

惟德之符。

嗚呼休哉。

銘意言種槐卽是種德。

起手以可必不可必兩設疑局、作詰問體。次乃說出有未定之天、有一定之天、歷世數來、乃見人事既盡、然後可以取必於天心。此長公作銘微意。王氏勲業、與槐俱

萌、實與此文而俱承。

## 方山子傳

蘇軾

方山子、光黃間隱人也。

一句伏案。

少時慕朱家郭解

俱漢時游俠。

爲人、閭里之俠皆



宗之。

好俠是一篇之綱。

稍壯、折節讀書、欲以此馳騁當世、

仍是

然終不遇。

總是豪俠氣概、伏

下使酒好劍輕財一段。

晚乃遜於光黃間曰岐亭、

伏岐亭相見。

庵居蔬食、不與世相聞。棄車馬、

毀冠服、徒步往來、山中人莫識也。

伏山中人。

見其所著帽方聳而高、曰此豈

古方山冠之遺像乎、因謂之方山子。

後漢書、方山冠似進賢冠、以五采蔽爲之。

○方山子、是想像得名。

余謫居於

黃、

謫黃州監稅。

過岐亭、適見焉。

曰、嗚呼、此吾故人陳慥季常也、

姓名字、並點出。

何爲

而在此。

驚怪之詞。

方山子亦矍

覺。

然問余所以至此者、

緊接妙、真似一時適見光景。

余告之故。

告以謫居之故。

俯而不答、仰而笑。

逼真隱士行徑。

呼余宿其家、環堵蕭然、而妻子奴婢、

皆有自得之意。

描寫隱居之樂、刻畫入情。

余既聳然異之。

一頓、便作波瀾。

獨念方山子少時使酒

好劍、用財如糞土。

追敘其俠。

前十九年、余在岐山、見方山子從兩騎挾二矢

遊西山、鵲起於前、使騎逐而射之、不獲、方山子怒馬獨出、一發得之。

游俠之態如畫。

因與余馬上論用兵、及古今成敗、自謂一時豪士。

得此一轉、更見悲壯。

今幾

日耳、精悍之色、猶見於眉閒、而豈山中之人哉。應前山中之人喚起有得意。然方山子世

有勳閥、伐、當得官、使從事於其間、今已顯聞。一跌。而其家在洛陽、園宅

壯麗、與公侯等。河北有田、歲得帛千匹、亦足以富樂。二跌。皆棄不取、

獨來窮山中、此豈無得而然哉。掉轉自得意句。有聲響。余聞光黃閒多異人、往往佯狂

垢汙、不可得而見、方山子儻見之歟。作不凡語、餘波宕漾。

前幅自其少而壯而晚、一一順敘出來。中間獨念方山子一轉、由後追前、寫得十分豪縱、並不見與前重複、筆墨高絕。未言舍富貴而甘隱遁、爲有得而然、乃可稱爲真隱人。

## 六國論

蘇轍

嘗讀六國世家、史記、六國俱有世家。竊怪天下之諸侯、以五倍之地、十倍之衆、發

憤西向、以攻山西千里之秦、而不免於滅亡。先怪六國滅亡。常爲之深思遠慮、

以爲必有可以自安之計。次爲六國代計。蓋未嘗不咎其當時之士、慮患之疎、而

見利之淺、且不知天下之勢也。次咎當時策士、不知天下之勢。下乃發議。夫秦之所與諸侯爭天下



者、不在齊楚燕趙也、而在韓魏之郊。諸侯之所與秦爭天下者、不在齊

楚燕趙也、而在韓魏之野。秦之有韓魏、譬如人之有腹心之疾也。韓魏

塞秦之衝、而蔽山東之諸侯、故夫天下之所重者、莫如韓魏也。此言韓魏為六國蔽

障、為秦咽喉、深明天下大勢。昔者范雎用於秦而收韓、商鞅用於秦而收魏、收者、使之附秦也。昭王

未得韓魏之心、而出兵以攻秦之剛壽、而范雎以為憂、一一反更然則秦之所

忌者可見矣。引證以明己說之有據。秦之用兵於燕趙、秦之危事也。越韓過魏、而攻人

之國都、燕趙拒之於前、而韓魏乘之於後、此危道也。而秦之攻燕趙、

未嘗有韓魏之憂、八句、只是一句。則韓魏之附秦故也。夫韓魏諸侯之障、而使秦

人得出入於其閒、此豈知天下之勢耶。此切責韓魏。委區區之韓魏、以當強虎狼

之秦、彼安得不折而入於秦哉。韓魏折而入於秦、然後秦人得通其兵於

東諸侯、而使天下徧受其禍。此切責東諸侯。夫韓魏不能獨當秦、而天下之諸侯、

藉之以蔽其西、故莫如厚韓親魏以擯秦。

通篇結穴。下只一意、轉折而盡。

秦人不敢逾韓魏

以窺齊楚燕趙之國、

轉一

而齊楚燕趙之國、因得以自完於其閒矣。

轉二

以四

無事之國、佐當寇之韓魏、

轉三

使韓魏無東顧之憂、而爲天下出身以當秦

兵。

轉四

以二國委秦、而四國休息於內、以陰助其急、

轉五

若此可以應夫無

窮、彼秦者將何爲哉。

此段深著自安之計在知天下之勢。

不知出此、而乃貪疆場尺寸之利、

背盟敗約、以自相屠滅。秦兵未出、而天下諸侯已自困矣。至於秦人得

伺其隙、以取其國、可不悲哉。

感歎作結、遺恨千古。

是論只在不知天下之勢一句。蘇秦之說六國、意正如此。當時六國之策、萬萬無出于親韓魏者。計不出此、而自相屠滅。六國之愚、何至于斯。讀之可發一笑。

## 上樞密韓太尉書

蘇轍

太尉執事、轍生好爲文、思之至深。以爲文者、氣之所形、然文不可以

學而能、氣可以養而致。

以養氣冒起一篇大意。

孟子曰、我善養吾浩然之氣。今觀其



文章、寬厚宏博、充乎天地之間、稱其氣之小大。一。證。太史公遷司馬行天下、

周覽四海名山大川、與燕趙間豪俊交遊、故其文疎蕩、頗有奇氣。二。證。此

二子者、豈嘗執筆學爲如此之文哉。三。證。其氣充乎其中、而溢乎其貌、動

乎其言、而見乎其文、而不自知也。申明文爲氣之所形。非親嘗者不能道此。轍生年十有九矣、

其居家所與遊者、不過其鄰里鄉黨之人、一。所見不過數百里之間、無高

山大野、可登覽以自廣、二。百氏之書、雖無所不讀、然皆古人之陳迹、

不足以激發其志氣。三。恐遂汨骨、沒、故決然捨去、求天下奇聞壯觀、以

知天地之廣大。虛提以起下四段。過秦漢之故都、恣觀終南嵩華之高、一。北顧黃河

之奔流、慨然想見古之豪傑。二。至京師仰觀天子宮闕之壯、與倉廩府庫

城池苑囿之富且大也、而後知天下之巨麗。三。○本欲說見太尉、卻自嵩華、黃河、京師、許多奇聞壯觀說來、文勢浩瀚。

見翰林歐陽公、修。歐陽聽其議論之宏辨、觀其容貌之秀偉、與其門人賢士大

夫遊、而後知天下之文章聚乎此也。四。○又引一歐陽公、陪起太尉、妙。太尉以才略冠天下、

轉接無痕。

天下之所恃以無憂、四夷之所憚以不敢發、入則周公召公、出則方

叔召虎、

皆周宣一時人。

而轍也未之見焉。

一句挽上起下。

且夫人之學也、不志其大、雖

多而何爲。

開宕。

轍之來也、於山見終南、嵩華之高、於水見黃河之大且深、

於人見歐陽公、而猶以爲未見太尉也。

一齊收捲勢如破竹。

故願得觀賢人之光耀、聞

一言以自壯、然後可以盡天下之大觀、而無憾者矣。

應奇聞壯觀結東、筆力千鈞。

轍年少、

未能通習吏事。嚮之來、非有取於斗升之祿、偶然得之、非其所樂。

又自明志氣。

然幸得賜歸待選、使得優游數年之間、將以益治其文、且學爲政。太尉

苟以爲可教而辱教之、又幸矣。

住意洒然。

意只是欲求見太尉、以盡天下之大觀、以激發其志氣、卻以得見歐陽公、引起求見太尉。以歷見各山大川京華人物、引起得見歐陽公。以作文養氣、引起歷見各山大

川京華人物、注意在此、而立言在彼、絕妙奇文。



# 黃州快哉亭記

蘇轍

江出西陵、

西陵、卽黃州地。

始得平地。

其流奔放肆大、南合湘沅、原北合漢沔、

勉、○湘、沅、二水名。漢水出爲漢、東南流爲沔、至漢中東行爲漢沔。

其勢益張、至於赤壁之下、波流浸灌、與海

相若。以亭覽觀江流、故從江敘起。

清河張君夢得、謫居齊安、

齊安、黃州。

卽其廬之西南爲亭、

以覽觀江流之勝、

點亭字。

而余兄子瞻名之曰快哉。倒出快哉。

蓋亭之所見、南北百

里、東西一合、濤瀾洶湧、風雲開闔。晝則舟楫出沒於其前、夜則魚龍

悲嘯於其下、變化倏忽、動心駭目、不可久視。今乃得玩之几席之上、

舉目而足。西望武昌諸山、岡陵起伏、草木行、杭列、烟消日出、漁夫樵

父之舍、皆可指數、上聲此其所以爲快哉者也。一段寫當日所見以爲快。

至於長洲之濱、

故城之墟、曹孟德孫仲謀之所睥睨、睥、詰周瑜陸遜之所馳騖、其風流遺

跡、亦足以稱快世俗。

曹操、字孟德。破曹操赤壁下。

孫權、字仲謀。陸遜、亦權將。

睥睨、褻視貌。周瑜、權將、嘗振旅過武昌、權以御

蓋覆遜。出入直騁曰馳、亂馳曰驚。○一段弔往古之事以爲快。昔楚襄王從宋玉景差騷於蘭臺之宮、有風颯聲、

然至者、王披襟當之、曰、快哉此風、寡人所與庶人共者耶。宋玉曰、

此獨大王之雄風耳、庶人安得共之。玉之言、蓋有諷焉。夫風無雄雌之

異、而人有遇不遇之變。楚王之所以爲樂、與庶人之所以爲憂、此則人

之變也、而風何與焉。因快哉二字、發此一段論端、尋說到張夢得身上、若斷若續、無限烟波。士生於世、使其其中不

自得、將何往而非病。使其中坦然不以物傷性、將何適而非快。快字從其中看出、

纔起得張君謫居之快來。今張君不以謫爲患、收會膾、稽、計、會、計、指、簿、書、錢、穀、言。之餘、而自放山水

之間、此其中宜有以過人者。與上兩其將蓬戶甕牖、無所不快、蓬戶、編蓬爲戶也。甕牖、

以破甕口爲牖也。○翻跌。而況乎濯長江之清流、挹西山之白雲、窮耳目之勝以自適也

哉。緊收、正寫快哉。何等酣暢。不然、連山絕壑、長林古木、振之以清風、照之以明月、

此皆騷人思士之所以悲傷憔悴而不能勝升、者、烏睹其爲快也。反結、更有餘味。



前幅握定快哉二字洗發、後幅俱從請居中生意、文勢汪洋、筆力雄壯。讀之令人心胸曠達、寵辱都忘。

# 寄歐陽舍人書

曾鞏

去秋人還、蒙賜書、及所撰先大父墓碑銘、反覆觀誦、感與慚并。夫銘

誌之著於世、義近於史、而亦有與史異者。三句、是一篇綱領。蓋史之於善惡無所

不書、而銘者、蓋古之人有功德材行志義之美者、懼後世之不知、則必

銘而見之。或納於廟、或存於墓、一也。古之銘誌必勒之石。或留于家廟、或置之墓前、其義一也。苟其人

之惡、則於銘乎何有、此其所以與史異也。史兼載善惡、銘獨記善、所以異也。○此段申明與史異句。其辭

之作、所以使死者無有所憾、生者得致其嚴。嚴、敬也。而善人喜於見傳、則

勇於自立、惡人無有所紀、則以媿而懼。至於通材達識、義烈節士、嘉

言善狀、皆見於篇、則足爲後法。警勸之道、非近乎史、其將安近。此段申明義近

好史及世之衰、人之子孫者、一欲褒揚其親、而不本乎理。故雖惡人、皆

務勒銘以誇後世。立言者、既莫之拒而不爲、又以其子孫之請也、書其

惡焉、則人情之所不得、於是乎銘始不實。

此段言衰世銘不得實、起下段當觀其人意。

後之作銘者、

當觀其人。

銘以人重、此句爲通篇關鍵。

苟託之非人、則書之非公與是、

徇私則不公。惑理則失是。

則不足

以行世而傳後。故千百年來、公卿大夫、至於里巷之士、莫不有銘、而

傳者蓋少、其故非他、託之非人、書之非公與是故也。

又從觀其人翻出公與是一語。見今世之銘、併

其義之近于史者、亦失之矣。

然則孰爲其人、而能盡公與是歟、非畜道德而能文章者、無

以爲也。

此一轉、徐徐引入歐公身上來。

蓋有道德者之於惡人、則不受而銘之、

公。於衆人、

則能辨焉。

是。

而人之行、有情善而迹非、有意奸而外淑、有善惡相懸而

不可以實指、有實大於名、有名侈於實、

辨之甚難。

猶之用人、非畜道德者、

惡能辨之不惑、

而公。

○此以見必畜道德者、而後可以爲。

議之不徇、則公且是矣。

從道德側到文章。

而其辭之不工、則世猶不傳、於是又在其文章兼勝焉。

此以見必畜道德而能文



章者、而後可以爲。

故曰非畜道德而能文章者、無以爲也、豈非然哉。

此段申明能盡公與是、必待畜道

德而能文章者、便可直入歐公。

下然畜道德而能文章者、雖或並世而有、亦或數十年、或一

二百年而有之、其傳之難如此、其遇之難又如此。

可直入歐公矣、偏又作此一頓、文更曲折。

若先

生之道德文章、固所謂數百年而有者也。

千里來龍、至此結穴。

先祖之言行卓卓、幸遇

而得銘其公與是、其傳世行後無疑也。

挽上略頓。

而世之學者、每觀傳記所書

古人之事、至於所可感、則往往盡聲、入然不知涕之流落也、

盡、傷痛也。○波蕩。

況

其子孫也哉、況輦也哉。

收轉、感慨嗚咽。

其追晞

希、祖德、晞、明不明之際也。

而思所以傳之

之由、則知先生推一賜於輦、而及其三世、其感與報、宜若何而圖之。

卽感恩圖報意頓住、下乃發出絕大抑。正是銘與史異用而同功。

抑又思若輦之淺薄滯拙、而先生進之、先祖之

屯蹶否塞以死、而先生顯之、則世之魁閎豪傑不世出之士、其誰不願進

於門、潛遁幽抑之士、其誰不有望於世。善誰不爲、而惡誰不媿以懼。

遙應前段警勸之道。

爲人之父祖者、孰不欲教其子孫、爲人之子孫者、孰不欲寵榮

其父祖。

此數美者、一歸於先生。

銘一人而天下之爲父祖子孫者、皆知所警勸、其爲美更多于作史者。數美歸于先生一語、極爲推重歐

公。若徒爲己之祖父作感激、是猶一人之私耳。

既拜賜之辱、且敢進其所以然。

所以感歐公者。

所論世族之

次、敢不承教而加詳焉。

承歐公來書之教而加詳。

愧甚不宣。

并結出自慚意。

子固感歐公銘其祖父、寄書致謝、多推重歐公之辭。然因銘祖父而推重歐公、則推重歐公、正是歸美祖父。至其文紆徐百折、轉入幽深、在南豐集中、應推爲第一。

## 贈黎安二生序

曾鞏

趙郡蘇軾、予之同年友也。

提蘇軾說入。

自蜀以書至京師遺予、稱蜀之士曰黎生

安生者。

點出二生。

既而黎生攜其文數十萬言、安生攜其文亦數千言、辱以顧

予。讀其文、誠閎壯雋偉、善反覆馳騁、窮盡事理、而其材力之放縱、

若不可極者也。

敘出二生之文。

二生固可謂魁奇特起之士、而蘇君固可謂善知人

者也。

住。總頓。

頃之、黎生補江陵府司法參軍、將行、請予言以爲贈。予曰、



予之知生、既得之於心矣、乃將以言相求於外邪。

通篇意在勉二生以行道、不當但求爲文詞。

黎生

曰、生與安生之學於斯文、

插入安生、妙。

里之人皆笑以爲迂闊、今求子之言、蓋

將解惑於里人。

因迂闊解惑二句、生出下兩段文字。

予聞之、自顧而笑。夫世之迂闊、孰有甚

於予乎。

自負不

知信乎古、而不知合乎世、知志乎道、而不知同乎俗、此

予所以困於今而不自知也。

迂闊至此。

世之迂闊、孰有甚於予乎。

疊一句、

今生

之迂、特以文不近俗、迂之小者耳、患爲笑於里之人。若予之迂大矣、

使生持吾言而歸、且重得罪、庸詎止於笑乎。

一段答他笑以爲迂闊句。

然則若予之於

生、將何言哉。謂予之迂爲善、則其患若此。謂爲不善、則有以合乎世、

必違乎古、有以同乎俗、必離乎道矣。

應前錯落有致。

生其無急於解里人之惑、

則於是焉必能擇而取之。

一段答他解惑于里人句。

遂書以贈二生、并示蘇君以爲何如

也。

照起作結。

文之近俗者、必非文也。故里人皆笑、則其文必佳。子固借迂闊二字、曲曲引二生入道。讀之覺文章聲氣、去聖賢名教不遠。

## 讀孟嘗君傳

王安石

世皆稱孟嘗君能得士、士以故歸之、而卒賴其力、以脫於虎豹之秦。秦昭

王孟嘗君、欲殺之。孟嘗君使人抵昭王幸姬求解。幸姬曰、妾願得君狐白裘。此時孟嘗君有一狐白裘、入秦、獻之昭王。客有能為狗盜者、乃夜為狗、以入秦宮藏中、取所獻狐白裘、以獻幸姬。

幸姬為言昭王、釋孟嘗君。孟嘗君得出、即馳去。夜半、至函谷關。昭王後悔出孟嘗君、求之、已去、即使人馳傳追之。孟嘗君至關、關法雞鳴而出客、孟嘗君恐追至。客有能為雞鳴、而雞盡鳴、

遂得出。立案。嗟乎、孟嘗君特雞鳴狗盜之雄耳、豈足以言得士。陡然一不然、擅

齊之強、得一士焉、宜可以南面而制秦、尚取雞鳴狗盜之力哉。駁得雞鳴

狗盜之出其門、此士之所以不至也。斷得盡。○疾轉疾收、字字警策。

文不滿百字、而抑揚吞吐、曲盡其妙。

## 同學一首別子固

王安石

江之南有賢人焉、字子固、非今所謂賢人者、予慕而友之。淮之南有賢



人焉、字正之、非今所謂賢人者、予慕而友之。兩非今所謂賢人者、見其俱二以古處自期也。○分提。

賢人者、足未嘗相過也、口未嘗相語也、辭幣未嘗相接也、其師若友、

豈盡同哉。先翻同字。予考其言行、其不相似者何其少也、曰學聖人而已矣。

次點學字。學聖人、則其師若友、必學聖人者、聖人之言行、豈有二哉、其相

似也適然。接上相似總點同學。○合寫。予在淮南、爲正之道子固、正之不予疑也。還江

南、爲子固道正之、子固亦以爲然。空中立說、句法變換、自成雋永。予又知所謂賢人者、既

相似又相信不疑也。醒發同學二字、先後綴映、百倍精神。子固作懷友一首遺予、其大略欲相

扳以至乎中庸而後已。正之蓋亦嘗云爾。此處微分主客、是文家點題法。夫安驅徐行、轡

中庸之庭、而造於其室、轡、車踐也。舍二賢人者而誰哉。寫出兩人階級。到底只用合發。予昔非敢

自必其有至也、亦願從事於左右焉爾、輔而進之其可也。插入自噫、官有

守、私有繫、會合不可以常也。結出別意。每每若此、同學兄弟、言之慨然。作同學一首別子固、以

相警、且相慰云。正文只此二語。

別子固而以正之陪說、交互映發、錯落參差。至其筆情高寄、淡而彌遠、自令人尋味無窮。

## 遊褒禪山記

王安石

褒褒、禪山亦謂之華山、唐浮圖慧褒浮圖、僧也。始舍於其址、而卒葬之、以故其

後名之曰褒禪。今所謂慧空禪院者、褒之廬冢也。敘出所由名。距其院東五里、所

謂華山洞者、以其乃華山之陽名之也。通篇借遊華山洞發揮、故先點出洞名。距洞百餘步、有碑

仆道、伏篇末案。其文漫滅、獨其爲文猶可識曰花山、今言華如華實之華者、蓋

音謬也。開文生趣。其下平曠、有泉側出、而記遊者甚衆、所謂前洞也。點前洞、是實。

由山以上五六里、有穴窈然、入之甚寒、問其深、則其好遊者不能窮也、

謂之後洞。點出後洞、是主。予與四人擁火以入、入之愈深、其進愈難、而其見愈

奇。隱下正旨。在內。有怠而欲出者、曰、不出火且盡、遂與之俱出。已上敘遊事、筆筆伏後議論。



蓋予所至、比好遊者尙不能十一、然視其左右、來而記之者已少、蓋其

又深、則其至又加少矣。

借此以喻學之深造。

方是時、予之力尙足以入、火尙足以

明也。

頓宕。

既其出、則或咎其欲出者、而予亦悔其隨之、而不得極乎遊之

樂也。

歸結在此一句。

於是予有歎焉。古人之觀於天地山川、草木蟲魚鳥獸、往

往有得。以其求思之深、而無不在也。

文情開拓。

夫夷以近、則遊者衆。

應前洞。

以遠、則至者少。

應後洞。

而世之奇偉瑰怪非常之觀、常在於險遠、而人之所

罕至焉、故非有志者不能至也。

接入主意。

有志矣、不隨以止也、然力不足者、

亦不能至也。

翻跌盡致、亦有曲折遞下。

有志與力、而又不隨以怠、至於幽暗昏惑、而無

物以相之、亦不能至也。

挽上擁火句。

然力足以至焉、於人爲可譏、

應咎其欲出句。

而在

己爲有悔。

應悔其隨之句。

盡吾志也、而不能至者、可以無悔矣、其孰能譏之乎、

此予之所得也。

無悔與譏、俱是論學。

便是有得、真論學名言。○一路俱是論遊、按之卻古人詣力到時、頭頭是道。川上山梁、同一趣也。

予於仆

碑、應篇首。又有悲夫古書之不存、後世之謬其傳而莫能名者、何可勝道也哉。

無限感慨。

此所以學者不可以不深思而慎取之也。

直至此、方點明學者、記意寓體、收拾已盡。

四人者、

廬陵蕭君主君玉、長樂王回深父、予弟安國平父、安上純父。

點四人結。

借遊華山洞、發揮學道。或敘事、或詮解、或墓寫、或道故、意之所至、筆亦隨之。逸興滿眼、餘音不絕。可謂極文章之樂。

### 泰州海陵縣主簿許君墓誌銘

王安石

君諱平、字秉之、姓許氏、余嘗譜其世家、所謂今泰州海陵縣主簿者也。

點得有致。

君既與兄元相友愛稱天下、而自少卓犖不羈、善辯說、與其兄俱以

智略爲當世大人所器。

略。寶元仁宗年時。

朝廷開方略之選、以招天下異能

之士、而陝西大帥范文正公鄭文肅公爭以君所爲書以薦、於是得召試、

爲太廟齋郎、已而選泰州海陵縣主簿。

長才屈于下位者、不堪展讀。

貴人多薦君有大才、

可試以事、不宜棄之州縣。君亦嘗慨然自許、欲有所爲。然終不得一用



其智能以卒。噫、其可哀也已。一句斷。下發議。士固有離世異俗、獨行其意、罵

譏笑侮、困辱而不悔、彼皆無衆人之求、而有所待於後世者也、其齟

齬語、謂不遇也。此是若夫智謀功名之士、窺時俯仰、以赴勢利

之會、而輒不遇者、乃亦不可勝數。似說許、又辯足以移萬物、而窮於用

說稅、之時、謀足以奪三軍、而辱於右武之國、此又何說哉。韓非王說而發憤于韓王、李廣善

戰而終詘于漢武、千古恨事不少。嗟乎、彼有所待而不悔者、其知之矣。收上、妙君年五十九、

以嘉祐仁宗年某年某月某甲子、葬真州之楊子縣甘露鄉某所之原。夫人

李氏。子男瓌、規、不仕。璋、真州司戶參軍。琦、太廟齋郎。琳、進士。女

子五人、已嫁二人、進士周奉先、泰州泰興令陶舜元。銘曰。有拔而起之、

莫擠而止之。指范鄭嗚呼許君、而已於斯。誰或使之。感慨不盡。

起手敘事、以後痛寫淋漓、無限悲涼。總是說許君才當大用、不宜以泰州海陵縣主簿終、此作銘之旨也。文情若疑若信、若近若遠、令人莫測。

# 古文觀止卷之十二

## 送天台陳庭學序

宋 濂

西南山水、惟川蜀最奇。

提一句、作一篇之冒。

然去中州萬里、陸有劍閣棧

殘上聲。

道之

險、

難一。

水有瞿唐灘

衍、

瀕

預、

之虞。

難二。

跨馬行、則竹間山高者、累旬日不見

其巔際、臨上而俯視、絕壑萬仞、杳莫測其所窮、肝膽爲之掉

超上聲。

栗。

陸行之難。

水行則江石悍利、

波惡渦

窩、

詭、舟一失勢尺寸、輒糜碎土沉、下

鮑魚鼈。

水行之難。

其難至如此。

總鎖一筆。

故非仕有力者、不可以遊、非材有文

者、縱遊無所得、非壯彊者、多老死於其地、

極言遊歷之難、句句伏下案。

嗜奇之士恨焉。

應奇字、頓住。

天台陳君庭學、

能爲詩、

材有文。

由中書左司掾、

硯、○掾、官屬。

屢從大將北

征、有勞、擢四川都指揮司照磨、

仕有

由水道至成都。成都、川蜀之要地、



揚子雲司馬相如諸葛武侯皆成都人之所居、英雄俊傑戰攻駐守之迹、詩人文

士、遊眺飲射、賦詠歌呼之所、述成都人物形勝、思致勃勃。庭學無不歷覽。無處不遊。既覽必

發爲詩、以紀其景物時世之變、遊有所得。於是其詩益工。挽能爲詩一筆、道緊。越三年、

以例自免歸。壯疆不老死。會予於京師、其氣愈充、其語愈壯、其志意愈高、蓋

得於山水之助者侈矣。山水一應。予甚自愧、方予少時、嘗有志於出遊天下、

顧以學未成而不暇。非材有文。及年壯可出、而四方兵起、無所投足。非仕有逮力。

今聖主興而宇內定、極海之際、合爲一家、而予齒益加耄矣。非壯欲如庭疆。

學之遊、尙可得乎。收轉庭學一句、下又推開。然吾聞古之賢士、若顏回、原憲、皆坐

守陋室、蓬蒿沒戶、而志意常充然、有若囊括於天地者、此其故何也、

得無有出於山水之外者乎。勘進一層、山水再應。庭學其試歸而求焉、苟有所得、則以

告予、予將不一愧而已也。應愧字結。

先敘遊蜀之難、引起庭學之能遊、是正文。繼敘己之不能遊、與前作反襯。末更推進一步。起伏應合、如峯迴路轉、真神明變化之筆。

## 閱江樓記

宋 濂

金陵爲帝王之州、

金陵卽江南江甯府。

自六朝迄於南唐、類皆偏據一方、無以應山川

之王氣。

六朝、謂東晉宋齊梁陳也。五代時、徐知誥號爲南唐。

逮我皇帝、定鼎於茲、始足以當之。由是

聲教所暨、罔間朔南、

暨、及也。朔南、朔北與極南之地也。禹貢、朔南暨聲教、訖于四海。

存神穆清、與天同體、

雖一豫一遊、亦可爲天下後世法。

二句是立言本旨。

京城之西北、有獅子山、自盧

龍蜿蜒而來、長江如虹貫、蟠遶其下。

盧龍、山名。蜿蜒、龍屈伸貌。虹、蟠踞也。

上以其地雄勝、

詔建樓於巔。

先點作樓。

與民同遊觀之樂、遂錫嘉名爲閱江云。

次點樓名。○已上敘事、下發論。

登覽之頃、萬象森列、千載之祕、一旦軒露、豈非天造地設、以俟夫一

統之君、而開千萬世之偉觀者歟。

登高一呼、氣勢雄闊。

當風日清美、法駕幸臨、升其

崇椒、凭

平。

闌遙矚、

矚、竹、

○山巔曰椒。視之甚也。

必悠然而動遐思。

一思字、生下見江漢之許多思字。

見江漢之



朝宗、諸侯之述職、城池之高深、關阨之嚴固、諸侯春見天子曰朝、夏見曰宗。小雅、沔彼流水、朝宗于海。言

流水亦知所向也。必曰、此朕櫛職風沐雨、戰勝攻取之所致也、中夏之廣、益思有

以保之。一段思有以懷諸侯。見波濤之浩蕩、風帆之上下、番舶自接跡而來庭、蠻

琛丑森切、森聯肩而入貢、船、海中大船。琛、寶也。必曰、此朕德綏威服、覃及內外之所及

也、四陲之遠、益思有以柔之。一段思有以柔遠人。見兩岸之間、四郊之上、耕人

有炙膚均戰均足之煩、農女有捋驚入聲桑行饁葉之勤、戰、足拆凍裂。捋、取也。饁、饋也。必曰、

此朕拔諸水火、而登於衽席者也、萬方之民、益思有以安之。一段思有以子庶民。○從閱

字注一思字。發出三大段議論、體裁宏遠。觸類而思、不一而足。臣知斯樓之建、皇上所以發舒

精神、因物興感、無不寓其致治之思、奚止閱夫長江而已哉。一總、文彼勢開宕。

臨春結綺、起。非不華矣。齊雲落星、臨春、結綺、齊雲、落星、皆古樓名。非不高矣。不過樂管

絃之淫響、藏燕趙之豔姬、不旋踵間而感慨係之、臣不知其爲何說也。

又歎前代所建之樓、以寓箴規意。

雖然、長江發源岷山、岷山、在蜀。委蛇移、七千餘里而入海、白

涌碧翻、六朝之時、往往倚之爲天塹。籤去聲、應篇首。○今則南北一家、視爲安

流、無所事乎戰爭矣。前從閱字上注想、此又從江字上點綴、筆無滲漏。然則果誰之力歟。呼一句、承上起下。

逢掖之士、逢掖、大衣也。儒行、少居魯、衣逢掖之衣。丘有登斯樓而閱斯江者、當思聖德如天、蕩

蕩難名、與神禹疏鑿之功、同一罔極。可謂贊揚之至。忠君報上之心、其有不油

然而與耶。既頌君、又諷臣、意極周匝得體。臣不敏、奉旨撰記。欲上推宵旰幹、圖治之功

者、勒諸貞珉。民、○珉、石之美者。他若留連光景之辭、皆略而不陳、懼褻也。結又補出

此意。何等鄭重。

奉旨撰記、故篇中多規頌之言、而爲莊重之體、真臺閣應制文字。明初朝廷大制作、皆出先生之手、洵堪稱爲一代詞宗。

## 司馬季主論卜

劉基

東陵侯旣廢、過司馬季主而卜焉。邵平爲秦東陵侯、秦破、爲布衣、種瓜。漢時善卜者。季主曰、



君侯何卜也。東陵侯曰、久臥者思起、久蟄者思啓、久滿者思噫。帝、伏○

藏也。滿、煩悶也。噫、鼻塞噴嚏。○三句、喻廢久則思用。

吾聞之、蓄極則洩、悶極則達、熱極則風、壅

極則通。一冬一春、靡屈不伸。一起一伏、無往不復。六句、喻廢極則必用。僕竊有

疑、願受教焉。當復用而終不用、故疑而欲卜。季主曰、若是、則君侯已喻之矣、又何卜爲。

卜以決疑、既已喻之、何待于卜。

東陵侯曰、僕未究其奧也、願先生卒教之。不知之深、雖喻猶疑、何可不卜。

季主乃言曰、嗚呼、天道何親、惟德之親。鬼神何靈、因人而靈。夫蓍、

枯草也。龜、枯骨也、物也。人靈於物者也、何不自聽、而聽於物乎。

泛言不必卜之理。下乃轉入正旨。

且君侯何不思昔者也、有昔者必有今日。昔者、謂見用之日。今日、謂處廢之時。○思

字、與上三思字應。東陵知既廢之當用、而不是故碎瓦頽垣、昔日之歌樓舞館也。

荒榛斷梗、昔日之瓊蕤、玉樹也。露蠶風蟬、昔日之鳳笙龍笛也。鬼燐、

螢火、昔日之金缸華燭也。秋荼春薺、昔日之象白駝峯也。丹楓白荻、

昔日之蜀錦齊紈也。

燐、鬼火。象白、駝峯、皆美味。○六段、由今思昔、現前指點、何等醒快。

昔日之所無、今日有

之不爲過、

暗指昔廢今用者。

昔日之所有、今日無之不爲不足。

暗指昔用今廢者。

是故一晝一

夜、華開者謝。

一春一秋、物故者新。

激湍之下、必有深潭。

高丘之下、

必有浚谷。

句句與東陵之言相對。

君侯亦知之矣、何以卜爲。

應前作收。緊附。

通篇只說得一個循環道理。喚緊喚醒東陵處、全在何不思昔者一句、以下總發明此意。世之人、類多時命之感、讀此可以曉然矣。

## 賣柑者言

劉基

杭有賣果者、善藏柑、涉寒暑不潰。

會、出之燁葉。

然、玉質而金色、剖其

中、乾若敗絮。

需去聲。○金玉其外、敗絮其中、映街外意。

予怪而問之曰、若所市於人者、將以實

籩豆、奉祭祀、供賓客乎、將街外以惑愚瞽乎、甚矣哉爲欺也。

提出欺字作主。通

篇俱從此發論。

賣者笑曰、吾業是有年矣、吾業賴是以食、寺、吾軀。吾售之、人取

之、未聞有言、而獨不足子所乎。世之爲欺者不寡矣、而獨我也乎、吾



子未之思也。

欺世盜名、舉天下皆是。下歷說居官之爲欺者以實之。

今夫佩虎符、坐皋比、者、皋比、虎比也。虎恍

恍乎干城之具也、

果能授孫

贗。

吳

起。之略耶。

武將。

峨大冠、拖長紳者、昂

昂乎廟堂之器也、果能建伊

尹。

皋

陶。之業耶。

文臣欺。○忽發兩段大議論、文臣武將、何處可置面目。

盜起

而不知御、民困而不知救、吏奸而不知禁、法斂而不知理、坐糜廩粟而

不知恥、觀其坐高堂、騎大馬、醉醇醴、而飫

於去聲。

肥鮮者、孰不巍巍乎

可畏、赫赫乎可象也、又何往而不金玉其外、敗絮其中也哉。

承上二段細寫之。借題罵世

之文、得此遂爲酣暢。

今子是之不察、

而以察吾柑。

作反詰語。極冷雋。

予默默無以應。退而思其

言、類東方生滑

骨。

稽之流。

豈其忿世嫉邪者耶、而託於

柑以諷耶。

結出立言之旨。

青田此言、爲世人盜名者發、而借賣柑影喻。滿腔憤世之心、而以痛哭流涕出之。士之金玉其外、而敗絮其中者、聞賣柑之言、亦可以少愧矣。

深慮論

方孝孺

慮天下者、常圖其所難、而忽其所易、備其所可畏、而遺其所不疑。然

而禍常發於所忽之中、而亂常起於不足疑之事。豈其慮之未周與。蓋慮

之所能及者、人事之宜然。而出於智力之所不及者、天道也。從人事側到天

論張本。當秦之世、而滅諸侯、一天下、而其心以爲周之亡、在乎諸侯之彊

耳。變封建而爲郡縣、方以爲兵革可不復用、天子之位、可以世守、人事。

而不知漢帝起隴畝之中、而卒亡秦之社稷。天道。○引秦事一證。漢懲秦之孤立、於是

大建庶孽、而爲諸侯、以爲同姓之親、可以相繼而無變、人事。而七國萌篡弑

之謀。景帝三年、鼂錯患七國強大、請削諸侯郡縣。吳王濞、膠西王卬、膠東王雄渠、菑川王賢、濟南王辟光、楚王戊、趙王遂同舉兵反。○天道。武宣以後、

稍剖析之、而分其勢、以爲無事矣、人事。而王莽卒移漢祚。天道。○引漢事一證。光武之

懲哀平、魏之懲漢、晉之懲魏、各懲其所由亡而爲之備。人事。而其亡也、

蓋出於所備之外。天道。○引東漢、魏、晉一證。唐太宗聞武氏之殺其子孫、求人於疑似之



際而除之、

貞觀二十二年、有傳秘記云、唐三世之後、女主武氏、代有天下。上密問太史令李淳風、秘記所云、信有之乎。對曰、臣仰觀天象、俯察歷數、其人已在陛下宮

中。自今不過三十年、當王天下、殺唐子孫殆盡、其

兆既成矣。上曰、疑似者盡殺之、何如。○人事。

而武氏

則

日侍其左右而不悟。

天道。○引唐

事一證。宋太祖見五代方鎮之足以制其君、盡釋其兵權、使力弱而易

制、而不知子孫卒困於敵國。

天道。○引宋事一證。

此其人

承

皆有出人之智、蓋世

之才、其於治亂存亡之幾、思之詳而備之審矣。慮切於此而禍興於彼、

終至亂亡者何哉。

跌

蓋智可以謀人、而不可以謀天。

總斷一筆。應上天人

二意。開鎖甚緊。

良醫

之子、多死於病、良巫之子、多死於鬼、豈工於活人而拙於謀子也哉、

跌

乃工於謀人而拙於謀天也。

又引醫巫以為不能深慮之喻、尤見醒快。

古之聖人、知天下後世之變、

非智慮之所能周、非法術之所能制、不敢肆其私謀詭計、而唯積至誠用

大德以結乎天心、使天眷其德、若慈母之保赤子而不忍釋。故其子孫、

雖有至愚不肖者足以亡國、而天卒不忍遽亡之、此慮之遠者也。

此段纔說出工于謀



天而能爲深慮者。一篇主意、結穴在此。一夫苟不能自結於天、而欲以區區之智、寵絡當世之務、

而必後世之無危亡、此理之所必無者、而豈天道哉。反掉作結、尤見老法。

天道爲智力之所不及。然盡人事以合天心、卽天亦有可謀處。此文歸到積至誠用大德、正是祈天永命工夫。古今之論天道人事者多、得此乃見透快。

## 豫讓論

方孝孺

士君子立身事主、旣名知己、則當竭盡智謀、忠告善道、銷患於未形、保治於未然、俾身全而主安。生爲名臣、死爲上鬼、垂光百世、照耀簡

策、斯爲美也。

就正意泛論起。

苟遇知己、不能扶危於未亂之先、而乃捐軀殞命

於旣敗之後、釣名沽譽、眩世炫俗、由君子觀之、皆所不取也。

暗貶豫讓一流人。

作一篇之冒。

蓋嘗因而論之。豫讓臣事智伯、及趙襄子殺智伯、讓爲之報讎、

趙襄子、約韓魏大敗智伯軍、遂殺之、盡滅智氏之族。智伯之臣豫讓、欲爲之報讎。

聲名烈烈、雖愚夫愚婦、莫不知其爲忠

臣義士也。

寬一筆。

嗚呼、讓之死固忠矣、惜乎處死之道有未忠者存焉。

二句爲一



篇綱 領。何也、觀其漆身吞炭、謂其友曰、凡吾所爲者極難、將以愧天下後

世之爲人臣而懷二心者也、謂非忠可乎。初、豫讓入襄子宮中、欲刺襄子、被獲、襄子義而舍之。讓又漆身爲癩、吞炭爲啞、

行乞于市。其友曰、以子之才、臣事趙主、必得近幸、子乃爲所欲爲、顧不易耶。讓曰、既已委質爲臣、而又求殺之、是二心也。凡吾所爲者、極難耳、然所以爲此者、將以愧天下後世之爲人

臣懷二心者也。○及觀斬衣三躍、襄子責以不死於中行、杭、氏、而獨死於智

伯、讓應曰、中行氏以衆人待我、我故以衆人報之、智伯以國士待我、

我故以國士報之。卽此而論、讓有餘憾矣。襄子出、豫讓伏于橋下、獲之。襄子曰、子不嘗仕范中行氏乎、智伯滅范

中行氏、而子不爲報讎、反委質仕智伯。智伯已死、子獨何爲報讎之深也。讓曰、范中行氏以衆人遇臣、臣故衆人報之。智伯以國士遇臣、臣故國士報之。襄子使兵環之。讓曰、今日之事、臣

固伏誅、然願請君之衣而擊之、雖死不恨。襄子義之、持衣與讓。讓拔劍三躍、呼天擊之、遂伏劍死。○申處死之道有未忠句。段規之事韓康、任章之

事魏獻、未聞以國士待之也、而規也章也、力勸其主從智伯之請、與之

地以驕其志、而速其亡也。智伯請地于韓康子、康子欲弗與、段規曰、不如與之。彼狂

于患、而待事之變矣。康子乃與之。智伯悅、又求地于魏桓子、桓子以無故欲弗與、任章曰、無故索地、諸大夫必懼。吾與之地、智伯必驕。彼驕而輕敵、此懼而相親、智氏之命、必不長矣。



桓子亦與之。○郟陳、疵之事智伯、亦未嘗以國士待之也、而疵能察韓魏之情請規章作陪客。

以諫智伯、雖不用其言以至滅亡、而疵之智謀忠告、已無愧於心也。智伯帥韓

魏之兵、圍趙城而灌之。郟疵謂智伯曰、夫從韓魏而攻趙、趙亡、難必及韓魏、韓魏必反矣。智伯不聽。襄子陰與韓魏約、夜使人殺守隄之吏、而決水灌智伯軍、遂滅智氏。○又請郟疵作陪客。

○兩段先就他人翻駁國讓既自謂智伯待以國士矣、國士、濟國之士也、注一句、起士二字、而豫讓可見。

當伯請地無厭之日、縱欲荒暴之時、爲讓者、正宜陳力就列、諄諄然而

告之曰、諸侯大夫、各安分地、無相侵奪、古之制也、今無故而取地於

人、人不與、而吾之忿心必生、與之、則吾之驕心以起、忿必爭、爭必

敗、驕必傲、傲必亡。諄切懇至、諫不從、再諫之、再諫不從、三諫之、

三諫不從、移其伏劍之死、死於是日。伯雖頑冥不靈、感其至誠、庶幾

復悟。和韓魏、釋趙圍、保全智宗、守其祭祀、若然、則讓雖死猶生也、

豈不勝於斬衣而死乎。一段代爲豫讓畫策、信手拈來、都成妙理。所謂讓於此時、曾謂扶危于未亂之先、而申國士之報者如此。



無一語開悟主心、視伯之危亡、猶越人視秦人之肥瘠也。袖手旁觀、坐

待成敗、國士之報、曾若是乎。智伯既死、而乃不勝升血氣之悻悻、甘

自附於刺客之流、何足道哉、何足道哉。安有既命爲國士、而旁觀其主縱欲荒暴、不救其亡者乎。如此辨駁、足令九泉心服。

雖然、以國士而論、豫讓固不足以當矣。轉開生面。彼朝爲讎敵、暮爲君臣、

覲天上然而自得者、又讓之罪人也。噫。覲、面目貌。○結處忽與豫讓、無限感慨。

此論責豫讓不能扶危于智氏未亂之先、而徒欲伏劍于智氏既敗之後、獨闢見解、從來未經人道破。通篇主意、只在讓之死固忠矣二句上。先揚後抑、深得春秋褒貶之法。

### 親政篇

王 鑒

易之泰曰、上下交而其志同。其否曰、上下不交而天下無邦。分提。蓋上之

情達於下、下之情達於上、上下一體、所以爲泰。下之情壅闕遇、而不得

上聞、上下閒隔、雖有國而無國矣、所以爲否也。分疏。交則泰、不交則否、

自古皆然、而不交之弊、未有如近世之甚者。雙承、側入時弊。君臣相見、止於視

朝數刻。上下之閒、章奏批答相關接、刑名法度相維持而已。虛文何補。非獨

沿襲故事、亦其地勢使然。二句、推何也、出弊端。國家常朝於奉天門、未嘗一日

廢、可謂勤矣。然堂陛懸絕、威儀赫奕、御史糾儀、鴻臚舉不如法、通

政司引奏、上特視之、謝恩見辭、惴惴而退、上何嘗治一事、下何嘗進

一言哉。上下不交如此。此無他、地勢懸絕、所謂堂上遠於萬里、雖欲言無由言

也。與明目達聰之治異。愚以爲欲上下之交、莫若復古內朝之法。此句爲一篇之綱。蓋周之時有

三朝、庫門之外爲正朝、詢謀大臣在焉。路門之外爲治朝、日視朝在焉。

路門之內曰內朝、亦曰燕朝。玉藻云、君日出而視朝、退適路寢聽政。

玉藻、禮記篇名。蓋視朝而見羣臣、所以正上下之分、聽政而適路寢、所以通遠近

之情。注玉藻四句。一段言周制。漢制大司馬、左右前後將軍、侍中散騎諸吏、爲中朝。

丞相以下至六百石爲外朝。一段言漢制。唐皇城之北南三門曰承天、元正冬至、



受萬國之朝貢、則御焉、蓋古之外朝也。其北曰太極門、其西曰太極殿、

朔望則坐而視朝、蓋古之正朝也。又北曰兩儀殿、常日聽朝而視事、蓋

古之內朝也。

一段言唐制。

宋時常朝則文德殿、五日一起居則垂拱殿、正旦冬至

聖節稱賀則大慶殿、賜宴則紫宸殿或集英殿、試進士則崇政殿、侍從以

下、五日一員上殿、謂之輪對、則必入陳時政利害、內殿引見、亦或賜

坐、或免穿鞵、蓋亦有三朝之遺意焉。

○挽一句、法變一段言宋制。

蓋天有三垣、天子象

之。正朝、象太極也。外朝、象天市也。內朝、象紫微也。自古然矣。

再提三朝之象、閒襯作渡。

國朝聖節、正旦、冬至、大朝會則奉天殿、即古之正朝也。

常日則奉天門、即古之外朝也。而內朝獨缺。然非缺也、

立言本旨、專注內朝、故特筆提清。

華蓋、謹身、武英等殿、豈非內朝之遺制乎。

明初之制、有正朝外朝、而內朝獨缺。乃以臨御武英等殿、證合內朝、

識議俱見精確。

洪武

太祖年

中如宋濂、

劉基、

永樂

成祖年

以來如楊士奇、楊榮等、

日侍左右、大臣蹇義夏元吉等、常奏對便殿。於斯時也、豈有壅隔之患

哉。

一段言明制。

今內朝未復、臨御常朝之後、人臣無復進見、三殿高閼、鮮或

窺焉。故上下之情、壅而不通、天下之弊、由是而積。

上下不交、弊日益甚。

孝宗

年號弘治。

晚年、深有慨於斯、屢召大臣於便殿、講論天下事、方將有爲、而民之無祿、不及覩至治之美、天下至今以爲恨矣。

無限感慨。

惟陛下遠法聖祖、近

法孝宗、盡剗

產。

近世壅隔之弊。

常朝之外、卽文華、武英二殿、倣古內

朝之意。

著緊在此。

大臣三日或五日一次起居、侍從臺諫各一員上殿輪對、諸

司有事咨決、上據所見決之、有難決者、與大臣面議之。不時引見羣臣、

凡謝恩辭見之類、皆得上殿陳奏。虛心而問之、和顏色而道之、如此、

人人得以自盡。陛下雖深居九重、而天下之事、燦然畢陳於前。

交泰之象、固自如是。

外朝所以正上下之分、內朝所以通遠近之情。

外朝內朝雙結。

如此、豈有近時壅



隔之弊哉。

收盡通章。

唐虞之時、明目達聰、嘉言罔伏、野無遺賢、亦不過是

而已。

稽核朝典、融貫古今、而于興復內朝之制、深致意焉。人主親賢士大夫之日多、親宦官宮妾之日少、則上下之情通、而奸僞不得壅蔽矣。誰謂唐虞之治、不可見于今哉。

## 尊經閣記

王守仁

經、常道也。

劈手便疏經字。冒下三段。

其在於天謂之命、其賦於人謂之性、其主於身

謂之心。

心性命三字、爲一篇之綱領。心字又爲三句之綱領。

心也、性也、命也、一也。通人物、達四海、

塞天地、亘古今、無有乎弗具、無有乎弗同、無有乎或變者也、是常道

也。

一段提出心性命。

其應乎感也、則爲惻隱、爲羞惡、爲辭讓、爲是非。其見於

事也、則爲父子之親、爲君臣之義、爲夫婦之別、爲長幼之序、爲朋友

之信。是惻隱也、羞惡也、辭讓也、是非也、是親也、序也、別也、信

也、皆所謂心也、性也、命也。通人物、達四海、塞天地、亘古今、無

有乎弗具、無有乎弗同、無有乎或變者也、是常道也。

二段推出四端五倫。

以言其

陰陽消長之行、則謂之易。以言其紀綱政事之施、則謂之書。以言其歌

咏性情之發、則謂之詩。以言其條理節文之著、則謂之禮。以言其欣喜

和平之生、則謂之樂。以言其誠僞邪正之辨、則謂之春秋。是陰陽消長

之行也、以至於誠僞邪正之辨也、一也、皆所謂心也、性也、命也。通

人物、達四海、塞天地、亘古今、無有乎弗具、無有乎弗同、無有乎或

變者也、夫是之謂六經。六經者非他、吾心之常道也。

三段疏出六經。○心性命之論、了然洞達、凡

三見而不易一字。斬盡理學葛藤、下乃歸到尊經之意、雲淨水空、絕無凝滯。

是故易也者、志吾心之陰陽消息者也。書

也者、志吾心之紀綱政事者也。詩也者、志吾心之歌咏性情者也。禮也

者、志吾心之條理節文者也。樂也者、志吾心之欣喜和平者也。春秋也

者、志吾心之誠僞邪正者也。

說六經而歸之于心、纔是實學。

君子之於六經也、求之吾心之



陰陽消息而時行焉、所以尊易也。求之吾心之紀綱政事而時施焉、所以尊書也。求之吾心之歌咏性情而時發焉、所以尊詩也。求之吾心之條理節文而時著焉、所以尊禮也。求之吾心之欣喜和平而時生焉、所以尊樂也。求之吾心之誠僞邪正而時辨焉、所以尊春秋也。

一言志吾心、即所以爲經。一言求之吾心、即所以尊經。

分作兩層、說得至平至易。獨探聖賢真種子。

蓋昔聖人之扶人極、憂後世、而述六經也、猶之富家

者之父祖、慮其產業庫藏之積、其子孫者、或至於遺亡散失、卒困窮而無以自全也、而記籍其家之所有以貽之、使之世守其產業庫藏之積、而

享用焉、以免於困窮之患。

喻。

故六經者、吾心之記籍也、而六經之實、

則具於吾心。

處處不脫吾心二字、兩語爲一篇關鍵。

猶之產業庫藏之實積、種種色色、其存於其

家、其記籍者、特名狀數目而已。

即前喻再喻。

而世之學者、不知求六經之實於

吾心、而徒考索於影響之間、牽制於文義之末、硜硜然以爲是六經矣、

是猶富家之子孫、不務守視享用其產業庫藏之實積、日遺亡散失、至爲  
窶<sub>巨</sub>人丐夫、而猶囂囂然指其記籍曰、斯吾產業庫藏之積也、何以異於

是。

卽前喻再喻。○只是一喻翻剔、愈折愈醒、可爲不知尊經者戒。

嗚呼、六經之學、其不明於世、非一朝一夕

之故矣。

感歎不盡。

尙功利、崇邪說、是謂亂經。習訓詁、傳記誦、沒溺於淺

聞小見、以塗天下之耳目、是謂侮經。侈淫詞、競詭辨、飾奸心盜行、

逐世壟斷、而猶自以爲通經、是謂賊經。

舉亂經、侮經、賊經三項、正與尊經相反。惡似而非、不可不深辨也。

若

是者、是并其所謂記籍者、而割裂棄毀之矣、甯復知所以爲尊經也乎。

仍點前喻、掉轉尊經、勁其快甚。

越城舊有稽山書院、在臥龍西岡、

臥龍山、在越城內。

荒廢久矣。郡

守渭南南大吉、旣敷政於民、則慨然悼末學之支離、將進之以聖賢之道、

於是使山陰令吳君瀛、拓書院而一新之。又爲尊經之閣於其後、

纔點出尊經閣。

曰、經正則庶民興、斯無邪慝矣。閣成、請予一言以諗多士。予旣不獲



辭、則爲記之若是。

入題只此數語。

嗚呼、世之學者、得吾說而求諸其心焉、則

亦庶乎知所以爲尊經也已。

仍歸心上作結。

六經不外吾心、吾心自有六經。學道者何事遠求。返之于心、而六經之要、取之當前而已足。陽明先生一生訓人、一以良知良能、根究心性。于此記略。已備具矣。

## 象祠記

王守仁

靈博之山、有象祠焉。其下諸苗夷之居者、咸神而祠之。宣尉安君、因

諸苗夷之請、新其祠屋、而請記於予。予曰、毀之乎、其新之也。

提出毀字發義。

曰新之。新之也何居乎。

波折。

曰、斯祠之肇也、蓋莫知其原、然吾諸蠻夷

之居是者、自吾父吾祖邇曾高而上、皆尊奉而禋因祀焉、舉而不敢廢也。

予曰、胡然乎、有鼻庫之祀、唐之人蓋嘗毀之。

應毀之句。

象之道、以爲子則不

孝、以爲弟則傲、斥於唐、而猶存於今、壞於有鼻、而猶盛於茲土也、

胡然乎。

故爲疑詞。跌起自己一段議論。

我知之矣、君子之愛若人也、推及於其屋之烏、

劉向說苑、愛

其人者、兼愛屋上之鳥。而況於聖人之弟乎哉。然則祠者為舜、非為象也。推出祠象之意、奇確。

象之死、其在于羽既格之後乎。舜命禹征有苗、三旬、苗民逆命、禹班師、帝乃誕敷文德、舞于羽于兩階、七旬有苗格。○承為舜句推出

此意、獨闢見解、名論不磨。不然、古之驚桀者豈少哉、而象之祠獨延於世、吾於是蓋有

以見舜德之至、入人之深、而流澤之遠且久也。以上從舜德看出當祠。以下從象化看出當祠。象之不

仁、蓋其始焉耳、又烏知其終之不見化於舜也。始終二字、伏後斷案。化字、是立論本旨。書不云

乎、克諧以孝、烝烝乂、不格姦、瞽瞍亦允若。諧、和也。烝、進也。乂、善也。格、至也。言舜遭人倫之變、而能

和以孝。使之進進以善自治。大為姦惡也。允、信也。若、順也。則已化而為慈父。象猶不弟、不可以為諧。

奇思創解。進治於善、則不至於惡、不底於姦、則必入於善、信乎象蓋已化於

舜矣。證。孟子曰、天子使吏治其國、象不得以有為也。斯蓋舜愛象之深而

慮之詳、所以扶持輔導之者之周也。不然、周公之聖、而管蔡不免焉。

斯可以見象之見化於舜、證。故能任賢使能、而安於其位、澤加於其民、



既死而人懷之也。落到象祠上。諸侯之卿、命於天子、蓋周官之制、其殆倣於舜

之封象歟。吾於是蓋有以信人性之善、天下無不可化之人也。推開一筆、下急收住。然

則唐人之毀之也、據象之始也。今之諸苗之奉之也、承象之終也。一篇議論、只

二語結盡。斯義也、吾將以表於世。使知人之不善、雖若象焉、猶可以改。而

君子之修德、及其至也、雖若象之不仁、而猶可以化之也。結出勉人正意。

傲弟見化於舜、從象祠想出、從來未經人道破。當與柳子厚毀鼻亭神記參看、各闢一解。俱有關名教之文。

### 瘞旅文

王守仁

維正德四年秋月三日、有吏目云自京來者、不知其名氏、攜一子一僕將

之任、過龍場。正德二年、先生以兵部主事疏救戴銑、下獄廷杖、謫貴州龍場驛丞。投宿土苗家。予從籬落閒望見

之、陰雨昏黑、欲就問訊北來事、不果。安頓一筆、有情。明早、遣人覘詔平之、

已行矣。薄博。午、有人自蜈蚣坡來云、一老人死坡下、傍兩人哭之哀。

予曰、此必吏目死矣、傷哉。吏目死、獨作薄暮、摹揣、妙。復有人來云、坡下死者二

人、傍一人坐哭。詢其狀、則其子又死矣。明日、復有人來云、見坡下

積尸三焉。則其僕又死矣、嗚呼傷哉。做三人之死、作一樣寫法。念其暴僕、骨無主、將二

童子持畚本、鍤插、往瘞意、之。也。瘞、埋二童子有難色然。亦懼死予曰、噫、吾

與爾猶彼也。傷情處只在二童閔然涕下、請往。自然感就其傍山麓爲三坎、

埋之。又以隻雞、飯三盂、于、○盂、飯器。嗟吁涕洟而告之曰、嗚呼傷哉、繫衣、

何人、繫何人、不識彼之姓名。吾龍場驛丞餘姚王守仁也。告以己之姓名。吾與爾皆中土

之產。吾不知爾郡邑、爾烏乎來爲茲山之鬼乎。先作疑古者重去其鄉、遊

宦不踰千里、吾以竄逐而來此、宜也、爾亦何辜乎。再作悲聞爾官吏目耳、

俸不能五斗、爾率妻子、躬耕可有也、胡爲乎以五斗而易爾七尺之軀。

又不足、而益以爾子與僕乎。嗚呼傷哉。爲五斗喪身、又益以爾子與僕、言至此爲之悽絕。爾誠戀茲五



斗而來、則宜欣然就道、胡爲乎吾昨望見爾容、蹙然蓋不勝升其憂者。

夫衝冒霜露、扳班援崖壁、行萬峯之頂、飢渴勞頓、筋骨疲憊、而又瘴

癘侵其外、憂鬱攻其中、其能以無死乎。瘴癘固能死人、憂鬱之死人更甚。吾固知爾之必死、

然不謂若是其速、又不謂爾子爾僕亦遽然奄忽也。前云益以子與僕、此云不皆謂子與僕、婉轉情深。

爾自取、謂之何哉。戀茲五斗而來、又不勝其憂、非自取而何。吾念爾三骨之無依而來瘞耳、乃使

吾有無窮之愴也。嗚呼傷哉。縱不爾瘞、幽崖之狐成羣、陰壑之虺數、如

車輪、亦必能葬爾於腹、不致久暴爾。爾旣已無知、然吾何能爲心乎。

一反一轉、有非常苦心。自吾去父母鄉國而來此三年矣、歷瘴毒而苟能自全、以吾未

嘗一日之戚戚也。今悲傷若此、是吾爲爾者重、而自爲者輕也、吾不宜復

爲爾悲矣。有情歸之無情、深於學問之言。吾爲爾歌、爾聽之。歌曰、連峯際天兮飛鳥不通、

遊子懷鄉兮莫知西東。莫知西東兮維天則同、異域殊方兮環海之中。達



觀隨寓兮莫必予宮、魂兮魂兮無悲以恫。

通、○言雖身處異鄉、總同在天之中、不必悲也。

又歌以慰

之曰、與爾皆鄉土之離兮、蠻之人言語不相知兮。性命不可期、吾苟死於

茲兮、率爾子僕、來從予兮。吾與爾遨以嬉兮、驂紫彪而乘文螭騶兮、

登望故鄉而噓唏兮。洒洒落落、足以慰死。吾苟獲生歸兮、爾子爾僕、尙爾隨兮。道傍

之冢累累兮、多中土之流離兮、相與呼嘯而徘徊兮。餐風飲露、無爾飢

兮。朝友麋鹿、暮猿與栖兮、爾安爾居兮、無爲屬於茲墟兮。精誠可以格幽冥。

先生罪謫龍場、自分一死、而幸免于死。忽觀三人之死、傷心慘目、悲不自勝。作之者固爲多情、讀之者能無淚下。

## 信陵君救趙論

唐順之

論者以竊符爲信陵君之罪、信陵君、魏公子無忌也。秦圍趙邯鄲、公子姊爲平原君夫人、平原君遺書公子、請救于魏。魏王使將軍晉鄙救趙、畏秦留

軍壁鄴。平原君使讓公子曰、勝所以自附爲婚姻者、以公子之高義、爲能急人之困也。公子約車騎百餘乘、欲赴秦軍與趙俱死。夷門監者侯生、教公子請如姬竊兵符于王之臥內。公子嘗爲

如姬報其父讎、果盜兵符與公余以爲此未足以罪信陵也。一句立案。夫彊秦之暴亟矣、



今悉兵以臨趙、趙必亡、趙、魏之障也、趙亡、則魏且爲之後、趙魏、又楚燕齊諸國之障也、趙魏亡、則楚燕齊諸國爲之後。天下之勢、未有岌岌於此者也。故救趙者、亦以救魏、救一國者、亦以救六國也。竊魏之符以紓魏之患、借一國之師以分六國之災、夫奚不可者。先論六國大勢、明信陵救趙之功。欲

擒先縱、此實一步法。

然則信陵果無罪乎、曰、又不然也、余所誅者、信陵君之心也。

一語扼定主意。

信陵一公子耳、魏固有王也。提趙不請救於王、而諄諄焉請救於

信陵、是趙知有信陵、不知有王也。平原君以婚姻激信陵、而信陵亦自以婚姻之故、欲急救趙、是信陵知有婚姻、不知有王也。其竊符也、非爲魏也、非爲六國也、爲趙焉耳。非爲趙也、爲一平原君耳。層層駁入。使禍不在趙、而在他國、則雖撤魏之障、撤六國之障、信陵亦必不救。使趙無平原、或平原而非信陵之姻戚、雖趙亡、信陵亦必不救。又反證一層、更醒。則是

趙王與社稷之輕重、不能當一平原公子、而魏之兵甲所恃以固其社稷者、

祇以供信陵君一姻戚之用。

議論刺入心髓。

幸而戰勝、可也、不幸戰不勝、爲虜

於秦、是傾魏國數百年社稷以殉姻戚、吾不知信陵何以謝魏王也。

又設一難以詰

之、信陵真難置喙。

夫竊符之計、蓋出於侯生、而如姬成之也。侯生教公子以竊符、

如姬爲公子竊符於王之臥內、是二人亦知有信陵、不知有王也。

又生一枝節、以爲

後半篇議論張本。

余以爲信陵之自爲計、曷若以脣齒之勢、激諫於王、不聽、則以

其欲死秦師者、而死於魏王之前、王必悟矣。侯生爲信陵計、曷若見魏

王而說之救趙、不聽、則以其欲死信陵君者、而死於魏王之前、王亦必

悟矣。如姬有意於報信陵、曷若乘王之隙、而日夜勸之救、不聽、則以

其欲爲公子死者、而死於魏王之前、王亦必悟矣。

一段代爲區處、反筆敲擊、愈讀愈快。

如此、

則信陵君不負魏、亦不負趙、二人不負王、亦不負信陵君。何爲計不出



此、信陵知有婚姻之趙、不知有王。內則幸姬、外則鄰國、賤則夷門野

人、又皆知有公子、不知有王。則是魏僅有一孤王耳。作一總收、深明信陵之非、使之無地逃隱。

嗚呼、自世之衰、人皆習於背公死黨之行、而忘守節奉公之道、有重相

而無威君、有私讎而無義憤、如秦人知有穰侯、不知有秦王、虞卿知有

布衣之交、不知有趙王、蓋君若贅旒同久矣。穰侯、秦昭王相魏冉。虞卿、趙孝成王相、解其相印、與魏齊亡。○引

戰國時事作陪襯。見列國無王。習已成風。波瀾絕妙。由此言之、信陵之罪、固不專係乎符之竊不竊也。

深一層說。其爲魏也、爲六國也、縱竊符猶可。文。深其爲趙也、爲一親戚也、縱

求符於王、而公然得之、亦罪也。文。深雖然、魏王亦不得爲無罪也。上因罪信陵。而並

罪侯生如姬。此處又以罪魏王作波瀾、漾洄映帶、議論不窮。兵符藏於臥內、信陵亦安得竊之。信陵不忌魏

王、而徑請之如姬、其素窺魏王之疎也。如姬不忌魏王、而敢於竊符、

其素恃魏王之寵也。木朽而蛀生之矣。插喻巧古者人君持權於上、而內外

莫敢不肅、立此二語、漸則信陵安得樹私交於趙、趙安得私請救於信陵、如

姬安得銜信陵之恩、信陵安得賣恩於如姬、履霜之漸、豈一朝一夕也哉。

易曰、履霜堅冰至。又曰、其所由來者漸矣、非一朝一夕之故也。由此言之、不特衆人不知有王、王亦自爲贅旒

也。如此立論、方是根究到底。故信陵君可以爲人臣植黨之戒、魏王可以爲人君失權之

戒。兩語雙結、全局俱振。春秋書葬原仲、翬、帥師、嗟夫、聖人之爲慮深矣。莊公二十有七年秋、公

子友如陳、葬原仲。公子友、卽季子也。如陳、私行也。原仲、陳大夫。隱公四年秋、翬帥師。翬、魯卿羽父也。宋公乞師、翬以不義強其君。固請而行、無君之心兆矣。書葬原仲、以戒人臣

之植黨。書翬帥師、以戒人君之失權。此聖人之深慮也。○結意凜然。

誅信陵之心、暴信陵之罪、一層深一層、一節深一節、愈駭愈醒、愈轉愈刻。詞嚴義正、直使千載揚詡之案、一筆抹殺。

## 報劉一丈書

宗臣

數千里外、得長者時賜一書、以慰長想、卽亦甚幸矣。何至更辱饋遺、則不才益將何以報焉。謝饋遺。書中情意甚殷、卽長者之不忘老父、知老父之



念長者深也。

謝念及其父。

至以上下相孚才德稱聲、位語聲、不才、

去聲。相愛情深、方有此語。

則不才

有深感焉。

夫才德不稱、固自知之矣。

提。

至於不孚之病、則尤不才爲甚。

二句伏後案。

且今之所謂孚者何哉。

借孚字一轉、出無數議論。

生。

日夕策馬候權者之門、門者故不

入、則甘言媚詞作婦人狀、袖金以私之。

卽門者持刺入、而主人又不卽

出見、

尊嚴若神。

立廐中僕馬之間、惡氣襲衣袖、卽饑寒毒熱不可忍、不去也。

抵暮、則前所受贈金者出、報客曰、相公倦、謝客矣、客請明日來。卽

明日又不敢不來。

曲筆一接、刻畫盡致。

夜披衣坐、

聞雞鳴卽起盥

貫。

櫛、

職。○盥、洗手。櫛、梳髮。

走

馬推門、門者怒曰、爲誰、則曰、昨日之客來、

可發一笑。

一則又怒曰、何客之

勤也、豈有相公此時出見客乎。

厲聲不堪。

客心恥之、

至此亦覺難受。

強忍而與言曰、

亡奈何矣、姑容我入。門者又得所贈金、則起而入之、又立向所立廐中。

故意描摹。

幸主者出、南面召見、則驚走匍匐階下、主者曰進、則再拜、故遲

不起、起則上所上壽金、主者故不受、則固請、主者故固不受、則又固

請、疊句妙。然後命吏納之、則又再拜、又故遲不起、起則五六揖始出。歷敘醜態如畫。

出揖門者曰、官人幸顧我、他日來、幸無阻我也。門者答揖、大喜奔出。

馬上遇所交識、即揚鞭語曰、適自相公家來、相公厚我厚我。且虛言狀。

寫馬上兩厚我急語、神情逼肖。即所交識、亦心畏相公厚之矣。相公又稍稍語人曰、某也賢、

某也賢。聞者亦心計交贊之。此世所謂上下相孚也。以冷語結前案。長者謂僕能

之乎。以下乃言不孚之病。前所謂權門者、自歲時伏臘一刺之外、即經年不往也。閒去

道經其門、則亦掩耳閉目、躍馬疾走過之、若有所追逐者。斯則僕之褊

衷、以此長不見悅於長吏、僕則愈益不顧也。每大言曰、人生有命、吾

惟守分而已。長者聞之、得無厭其爲迂乎。一段道出自己氣節。以少勝多、筆力峭勁。

是時嚴介溪攬權、俱是乞哀昏暮驕人白日一輩人、墓寫其醜形惡態、可爲盡情。未說出自己之氣骨、兩兩相較、薰蕕不同、清濁異質。有關世教之文。



# 吳山圖記

歸有光

吳、長洲、二縣、在郡治所、分境而治。而郡西諸山、皆在吳縣。先提清吳山。

最高者、穹窿、陽山、鄧尉、西脊、銅井、而靈巖、吳之故宮在焉、尙有西子

之遺跡。

靈巖獨另寫、妙。

若虎邱、劍池、及天平、尙方、支硎、刑、皆勝地也。而太湖

汪洋三萬六千頃、七十二峯沉浸其間、則海內之奇觀矣。

太湖又另寫、妙。○以上敘次山水、

作兩番寫、錯落多致。

余同年友魏君用晦爲吳縣、未及二年、以高第召入爲給事中。君

之爲縣有惠愛、百姓扳班、留之不能得、而君亦不忍於其民、由是好事者

繪吳山圖以爲贈。

敘出圖山之由。

夫令之於民誠重矣。令誠賢也、其地之山川草

木、亦被其澤而有榮也。令誠不賢也、其地之山川草木、亦被其殃而有

辱也。

忽起一峯、文情排宕。

君於吳之山川、蓋增重矣。異時吾民將擇勝於巖巒之間、

尸祝於浮屠老子之宮也、固宜。頓。而君則亦旣去矣、何復惓惓於此山哉。

又拓開一筆。

昔蘇子瞻稱韓魏公去黃州四十餘年、而思之不忘、至以爲思黃州

詩、子瞻爲黃人刻之於石。然後知賢者於其所至、不獨使其人之不忍忘

而已、亦不能自忘於其人也。

借魏公美用晦、絕妙引證。

君今去縣已三年矣、一日與余

同在內庭、出示此圖、展玩太息、因命余記之。點作噫、君之於吾吳、有

情如此、如之何而使吾民能忘之也。

結有餘韻。

因令贈圖、因圖作記、因贈圖而知令之不能忘情于民、因記圖而知民之不能忘情于令。婉轉情深、筆墨在山水之外。

## 滄浪亭記

歸有光

浮圖文瑛、

浮圖、釋氏之稱。文瑛、僧之號也。

居大雲庵、環水、

卽蘇子美

名舜卿。

滄浪亭地也。

歷提明來

亟求余作滄浪亭記、曰、昔子美之記、記亭之勝也、請子記吾所以爲

亭者。余曰、昔吳越有國時、

吳越王錢鏐、臨安人、唐末據杭州、梁封爲吳越王、諡武肅。傳國四世、至宋太祖時入朝、國亡。○落想甚遠。

廣陵王鎮吳中、治園於子城之西南、其外戚孫承佑、亦治園於其偏、迨



淮南納土、入趙此園不廢。蘇子美始建滄浪亭、遺跡在蘇州府學東南。最後禪者居之、

此滄浪亭爲大雲庵也。亭變爲庵。有庵以來二百年、文瑛尋古遺事、復子美之

構於荒殘滅沒之餘、此大雲庵爲滄浪亭也。庵復爲亭、下發感慨。夫古今之變、朝市改

易。嘗登姑蘇之臺、望五湖之渺茫、羣山之蒼翠、太伯虞仲之所建、闔

閭夫差之所爭、子胥種蠡之所經營、今皆無有矣、庵與亭何爲者哉。合挽庵與

亭一筆、寫得淡然。雖然、錢鏐流因亂攘竊、保有吳越、國富兵強、垂及四世、諸

子姻戚、乘時奢僭、宮館苑囿、極一時之盛、宕頓而子美之亭、乃爲釋子

所欽重如此。繳轉。可以見士之欲垂名於千載、不與澌澌斯然而俱盡者、則有

在矣。澌、冰索也。○一篇曲折文字、主意只在此一句。文瑛讀書喜詩、與吾徒遊、呼之爲滄浪僧云。點睛。

忽爲大雲庵、忽爲滄浪亭、時時變易、已足喚醒世人。中間一段點綴、憑弔之感、黯然動色。至末一轉、言士之垂名不朽者、固自有在、而不在于亭之猶存也。此意

開人智識不淺。

青霞先生文集序

茅坤

青霞沈君、

名鍊、字純甫、會稽人。

由錦衣經歷上書詆宰執、宰執深疾之、方力構其罪、

賴天子仁聖、特薄其譴、徙之塞上。

先生抗疏言嚴嵩父子悞國、請戮之以謝天下。

詔榜之數十、謫出塞外。

當是時、

君之直諫之名滿天下。

橫插一句、妙。

已而君纍然攜妻子、出家塞上。會北敵數內

犯、而帥府以下、束手閉壘、以恣敵之出沒、不及飛一鏃以相抗。甚且

及敵之退、則割中土之戰沒者、與野行者之馘、國以爲功。而父之哭其

子、妻之哭其夫、兄之哭其弟者、往往而是、無所控籲。

預、○曠職冒功、毒害生民、今古一轍。君

旣上憤疆場之日弛、而又下痛諸將士日營

姦

刈我人民以蒙國家也。

指上一段言。

數嗚咽歔歔、而以其所憂鬱發之於詩歌文章、以泄其懷、卽集中所載諸

什是也。

出詩文之有集、多少曲折。

君故以直諫爲重於時、而其所著爲詩歌文章、又多

所譏刺、稍稍傳播、上下震恐、始出死力相煽構、而君之禍作矣。

宰執帥府恨先



生切骨、竄名白蓮教中、戮于邊。○先生垂名千載、全從此禍得來、未足爲恨。

君旣沒、而一時閭寄所相與讒君者、尋

且坐罪罷去。又未幾、故宰執之仇君者亦報罷。而君之門人給諫俞君、於是哀輯其生平所著若干卷、刻而傳之、而其子以敬、來請予序之首簡。

出作序茅子受讀而題之曰、若君者、非古之志士之遺乎哉。喝一孔子刪詩、

自小弁之怨親、巷伯之刺讒以下、其忠臣寡婦幽人懟士之什、並列之爲

風、疏之爲雅、不可勝升數。上聲豈皆古之中聲也哉。然孔子不遽遺之者、

特憫其人、矜其志、猶曰發乎情、止乎禮義、言之者無罪、聞之者足以

爲戒焉耳。刪詩不必皆中聲、獨見其大。予嘗按次春秋以來、屈原之騷疑於怨、伍胥之諫疑

於脅、賈誼之疏疑於激、叔夜之詩疑於憤、劉蕡之對疑於亢、然推孔子

刪詩之旨而哀次之、當亦未必無錄之者。上引小弁巷伯、此引屈原伍胥諸人、俱以孔子來寫、正極力推尊處。君旣

沒、而海內之薦紳大夫、至今言及君、無不酸鼻而流涕。嗚呼、集中所

載鳴劍籌邊諸什、試令後之人讀之、其足以寒賊臣之膽、而躍塞垣戰士

之馬、而作之憤也固矣。

二十三字、作一氣讀。

他日國家采風者之使出而覽觀焉、其能

遺之也乎。予謹識之。

應遺字收。

至於文詞之工不工、及當古作者之旨與否、

非所以論君之大者也、予故不著。

結有餘波。

先生生平大節、不必待文集始傳。特後之人、誦其詩歌文章、益足以發其忠孝之志、不必其有當于中聲也。此序深得此旨、文亦浩浩蒼涼、讀之凜凜有生氣。

## 藺相如完璧歸趙論

王世貞

藺吝相如之完璧、人皆稱之、予未敢以爲信也。

趙惠文王時、得楚和氏璧、秦昭王欲以十五城易之、趙王使

藺相如奉璧西入秦。相如視秦王無意償趙城、使其從者懷璧從徑道亡、完璧歸趙。○劈手一斷。

夫秦以十五城之空名、詐趙而脅其

璧、是時言取璧者情也、非欲以窺趙也。

情、謂詐趙之情也。秦非欲謀趙、其情止欲取趙之璧。

趙得其情

則弗予、不得其情則予、得其情而畏之則予、得其情而弗畏之則弗予。此

兩言決耳、奈之何既畏而復挑其怒也。

予璧、畏也。復懷以歸、挑其怒也。○此段言止有子與弗予兩說、不當既予而復懷歸。



且夫秦欲璧、趙弗予璧、兩無所曲直也。入璧而秦弗予城、曲在秦。秦出城而璧歸、曲在趙。欲使曲在秦、則莫如棄璧、畏棄璧、則莫如弗予。

相如謂趙王曰、秦以城求璧、而趙不許、曲在趙。趙子璧、而秦不予趙城、曲在秦。此言趙弗予璧、亦無所曲。以辨其趙不許曲在趙之說。

夫秦王既按圖以予

城、又設九賓、齋而受璧、其勢不得不予城。

秦王從相如之言、齋戒五日、設九賓禮于庭、引相如受璧、勢不得不

予趙城也。○作一賜。

璧入而城弗予、相如則前請曰、臣固知大王之弗予城也。夫璧

非趙璧乎、而十五城秦寶也、今使大王以璧故、而亡其十五城、十五城

之子弟、皆厚怨大王以棄我如草芥也。

既不可以城易璧。

大王弗予城、而給臺上趙

璧、以一璧故、而失信於天下、臣請就死於國、以明大王之失信。

又不可以璧易信。

秦王未必不返璧也。

此段代爲相如畫策、璧可以還趙、而直亦不在秦。

今奈何使舍人懷而逃之、而歸直

於秦。是時秦意未欲與趙絕耳、令秦王怒、而僂相如於市、武安君

秦將白起。

十萬衆壓邯

寒

鄲、而責璧與信、

邯鄲、趙都。

一勝而相如族、再勝而璧終入秦矣。

吾故曰、藺相如之獲全於璧也、天也。言相如歸璧、而獲全無害者、乃一時之幸、非人力也。若其勁渾、

池、趙王與秦王會渾池、秦王請趙王鼓瑟、相如亦請秦王擊筑、是勁渾池也。柔廉頗、相如一旦位在廉頗之右、廉頗羞爲之下、欲辱相如、相如嘗畏避之、廉頗負荆謝罪、

卒相與驩、是柔廉頗也。則愈出而愈妙於用、所以能完趙者、天固曲全之哉。餘波作結。

相如完璧歸趙一節、至今凜凜有生氣、固無待後人之訾議也。然懷璧歸趙之後、相如得以無恙、趙國得以免禍者、直一時之僥倖耳。故中間特設出一段中正之論、以

爲千古大臣保國保身萬全之策、勿得視爲迂談、而忽之也。

## 徐文長傳

袁宏道

徐渭、字文長、爲山陰諸生、聲名籍甚。薛公蕙校越時、奇其才、有國

士之目。然數奇、雞、難、屢試輒蹶。通篇從數奇二字著眼。中丞胡公宗憲聞之、客諸幕。文

長每見、則葛衣烏巾、縱談天下事、胡公大喜。是時公督數邊兵、威鎮

東南、介冑之士、膝語蛇行、不敢舉頭、而文長以部下一諸生傲之、議

者方之劉真長、杜少陵云。其才其品、固足增重。會得白鹿、屬祝、文長作表、表上、



永陵喜、公以是益奇之、一切疏計、皆出其手。文長自負才略、好奇計、

談兵多中、視一世事無可當意者、然竟不偶。應數奇。一結。文長既已不得志於有

司、接屢試輒蹶。遂乃放浪麴蘖、恣情山水、走齊魯、燕趙之地、窮覽朔漠、其

所見山奔海立、沙起雷行、雨鳴樹偃、幽谷大都、人物魚鳥、一切可驚

可愕之狀、一一皆達之於詩。其所見至此作一氣讀。其胸中又有勃然不可磨滅之氣、

英雄失路托足無門之悲、故其爲詩、如嗔如笑、如水鳴峽、如種出土、

如寡婦之夜哭、羈人之寒起。詩評新確。雖其體格、時有卑者、然匠心獨出、

有王者氣、非彼巾幗國、而事人者、所敢望也。巾幗、婦人冠。○極抑揚之致。○此段論其詩、是袁石公之文、卽是

徐天池之文、悲壯淋漓、睥睨一世。文有卓識、氣沉而法嚴、不以模擬損才、不以議論傷格、

韓曾之流亞也。并論其文。文長既雅不與時調合、當時所謂騷壇主盟者、文長

皆叱而怒之、故其名不出於越、悲夫。總承詩文一結、正見數奇不偶。喜作書、筆意奔放如

其詩、

挽詩一筆、妙。

蒼勁中姿媚躍出、歐陽公所謂妖韶女老自有餘態者也。

并論其書。

間以其餘、旁溢爲花鳥、皆超逸有致。

并論其畫。性中流出、

○文長詩文字畫、皆自不假人工雕琢者也。

卒以疑

殺其繼室、下獄論死、張太史元汴力解、乃得出。晚年憤益深、佯狂益

甚、顯者至門、或拒不納。

時攜錢至酒肆、呼下隸與飲。

極寫不可一世之狀。

或自持

斧擊破其頭、血流被面、頭骨皆折、揉之有聲、或以利錐錐其兩耳、深

入寸餘、竟不得死。

甯爲玉碎、無爲瓦全、可傷可痛。

周望言晚歲詩文益奇、

又挽詩文妙。

無刻本、

集藏於家、余同年有官越者、托以鈔錄、今未至。余所見者、徐文長集、

闕編二種而已。然文長竟以不得志於時、抱憤而卒。

數奇不偶、一語收住。

石公曰、先

生數奇不已、遂爲狂疾。狂疾不已、遂爲圜圉。古今文人牢騷困苦、未

有若先生者也。雖然、胡公間世豪傑、永陵英主、幕中禮數異等、是胡

公知有先生矣。表上人主悅、是人主知有先生矣、獨身未貴耳。先生詩



文崛起、一掃近代蕪穢之習、百世而下、自有定論、胡爲不遇哉。生則見知于君

臣、沒則見重于後世、身雖不貴、未爲不遇也。梅客生嘗寄予書曰、文長吾老友、病奇於人、人奇於

詩。余謂文長無之而不奇者也、無之而不奇、斯無之而不奇、也、悲夫。

贊語亦極咏嘆之致。

文長固數奇不偶、然而致身幕府、爲天子嘉歎、不可謂不遇矣。而竟抱憤而卒、何其不善全乎。非石公識之殘編斷簡中、幾埋沒千古矣。

## 五人墓碑記

張溥

五人者、蓋當蓼<sub>了</sub>、洲周公之被逮、激於義而死焉者也。入手便提出五人來歷。至於今、

郡之賢士大夫、請於當道、卽除魏閹廢祠之址以葬之、且立石於其墓之

門、以旌其所爲。點墓碑。嗚呼、亦盛矣哉。夫五人之死、去今之墓而葬焉、

其爲時止十有一月耳。夫十有一月之中、凡富貴之子、慷慨得志之徒、其

疾病而死、死而湮<sub>因</sub>、沒不足道者、亦已衆矣、況草野之無聞者歟。獨五

人之皦皦、何也。

史公云、死或重于泰山、或輕于鴻毛、良然。

予猶記周公之被逮、在丁卯三月之

望、吾社之行爲士先者、爲之聲義、斂貲財以送其行、哭聲震動天地、

吳民好義如此。

緹題、

騎按劍而前、問誰爲哀者、衆不能堪、扶此而仆之。擊是

時以大中丞撫吳者、毛一爲魏之私人、周公之逮所由使也。吳之民方痛心

焉、於是乘其厲聲以呵、則譟而相逐、中丞匿於溷藩以免。

一時義勇如見。

既而

以吳民之亂請於朝、按誅五人、曰顏佩韋、楊念如、馬杰、沈揚、周文元、

點五人姓名。

卽今之僇壘、

然在墓者也。

句宕甚。

然五人之當刑也、意氣揚揚、呼中丞

之名而詈之、談笑以死。斷頭置城上、顏色不少變。有賢士大夫發五十

金、買五人之脰、

其

而函之、卒與屍合。

故今之墓中、全乎爲五人也。

寫五人瘞

瘞若生。

嗟夫、大閹之亂、縉紳而能不易其志者、四海之大、有幾人歟。

文情開拓。

而五人生於編伍之間、素不聞詩書之訓、激昂大義、蹈死不顧、亦曷故



哉。

此言五人之死義爲尤難。

且矯詔紛出、鉤黨之捕、徧於天下、卒以吾郡之發憤一擊、

不敢復有株治、大閹亦逡巡畏義、非常之謀、難於猝發、待聖人之出、

而投繯鉉、道路、不可謂非五人力也。

懷宗卽位、謫魏忠賢鳳陽看皇陵、忠賢行至阜城、知不免誅殛、因自經死。○此言五人

之死、關係甚重。

由是觀之、則今之高爵顯位、

暗指魏黨。

一旦抵罪、或脫身以逃、不能

容於遠近、而又有剪髮杜門、佯狂不知所之者、其辱人賤行、視五人之

死、輕重固何如哉。

將此輩與五人兩兩相較、尤妙在不說煞。

是以蓼洲周公、忠義暴僕、於朝廷、

贈諡美顯、榮於身後。而五人亦得以加其土封、列其姓名於大堤之上、

凡四方之士、無有不過而拜且泣者、斯固百世之遇也。

五人至今猶生、誰不謂五人之不幸哉。

然、令五人者保其首領、以老於戶牖之下、則盡其天年、人皆得以隸使

之、安能屈豪傑之流、扼腕墓道、發其志士之悲哉。

反掉一段、文勢振宕。

故予與同社

諸君子、哀斯墓之徒有其石也、而爲之記。亦以明死生之大、匹夫之有

重於社稷也。點出作賢士大夫者、問卿因之吳公、太史文起文公、孟長姚

公也。

點出賢士大夫應起作結。

議論隨敘事而入、感慨淋漓、激昂盡致。當與史公伯夷、屈原二傳、並垂不朽。





# 古文观止

(全二册)

吴楚材 吴调侯 选

中华书局出版

(北京王府井大街36号)

辽宁人民出版社重印

新华书店北京发行所发行

朝阳六六七厂印刷(上)

沈阳新华印刷厂印刷(下)

850×1168毫米 19 $\frac{1}{4}$ 印张 359千字  
1959年9月新1版 1978年3月辽宁第1次印刷

统一书号, 10018·226 定价, 1.90元